




<http://www.elearninginfo.in>

॥ চর্যা গদ ॥



॥ অতীন্দ্র মজুমদার ॥

অধ্যাপক : হেলবোর্ন বিশ্ববিদ্যালয় : অস্ট্রেলিয়া



নয়া প্রকাশ ॥ কলিকাতা ছয়



“CHYARYĀPADA”

A treatise on Earliest Bengali Buddhist Mystic Songs

by Atindra Mojumdar

NAYA PROKASH

প্রথম প্রকাশ

চৈত্র ১৩৬৭

প্রকাশন

বারীন্দ্র মিত্র

নয়া প্রকাশ

২০৬, বিধান সরণী

কলিকাতা-৬

প্রচ্ছদপট ও রূপায়ণ

পূর্ণেন্দু পত্রী

মুদ্রণ

গৌহাট বহু

নয়া মুদ্রণ

১৬৩বি ডিঙ্গন লেন

কলিকাতা-১৪

॥ প্রথম সংস্করণের ভূমিকা ॥

বাংলা কাব্যপরিচয় গ্রন্থমালায় নাতিদীর্ঘ চারটি খণ্ডে চর্চাপদ থেকে আধুনিক বাংলাকাব্যের যে-আলোচনা করবার পরিকল্পনা নিয়েছি, তার প্রথম গ্রন্থ “চর্চাপদ” আমার দুঃসাহসী প্রকাশক বন্ধু শ্রীবারীন্দ্র মিত্রের আন্তুকুলো প্রকাশিত হল। পরবর্তী তিনটি খণ্ডে যথাক্রমে বৈষ্ণবপদাবলী ও মঙ্গলকাব্য; ঈশ্বরচন্দ্র গুপ্ত থেকে মধুসূদন এবং রবীন্দ্রনাথ থেকে আধুনিক কালের প্রতিষ্ঠাসম্পন্ন কবিদের বিষয়ে আলোচনা থাকবে। ছাত্র-ছাত্রী এবং বাংলা কাব্য সম্পর্কে উৎসাহী সাধারণ পাঠকদের জন্তেই এই গ্রন্থমালার সব কটি খণ্ড রচিত হয়েছে ॥

চর্চাপদ বাংলাকাব্যের উম্মালগ্নে উজ্জ্বলতম জ্যোতিষ্ক। অথচ বিশ্ববিদ্যালয়ের ছাত্র-ছাত্রীদের ছাড়া সাধারণ পাঠকের আগ্রহ এই গীতি-সমষ্টি সম্পর্কে খুব আশাব্যঞ্জক নয়। হয় নিছক ধর্মগ্রন্থ, নয় বাংলা ভাষাতত্ত্বের উপাদান—এই দুই ভাবেই চর্চাপদের বিচার এবং আলোচনা ও তার গুরুত্ব নির্ধারণ হয়েছে। ধর্মগ্রন্থ বা ভাষাতত্ত্বের দিকে চর্চাপদের নিঃসংশয়ে গুরুত্ব আছে। কিন্তু চর্চাপদ তো বাংলা গীতিকাব্যেরও আদি রূপ। সেইজন্তে চর্চাপদের কাব্যমূল্য সম্পর্কেও আমাদের ভাববার আছে, আলোচনার অবকাশ আছে। আমি আমার এই গ্রন্থে চর্চাপদের আধ্যাত্মিক এবং ভাষাতত্ত্বগত গুরুত্বের দিক ছাড়াও সাধারণভাবে চর্চাপদের কাব্যমূল্যের দিকেই বোঝা দিয়েছি বেশি। চর্চাগানের সংশোধিত পাঠ, পাঠান্তর, আধুনিক বাংলায় রূপান্তর, রূপকার্থ, কঠিন কঠিন কোনো কোনো শব্দের অর্থ ও টীকা এবং একটি সংক্ষিপ্ত শব্দসূচীও দিয়েছি পরিশিষ্টে—যাতে গান-গুলির সঙ্গে সাধারণ পাঠক পরিচিত হতে পারেন এবং বইটিও সম্পূর্ণ হয়। সাধারণ পাঠক এবং ছাত্রছাত্রীদের জন্তেই এই বই বলে আলোচনা যাতে নীরস না হয়ে পড়ে সেদিকেও আমার সাধ্যমত নজর রেখেছি। এখন, যাদের জন্তে এই আলোচনা তাঁরা যদি এই গ্রন্থ পড়ে প্রাচীন বাংলা কাব্য সম্পর্কে উৎসাহিত এবং আগ্রহী হন তাহলেই জানব আমার উদ্দেশ্য সিদ্ধ হয়েছে ॥

তব্ব এবং তথ্যের দিক দিয়ে আমি নতুন কথা কিছু বলি নি।

আমার নমস্কার পূর্বসূরীরা—মহামহোপাধ্যায় হরপ্রসাদ শাস্ত্রী, ডঃ মুহম্মদ শহীদুল্লাহ, ডঃ প্রবোধচন্দ্র বাগচী, ডঃ সুনীতিকুমার চট্টোপাধ্যায়, ডঃ নীহাররঞ্জন রায়, ডঃ স্বকুমার সেন, অধ্যাপক মণীন্দ্র মোহন বসু—ইত্যাদি জ্ঞানতপস্বী বিভিন্ন সময়ে চর্চাপদের যতদিকের আলোচনা করেছেন, আমি পরম শ্রদ্ধায় সেই আলোচনাগুলিকেই আমার গ্রন্থে অবলম্বন করেছি। চর্চাপদের সাহিত্যিক মূল্য এবং চর্চাপদের অল্পবুজ্জি এই দুটি অধ্যায়েই আমার নিজের কিছু কথা বিনীতভাবে বলবার চেষ্টা করেছি মাত্র। আধ্যাত্মিক অর্থ, ভাষাতত্ত্ব এসব ব্যাপারে আমার পূর্বসূরী আচার্যরা যা বলেছেন, এগনও পশ্চত তার বাইরে কিছু বলবার আছে বলে আমি মনে করি না। এই সব শ্রদ্ধেয় আচার্যের ঋণ আমি কৃতজ্ঞচিত্তে স্মরণ করি ॥

এই গ্রন্থ রচনার সময় নানাঙ্গনে নানাভাবে আমাকে পরামর্শ দিয়েছেন, আমাকেই উপকৃত ও বাধিত করার জন্ত। সামান্য ধন্যবাদে তাঁদের ঋণ শোধ হয় না। এই পরিকল্পনার প্রথম থেকেই যাদের উৎসাহ পেয়েছি তাঁদের মধ্যে বিশেষভাবে উল্লেখযোগ্য শ্রীযুক্ত কুলভূষণ চক্রবর্তী, কবি-অগ্রজ প্রেমেন্দ্র মিত্র, কলিকাতা বিশ্ববিদ্যালয়ের প্রণ্যাতনামা অধ্যাপক সাহিত্যিক নারায়ণ গঙ্গোপাধ্যায়, বর্ধমান বিশ্ববিদ্যালয়ের অধ্যাপক বন্ধুদর অবস্ঠী সাহা, কবি-বন্ধু নীরেন্দ্রনাথ চক্রবর্তী। আরো একজন আছেন। তিনি এই গ্রন্থের শুধু নয়, আমার সমস্ত রকম সাহিত্যকর্মের পিছনে থেকে, সাংসারিক সমস্ত দায়-দায়িত্ব নিছের উপর নিয়ে, নিছের শারীরিক ও মানসিক যত্নগণা অম্লানবদনে সহ্য করে আমার সাহিত্যকর্মের ধারাটিকে অবিচ্ছিন্ন রাখতে সর্বতোভাবে আমাকে দীর্ঘকাল সাহায্য করে আসছেন। কিন্তু তাঁর সঙ্গে আমার ব্যক্তিগত সম্বন্ধই তাঁর প্রতি কৃতজ্ঞতা প্রকাশের প্রধান বাধা ॥

এই গ্রন্থের উন্নতির জন্ত শ্রদ্ধেয় পাঠক-বন্ধুরা যদি তাঁদের অভিমত আমাকে জানান, কৃতজ্ঞচিত্তে তা গ্রহণ করব এবং পরবর্তী সংস্করণে সেগুলি সংযোজন করবার চেষ্টা করব ॥ —অতীন্দ্র মজুমদার

॥ দ্বিতীয় সংস্করণের ভূমিকা ॥

‘চর্যাপদ’-এর দ্বিতীয় সংস্করণ প্রকাশিত হল। অনেকদিন আগেই প্রথম সংস্করণ নিঃশেষিত হয়েছে, কিন্তু এই বছরের গোড়ার দিকে কলকাতায় সাম্প্রদায়িক গোলযোগের ফলে প্রায় পাঁচ-ছয় মাস ছাপার কাজ একদম বন্ধ ছিল। সেজন্তেই এই অনিচ্ছাকৃত বিলম্ব ॥

‘চর্যাপদ’ গল্প-উপন্যাস-রম্যরচনার বই নয়; তথাপি অল্পদিনেই এর সংস্করণ নিঃশেষিত হয়ে যাওয়ায় প্রমাণিত হয়েছে, এই বইয়ের উদ্দেশ্য এবং লক্ষ্য বাংলাদেশের সহৃদয় পাঠকসমাজ সমর্থন করেছেন। প্রথম সংস্করণের ভূমিকায় বলেছিলাম, চর্যাপদের ভাষাতত্ত্বটিত গুরুত্ব ছাড়াও অতীত দিকের সামগ্রিক বিচারই এই বইয়ের উদ্দেশ্য এবং লক্ষ্য। সুখের কথা, সেই ধরনের বিচারের দিকে অনেকের মনোযোগ আকৃষ্ট হয়েছে। আমি ‘চর্যাপদ’-এ যে-ধরনের আলোচনার সূত্রপাত করেছি, উদানীং কেউ কেউ সেই-ধারায় চর্যাপদের বিচার করেছেন—সাম্প্রতিক কালে প্রকাশিত চর্যাপদের উপর রচিত আলোচনাগুলি তার প্রমাণ। এটাই হয়ে থাকে, এবং এটাই হওয়া উচিত। মংপ্রণীত সামাজ্য গ্রন্থখানি হস্ত অনেকের মনে যে নতুন ভাবে চর্যাপদ আলোচনার অথবা বহু পুরাতন বইয়ের নতুন ভাবে সম্পাদনার প্রেরণা এনে দিয়েছে—এটাই তো লেখকের মন-চেয়ে বড় পুরস্কার ॥

ভারতবর্ষের যে-সব বিশ্ববিদ্যালয়ে বাংলা পড়ানোর ব্যবস্থা আছে সে-সব বিশ্ববিদ্যালয়ের এবং বাংলাদেশের বিশ্ববিদ্যালয়গুলির শ্রদ্ধেয় অধ্যাপকবৃন্দ যেভাবে এই বইখানিকে স্বাগত জানিয়েছেন এবং প্রতীক্ষা ও পরোক্ষভাবে এই বইয়ের পৃষ্ঠপোষকতা করেছেন, তা সত্যিই অদ্ভুতপূর্ব। ভারতের বাইরেও, যে-সব বিশ্ববিদ্যালয়ে ভারত-বিজ্ঞা (Indian Studies) বিভাগ আছে, সে-সব বিশ্ববিদ্যালয়ের বহু ভারতীয় এবং বিদেশী অধ্যাপকও এই বইয়ের প্রতি প্রচুর সাধুবাদ বর্ষণ করেছেন। বাংলাদেশের উল্লেখযোগ্য পত্র-পত্রিকাগুলিও সমালোচনার মাধ্যমে বইটির উচ্চ প্রশংসা করেছেন। স্বদেশের এবং বিদেশেরও বহু ছাত্রছাত্রী চিঠিপত্র মারফৎ এই বইটি যে তাঁদের উপকারে লেগেছে—তা অকুণ্ঠচিত্তে প্রকাশ করেছেন। দ্বিতীয়

সংস্করণের ভূমিকা লেখার সুযোগে এঁদের সবাইকে আমার আন্তরিক কৃতজ্ঞতা ও ধন্যবাদ জ্ঞাপন করি ॥

এই সংস্করণে নতুন কিছু কিছু চিন্তা ভাবনা যোগ করা হল। তবে তাতে আলোচনার মূল কাঠামোর কোনো পরিবর্তন হয় নি। প্রথম সংস্করণের মতো এই সংস্করণও পূর্বের জায় সমাদৃত হলে আমার পরিশ্রম সার্থক হয়েছে মনে করব ॥

—অতীন্দ্র মজুমদার

॥ তৃতীয় মুদ্রণের ভূমিকা ॥

এই বইয়ের প্রতি বছ ব্যক্তির উৎসাহ ও সমর্থনে উদ্বুদ্ধ হয়ে ইতিমধ্যে আমার অস্ট্রেলিয়া প্রবাসকালে 'চর্যাপদে'র একটি ইংরেজী সংস্করণ (The CHARYĀPADA) প্রকাশ করেছি অর্থাৎ আমার এই প্রকাশকই করেছেন । .

এ বই আমি পণ্ডিতদের জন্তে লিপি নি, লিখেছিলাম সাধারণ পাঠকদের জন্তেই। তাই ইদানীংকালে এই বিষয়ে এবং ভাষা সংক্রান্ত বিষয়ে আমার মনে যে-সব নতুন প্রশ্ন জেগেছে সেগুলি এখানে যোগ না করে—এই বইয়ের আকার আগের মতোই রাখলাম।

ধন্যবাদ দিবার ব্যক্তির সংখ্যা আরও বেড়েছে। নাম না করেও তাঁদের প্রতি আমার কৃতজ্ঞতা জানানো রইল।

ভারতবিদ্যা বিভাগ

মেলবোর্ন বিশ্ববিদ্যালয়

—অতীন্দ্র মজুমদার

॥ सूचीपत्र ॥

| | |
|----------------------------|-----|
| चर्चापদের परिचय | ১৩ |
| চর্চাপদের সমকালীন বাংলাদেশ | ২০ |
| চর্চাপদের লৌকিক জগৎ | ৪০ |
| চর্চাপদের উপমা ও রূপক | ৫৫ |
| চর্চাপদের ধর্মমত | ৬২ |
| চর্চাপদের সাহিত্যিক মূল্য | ৭২ |
| চর্চাপদের ভাষাগত বিশেষত্ব | ৯৭ |
| চর্চাপদের অমৃত্ব | ১০৪ |



| | |
|--|-------------|
| পরিশিষ্ট | ১১৭ |
| চর্চাপদ : মূল ও পাঠান্তর, আধুনিক বাংলায় রূপান্তর, রূপকার্থ, শকার্থ ও টীকা | থেকে ১৮৫ |



| | |
|-------------|-----|
| শব্দসূচী | ১৮৫ |
| গ্রন্থপঞ্জী | ১৯৮ |

ডক্টর নীহাররঞ্জন রায়

—প্রকাশ্যদেশে ।

॥ চর্যাগদের পরিচয় ॥

বিংশ শতাব্দীর প্রথম দিকে বাংলা সাহিত্যের ইতিহাসে একটি যুগান্তকারী আবিষ্কার আমাদের ভাষা ও সাহিত্যের ইতিবৃত্তে বিশেষভাবে উল্লেখযোগ্য। সেটি সংঘটিত হয়েছিল ১৯০৭ খ্রীস্টাব্দে। ঐ সময়ে মহামহোপাধ্যায় হরপ্রসাদ শাস্ত্রী নেপালের রাজদরবার থেকে একখানি প্রাচীন পুথি সংগ্রহ করে আনেন। এই ঘটনার দশ বছর পরে তিনি বঙ্গীয় সাহিত্য পরিষদ থেকে “বৌদ্ধগান ও দোহা” নামের ঐ পুথির বিষয়বস্তু নিজের সম্পাদনায় প্রকাশ করেন। “বৌদ্ধগান ও দোহা” নামে ঐ সংগ্রহ-গ্রন্থটিতে ছিল দুই ধরনের জিনিস—একটি ধর্মসম্বন্ধীয় বিধিনিষেধ-নিষয়ক কিছু গান, অল্পগুলি দোহা। ধর্মসম্বন্ধীয় বিধিনিষেধগুলির নাম ‘চর্যাচর্যবিনিশ্চয়’—অর্থাৎ ধর্মসাধনার ব্যাপারে কোনগুলি আচরণীয় এবং কোনগুলি অনাচরণীয়, তাই নিদেশ। দোহাগুলির রচয়িতা সরোজবজ্র এবং কৃষ্ণাচাৰ্য। এই চর্যাচর্যবিনিশ্চয় বা চর্যাপদ এবং বৌদ্ধ ধর্মোপায় সরোজবজ্র এবং কৃষ্ণাচাৰ্য রচিত দোহাগুলি একসঙ্গে একই গ্রন্থের অন্তর্গত বলে আচাৰ্য হরপ্রসাদ শাস্ত্রী তার নাম দিয়েছেন ‘বৌদ্ধগান ও দোহা’ ॥

চর্যাচর্যবিনিশ্চয়ের সংস্কৃত টীকাও পরে ঐ নেপালেই পাওয়া যায় এবং তার কিছুদিন পরে ডঃ প্রবোধচন্দ্র বাগচী চর্যাপদগুলির একটি তিব্বতী অনুবাদও একই দেশে আবিষ্কার করেন। চর্যাপদগুলির সংস্কৃত টীকা ও তিব্বতী অনুবাদ পাওয়া যাওয়ার পর সেগুলির মূল্য এবং প্রামাণিকতাও নিঃসংশয়ে অনেক পরিমাণে বৃদ্ধি পেল ॥

মহামহোপাধ্যায় হরপ্রসাদ শাস্ত্রী চর্যাপদের যে-পুথিখানি সংগ্রহ করে আনেন, তাতে পদের সংখ্যা ছেচল্লিশটি, একটি পদ খণ্ডিত—মোট তাহলে হল সাড়ে ছেচল্লিশটি। আচাৰ্য প্রবোধচন্দ্র বাগচী চর্যাপদের যে-তিব্বতী অনুবাদ আবিষ্কার করেন তাতে পদের সংখ্যা মোট একাত্তরটি। মনে হয়, চর্যাপদের সংখ্যা মোট একাত্তরটিই ছিল, পরে হয়তো কোনো কারণে তার কিছু অংশ নষ্ট হয়ে গিয়ে থাকবে ॥

সম্প্রতি কলিকাতা বিশ্ববিদ্যালয়ের বাংলা বিভাগের প্রধান অধ্যাপক ডক্টর শশিভূষণ দাশগুপ্ত নেপাল থেকে একশোটি নতুন চর্যাপদ সংগ্রহ করে এনেছেন। এই চর্যাগুলির সম্বন্ধে তিনি পান লণ্ডন বিশ্ববিদ্যালয়ের অধ্যাপক ডক্টর আনন্ড

অক্ষরে লিখিত, তবে লিপির চং অনেক ক্ষেত্রেই দেবনাগরী অক্ষরের মতো। ভাষার দিক দিয়ে কয়েকটি চর্চায় পরবর্তীকালের ব্রজবুলির বিশেষত্ব দেখতে পাওয়া যায়। ‘এই শ্রেণীর পদে সর্বত্রই কোমল ও মধুর শব্দ ব্যবহৃত হইয়াছে। এই পদগুলির ভাষা, শব্দচয়ন ও বিশ্বাস এবং ছন্দ-কৌশল বিশেষভাবে লক্ষণীয়।’

ডঃ দাশগুপ্ত এই পদগুলির মধ্যে ‘বাচ্ছলী’ নামে একটি দেবীর উল্লেখ একাধিকবার দেখতে পেয়েছেন। শ্রীকৃষ্ণকীর্তনে ‘বাসলী’ দেবীর উল্লেখ আছে। কেউ কেউ বলেন “বাসলী” শব্দটি এসেছে “বিশালাক্ষী” থেকে, আবার অল্প মতে তা এসেছে “বজ্জেশ্বরী” থেকে। ডঃ দাশগুপ্তের অন্তর্মান এই বাচ্ছলী শব্দটি এসেছে “বৎসলা” থেকে।

এই চর্চাগুলি যতদিন না মুদ্রিত আকারে উক্ত শশিভূষণ দাশগুপ্তের নিজস্ব মতামতসহ প্রকাশিত হচ্ছে ততদিন এই নব-সংগৃহীত চর্চাগুলি সম্পর্কে কোনো আলোচনা করা সংগত হবে না। সংবাদপত্রে এই চর্চাগুলি সম্পর্কে যেসব তথ্য প্রকাশিত হয়েছে—কেবল সেইটুকুই এখানে বলা হল। এরপর নব-আবিষ্কৃত চর্চাগুলি আমাদের সামনে এলে তার আলোচনা নিশ্চয় আমরা এই গ্রন্থে করব—কেন-না, বাংলা সাহিত্যের ইতিহাস আলোচনা, বাংলা ভাষাতত্ত্ব বিচার—এইসব নানা দিক থেকে এই চর্চাগীতিগুলির গুরুত্ব এবং মূল্য অসীম। এই পর্যন্ত বলে, আমরা এখন পর্যন্ত যে-সব চর্চাপদ পাওয়া গেছে সে-গুলির সাধারণ পরিচয় পাঠকদের দেব ॥

চর্চাপদগুলি ধর্মাচরণের বিধিনিষেধ সংক্রান্ত বিষয়ের উপর রচিত হলেও মূলে সেগুলি গান এবং কাব্যাকারেই তা লিপিবদ্ধ। সুতরাং ধর্মসাধকদের কাছেও ধর্মগ্রন্থ হিসাবে তার অল্প মূল্য থাকলেও গীতিরসপিপাসু কাব্য-পাঠকদের কাছেও তার অল্প সার্থকতা এবং প্রয়োজনীয়তা আছে। ধর্মাচরণ এই চর্চাপদগুলির মধ্যে বিধৃত ধর্মোপদেশ বা ধর্মচর্চার ক্ষেত্রে কী কী আচরণীয় এবং কৌণ্ডলিই বা অনাচরণীয়—সে-সম্বন্ধে কতখানি নির্দেশ পেয়েছেন বা সেই নির্দেশ শুদ্ধ চিন্তে পালন করে কতটুকু লাভবান হয়েছেন, আজ আর তা জানবার উপায় নেই। কিন্তু কাব্য-পাঠক হিসাবে ধারা চর্চাপদের রস আন্বাদন করতে চেয়েছেন এবং এখনও তা করছেন—তারা এর কাব্যমূল্য নিশ্চয় অস্বীকার করতে পারবেন না। তাই সাধারণ পাঠকদের কাছে আজও চর্চাপদের প্রথম এবং প্রধান আকর্ষণ কাব্য, হিসাবে, ধর্মগ্রন্থ হিসাবে নয় ॥

চর্চাপদের কবিতাগুলি পৃষ্ঠাকারে গ্রথিত গান, সেইজন্তু চর্চাপদের অপর নাম চর্চাগান বা চর্চাগীতি। একজন কবি যেমন এই পদগুলি রচনা করেন নি, তেমন

এক হর এবং তালে এগুলি গেয় নয়। যে-সমস্ত পদকর্তার পদ চর্চাগীতি সংগ্রহের মধ্যে সংকলিত হয়েছে তাঁরা সবাই সিদ্ধাচার্য। মোট ২৩ জন সিদ্ধাচার্যের রচিত এক বা একাধিক পদাবলী নিয়ে চর্চাপদের সংকলন সমাপ্ত। এই ডেইশ জন সিদ্ধাচার্যের কে কটি গান রচনা করেছেন তার তালিকাটি হবে এইরকম—কাহ্নুপাদ বা কৃষ্ণাচার্য ১৩; ভূমুকুপাদ ৮; সরহপাদ ৪; কুক্কুরীপাদ ৩; লুইপাদ, শবরপাদ, শাস্ত্রিপাদ প্রত্যেকে ২টি করে এবং আর্ষদেব, কঙ্কনপাদ, কঙ্কলাশ্বর, গুণ্ডুরী বা গুণ্ডুরীপাদ, চাটিলপাদ, জয়নন্দী, ডোষীপাদ, ডেগণপাদ, তস্ত্রীপাদ, তাড়কপাদ, দারিকপাদ, ধামপাদ, গুঞ্জরীপাদ, বিরুবাপাদ, বীনাপাদ, ডহ্রপাদ, মহীধরপাদ—প্রত্যেকের একটি করে গান চর্চাপদের মধ্যে সংকলিত হয়েছে ॥

চর্চাপদ-রচয়িতা সিদ্ধাচার্যদের সকলের জীবন ও জীবনী সম্বন্ধে সঠিক তথ্য এখনও পাওয়া যায় নি। পণ্ডিতরা সিদ্ধান্ত করেছেন, এই সিদ্ধাচার্যরা সকলেই 'চুরাশী সিদ্ধাচার্যদের' অন্তর্ভুক্ত। আবার পদকর্তাদের নামের মিল দেখে তাঁরা-যে সবাই চুরাশী সিদ্ধাচার্যদের অন্তর্ভুক্ত—একথাও কি জোর করে বলা যাবে! শাস্ত্রিপাদ, শাস্ত্রিদেব, শাস্ত্রদেব ছিলেন তিনজন, তিনজনেই সিদ্ধাচার্য—এঁদের মধ্যে শাস্ত্রিপাদ ছিলেন রত্নাকর-শাস্ত্রি, তিনি ১৮টি তান্ত্রিক গ্রন্থ এবং 'স্বখতুঃখদ্বয়-পরিত্যাগ দৃষ্টি' নামে অল্প গ্রন্থও রচনা করেছেন। তারানাথের মতে তিনি ছিলেন মগধের লোক, বিক্রমশিলা বিহারের আচার্য এবং সিংহলে কিছুদিন ধর্মপ্রচারক। অল্পদের মতে ভূমুকুপাদ ও শাস্ত্রিপাদ একই লোক। সরহপাদের জন্ম সম্বন্ধে কিংবদন্তী আছে। তিনি ব্রাহ্মণের ঔরসে ডাকিনীর গর্ভে প্রাচ্যদেশে রঞ্জী শহরে জন্মগ্রহণ করেন। কুক্কুরীপাদ ছিলেন ব্রাহ্মণ, পরে বৌদ্ধ হন। কঙ্কনপাদ, কাহ্নুপাদ ইত্যাদির জীবন সম্বন্ধে বিশেষ কোনো তথ্য পাওয়া যায় না। সিদ্ধাচার্য শবরপাদ সম্বন্ধে অন্তুমান, তিনি জাতিতে শবর ছিলেন। তাঁর পদে শবর-জীবনের বর্ণনা থাকায় এষ্ট অন্তুমান। লুইপাদ ছিলেন দ্বারিকপাদের শিষ্য। জয়নন্দী বীনাপাদ চাটিলপাদ ইত্যাদিরও সঠিক পরিচয় এখনও বলা যাচ্ছে না। তবে এইসব সিদ্ধাচার্যের সম্বন্ধে সাধারণভাবে এটুকু বলা চলে, এঁরা সকলেই পণ্ডিত এবং শাস্ত্রজ্ঞ ছিলেন। এঁরা সকলেই বজ্রযান, সহজ্রযান, কালচক্রযান ইত্যাদি বৌদ্ধ সাধন-পদ্ধতির সঙ্গে ঘনিষ্ঠভাবে পরিচিত ছিলেন। এঁদের সাধারণ জন্ম সময় খ্রীস্টীয় অষ্টম থেকে দশম শতাব্দী ॥

মহামহোপাধ্যায় হরপ্রসাদ শাস্ত্রী সিদ্ধান্ত করেছেন, চর্চাপদগুলি বৌদ্ধ সহজিয়া মতের বাংলা গান। মতের সমর্থনে অধ্যাপক মণীন্দ্রমোহন বহুও দেখিয়েছেন, চর্চাপদের ৩, ৯, ১৯, ২৮, ৩০, ৩৭, ৩৯, ৪২, ৪৩ সংখ্যক গানগুলিতে সহজ্রযানী

বৌদ্ধ মতের উল্লেখ আছে। অধ্যাপক বহু অংগে মনে করেন, অনেকগুলি চর্চাতে মহাযানী বৌদ্ধ মতেরও প্রত্যক্ষ আলোচনা আছে। আগেই বলা হয়েছে, চর্চাচর্চ-বিনিশ্চয় একজন কবির লেখা কাব্যসংকলন নয়। এতে তেইশ জন সিদ্ধাচার্যের রচনা একত্রে গ্রথিত; এই সিদ্ধাচার্যরা বৌদ্ধ হলেও বৌদ্ধধর্মের নানা শাখা-প্রশাখা, নানা মত ও যানের সাধক ছিলেন। মহাযান, হীনযান, সহজযান, বজ্রযান, ইত্যাদি নানা যান এবং তন্ত্রের সাধনাও কোনো কোনো সিদ্ধাচার্য করেছেন—তাই সহজিয়া মত, তান্ত্রিক মত, বিভিন্ন যৌগিক সাধনার চর্চাও এই সংগ্রহ-গ্রন্থে সংকলিত। বৌদ্ধ ধর্মের নানা অভিব্যক্তির পরিচয় এই চর্চাপদের মধ্যে ছড়ানো আছে বলে ঋা ধর্মনিম্নে গবেষণাকারী তাঁদের কাছেও চর্চাপদের মূল্য অপরির্সীম ॥

এই প্রসঙ্গে হরপ্রসাদ শাস্ত্রী আনিষ্কৃত চর্চাপদগুলি প্রকাশিত হবার পর সেগুলির প্রামাণিকতা, ভাষাতত্ত্বটি বিশেষত্ব, বিময়গত অর্থের গুরুত্ব ইত্যাদি নিয়ে যে-সব আলোচনা প্রকাশিত হয়েছে সেগুলিকে তালিকাভুক্ত করা যেতে পারে। বিজয়চন্দ্র মজুমদার ১৯২০ সালে *History of the Bengali Language* গ্রন্থে চর্চাপদের ভাষা নিয়ে আলোচনার সূত্রপাত ঘটান। ১৯২৬ সালে ডক্টর সুনীতিকুমার চট্টোপাধ্যায় চর্চাগীতিগুলির ভাষাতাত্ত্বিক স্বরূপ বিশ্লেষণ করে সেগুলি-যে বাংলা ভাষার আদিরূপ তা নিঃসংশয়ে প্রমাণ করেন। ১৯২৭ সালে প্রকাশিত হয় ডক্টর মুহম্মদ শহীদুল্লাহ-র *Les Chants Mystiques de Kanha et de Saraha*। এতে তিনি চর্চাপদের ধর্মতত্ত্ব নিয়ে সর্বপ্রথম আলোচনা করেন। এরপর ১৯২৬ সালে প্রকাশিত হয় ডক্টর শশীভূষণ দাশগুপ্তের *Obscure Religious Cults and Background of Bengali Literature*। এই গ্রন্থে ডঃ দাশগুপ্ত সহজযান প্রসঙ্গে চর্চাপদের অন্তর্নিহিত তন্ত্রের ব্যাখ্যা করেন। ডক্টর প্রবোধচন্দ্র বাগচী কলকাতা বিশ্ববিদ্যালয় থেকে প্রকাশিত *Journal of the Department of Letters*-এ (২৮শ খণ্ড) “দোহাকোষ” প্রকাশ করে চর্চাপদের কয়েকজন কবি ও দোহাকোষের পরিচয় দেন। ১৯৩৮ সালে ডক্টর বাগচী উক্ত জার্নালের ৩০শ খণ্ডে *Materials for Critical Edition of the Old Bengali Charyapadas* সংকলনে বাংলা অক্ষরে সংগৃহীত চর্চাপদ, তার সংস্কৃত অনুবাদ এবং তিব্বতী অনুবাদের উল্লেখ করেন। পণ্ডিত রাহুল সংকৃত্যায়নও চর্চাপদ বিষয়ে বিশেষ গবেষণা করেন এবং তিনি বহু প্রবন্ধে চর্চাগীতি সম্পর্কে বহু নূতন তথ্য এবং তত্ত্ব প্রকাশ করেন। তাঁর এইসব গবেষণার কিছু অংশ ফরাসীভাষায় অনূদিত হয়ে *Journal Asiatic*-এর ১৯৩৪ সালের অক্টোবর সংখ্যায় প্রকাশিত হয়। এছাড়া ডক্টর শহীদুল্লাহ-র *Buddhist Mystic Songs*, ডক্টর সুরুমার সেনের “চর্চাগীতি

পদাবলী” এবং মণীন্দ্রমোহন বহুর “চর্চাপদ”—চর্চাগীতিগুলির পাঠান্তর এবং অর্থ-নির্দেশের পক্ষে ভালো বই। সম্প্রতি প্রকাশিত হয়েছে ডক্টর তারাপদ মুখোপাধ্যায়ের Old Bengali Language and Text। এই গ্রন্থে ডক্টর মুখোপাধ্যায় চর্চাপদের ভাবার শব্দভাষিক ব্যাখ্যা করেছেন ॥

উপরে যে-বইগুলির কথা বলা হল সেগুলি মুখ্যত চর্চাপদের ভাষা, ব্যাকরণ, পাঠান্তর, অর্থ, ধর্মতত্ত্ব ইত্যাদি নিয়ে রচিত। প্রধানত তার সাহিত্যমূল্য নিয়ে অর্থাৎ কাব্য হিসাবে চর্চাপদকে ধরে নিয়ে তার সাহিত্যমূল্যের সমীক্ষা বাংলা-ভাষায় ইতিপূর্বে হয় নি। আমি আমার এই গ্রন্থে সেই দিকটার উপরেই জোর দিয়েছি বেশি ॥

দশম শতাব্দীর অনেক আগে থেকেই বাঙলাদেশে ধর্মসংক্রান্ত পদাবলী সন-সমাজে গীত হোত, আধুনিক কালের মতো পঠিত হোত না। অষ্টাদশ শতাব্দী পর্যন্ত এই রীতিই বাংলা কাব্যের ক্ষেত্রে প্রয়োগ করা হোত। মন্দিরা, মৃদঙ্গ, হুপূর ও চামর সহযোগে একাকী বা দলবদ্ধভাবে সমস্ত কাব্য-কবিতাই-যে গীত হোত—এই রকম কথা খ্রীষ্টীয় দ্বাদশ শতাব্দীতে বন্দ্যোপাধ্যায় সর্বানন্দ লিখে গিয়েছেন। বস্তুত আমাদের সাহিত্যের প্রাচীনতম নিদর্শন থেকে দুশ বছর আগে পর্যন্ত রচিত কবিতা পাঠ বা আবৃত্তি করা কোনোদিনই প্রচলিত ছিল না। বৈদিক সূক্তগুলি ত্রিষ্টুভ, গায়ত্রী, জগতী, অম্বুষ্টুভ, বিরাজ ইত্যাদি নানা ছন্দে রচিত হলেও সেগুলি কখনও পাঠ করে শোনানো হোত না, গান করে শোনানো হোত। উদাত্ত, অম্বুদাত্ত, স্বরিত—নানা পাঠভঙ্গি অর্থাৎ গীতিভঙ্গি সেখানে ব্যবহৃত হোত। সংস্কৃত কাব্যগুলিও গান গেয়ে শোনানো হোত, কিংবা নাটক আকারে অভিনীত হোত। এই ভারতীয় ধারাটি বিশেষভাবে বাঙলা দেশে অভিব্যক্ত হয়েছে অতি প্রাচীনকাল থেকে। কৃষ্ণাধার লীলার সময় পদবন্ধ, কিংবা ভক্তির সময় আত্মনিবেদনের গভীরতায় পদাবলী—সবই গানে। প্রেমে, নামে, স্রমে, ধর্মে—সর্বত্রই বাঙালী গীতপ্রেমিক। এই গীতধর্মী মন সবচেয়ে বিকশিত হয়েছে বাঙালী কবি রচিত বৈষ্ণব পদাবলীতে। ভাব এবং বাহ্যিকরূপ—দুই দিক দিয়েই চর্চাপদেও সেই আদি লক্ষণ স্পষ্ট। তাই মহামহোপাধ্যায় হরপ্রসাদ শাস্ত্রী বলেছেন :

(চর্চাপদের) গানগুলি বৈষ্ণবদের কীর্তনের মতো, গানের নাম চর্চাপদ। সে-কালেও সংকীর্তন ছিল এবং কীর্তনের গানগুলিকে পদই বলিত। তবে এখনকার কীর্তনের পদকে শুধু পদ বলে, তখন চর্চাপদ বলিত।

প্রত্যেকটি চর্চাপদের মাথায় সিদ্ধাচার্যদের আর কোনো নির্দেশ থাকুক না-থাকুক—একটি নির্দেশ স্পষ্ট! সেটি রাগরাগিণীর উল্লেখ। মল্লার, মালশী,

বকালী, পটমঞ্জরী, গবড়া, ধনসী (ধানশ্রী ?), কশমোদ—ইত্যাদি বহু পরিচিত এবং অপরিচিত রাগের উল্লেখ প্রতিটি চর্চার শুরুতেই সিদ্ধাচার্য্যর দিয়েছেন। চর্চাপদে এই ধরনের রাগরাগিণীর মোট সংখ্যা মোলটি। এদের মধ্যে সবচেয়ে বেশি ব্যবহৃত হয়েছে পটমঞ্জরী রাগটি—এতে পদের সংখ্যা মোট বারোটি। বাকী রাগ-রাগিণীতে গায় পদসংখ্যা সর্বনিম্ন এক থেকে চার-পাঁচ পর্যন্ত। এদের মধ্যে কতকগুলি রাগ হিন্দুস্থানী মার্গ-সংগীতের অন্তর্ভুক্ত। কতকগুলির উল্লেখ আছে মার্গসংগীতের শাস্ত্রে—কিন্তু তাদের উৎপত্তি সম্বন্ধে এখনও সঠিকভাবে কেউ কিছু বলতে পারেন নি। চর্চাপদে একাধিক গানের স্থর গবুড়া। এই রাগ বা রাগিণীর কোনো উল্লেখ সংগীত-শাস্ত্রে নেই। গায়ন-পদ্ধতি নিয়েও সঠিক কোনো সিদ্ধান্তে আসা সম্ভব হয় নি। ডঃ নীহাররঞ্জন রায় বলেন, চর্চাগীতিগুলি সমসাময়িক লোচন পণ্ডিতের রাগ-তরঙ্গিণী বা কিছু পরবর্তীকালের শাস্ত্রদেবের সংগীতরত্নাকরের পদ্ধতি অনুযায়ী গাওয়া হোত কি-না, বলা কঠিন। তবে এটুকু বলা যায়, প্রতিটি গানে ধ্রুবপদ থাকায় সম্মেলক বা যোথগান হিসাবে এগুলি গীত হোত এবং সেইদিক দিয়ে পরবর্তী কীর্তন বা বাউল গানের গায়ন পদ্ধতির সঙ্গে এর মিল থাকা হয়তো সম্ভব।

সেই জগুই পণ্ডিতরা সিদ্ধান্ত করেছেন, চর্চাপদগুলিই বাঙলা কীর্তনের প্রাচীনতম নিদর্শন। কথাটাকে অংকটু বিস্তৃত করে বলা চলতে পারে, বাংলা গীতিকাব্যের আদি লক্ষণ যদি কোথাও স্পষ্টভাবে ফুটে উঠে থাকে—তবে তা চর্চাপদে। তাই বাংলা কবীর উম্মালয়ে উজ্জল জ্যোতিষ্কের মতো কিরণ দিচ্ছে চর্চাপদ—এবং সেই আলোকেই উদ্ভাসিত পরবর্তী বাংলা গীতিকাব্যগুলি। এই গীতিকাব্যের ধার্য বাংলা সাহিত্যে আজও অল্পান ॥



॥ চৰ্যাপদের সমকালীন বাঙলাদেশ ॥

চৰ্যাপদগুলি যে-সময় রচিত হয়েছে—খ্রীষ্টীয় দশম থেকে দ্বাদশ শতাব্দী—সেই ‘দুশ’ বছর বাঙলা দেশের সামগ্রিক ইতিহাসে একটি বিশেষ উল্লেখযোগ্য সময়। এই ‘দুশ’ বছরের ইতিহাসে তিনটি গুরুত্বপূর্ণ রাজনৈতিক ঘটনা সংঘটিত হয়েছে—এই সময়ই পতন হয়েছে পালরাষ্ট্রের, ক্রমে ক্রমে প্রতিষ্ঠা ও প্রাধান্য পেয়েছে সেন-বর্ধন রাষ্ট্র; এবং সেন-রাজত্বকালও আস্তে আস্তে বিলীন হয়ে গিয়েছে, মুছে নিয়ে গিয়েছে বাঙালীর ইতিহাসে হিন্দু আধিপত্যের গৌরবময় তিলকচিহ্ন। ক্ষমতার হ্রাস, আধিপত্যের উদগ্র আকাঙ্ক্ষা, একদিকে ব্রাহ্মণ্য-সংস্কৃতি সামাজিক আদর্শ ও ভাবধারার প্রসার; অন্যদিকে আৰ্যপূর্ব-সংস্কৃতি ও সমাজচিন্তার জীবনবিত্তাস ও জীবনাদর্শের প্রতিরোধ প্রচেষ্টা; দারিদ্র্য অভাব অনশন অত্যাচার পীড়ন শোষণ; অন্যদিকে বিলাস বাসন কামচর্চা কাব্যানুশীলন চিত্রচর্চা; একদিকে জ্ঞানসাধনা ধর্মসাধনা কঠোর চরিত্রানুশীলন; অন্যদিকে বিশ্বাসের অভাব, মনোভগ্নত্ব নৈ-রাজ্যের আবহাওয়া, মানবতাবোধে অবিশ্বাস। এই আলোড়ন উত্তেজনা সৃষ্টি রক্ষা ধ্বংস, আবার নতুন জীবনবোধ নবতর জীবনাদর্শ—সব নিয়ে উত্তাল তরঙ্গবিক্ষুব্ধ সমুদ্রের মতোই এই ‘দুশ’ বছরের বাঙলা দেশের ইতিহাস অস্থির ঘটনা-চাক্ষুণ্যে আন্দোলিত। গুপ্তসাম্রাজ্যের অধিকর্তা রাজাদের সময়ের একটি নিয়মনিষ্ঠ তন্ত্রস্থল সমাজ-বিত্তাস ও শাসন-পদ্ধতি থেকে পাল-সেন-বর্ধন রাজাদের রাজত্বকাল পর হয়ে তুর্কী আমলের অধ্যায়ে উত্তরণের সময়ের মধ্যবর্তী যুগসংক্রান্তি বা transition-এর সময় এই ‘দুশ’ বছর। চৰ্যাপদগুলি এই ‘দুশ’ বছরের বিস্তৃতিতে বিভিন্ন সিদ্ধান্তদের দ্বারা রচিত হয়েছে বলে চৰ্যাপদের সামাজিক পটভূমিকা হিসাবে এই ‘দুশ’ বছরের তো বটেই, তারও আগেকার বাঙলাদেশের সামাজিক ও রাজনৈতিক ইতিহাসের সঙ্গে আমাদের মোটামুটি পরিচিত হওয়া উচিত ॥

অতি প্রাচীনকালে আৰ্য আমলে যখন বর্ণাশ্রম প্রথার জন্ম হয়েছিল, তখন থেকে বর্ণাশ্রম প্রথা-জাত বর্ণবিত্তাসই আমাদের সামাজিক জীবনের ভিত্তি হিসাবে মথাদা পেয়েছে। পিতৃপ্রধান আৰ্যসমাজ শতাব্দীর পর শতাব্দী ধরে একেই নানাভাবে পরিবর্তিত করে, কিন্তু মূল কাঠামো একই ছিল। এই সামাজিক জীবনে নতুন নতুন রূপ দিয়েছিল এবং ভারতীয় সমাজের উদ্ভব এবং বিশেষভাবে প্রভাবশালী সমাজে

তা স্বীকৃত হয়ে প্রথমে উত্তর-ভারতে এবং ক্রমে ক্রমে দক্ষিণ ও পূর্ব-ভারতে বিস্তৃত ও গৃহীত হয়েছিল। তাই একদিক দিয়ে বর্ণাশ্রমের সামাজিক বিস্তৃতির ইতিহাস, ভারতবর্ষে আর্ধ-সংস্কার ও সংস্কৃতির বিস্তারের ইতিহাস—ঐ সংস্কার ও আদর্শের মধ্যোই সর্বকালের ভারতবর্ষের সংস্কৃতি ও ঐতিহ্যের সমস্ত অর্থ নিহিত। বর্ণাশ্রম শুধু আর্ধসমাজের হিন্দুধর্মান্তরীণকারীদেরই জীবন ও সমাজের মূল ভিত্তি ছিল না, বৌদ্ধ ও জৈনধর্মাচারীরা তাকে মেনে নিয়েছিলেন এবং তাঁদের ধর্মীয় ও সামাজিক অন্তঃসমন্বিতিকেও সেইভাবে সাজিয়ে নিয়েছিলেন। এই বর্ণাশ্রমগত সমাজ-বিশ্বাস একদিক দিয়ে যেমন ভারতবর্ষের সামাজিক ইতিহাসের প্রধান বিশেষত্ব, অতীতক দিয়ে এমন গভীর অর্থবহ ও সর্বগ্রাসী সমাজ-ব্যবস্থাও পৃথিবীর অন্য কোনো দেশে দেখা যায় না। ভারতের সমস্ত প্রদেশে সমস্ত মানুষের মনে বর্ণাশ্রম-ভিত্তিক সমাজ-বিশ্বাসের সংস্কার আজও স্পষ্ট। প্রাচীন বাঙলার সামাজিক ইতিহাসেও তাই এই যুগপ্রচলিত সমাজ-বিশ্বাসের সংস্কার ছিল কঠোর ভিত্তির উপরে স্থাপিত ॥

প্রাচীন ধর্মগ্রন্থ ও স্মৃতিগ্রন্থের লেখকেরা যখন বর্ণাশ্রম প্রথা ও অভ্যাসকে যুক্তি-পদ্ধতির দ্বারা সংশ্লিষ্ট চেয়েছিলেন, তখন তাঁরা বোধ হয় একবারও ভেবে দেখেন নি, ব্রাহ্মণ-কৃত্রিম-বৈশ্ব-শূদ্র এই চাতুর্বর্ণ্যের কাঠামোর মধ্যোই সমস্ত ভারতীয় সমাজকে বাধা কত কঠিন। তাঁরা হয় তো চিন্তাও করেন নি, এই চারটি প্রধান বর্ণের বাইরে কত অসংখ্য বর্ণ, জন, কোম—হাবার তাদের মধ্যোও কত অগণিত স্তর-উপস্ফর, শ্রেণী-গোষ্ঠী, দল-উপদল। চতুর্বর্ণের সর্বশেষ স্তর শূদ্র বলে ঢালাও ফতোয়া দিলেও চণ্ডাল, শবর, মেদ, কপালী, ব্যাধ প্রভৃতি যে অসংখ্য জন কোম এবং গোষ্ঠী ভারতের সর্বত্র নানাভাবে বিদ্যমান ছিল, তাদেরকে কীভাবে মন্ত-যাজ্ঞবল্ক্য থেকে পরবর্তীকালের রঘুনন্দন পর্যন্ত এক গোষ্ঠীভুক্ত করতে পারেন বোঝা দুষ্কর। শুধু এই নয়। উচ্চবর্ণের এবং অন্ত্যজ শ্রেণীর মিলনে জাত যে-বিচিত্র বর্ণ, উপবর্ণ এবং আরো বিচিত্র সংকরবর্ণের উদ্ভব হয়েছিল, কোন্ যুক্তি-পদ্ধতি দিয়ে তাকে একটা গোষ্ঠীর মধ্যে ফেলা যাবে! কিন্তু এত অসংগতি এবং বর্ণাশ্রম ও চাতুর্বর্ণ্যের অলীক স্বথাকলেও আমাদের স্বীকার করতেই হবে যে, স্মৃতিকারদের এই চাতুর্বর্ণ্য সমাজ-ব্যবস্থা স্মৃতির মধ্য সমসাময়িক সামাজিক অবস্থার বাস্তব, সমস্তাগুলির একটা সমাধান এবং ব্যাখ্যা দেবার চেষ্টা হয়েছিল—এবং আজও বাঙলাদেশে আদি চাতুর্বর্ণ্যের যুক্তি ও কাঠামো অনুসরণ করেই বর্ণ ব্যাখ্যা এবং হিন্দুসমাজের বিচিত্র বর্ণ উপবর্ণ ও সংকরবর্ণের সামাজিক স্থান ও মর্যাদা নির্দেশ করা হয়ে থাকে ॥

সেই সঙ্গে পাঠককে একথাও মনে রাখতে হবে, ভারতবর্ষের সর্বত্র এই বর্ণ উপবর্ণ সংকরবর্ণ একরকম ছিল না, এবং সেই জন্তে এদের সঙ্গে ব্যবহার কী

রকম হলে তা শাস্ত্রসম্মত হবে এমন নির্দেশও সার্বিকভাবে কোনো স্বতিগ্রন্থে লেখা নেই। আবার বাঙলা দেশেও কোনো স্বতিগ্রন্থ অন্তত দশম-একাদশ শতকের আগে লিখিত হয়েছে—এমন প্রমাণ পাওয়া যায় না। সেজন্য বাঙলা দেশে চর্চাপদ রচিত হওয়ার আগে বর্ণবৃত্ত কেমন ছিল তা কোনো স্বতিগ্রন্থে পাওয়ার উপায় নেই।

সমকালীন দেশ ও সমাজের ইতিহাসের বিভিন্ন উপাদান থেকেই আমাদের তা খুঁজে বের করতে হবে। চর্চাপদ এই জটিল এবং বিচিত্র সমাজ-ইতিহাসের নানা উপাদান কাব্যের মধ্যে দিয়ে প্রকাশ করেছে।

বহুকাল আগে থেকেই বাঙলাদেশ এবং বাঙলাদেশের আদিম অধিবাসীদের সম্বন্ধে ভারতভূমির উত্তর অঞ্চলের আর্থদের মনে কিছুটা-বা ভীতি, কিছুটা-বা সন্ধ্য ছিল। ঐতরেয় আরণ্যক গ্রন্থে একটি পদে বলা হয়েছে, ‘বয়াংসি বঙ্গাবগধাশেচরপাদা’। এই পদে বঙ্গ মগধ চের এবং পাণ্ড্যকোমের লোকদের অবজ্ঞা বা ঘণা করে বয়াংসি বা পক্ষীবিশেষা: বলে, তারা-যে আয়সংস্কৃতির বাইরে এরকম স্পষ্ট ইঙ্গিত দেওয়া হয়েছে বলে, কেউ কেউ মনে করেন। উদ্ধৃত পদটিতে এই অবজ্ঞাসূচক মনোভাব কতখানি খোলাখুলিভাবে বলা হয়েছে সে-সম্বন্ধে মতভেদ থাকলেও ঐতরেয় ব্রাহ্মণে বঙ্গদেশের কোনো কোনো অঞ্চলের অধিবাসীদের যে ‘দম্ব্য’ বলা হয়েছে—সে-দিনের কোনো সন্দেহ নেই। ঐতরেয় ব্রাহ্মণের একটি গল্পে আছে—ঋষি বিশ্বামিত্র একটা ব্রাহ্মণ-বালককে পোষ্যপুত্র হিসাবে গ্রহণ করেন, পরে তাকে দেবতাদের সম্বন্ধে জ্ঞে যজ্ঞে আছতি দেবার স্বায়োজন হচ্ছে দেখে তাকে যজ্ঞস্থল থেকে উদ্ধার করে আনেন। এতে বিশ্বামিত্রের পক্ষাশটি পুত্র চটে যান। তাঁদের উপর রোগ করে বিশ্বামিত্র অভিশাপ দেন, তাঁদের সম্বন্ধে পৃথিবীর সর্বশেষ প্রান্তে সর্বনিম্ন বর্ণ প্রাপ্ত হয়ে জীবন যাপন করবে।—এরাই নাকি শবর, পুলিন্দ, অঙ্গ, মতিব, পুণ্ড্র কোমের জন্মদাতা—এরাই ঐতরেয় ব্রাহ্মণ কথিত ‘দম্ব্য’। মহাভারতের এক-জায়গায়, ভীমের দ্বিধিজয় প্রসঙ্গে, বাঙলাদেশে যারা সমুদ্রতীরে বাস করত তাদের বলা হয়েছে ‘য়েচ্ছ’। ভাগবত-পুরাণে কিরাত, কৃণ, অঙ্গ, পুলিন্দ, পুরুষ, যবন, খস, আভীর ইত্যাদি কোমের লোকদের বলা হয়েছে ‘পাপ’। বোধায়নের ধর্মসূত্রে পাণ্ডাব (আরট্র), উত্তরবঙ্গ (পুণ্ড), দক্ষিণ পাণ্ডাব ও সিন্ধুদেশ (মৌবীর), পূর্ব বাঙলা (বঙ্গ) প্রভৃতি অঞ্চলের লোকদের বলা হয়েছে ‘সংকীর্ণ যোনয়ঃ’, বলা হয়েছে এরা আয়সংস্কৃতির বাইরের লোক। এইসমস্ত জায়গায় কিছুদিনের জন্তে কেউ গেলেও তাদের প্রায়শ্চিত্ত করতে বলা হোত। স্পষ্টই বোঝা যাচ্ছে, ঐ

সব সময়ে বাঙলাদেশের সঙ্গে পরিচয় হলেও এবং সময়ে সময়ে সেখানে ষাভায়াত থাকলেও আৰ্ঘ-ব্রাহ্মণ্য সংস্কারের চোখে বাঙলাদেশ ও বাঙালী অবজ্ঞাত, স্থপিত ও পরিত্যক্ত। শুধু আৰ্ঘ-ব্রাহ্মণ্যের চোখেই নয়, প্রাচীন জৈন এবং বৌদ্ধগ্রন্থেও বাঙলাদেশ ও বাঙালীদের সম্বন্ধে এই ঘৃণা এবং অবজ্ঞা সুপরিষ্কৃত। আচারকৃত্তের একটি গল্পে পথহীন রাঢ়দেশে মহাবীর জৈন এবং তাঁর শিষ্যরা বাঙালীদের হাতে উৎপীড়িত হন, তাঁদেরকে অখাণ্ড কুখাণ্ড গ্রহণ করতে বাধ্য করা হয়—এই রকম ঘটনার বর্ণনা আছে। আৰ্ঘমঞ্জুশ্রীকল্প গ্রন্থেও বাঙালীর তৎকালীন ভাষাকে বলা হয়েছে অস্তর ভাষা। ব্রাহ্মণ্য, জৈন, বৌদ্ধ গ্রন্থে বাঙালীকে এই অবজ্ঞার চোখে দেখার প্রধান কারণই হচ্ছে, আৰ্ঘসংস্কৃতির সম্পূর্ণ বাইরের একটা ভাবধারা, সংস্কৃতি এবং আচার-আচরণ ছিল বাঙলাদেশের আদি অধিবাসীদের মধ্যে প্রবল এবং সুপ্রতিষ্ঠিত। বাঙালীর তৎকালীন পোশাক, ভাষা, খাণ্ড, ধর্মীয় আদর্শ, আচার-ব্যবহার, সামাজিক গড়ন—সবই ছিল আৰ্ঘ সংস্কৃতির বাইরের জিনিস। সেই আচার-আচরণগুলি অর্ঘ সংস্কৃতির তুলনায় ভালো ছিল কি মন্দ ছিল—সে-প্রশ্ন এখানে অবাস্তর, কিন্তু সংস্করণ-য়ে নিজেদের সংস্কৃতিকে অস্ত্রের চেয়ে উন্নত এবং পবিত্র মনে করত তার স্তম্ভট বহিঃপ্রকাশ দেখতে পাচ্ছি আৰ্ঘসংস্কৃতি-বহির্ভূত কোমগুলিকে পরম উন্নাসিকতা এবং অবজ্ঞার সঙ্গে স্নেহ, পাপ, দস্তা, অস্তর ইত্যাদি বলে সম্বোধন করায় ॥

কিন্তু বেশিদিন এই উন্নাসিক মনোভাব স্থায়ী হল না; কালক্রমে উত্তর-ভারতীয় আর্থদের সঙ্গে বাঙলাদেশ ও বাঙালীর পরিচয় নিবিড়তর হয়ে উঠল। নানা বিরোধ ও সংঘর্ষের মধ্যে দিয়ে এবং অপরিচিত ও অজ্ঞানিতকে জানবার আগ্রহে ও উত্তেজনায় একদিন এই স্নেহ, পাপ, অস্তর, দস্তা লোকের সঙ্গে আৰ্ঘভাষাভাষী এবং আৰ্ঘসংস্কৃতির ধারক ও বাহক লোকদের মেলামেশা শুরু হল। তার ইঙ্গিত পাই রামায়ণে বর্ণিত কাশী-কোশল-মৎস্য রাজবংশগুলির সঙ্গে সঙ্গে অঙ্গ বঙ্গ মগধ দেশের রাজবংশগুলির অযোধ্যার রাজবংশের সঙ্গে বিবাহসূত্রে আবদ্ধ হওয়ার সংবাদে; বুদ্ধ অঙ্ক ঋষি দীর্ঘতমসের বলির স্ত্রীর গর্ভে অঙ্গ, বঙ্গ, কলিঙ্গ, পুণ্ড এবং স্কন্ধ—এই পাঁচটি ক্ষেত্রজ পুত্র উৎপাদনের সংবাদে; রঘুর দিগ্বিজয়ের বিবরণে; মহাভারতে কর্ণ, কৃষ্ণ, ভীমের দিগ্বিজয়ের ইতিহাস বর্ণনায়; জৈন আচারকৃত্তে বর্ণিত মহাবীর জৈনের গল্পে; আৰ্ঘমঞ্জুশ্রীকল্প গ্রন্থে বর্ণিত বাঙলাদেশে ও বাঙলাদেশ-বাসী সম্পর্কিত নানা মতামতে। এই মিলন বা ভাবের আদান-প্রদান একদিনে একই ভাবে একই নীতিতে হয় নি, হয়েছে বহুদিন ধরে বহু বিচিত্র পদ্ধতিতে, ততোধিক বিচিত্র নীতির প্রেরণায় ॥

আর্থ এবং আদি বাঙালীর এই মিলন-মিশ্রণের ফলে বাংলাদেশের তৎকালীন সামাজিক গড়নের মধ্যে একটা নতুন রূপান্তর দেখা দিল। আর্থদের এই মিলন ক্রিয়ায় আর অতটা দর্পিত উন্নাসিক মনোভাব রাখলে চলে না, আদি বাঙালীকে ‘জাতে তুলতে’ গেলে নিজেদের সমান না হলেও অন্তত কিছুটা উন্নত পর্ষায়ের সামাজিক সম্মান দিতে গেলে, আদি বাঙালীদের সম্বন্ধে খানিকটা উদার দৃষ্টিভঙ্গি তাদের নিতে হয়। এই বিবেচনা থেকেই আর্থরা বাংলাদেশের আদি অধিবাসীদের, যাদের একদিন বলা হোত স্লেচ্ছ, দহ্ম্য, পাপ, অহরভাষাভাষী—তাদের মধ্যে কিছু সংখ্যক লোককে ব্রাহ্মণ, কিছু বেশি সংখ্যক লোককে ক্ষত্রিয় হিসাবে গ্রহণ করে আর্থ-সংস্কৃতির অন্তর্ভুক্ত করে নিল। বেশ কিছু কোম, যেমন পৌণ্ড্রক এবং কিরাত, ক্ষত্রিয় পর্ষায়ে উন্নীত হয়েও আর্থ-সংস্কৃতিকে পুরোপুরি মেনে না চলার অপরাধে আবার পূর্ব পর্ষায়ে অবনমিত হল। মনুই বলেছেন যে, পৌণ্ড্রক ও কিরাতদের ক্ষত্রিয় হিসাবে স্বীকৃতি দেওয়া হয়েছিল, কিন্তু অনেকদিন তারা ব্রাহ্মণ-দের সংস্পর্শে আসে নি, তাদের পূজো-আর্চাও তারা গ্রহণ করে নি। এই অপরাধে তাদের শূদ্র পর্ষায়ে নামিয়ে দেওয়া হয়। মনু কৈবর্তদের বলেছেন ‘সংকর-বর্ণ’, কিন্তু বিষ্ণুপুরাণে বলা হয়েছে, কৈবর্তরা ব্রাহ্মণ্যসমাজের বাইরের লোক। নিশ্চয় অশান্ত কোমদের ক্ষেত্রেও এরকম উন্নয়ন-অবনমন প্রক্রিয়া চালু হয়ে থাকবে। আর এইভাবেই শক্তির আধিপত্যেই হোক বা ধর্মীয় শ্রেষ্ঠত্বের বুলি শুনিয়েই হোক, বাংলাদেশে আস্তে আস্তে নানা বিরোধ ও সংঘর্ষে, আবার কখনও সত্যিকার ভালোবাসা ও মিলনাকাঙ্ক্ষার মধ্যে দিয়ে, এক সময় উগ্র কঠোর দ্রুত প্রবাহে, কখনও বা ধীর শান্ত গতিতে আর্থ-ব্রাহ্মণ্যসংস্কার ও সমাজ-বিশ্বাস গড়ে উঠে; আদি বাঙালী অধিবাসীদের নিজস্ব রীতিনীতি আচারব্যবহার সামাজিক ক্রিয়াকরণকে লুপ্ত করে দেবার দিকে আর্থদের প্রবণতা দেখতে পাওয়া যায়। কিন্তু আর্থ-সংস্কৃতি এবং ব্রাহ্মণ্যসংস্কার উত্তর-ভারতে আধিপত্য বিস্তার করলেও সম্পূর্ণভাবে বাংলা-দেশকে কোনোদিনই গ্রাস করতে পারে নি। আজও না। এতে বাংলাদেশের ভালো হয়েছে কি মন্দ হয়েছে এ প্রশ্ন না তুলেও বলতে পারা যায়, এই আত্ম-সচেতনতা এবং নিজস্ব বিশেষত্ব রক্ষার প্রবণতার মধ্যেই বাঙালীর প্রাণশক্তি স্ফূর্তিত, বাইরের ভিতরের নানা চক্রান্তেও সে অটল এবং তার সংস্কৃতিকে আঘাতে কুট কৌশলে মুছে দেওয়া বোধ হয় কোনোদিনই সম্ভব হবে না ॥

সামাজিক রূপান্তরের এবং আর্থ-সংস্কৃতির কিছু পরিমাণে প্রতিষ্ঠার সঙ্গে সঙ্গে স্বাভাবিকভাবেই আর্থ-সংস্কৃতির ধারক ও বাহক ব্রাহ্মণের স্থানই সমাজে সবচেয়ে উপরে নির্ধারিত হল। ব্রাহ্মণদের পদবী হিসাবে সেই সময়ে যে-কটি প্রধান ছিল

তার মধ্যে বিশেষভাবে উল্লেখযোগ্য শর্মা, স্বামী, ভট্ট, চট্ট, বন্দ্য। ব্রাহ্মণের উচ্চ-বর্ণদের পদবীর মধ্যে বহুল প্রচলন ছিল চন্দ্র, নাগ, দাস, নন্দী, মিত্র, শীল, ধর, কর, দত্ত, রক্ষিত, ভদ্র, দেব, পালিত ইত্যাদি। গুজরাট ও কাথিয়াবাড় অঞ্চলের কোনো কোনো ব্রাহ্মণ বলে পরিচিত ব্যক্তির নামের শেষে দত্ত, নাগ, বর্মা, মিত্র, ঘোষ ইত্যাদি পদবীর পরিচয় পাওয়া গেলেও তাঁরা ব্রাহ্মণ ছিলেন কি-না সে-বিষয়ে ঐতিহাসিকেরা সন্দেহ পোষণ করেছেন। পাল-পর্বের আগে পর্যন্ত এই ছিল ব্রাহ্মণদের পদবী পরিচয়, এবং সমাজে তাঁদের স্থান ছিল ভগবানের পরেই। ব্রাহ্মণকে ভূমিদান, গোদান, জলদান তখন অল্প বর্ণের পক্ষে অবশ্যপালনীয় ধর্মীয় কর্তব্য ছিল। ব্রাহ্মণ্য সাধনার রূপ যদিও ছিল সর্বভূতে বিরাজমান সত্যস্বরূপকে জানবার চেষ্টা করে অমৃত হওয়ার সাধনা, কিন্তু অষ্টম-নবম-দশম শতকে বাংলাদেশে ব্রাহ্মণ্য-সাধনা পূজাতুষ্ঠান, ব্রতাত্মশীলন, যাগযজ্ঞের পৌনঃপুনিক আচরণের মধ্যে দিয়ে একটা মিছক আচারসর্বস্বতায় পরিণত হয়েছিল। এই যুগের ব্রাহ্মণ্যসংস্কার ও সংস্কৃতির পরিচয় পাঠে হলায়ুধ মিশ্রের ব্রাহ্মণসর্বস্বের প্রথমে আত্মপ্রশস্তিমূলক এই শ্লোক দুটিতে :

পাত্রং দারুময়ং কচিদ্ বিজয়তে কচিৎ ভাজনং
 কৃত্রাপাস্তি তুকুলমিন্দুধবলং কৃত্রাপি কুম্ভম্ভিনম্ ।
 ধূপঃ কাপি বষট্কৃতাহুতিকৃতো ধূমঃ পুরঃ কাপ্যভূদ্
 অগ্নে কর্ণফলং চ তস্ম যুগপজ্জাগতি মন্মন্দিরে ॥

(হলায়ুধের নিজের বাড়িতে) কোথাও কাসের (যজ্ঞ) পাত্র (ছড়িয়ে আছে) : কোথাও বা স্বর্ণনির্মিত পাত্র। কোথাও উনুধবল তুকুলবস্ত্র, কোথাও কুম্ভম্ভিনম্ । কোথাও ধূপের (গন্ধময় ধূম) : কোথাও বষট্কার ধ্বনিময় আহুতির ধূম। (এই-ভাবে হলায়ুধের নিজের বাড়িতে) অগ্নির এবং (তাঁর নিজের) কর্ণফল যুগপৎ জাগ্রত ।*

হলায়ুধের বাড়ির এই পরিবেশই সমকালীন ব্রাহ্মণ্য সংস্কৃতির ভাবকল্পনা ॥

ডক্টর নীহাররঞ্জন রায় তাঁর “বাঙালীর ইতিহাস” গ্রন্থে এই ব্রাহ্মণ্য ভাবপরি-মাণ্ডল সম্বন্ধে বলেছেন :

কনক-তুলাপুরুষ মহানান, ঐন্দ্রীমহাশাস্তি, হেমাশ্বমহাদান, হেমাশ্বরথদান প্রভৃতি যাগযজ্ঞ ; সূর্যগ্রহণ, চন্দ্রগ্রহণ, উখানছাদশীতিথি, উত্তরায়ণ সংক্রান্তি প্রভৃতি উপলক্ষে স্নান তর্পণ পূজাতুষ্ঠান : শিবপুরাণোক্ত ভূমিদানের ফলা-কাজ্জা ; বিভিন্ন বেদাধ্যায়ী ব্রাহ্মণের পুঙ্খানুপুঙ্খ উল্লেখ ; গোত্র শ্রবণ গাঞী ইত্যাদির বিশদ বিস্তৃত পরিচয়োল্লেখ ; দ্বাত্তণ লইয়া দানকায

* দ্রষ্টব্য : “প্রাচীন বাংলা ও বাঙালী”—সুকুমার সেন ॥

সমাপন ; নীতিপাঠক শাস্ত্যাগারিক প্রভৃতি ব্রাহ্মণদের উপর রাষ্ট্রের
 রূপাবর্ষণ ইত্যাদির সামাজিক ইঙ্গিত অত্যন্ত সুস্পষ্ট—সে-ইঙ্গিত পৌরাণিক
 ব্রাহ্মণা আদর্শের প্রচলন এবং পাল-চন্দ্র যুগের সমন্বয় এবং সমীকরণাদর্শের
 বিলোপ। বিভিন্ন বর্ণ, বিভিন্ন ধর্মান্বর্শের সহজ স্বাভাবিক বিবর্তিত সমন্বয়
 নয়, ঔদাধময় বিলুপ্ত নয় ; এক বর্ণ এক ধর্ম ও সমাজাদর্শের একাধিপত্যই
 সেন-বর্মন যুগের একমাত্র কামনা ও আদর্শ। সে-বর্ণ, ব্রাহ্মণ বর্ণ।
 সে-ধর্ম, ব্রাহ্মণধর্ম। এবং সে-সমাজাদর্শ পৌরাণিক ব্রাহ্মণ্যসমাজের
 আদর্শ। এই কালের স্মৃতি-বাবহার-মীমাংসা গ্রন্থে……ব্রাহ্মণ ও ব্রাহ্মণ্য
 আদর্শের জয়জয়কার।……সেই আদর্শই হইল সমাজবাবহার মাপকাঠি।
 রাষ্ট্রের শীর্ষে যাহারা আসীন সেই রাজারা এবং রাষ্ট্রের যাহারা প্রধানতম
 সমর্থক সেই ব্রাহ্মণেরা দুইয়ে মিলিয়া এই আদর্শ ও মাপকাঠি গড়িয়া
 তুলিলেন ; পরস্পরের সহযোগিতায়, পোষকতায় ও সমর্থনে মূর্তিতে-
 মন্দিরে, রাজকীয় লিপিমালয়, স্মৃতি-বাবহার-ধর্মশাস্ত্রে সর্বথা সর্বউপায়ে
 এই আদর্শ ও মাপকাঠি সবলে দোংসায়ে প্রচার করিলেন।

এই সময় থেকেই বাঙালীর দৈনন্দিন জীবনের ক্রিয়াকর্ম, বিবাহ জন্ম মৃত্যু শ্রাদ্ধ,
 বিভিন্ন বর্ণের বিচিত্র স্থর উপস্থর বিভাগের সীমা উপসীমা, প্রাতোকের পারস্পরিক
 আহার বিহার, বিবাহ ব্যাপারে নানা বাধা নিষেধ—দন্তুধাবন, শৌচ আচমন, স্নান
 সন্ধ্যাতর্পণ আফিক, যাগযজ্ঞ পূজাচুষ্ঠান ক্রিয়াকর্মের শুভাশুভ কাল বিচার , অশৌচ
 আচার প্রায়শ্চিত্ত ; বিচিত্র অপরাধ ও তার শাস্তি ; রুচ্ছ তপস্যা ; গর্ভাধান পুংসবন
 থেকে আরম্ভ করে উত্তরাধিকার স্ত্রীধন সম্পত্তি বিভাগ ; বিচিত্র আহারের বিধি-
 নিষেধ ; বিচিত্র দানের বিবৃতি, দানকর্মের বিচিত্রতর বিধিনিষেধ ; তিথিনক্ষত্রের
 ইঙ্গিত বিচার ; দৈনিক বায়বিক ও পার্থিব বিচিত্র উৎপাত ; লক্ষণাদির শুভাশুভ
 নির্ণয় ; বেদ ও অজ্ঞাত শাস্ত্র পাঠের নিয়ম ও কাল—এককথায় সমাজজীবনের ও
 ব্যক্তিজীবনের সমস্ত দিকে ব্রাহ্মণ্য আধিপত্যের বজ্রকঠিন প্রভাব স্রবিত্ত ও স্তম্ভভীর
 ছিল। ব্রাহ্মণবর্ণের সকলেই আবার সমান সম্মানের অধিকারী ছিলেন না। ব্রাহ্মণ-
 দের মধ্যেও গ্রহবিপ্র বা গণক, উটব্রাহ্মণ বা ভাটবামন, শ্রোত্রীয় ব্রাহ্মণ ইত্যাদি
 নানা ভাগ ছিল। গ্রহবিপ্ররা পতিত বলে গণ্য হতেন—বৈদিক ধর্মে তাঁদের অবজ্ঞা,
 জ্যোতিষ ও নক্ষত্রবিদ্যায় অতিরিক্ত আসক্তি এবং জ্যোতির্গণনা করে দান গ্রহণ
 করার জন্তে। এঁদেরই একটি শাখা অগ্রদানী ব্রাহ্মণ, যাদের যজ্ঞকর্মে অধিকার
 নেই, কারণ এঁরাই প্রথম শূদ্রের কাছ থেকে এবং শ্রাক্ষের পর দান গ্রহণ করে-
 ছিলেন। শুটু ব্রাহ্মণের উৎপত্তি সম্বন্ধে বৃহস্কর্গপুরাণে বলা হয়েছে স্মৃত পিতা এবং

বৈশ্বমাতার গর্ভে এঁদের জন্ম, অশ্রু লোকের যশোগান করে বেড়ানোই এঁদের জীবিকা। শ্রোত্রীয় ব্রাহ্মণেরা উত্তম সংকর পর্ধায়ের ২০টি উপবর্ণ ছাড়া আর কারো পূজারুষ্ঠানে পুরোহিতের কাজ করতে পারতেন না। করলে তাঁরা যজমানের বর্ণ বা উপবর্ণ প্রাপ্ত হতেন ॥

এই ব্রাহ্মণদের জীবিকা ছিল কী? ব্রাহ্মণদের প্রধান বৃত্তি ছিল ধর্মকর্তারুষ্ঠান এবং অশ্রুের ধর্মারুষ্ঠানে পৌরোহিত্য, শাস্ত্রাধ্যয়ন ও শাস্ত্রাধ্যাপনা। এঁদের মধ্যে কেউ কেউ রাজা রাষ্ট্রধনী অভিজাত সম্প্রদায় প্রদত্ত দান ও দক্ষিণা হিসাবে প্রচুর টাকা পয়সা জমি জায়গার অধিকারী হতেন, রাজকর্মও কেউ কেউ করতেন। সামন্ত-সেনের পৌত্র বিজয়সেন বেদজ্ঞ ব্রাহ্মণদের প্রতি এমন রুপাবর্ণণ করেছিলেন এবং সেই রুপায় তাঁরা এত ঐশ্বরের অধিকারী হয়েছিলেন যে, সেই ব্রাহ্মণদের পত্নীর যাতে মুক্তা, মরকত, মণি, রুপা, রত্ন এবং কাকনের সঙ্গে কার্পাসবীজ, শাকপত্র, অলাবপুষ্প, দাড়িম্ববীজ এবং কুম্মাগুলতাপুষ্পের পার্থক্য চিনতে পারেন সেই জন্তু একদল নাগরিক রমণীকে শিক্ষা দেওয়ার জন্তু নিযুক্ত করা হয়েছিল। পাল-আমলে দর্ভপাণি ক্ষেত্রমিশ্রের বংশ, বৈজয়দেবের বংশ; বর্ধনরাষ্ট্রে ভবদেব ভট্টের বংশ; সেনরাষ্ট্রে হলায়ুধের বংশ রাজকায়ও করতেন আবার অশ্রুতিকে শাস্ত্র পাঠন, বৈদিক যাগযজ্ঞ আচারারুষ্ঠান ক্রিয়াকর্ম পরিচালনা করতেন—এবং এইভাবে রাজসভায় এবং সমাজে পাণ্ডিত্য ও বিদ্যাবৃত্তায় পরম অন্ধার সঙ্গে পূজিত হতেন। ব্রাহ্মণরা বৃদ্ধে নায়কত্ব করতেন, যোদ্ধার জীবিকাও গ্রহণ করতেন। আবার ভবদেবের নিমেষাঙ্কায় অনুযায়ী ব্রাহ্মণরা শূদ্রবর্ণের অধ্যাপনা, শূদ্রের পূজারুষ্ঠানে পৌরোহিত্য, চিকিৎসা ও জ্যোতিষ বিদ্যার চর্চা, চিত্র ও অল্যাত্ত শিল্পবিদ্যার চর্চা করতে পারতেন না। করলে পতিত বলে তাঁদের অবজ্ঞা করা হোত। কিংবদন্তিকায় করা নিষিদ্ধ ছিল না, যদিও খুব কম ব্রাহ্মণই কৃষিবৃত্তি গ্রহণ করতেন। কারণ ব্রাহ্মণ্য-সংস্কারে দৈহিক শ্রম এবং শ্রমজাত উৎপাদন পদ্ধতিকে মোটেই উৎসাহ দেওয়া হোত না। রাজসভায় ব্রাহ্মণরা মন্ত্রী, ধর্মধ্যক্ষ, সৈন্যধ্যক্ষ, সঙ্কি-বিগ্রহিক—এইসবের কাজই বেশি করতেন ॥

বৌদ্ধ রাজাদের আমলেও ব্রাহ্মণের এই উচ্চ প্রতিষ্ঠা এবং সম্মানের আসন সম্মান মর্ধাদার সঙ্গে স্বীকৃত হয়েছিল। তার কারণ বৌদ্ধরা বেদ-বিরোধী হলেও আর্থ-সংস্কারের বিরোধী ছিলেন না। আর্থ-ব্রাহ্মণ সংস্কারে সমাজ-সৌধের উচ্চতম শিখরে যে-ব্রাহ্মণকে ভক্তি ও অন্ধার সঙ্গে প্রতিষ্ঠিত করা হয়েছিল, হাজার হাজার বছর ধরে যে-প্রতিষ্ঠাকে সাধারণ মানুষ এবং সমাজের পরিচালকরা অশ্রুয়ে অশ্রুয়ে স্বীকার করে নিতে কোনো মনস্তাত্ত্বিক বাধা আছে বলে মনে করেন নি, বৌদ্ধ রাজারা সেই

সামাজিক ঐতিহ্যের স্রোতে বাধ দিয়ে জনমানসকে নৃতন খাতে নিয়ে যাবার স্পর্ধা বা ছুঃসাহস দেখান নি। তাঁরা যুগ যুগ ধরে সর্বজনস্বীকৃত ব্রাহ্মণ-প্রাধাত্যকে একটা অনল্ভ্য সামাজিক বিধান বলে মেনে নিয়েছিলেন এবং সেই জন্তেই বৌদ্ধ আমলে ব্রাহ্মণ্য-সংস্কৃতির বিস্তার এবং প্রতিষ্ঠায় কোনো বিঘ্ন হয় নি। বৌদ্ধবিপ্লব ব্রাহ্মণ্য সমাজ-বিন্যাস কিংবা বর্ণাশ্রম রীতিকে আঘাতও করে নি, অস্বীকারও করে নি। তাই বাঙলা দেশে যখন বৌদ্ধ রাজারা দেশ শাসন করছেন, তখনও ব্রাহ্মণ্য আধিপত্য সমাজশাসনে সুপ্রতিষ্ঠিত। পাল-রাজাদের আমলে ব্রাহ্মণের সম্মান সমস্ত রকম রাষ্ট্রীয় ও সামাজিক ব্যাপারে ছিল সর্বাগ্রে করণীয়। পরমসুগত পাল রাজ্যশাসক-বৃন্দের অন্ততম প্রসিদ্ধ রাজা প্রথম মহীপাল বিম্বসংক্রান্তি তিথিতে গন্ধাম্বান করে একজন ভট্টব্রাহ্মণকে ভূমিদান করেছিলেন। হিউয়েন সাঙ কামরূপের অবস্থা বর্ণনা প্রসঙ্গে বলেছেন—কামরূপের অধিবাসীরা ছিল দেবপূজক, তাদের বৌদ্ধধর্মে কোনো বিশ্বাস বা অনুরক্তি ছিল না। শত শত দেবমন্দির এবং সহস্র সহস্র ব্রাহ্মণ-সংস্কারের অন্তর্গত জনসাধারণের দ্বারা কামরূপ ছিল বিশেষভাবে অধ্যুষিত। মুষ্টিমেয় যেকজন বৌদ্ধ ছিলেন, তাঁদের ধর্মানুষ্ঠান হোত গোপনে। মণ্ডুশ্রীমূলকল্পের গ্রন্থকারও বলেছেন, মাৎস্য-স্তায়ের পর গোপালের অভ্যুদয়ের সময় সমুদ্রতীর পর্যন্ত স্থান তীর্থিক-দের দ্বারা অধ্যুষিত ছিল, বৌদ্ধ মঠগুলি জীর্ণ হয়ে পড়েছিল, লোকে সেগুলির ইটকাঠ কুড়িয়ে নিয়ে নিজেদের বসবাসের জন্ত ঘরবাড়ি করত। ছোটবড় অনেক জমিদার তখন ছিলেন ব্রাহ্মণ, এবং গোপাল নিজেও ছিলেন ব্রাহ্মণানুরক্ত। এই গেল ষষ্ঠ-সপ্তম শতকের বাঙলা দেশের কথা। পরবর্তীকালেও যত লিপিবৃত সাক্ষ্য আমরা পাচ্ছি সর্বত্র সেখানে ব্রাহ্মণরা ভূমিদান লাভ করছেন বৌদ্ধ রাজাদের কাছ থেকে। হরিচরিত গ্রন্থের লেখক চতুর্ভুজের পূর্বপুরুষরা বরেন্দ্রভূমির করঞ্জ গ্রাম ধর্মপালের কাছ থেকে দান হিসাবে পেয়েছিলেন। রাজা শূরপাল ব্রাহ্মণ মন্ত্রী কেদারমিশ্রের যজ্ঞ-স্থলে উপস্থিত থেকে অনেকবার ভক্তি ও শ্রদ্ধার সঙ্গে নতমস্তকে যজ্ঞের শান্তিবারি গ্রহণ করেছিলেন—‘তাঁর (কেদারমিশ্রের যজ্ঞস্থলের) হোমকুণ্ডোখিত গবক্রভাবে নিরাজিত স্তম্ভে হোমাগ্নিশিখাকে চুষন করে দিক্চক্রবাল যেন সন্নিহিত হয়ে পড়ত।’^১ রাজা মদনপালের মহিমী চিত্রমতিকা অনুশাসনের সাহায্যে ভগবান পট্টবুদ্ধারককে উদ্দেশ্য করে শ্রীবটেশ্বর স্বামী শর্মা নামে এক ব্রাহ্মণপণ্ডিতকে বেদব্যাসের মহাভারত পাঠ করে শোনানোর দক্ষিণা হিসাবে একটি নিষ্কর গ্রাম দান করেছিলেন।^২ কুমার-

(১) প্রথম শূরপালের বাদল প্রস্তরলিপি—Journal of the Asiatic Society of Bengal N. S. Vol. IV. Page 108.

(২) মদনপালের মনহলি তাম্রশাসন—ঐ, Vol. LXXIX. Part I. Page 69.

পালের মন্ত্রী বৈষ্ণবদেব বিষুবসংক্রান্তি একাদশী তিথিতে 'ধর্মাধিকার পদাভিষিক্ত-
 শ্রীগোনন্দন পণ্ডিতের অহুরোধে তীর্থভ্রমণে, বেদাধ্যয়নে, দানাধ্যাপনায়, যজ্ঞানুষ্ঠানে,
 ব্রতচরণে, 'সর্বশ্রোত্রীয়শ্রেষ্ঠ' শ্রীপর নামে 'কর্মকাণ্ড জ্ঞানকাণ্ডবিৎ পণ্ডিতদের অগ্রগণ্য
 সর্বাধিকারতপানিধি এবং শ্রোতস্মার্তশাস্ত্রের 'গুপ্তার্থবিৎ বাগীশ' এক ব্রাহ্মণকে শাসন
 দ্বারা ভূমিদান করেছিলেন।* এই-সমস্ত লিপিতে ব্রাহ্মণ্য দেবদেবী, মন্দির,
 ব্রাহ্মণ্যপুরাণ, রামায়ণ ও মহাভারতের গল্প ভাবকল্পনা, এমন কি উপমা অলংকারের
 দ্বারা আচ্ছন্ন—এদের ভাবাকাশ একান্তই ব্রাহ্মণ্যধর্ম ও সংস্কারের ভাবাকাশ। বৌদ্ধ-
 যুগে বাংলাদেশে ব্রাহ্মণ বর্ণের সামাজিক এবং ধর্মীয় প্রতিষ্ঠা-যে বরাবর অক্ষুণ্ণ ছিল,
 তার আরও প্রমাণ আছে। দেবপালদেবের মুঙ্গের লিপিতে ধর্মপাল সম্বন্ধে বলা
 হয়েছে যে, ধর্মপাল 'শাস্ত্রার্থের অল্পবর্তী শাসনকৌশলে (শাস্ত্র শাসন থেকে)
 বিচলিত (ব্রাহ্মণাদি) বর্ণসমূহকে স্ব স্ব শাস্ত্রনির্দিষ্ট ধর্মে প্রতিস্থাপিত করিয়াছিলেন।'
 এ থেকেই বুঝতে পারা যায় যে, তখন ব্রাহ্মণ্য শাস্ত্র এবং ব্রাহ্মণ্য বর্ণবিজ্ঞান অল্পবর্তী
 প্রত্যেক বর্ণের যথানির্দিষ্ট স্থান ও সীমায় স্থবিচ্ছিন্ন করে সমাজ গঠিত করা হইয়াছিল।
 ঠিক এই রকমটাই হইয়াছিল চন্দ্র ও কম্বোজ রাষ্ট্রের শাসনাধীনে বাংলাদেশে।
 সেখানেও ব্রাহ্মণকে ভূমিদান, অর্থদান, গ্রামদান অব্যাহত ছিল। এতে বিস্মিত
 হবার কিছু নেই, কারণ আগেই বলেছি, এই সময় বৌদ্ধ ও ব্রাহ্মণ্য দৃষ্টিতে সমাজ-
 বাবস্থা সম্পর্কে কোনো পার্থক্য ছিল না। সামাজিক ব্যাপারে বৌদ্ধরা মতুর অল্পশাসন
 মেনে চলতেন। সংঘারামে যে-সমস্ত বৌদ্ধ সন্ন্যাসী সংসারের সঙ্গে কোনো সম্পর্ক
 না রেখে প্রব্রজ্যা নিয়ে বসবাস করতেন তাঁদের ক্ষেত্রে সামাজিক বিধিনির্দেশ
 প্রয়োগের কোনো স্থযোগ ছিল না, কিন্তু যারা ছিলেন গৃহী বৌদ্ধ, বা বৌদ্ধধর্মের
 উপাসক অথচ সংসারে সমাজে বসবাসকারী, তারা সাংসারিক জিয়ারতের যুগপ্রচলিত
 ব্রাহ্মণ্য শাসন ও বিধি মেনে চলতেন। বৌদ্ধ পণ্ডিত এবং ব্রাহ্মণ পণ্ডিতরা ধর্ম নিয়ে
 বিতর্ক করতেন সত্যি, কিন্তু বৌদ্ধ সমাজবিধি বলে নতুন কিছু তারা সৃষ্টি করেন নি।
 তারানাথ এবং অশ্বাচ্ছ বৌদ্ধ আচার্যের মতে তখন থেকেই বোধ হয় মহাযানী বৌদ্ধ-
 ধর্ম আস্তে আস্তে তন্ত্রধর্মের মধ্যে বিলীন হয়ে যাচ্ছিল—নতুন নতুন ধর্মালম্বী,
 ধর্মানুষ্ঠান, পূজাপ্রকরণ ইত্যাদি বৌদ্ধধর্মের মধ্যে দেখা দিতে শুরু করল—তন্ত্রধর্ম
 এবং ব্রাহ্মণ্যধর্মের পারস্পরিক আদান-প্রদানে ব্রাহ্মণ্যধর্মের বহু জিনিস বৌদ্ধতন্ত্র

• বৈষ্ণবদেবের কম্বোলি লিপি : Epigraphica Indica, Vol II, Page 350.

গৌড়লেখমালা, পৃষ্ঠা ১২৭ ॥

(১) গৌড়লেখমালা, পৃষ্ঠা ৩০ ॥

স্বর্থে প্রবিষ্ট হল এবং এইভাবেই বোধ হয় কোনো কোনো ক্ষেত্রে বৌদ্ধ ও ব্রাহ্মণ্য ধর্মের প্রভেদ ঘুচে যেতে থাকল ॥

কিন্তু ব্রাহ্মণ যারা নয়, সমাজে উচ্চতম সম্মান এবং প্রতিষ্ঠা যারা নিতান্তই জন্ম-সূত্রের জন্যই অর্জন করতে পারে নি—তারা তখন কী অবস্থায় থাকত? সমাজের নিম্নতম পর্ষায় যারা অধমসংস্কর বা অন্ত্যজ নাম নিয়ে বাস করত—সেই মলেগ্রহী, কুড়ব, চণ্ডাল, বরুড় (বাউরী ?), তক্ষণকার, চর্মকার, ঘটজীবী (পাটনি), ডোলা-বাহী (চুলে ?), মল্ল (মালো ?) এবং আরো নীচের স্তরের অধিবাসী পুঙ্কস পুলিন্দ, খস, খর, কষোজ, যবন, সূক্ষ, শবর—এদের জীবন ছিল চূড়ান্ত অভাব, যন্ত্রণা, বেদনা, নিঃস্বতা, শোষণ এবং নিগ্রহের জীবন্ত ইতিহাস। রজক, কর্মকার, নট, বরুড়, কৈবর্ত, মেদ, ভিল্ল, চণ্ডাল, পুঙ্কস, কাপালিক, নর্তক, তক্ষণশিল্পী, স্ববর্ণকার, শৌণ্ডিক ইত্যাদির অনগ্রহণ ছিল ব্রাহ্মণদের নিষিদ্ধ। শূদ্রের অনগ্রহণও ব্রাহ্মণরা কিছুতেই করতে পারবেন না, এই রকম নির্দেশ ছিল। নির্দেশ অমান্য করলে প্রায়শ্চিত্ত রুক্ষসাধন ইত্যাদির ব্যবস্থা ছিল। অবশ্য বিপদে পড়লে শূদ্রের হাতে তৈলপত্র ভর্জিত দ্রব্য, পায়স ইত্যাদি খেতে ব্রাহ্মণদের নিষেধ ছিল না—সামান্য মনস্তাপ প্রকাশ করলেই দোষ কেটে যেত। তেমনি শূদ্রের হাতে ব্রাহ্মণ বিপদের সময় জলপান করলেও খুব একটা অপরাধের চোখে দেখা হোত না। শহরের প্রান্তে টিলায় ঘর বেঁধে এই অন্ত্যজরা বাস করত। অন্ত্যজদের অধিকাংশই ছিল ব্রাহ্মণদের অস্পৃশ্য, তাদের ছায়া মাড়ালেও ব্রাহ্মণদের পাপ হোত। স্পর্শবিচারের নামা বিধিনিষেধ ব্রাহ্মণশাসিত সমাজে উদ্ধৃত উগ্রতায় প্রহরীর মতো দাঁড়িয়ে ছিল ॥

বিবাহ ব্যাপারেও ছিল নানারকমের বিধিনিষেধ। এই-সমস্ত বিধিনিষেধ নিম্নবর্ণের পক্ষে যতটা প্রযোজ্য ছিল, ব্রাহ্মণের বেলায় তা ছিল না। ব্রাহ্মণ নিম্নবর্ণের যে-কোনো স্ত্রীলোককে বিবাহ করতে পারত, কিন্তু নিম্নবর্ণের কোনো পুরুষই উচ্চবর্ণের রমণীকে বিবাহ করতে পারত না। নিম্নবর্ণের স্ত্রীলোককে ব্রাহ্মণ বিবাহ করলেও সেই স্ত্রীর সামাজিক মর্যাদা কোনোক্রমেই ব্রাহ্মণী স্ত্রীর সমান বলে মেনে নেওয়া হোত না। জীমূতবাহন স্পষ্ট বলে দিয়েছেন, ব্রাহ্মণ নিজের সঙ্গে বিবাহিত নয় এমন নিম্নবর্ণের স্ত্রীলোকের সঙ্গে ব্যভিচার করলে, বা তার গর্ভে সন্তান উৎপাদন করলে সংসর্গদোষ ছাড়া অল্প কোনো নৈতিক অপরাধ হয় না; সেই দোষও আবার সামান্য মনস্তাপ প্রকাশ করলেই খণ্ডিত হয়। ব্যভিচারকে এইভাবে একটা নিয়মের মধ্যে ব্রাহ্মণরাই বেঁধে দেন। ঢাকা বিশ্ববিদ্যালয় থেকে প্রকাশিত “বাংলার ইতিহাস” গ্রন্থের প্রথম খণ্ডে ৫৭৬ পৃষ্ঠায় বলা হয়েছে যে, “নিজের সঙ্গে বিবাহিত নয়” কথাটিকে ‘অপরের সঙ্গে বিবাহিত’ বলে ব্যাখ্যা করেছেন জীমূতবাহনের টীকাকার শ্রীকৃষ্ণ।

অর্থাৎ এর দ্বারা পরোক্ষে বলা হচ্ছে, নিম্নবর্ণের স্ত্রীলোককে বিবাহ করার চেয়ে অস্ত্রের সঙ্গে বিবাহিত। নিম্নবর্ণের স্ত্রীলোকের সঙ্গে ব্যভিচার করা ব্রাহ্মণের পক্ষে কম দোষের। কৃষ্ণ মিশ্রের “প্রবোধচন্দ্রোদয়” নাটকে ব্রাহ্মণের আচরণের একটি কৌতুককর বিবরণ পাচ্ছি এই একটি শ্লোকে :

নাস্বাকং জননী তথোজ্জলাকূলা সচোত্রিয়ানাঃ পুন-

বৃঢ়া কাচন কন্তকা থলু ময়া তেনাস্মি ততোধিকঃ ।

অস্বচ্ছ্যালক-ভাগিনেয়ত্বহিতা মিথ্যাভিশপ্তা যত-

স্তং সম্পর্কবশময়া স্বগৃহিণী প্রেরস্বর্পি প্রোজ্জিতা ॥

এর অর্থ : আমার জননী তেমন সংকুল থেকে আসেন নি। আমি কিন্তু সংশ্রিত্রীয় বংশের এক কন্তাকে বিবাহ করেছি। তাতে আমি বাবাকে টেক্ষা দিয়েছি। আমার শালার ভাগিনেয়ের কন্তার নামে মিথ্যা কলঙ্ক রটনা হওয়ায় সেই সম্পর্কের ভঙ্গ প্রেমসী হলেও গৃহিণীকে আমি ত্যাগ করেছি ॥*

নব্বত তখনকার বাঙলাদেশের সামাজিক ক্ষেত্রে ব্রাহ্মণের প্রতিষ্ঠা এবং মথাদাই এই ধরনের বিচিত্র সামাজিক অনুশাসন এবং কদাচারের ভঙ্গ কিছু পরিমাণে দায়ী। প্রথম প্রথম নানা ধরনের বর্ণগত বিধিনিষেধ কেবল সাধারণভাবে ব্রাহ্মণের সম্বন্ধেই প্রয়োগ করা হয়েছিল। এই বিধিও আবার ব্রাহ্মণের সঙ্গে নিম্নতর বর্ণের লোকদের সংহার বিহার বিবাহ ব্যাপারে সীমাবদ্ধ ছিল। কিন্তু আস্তে আস্তে এই-সমস্ত বিধিনিষেধ সামাজিক আভিজাত্যের মাপকাঠি হয়ে দাঁড়াল এবং ব্রাহ্মণের অনুকরণে অন্যান্য বর্ণ এবং জাতি নিজেদের মধ্যে এবং তাদের নিম্নতর বর্ণের লোকদের সঙ্গে তাদের আহার বিহার বিবাহ কী হবে সেই সম্পর্কে একটা সুস্পষ্ট নিয়ম এবং প্রথা গড়ে তুলল। নবম-দশম শতাব্দীতে রচিত নানা ধরনের স্মৃতিগ্রন্থে ও সেন-বর্মণ রাজত্বের বিবরণ থেকে স্পষ্টই বুঝতে পারা যায়, ব্রাহ্মণেরা সমাজের অন্যান্য বর্ণ এবং জাতি থেকে প্রায় বিচ্ছিন্ন অবস্থায় গিয়ে পৌঁছেছিলেন। ব্রাহ্মণরা ছিলেন সমাজের উচ্চমঞ্চে, কিন্তু সাধারণ লোকের ভাবনা ধারণা চিন্তা কর্মের সংস্পর্শের বাইরে। গোটা সমাজ তখন তিনটি বৃহৎ প্রাচীরের দ্বারা বিভক্ত—সবার উপরে ব্রাহ্মণ, মাঝে অর্গণত শূদ্র পষাণের সাধারণ লোক আর সবার পিছে সবার নীচে সমস্ত রকম সামাজিক অধিকার ও মানবিক মথাদা থেকে বঞ্চিত অস্পৃশ্য দীন ও নিরস্তর দুঃখের দাহনে দগ্ন অন্ত্যজ ও শ্লেচ্ছ সম্প্রদায়। প্রত্যেকটি বর্ণের মধ্যে দুর্লভ্য দুর্ভিতক্রমা বাধার প্রাচীর। এমন কি, ব্রাহ্মণদের মধ্যেও নানা মেল বন্ধন, ভৌগোলিক-বাধা, বংশ ও কুলমথাদাজাত বিভেদের বিধিনিষেধের গণ্ডী টানা। এর পরিণতি তাই

* ড: মুহুম্মার সেন—প্রাচীন বাংলা ও বাঙালী ॥

শেষ পৰ্বস্ত দাঁড়ালো ব্রাহ্মণ এবং অব্রাহ্মণের মধ্যে একটা গুপ্ত বিরোধ এবং অবিবাস। এই বিরোধ অবিবাস ঘুণা এবং অপমানের ধুমকলঙ্কে মলিন পরিবেশ সেদিন বাঙলার সমাজজীবনকে ঘোলাটে করে তুলেছিল ॥

অর্থ নৈতিক দিক দিয়ে সমাজে ব্রাহ্মণের কোনো ধনোৎপাদনের ভূমিকা ছিল না। বণিকসমাজ বলে যারা সমাজে স্থিত তাঁরা আবার শূদ্র; অহ্যাজশ্রেণীর সমাজ-শ্রমিকেরা সমস্ত রকম সামাজিক সম্মান থেকে বঞ্চিত, কৃষিনির্ভর কুটিরশিল্পনির্ভর নবম-দশম শতকের বাঙলাদেশে সমাজে ধনোৎপাদনের ভূমিকা নিয়েছিল যারা, তাদের প্রধান অবলম্বন ছিল কায়িক শ্রম, এবং এই কায়িক শ্রম ছিল ব্রাহ্মণদের দ্বারা নিন্দিত। কিন্তু সপ্তম শতকের আগে বণিক শ্রেণীসমাজের স্থান দেশে এতটা হীন ছিল না। নানা শিলালিপি এবং দানবিক্রয়ের পটোলী অঙ্কসরণ করলে দেখা যায়, সপ্তম শতকের আগে শিল্পী বণিক ব্যবসায়ী সমাজ ছিলেন স্থানীয় অধিকরণের প্রধান সহায়ক এবং স্থানীয় রাষ্ট্রযন্ত্রের সংব্যবহারী। শিল্পী ধোমান, বিটপাল, মহীধর, শশিদেব, কর্ণভদ্র, তথাগতসর ইত্যাদি; বণিক বুদ্ধমিত্র, লোকদত্ত, রাণক ইত্যাদি ছাড়াও তন্তুবায়-কুবিন্দক, কর্মকার, কুম্ভকার, কাংস্কার, শঙ্খকার, তক্ষণ-সূত্রধার, স্বর্ণকার, চিত্রকার, অট্টালিকাকার, কোটক প্রভৃতি শিল্পী এবং তৈলিক, তৌলিক, মোদক, তাম্বুলী, গাঙ্কিকবণিক, স্বর্ণবণিক, তৈলকার, ধীর ইত্যাদি বণিক ব্যবসায়ীদের সমাজে সম্মান এবং রাষ্ট্রযন্ত্রে উল্লেখযোগ্য প্রভাব ছিল। শিল্প-ব্যবসা-বাণিজ্য এই তিনটিই ছিল সপ্তম শতকের পূর্বের বাঙলাদেশের ধনোৎপাদনের প্রধান নির্ভর। কৃষিও সমাজে ধনোৎপাদনের কিছুটা উপায় হিসাবে স্বীকৃত ছিল, কিন্তু ধনোৎপাদন এবং ধনবন্টনের উপায় হিসাবে সবচেয়ে বেশি প্রতিষ্ঠা ছিল শিল্প ব্যবসা বাণিজ্যের। অষ্টম শতক থেকে শিল্প ব্যবসা বাণিজ্য কমে এল এবং কৃষিনির্ভরতা বৃদ্ধি পেল। বণিক ব্যবসায়ীদের সমাজে স্থানও অনেক নেমে গেল, কারণ ধনোৎপাদন এবং বন্টনের ব্যাপারে তাঁদের আধিপত্যও আর থাকল না। এই ব্যাপারে তাঁদের আধিপত্য থাকলে বৃহদ্বর্ষ ও ব্রহ্মবৈবর্তপুরাণ তাঁদের পতিত বা সামাজিক অবনতিকরণের বিষয়ে কঠোর মনোভাব নিতে পারত না। বণিক ব্যবসায়ী সম্প্রদায়ের অবনতি এবং কৃষির ব্যাপারে বাঙালীর নির্ভরতা দেখেই বোধ হয় গোবর্ধন আচার্য শক্রধ্বজোথান উৎসবপ্রসঙ্গে পরবর্তীকালে আক্ষেপ করে বলেছেন :

তে শ্রেণীনঃ ক সম্প্রতি শক্রধ্বজ যৈঃ কৃতস্তবোচ্ছায়ঃ ।

ঈমাং বা মেটিং বাধুনাতনাস্বাং বিধিৎসন্তি ॥

—হে শক্রধ্বজ ! যে শ্রেণীরা (একদিন) তোমাকে উন্নত করে গিয়েছিলেন, সম্প্রতি

সেই শ্রেণীর কোথায় ! ইদানীংকালের লোকেরা তোমাকে লাঙলের ঠেঁষ অথবা মেড়ি (গোরু বাধার গৌজ) করতে চাচ্ছে !

এ পর্যন্ত আলোচনায় আমি খুব সংক্ষেপে যেটা বোঝানোর চেষ্টা করেছি সেটা হচ্ছে এই যে, ধর্মে কর্তে আচারে ব্যবহারে বিবিধ বিধিনিষেধে চর্যাপদের সমকালীন বাঙলাদেশে ব্রাহ্মণের ছিল একচ্ছত্র আধিপত্য। এই নিরঙ্কুশ ক্ষমতাও ব্রাহ্মণশাসিত সমাজে নানা কদাচার ও নৈতিক অধঃপতনের জন্ম দিয়েছিল। বাৎসায়নের নাগরজীবনের আদর্শ সমগ্র বাঙলাদেশের নাগরজীবনের আদর্শ হয়ে উঠল। বাৎসায়নের কামশাস্ত্রে নানা স্থত্রে প্রদত্ত বিবরণ থেকে তা দেখতে পাওয়া যায়। বাৎসায়ন পরিষ্কারভাবে বলেছেন, গৌড়বঙ্গের রাজাস্তঃপুরে মহিলারা নির্লজ্জভাবে ব্রাহ্মণ রাজকর্নচারী ও দাসভৃত্যদের সঙ্গে কামচর্চা কামঘড়যন্ত্র ও কামসন্তোগ করতেন। তিনি আরও বলেছেন, কামচরিতার্থতার জন্তু নগরে এবং গ্রামে বিত্তবানদের ঘরে দাসী রাখা হোত এবং ছিল বাররামা ও দেবদাসী।^১ বিত্তবানদের নিজেদের

।গের জন্তু যে দাসী রাখা হোত, এবং তারা-যে অস্থাবর সম্পত্তির মতো ক্রীত-বিক্রীত হোত এবং উত্তরাধিকারস্থত্রে একাধিক ব্যক্তি যদি একটিমাত্র দাসীর অধিকারী হন, তবে সেই দাসী-যে প্রত্যেকের ভাগ অলুঘায়ী পর পর প্রত্যেকের দ্বারা সন্তুক্ত হবেন—এ রকম নিদেশ আছে জীমূতবাহনের “দায়ভাগ” গ্রন্থে।^২ বৃহস্পতি তুটি কারণের জন্তু বাঙালী দ্বিজবর্ণের নিন্দা করেছেন—প্রথম, তারা মৎস্যভোজী আর দ্বিতীয়, তাদের সমাজের রমণীরা কামপরায়ণা। বাৎসায়নের সময়েই শুধু নয়, পরবর্তীকালেও দেখা যাচ্ছে, বাঙলাদেশে কামবাসনা চরিতার্থতার ব্যাপারে কোনো বর্ণের মধ্যেই সংযমের আভাস মাত্র নেই। তার প্রমাণ ধোয়ীর “পবনদূত”, সঙ্ঘা-কর নন্দীর “রামচরিত” ইত্যাদি। এই ছোটো কাব্যেই অতি উচ্ছ্বসিত উৎসাহের সঙ্গে সভানতকী ও সভানন্দিনীদের স্তবগান করা হয়েছে। এতেই বোঝা যায়, সমাজে, বিশেষ করে নাগর সমাজে এবং রাজসভায়—এদের আকর্ষণ এবং প্রভাব কত ব্যাপক ও গভীর ছিল ॥

ধর্মের নামে যৌন-অনাচারও অষ্টম শতক থেকে বাঙলা দেশে উৎসাহ পেয়ে আসছে। কল্হনের “রাজতরঙ্গিনী” গ্রন্থে কমলা নামে পুণ্ড্রবর্ধনের কোনো মন্দিরের প্রধানা দেবদাসীর কথা বিশদভাবে উল্লেখ করা হয়েছে।^৩ এই নর্তকী কমলা ছিলেন

(১) বাৎসায়ন—কামস্থত্রম্—৫।৩।৩৮ ; ৫।৩।৪১ ; ৩।৪।১২ ; ৬।৫।৩৩ ॥

(২) জীমূতবাহন—দায়ভাগ—Ed. and Translated by Colebrooke, Page 7, 105, 148, 149.

(৩) রাজতরঙ্গিনী, ৪।৩৩২, ৪।৪২২ ॥

নৃত্য গীত বাস্তব ইত্যাদিতে বিশেষভাবে নিপুণ। অবশ্য দেবদাসীরা সবাই ছিলেন এই-সমস্ত গুণে পারদর্শিনী, কিন্তু কল্‌হন বলেছেন, এঁদের মধ্যে কমলা ছিলেন সকলের সেরা। দেবদাসীরা দেবতাদের নামে উৎসর্গীকৃত হলেও আসলে তাঁরা ছিলেন পবনদূতে উল্লিখিত বাররামা বা দেববারবণিতা। পরবর্তীকালে এই দেববারবণিতারা স্পষ্টতই সমাজের উচ্চস্তরের লোকদের কামনা এবং বাসনাপূরণের সজ্জিনীতে পরিণত হয়েছিলেন। নতুবা ধোয়ী, সক্ষ্যাকর নন্দী, ভবদেব ভট্ট ইত্যাদি কবি এঁদের বিলাসলাস, সৌন্দর্যলীলা, বিচিত্র কামকলাভিজ্ঞতার ছন্দালংকারময় প্রশস্তি গান রচনা করতেন না। ভবদেব ভট্ট এই বাররামাদের প্রশস্তি গেয়ে বলেছেন, ‘বিষ্ণুমন্দিরে উৎসর্গীকৃত শত দেবদাসী যেন কামদেবতাকে আবার উজ্জীবিত করে তুলেছেন, তাঁরা যেন কামাতুর জনের কারাগৃহ, যেন সংগীত লাস্য এবং সৌন্দর্যের সভামন্দির!’ শারদীয়া দুর্গাপূজার সময়ে দশমী তিথিতে শাবরোৎসব নামে একটা নৃত্যগীতবহুল উৎসবের প্রচলনের কথা ডঃ নীহাররঞ্জন রায় তাঁর “বাক্সালীর ইতিহাস” গ্রন্থে উল্লেখ করেছেন।* এই উৎসবের সময় গ্রামে নগরে নরনারীরা সামান্য গাছের পাতার পোশাক পরিধান করে কোনো রকমে লজ্জা নিবারণের ছলনায় সারা গায়ে কাদা পাক মেখে নানারকম যৌনক্রিয়াগত অঙ্গভঙ্গী এবং কুৎসিত ভাষায় অশ্লীল যৌনবিষয়ক গান গেয়ে গেয়ে উন্নতের মতো নৃত্য করত। এই রকম না করলে না-কি দেবী দুর্গা তুষ্ট হবেন না—এই ছিল সমস্ত লোকের বিশ্বাস। এই রকম আচরণ করলে না-কি দেবীর স্মৃতি উৎপন্ন হবে—এই নির্দেশ আছে “বৃহৎসংহিতায়”। বসন্তকালে হোলী উৎসবের সময় এই রকম যৌন অঙ্গভঙ্গী এবং অশ্লীল নৃত্যগীত করলে কামদেবতা খ্রীত হবেন এবং ধনেপুত্রে লক্ষ্মীলাভ হবে—এই রকম বলা হয়েছে “কালবিবেক” গ্রন্থে ॥

রাজসভায় যৌন-অনাচার যখন রাজা এবং সভাসদদের দ্বারা পৃষ্ঠপোষিত, সমাজের সর্বস্তরে তা কালক্রমে পরিব্যাপ্ত হবে, এ তো খুব স্বাভাবিক। যৌন-অনাচার উচ্চ স্তরের লোকেরা করলে শাস্তি পেতে হোত খুব কম ক্ষেত্রেই। ডঃ স্বকুমার সেন তাঁর “প্রাচীন বাংলা ও বাঙালী” গ্রন্থে “শেক শুভোদয়া” থেকে একটি কাহিনী তুলে দিয়েছেন। এই কাহিনী থেকে বোঝা যায়, ক্ষমতালালী রাজপুরুষরা যৌনাপরাধ করলে কীভাবে তাকে ক্ষমার চোখে দেখা হোত। লক্ষণ সেনের এক শ্যালক, রাজমহিষী বল্লভার ভাই কুমার দত্ত, মাধবী নামে এক বণিক-বধূকে ধর্ষণ করবার চেষ্টায় মাধবীর অভিযোগে রাজসভায় অভিযুক্ত

* বাক্সালীর ইতিহাস, প্রথম সংস্করণ, পৃষ্ঠা ৫২৬ ॥

হলে রাজা, রাণী, সভাসদ কেউই কুম্বর দত্তের অঙ্কায়কে নিন্দা তো করেনই নি, বরং রাণী বল্পভা মাধবীকে চুল ধরে মাটিতে ফেলে ভাইয়ের নামে অভিযোগ আনার দুঃসাহসের জ্ঞান পদাঘাত করেন। অবশ্য শেষকালে কুম্বর দত্তকে লক্ষণ সেনের তেজস্বী ব্রাহ্মণ পণ্ডিত সভাকবি গোবর্ধন আচার্যের চেষ্টায় শান্তি দেওয়া হয়েছিল, মাধবী পেয়েছিল স্ববিচার। চরিত্রহীনতা, বিলাস লালসাময় জীবন, স্ততিবাদপূর্ণ আত্মপ্রশংসা শোনা আর সভানন্দিনীদের নিয়ে নিরঙ্কুশ ভোগ-বিলাসের পরিবেশে সে-কালের রাজসভাগুলি কোন্ স্তরে পৌঁছেছিল তার অসংখ্য নিদর্শন ছড়ানো আছে সমকালীন কাব্য-কবিতায়, চিত্রশিল্পে, ভাস্কর্যে, শিলালিপিতে ও দানপত্রে ॥

এর বিপরীত অবস্থা সমাজের নিম্নস্তরে। সেখানে অবিচ্ছিন্ন অভাব-দারিদ্র্য শোষণ অত্যাচার অবিচার। চাটভাট প্রভৃতি উপদ্রবকারী, রাজপুরুষদের অর্থে ফলে শস্যে এবং দ্রব্যে করগ্রহণ, আচার্য্য সমাজপাতিদের নিদারুণ বিধান—এই-সমস্তের সর্বগ্রাসী পীড়নে ভূমিহীন, ভবিষ্ণুহীন, সামাজিক সম্মানহীন নেতৃহীন, অর্থসম্বল-হীন নৈদ্বৈশিষ্ণোর বাঙালীর অবস্থা কী ছিল তা সহজেই অনুমেয়। “সহস্রিকর্ণামৃতের একাধিক শ্লোকে এই ব্যাপক দারিদ্র্যের স্নান ছবি অঙ্কিত। একটি শ্লোকে নাম-পরিচয়হীন এক বাঙালী কবি নিদারুণ দারিদ্র্যের যে-বলিষ্ঠ ছবি এঁকেছেন তা এই :

ক্ষুৎকামা শিশবঃ শবা ইব তনুর্মন্দাদরো বাস্ববো

লিপ্তা জর্জর কর্করী জললবৈনো মাং তথা বাধতে ।

গেহিষ্ঠাঃ স্ফুটিতাংগুকং ঘটায়িতুং রুস্ত্বা সকাকুম্বিতঃ

কুপাস্তী প্রতিবেশিনী প্রতিমুহুঃ সৃচীং ২৫, যাচিতা ॥

—শিশুরা ক্ষুধায় পীড়িত, দেহ শবের মতো শীর্ণ, আত্মীয়-বান্ধবের। শ্রীতিবর্জিত, পুরানো জীর্ণপাত্রে স্বল্পমাত্র জল ধরে —এইসবও আমাকে ভেমন কষ্ট দেয়নি যেমন দিয়েছিল, যখন দেখেছিলাম, আমার গৃহিণী করুণ হাসি হেসে ছেঁড়া কাপড় সেলাই করার জন্তে রুষ্ঠা প্রতিবেশিনীর কাছে সূচ চাইছেন ।

আরেকটি শ্লোকেও এই রকম নির্মম দারিদ্র্যের বাস্তব ছবি :

বৈরাগ্যেকসমুন্নতা তনুতনুঃ শীর্ণাশ্বরং বিব্রতী

ক্ষুৎকামেক্ষণ কুঙ্কিভিচ্চ শিশুভির্ভোক্তুং সমভার্থিতা ।

দীনা হুঃস্থ কুটুম্বিনী পরিগলদ্বাপ্পাস্থমৌতাননা-

প্যোকং তণ্ডুলমানকং দিনশতঃ নেতুং সমাকাঙ্ক্ষতি ॥

—বৈরাগ্যে তার সমুন্নত দেহ শীর্ণ, পরিধানে ছিন্নবস্ত্র ; ক্ষুধায় শিশুদের চোখ কোটরাগস্ত, পেট বসে গিয়েছে, তারা আকুলভাবে খাণ্ড চাইছে । দীনা

হুঃস্বা গৃহিণী চোখের জলে মুখ ভাসিয়ে প্রার্থনা করছেন এক মান (মণ ?) চালে
যেন তাদের একশ' দিন চলতে পারে ।

সদুক্তিকর্ণায়ুতে গ্রথিত আরো একটি শ্লোকে কবি তাঁর দারিদ্র্যপীড়িত ঘরের
বর্ণনা দিচ্ছেন :

চলংকাঠং গলংকুডামুত্তানতৃণসঞ্চয়ম্ ।

গণ্ডুপদার্থিমণ্ডুকাকীর্ণং জীর্ণং গৃহং মম ॥

—কাঠের খুঁটি নড়ছে, মাটির দেওয়াল গলে পড়ছে, চালের খড় উড়ে যাচ্ছে :
কৈচোর সন্ধানে নিরত ব্যাঙের দ্বারা আমার জীর্ণ গৃহ আকীর্ণ ।

“প্রাকৃত-পৈঙ্গলে” সংকলিত কয়েকটি কবিতাতেও অষ্টম নবম দশম শতকের
দরিদ্র বাঙালী ঘরের করুণ হুঃস্বতার চিত্র অঙ্কিত । একটি শ্লোকে পার্বতী হুঃপ করে
বলছেন :

বাল কুমার ছঅ মুণ্ডধারী

উবাঅহীণা মুই এক্ণ গারী ।

অহংগিসং খাই বিসং ভিথারি

গই ভবিত্তি কিল কা হমারী ॥

—আমার বালকপুত্র ছয় মুণ্ডধারী । আমি এক উপায়হীনা নারী । আমার
ভিথারী (স্বামী) অহর্নিশ কেবল বিষ খায় । কী গতি হবে আমার !—এই উক্তি
এবং চিত্রের মধ্যে নিম্নমধ্যবিত্ত বাঙালী ঘরের উপায়হীনা গৃহিণীর করুণ আক্ষেপই
যেন মূর্ত হয়ে উঠেছে ॥

চর্যাপদের নানা কবিতায় এই অভাব এবং দারিদ্র্য নিদাকরণ বাস্তবতার
আমাদের মনকে পীড়িত করে তোলে ।

টালত মোর ঘর নাহি পড়বেষী ।

হাড়ীত ভাত নাহি নিতি আবেশী ॥

বেঙ্গ সংসার বড়্‌হিল জাঅ ।

হুহিল হুধু কি বেণ্টে মামাঅ ॥ (চর্যাঃ ৩৩)

—টিলায় আমার ঘর, প্রতিবেশী নেই । হাড়িতে ভাত নেই, নিতাই ক্ষুধিত
(অতিথি) । (অথচ আমার) ব্যাঙের সংসার বেড়েই চলেছে (ব্যাঙের যেমন অসংখ্য
ব্যাঙাচি বা সন্তান, তেমনি আমার সন্তানের সংখ্যাও ক্রমবর্ধমান) । দোয়ানো হুধ
আবার বাঁটে ঢুকে যাচ্ছে (যে খাও প্রায় প্রস্তুত, তাও নিরুদ্দেশ হয়ে যাচ্ছে) । এই
একটি পদাংশই সমকালীন দরিদ্র বাঙালীর নিত্য অভাব ক্ষুধা বেদনা আক্ষেপ-পীড়িত
জীবনের বাস্তব করুণ চিত্রের নিদর্শন হিসাবে যথেষ্ট ।

এই নিরবচ্ছিন্ন অভাব ও শরিত্য সমাজের এক বৃহৎ অংশে পরিব্যাপ্ত ছিল বলে চর্চাপদের সাধকদের কাব্যে অবধারিতভাবে একটা নৈরাশ্র এবং শূণ্যতার বোধ ছড়িয়ে আছে। চর্চাপদের বিভিন্ন গানের নানা পঙ্ক্তিতে লৌকিক জীবনের যে-সব খণ্ডচিত্র ছড়ানো রয়েছে সে-সব ছবির মধ্যে করুণ বেদনার রঙই প্রধান। এই গীতিকাব্যের প্রায় সর্বত্রই একটা দুঃখ ও নিরানন্দের ব্যথাময় স্বর অন্তরগিত। যে-সমাজে সাধারণ মানুষের কামনা বাসনা তথা স্বপ্নে জীবন ধারণের সামান্যতম প্রেরণাও নানা বাধা-নিষেধে বিঘ্নিত—সেখানে মন-তরুর বাসনা ছেদন করার ডগ্ন নির্দেশ দেবেন সিদ্ধাচার্যরা, এটাই তো স্বাভাবিক। মানুষের মন সর্বদাই দৃশ্যমান সংসার, তার আশা আনন্দ, ভোগ ও কামনার দিকেই ছুটে যেতে চায়, মন-বৃক্ষ যখন নানা শাখা-প্রশাখায় পল্লবিত ও নানা ইচ্ছা ও বাসনার মুকুলে মঞ্জরিত, তখন সে জীবন এবং জীবন-সঙ্গত সমস্ত ভোগের জিনিসকেই দুহাতে বৃকে টেনে নিতে চায়—এবং এই ভাবেই জীবন উপভোগের আনন্দ বা কখনও কখনও বেদনাকেও অনুভব করতে চায়।—কিন্তু অসাম্য এবং অনিয়ম, কঠোর শাসন এবং নিপীড়ন, অত্যাচার ও অন্যায়ের জরাজীর্ণ দুঃসহ সমাজে সে তা কোথায় পাবে। সমাজ যেখানে দরিদ্রের প্রতি সহানুভূতিহীন; মানবিকতার মূল্য দিতে অনিচ্ছুক, সেখানে চর্চাপদের কবির ‘এড়ি এউ ছান্দক বাঙ্ক করণ কপাটের আস’ (ইন্ড্রিয়ের পারিপাটের আশা ত্যাগ কর), মোহতরুকে কেড়ে ফেলে নির্বাণের স্ট্রাকো নির্মাণ কর, মুমিকরূপ চঞ্চল চিত্তকে নাশ কর, বিষয়স্পর্শ ত্যাগ কর— ইত্যাদি কথা ছাড়া আর কী বলতে পারেন! সুখ ও আনন্দের চেতনা, যা মানুষের জীবনে সদাজাগ্রত থাকে—তা থেকে সামাজিক কারণেই বঞ্চিত সে-যুগের সাধারণ মানুষ। এই সাধারণ মানুষের ক্রন্দন ও বেদনার প্রতিকার করা সিদ্ধাচার্যদের দায়িত্বের মধ্যে আসছে না, কিন্তু এই ক্রন্দন ও বেদনার প্রতি তাঁদের হৃদয় সজাগ ছিল, সেজগ্ন জীবন-সন্তোগের নানা সহজ সাধনার কথা যেমন তাঁরা বলেছেন, তেমনি ব্রাহ্মণ-শাসিত সমাজের নানা বিধি-নিষেধকে তাঁরা কঠোরভাবে বিদ্রূপ ও নিন্দাও করেছেন। বাহু আচার অনুষ্ঠানে এবং নিশ্রাণ নিয়মসর্বস্বতার মধ্যে আবদ্ধ ‘ব্রাহ্মণ নাড়িয়া’র (নেড়া বামুনের) প্রতি কৌতুক, ব্রাহ্মণের ধ্যান-ধারণা, পূজা-অর্চনা, দক্ষিণা ও দান গ্রহণ—ইত্যাদির প্রতি নির্মম শ্লেষ—এসবই সাক্ষা দেয় সমাজের নিয়ন্ত্রণের মানুষের প্রতি উচ্চকোটির কী নিদারুণ অবজ্ঞা ও অবহেলা ছিল। বহু গানে জীবনের ভোগ-আকাঙ্ক্ষার প্রতি নিরাসক্তিই সিদ্ধাচার্যরা প্রকাশ করেছেন, কিন্তু আমার মনে হয়, এই নেতিবাচক মনোভাব তৎকালীন অসাম্যের আদর্শে গড়া সামাজিক বিধিনিষেধের নিষ্ঠুরতার

প্রতিক্রিয়াজাত। এই সিদ্ধান্ত করার পিছনে যুক্তি এই, চর্যাপদ-রচয়িতা সিদ্ধা-
চার্যদের জীবনী সম্পর্কে তথ্যের একান্ত অভাব হলেও যেটুকু তথ্য পাওয়া গিয়েছে
তাতে জানতে পারা যায়, লুইপাদ, কঙ্কনপাদ, ভদ্রপাদ, মহীধরপাদ, তন্ত্রীপাদ,
কুকুরীপাদ প্রমুখ সিদ্ধাচার্য নামবিচারে বর্ণাশ্রমের অন্তর্গত নিম্নবর্ণের লোক
ছিলেন। ঢাকা বিশ্ববিদ্যালয় থেকে প্রকাশিত “বাংলার ইতিহাস” গ্রন্থে বলা
হয়েছে, এঁদের মধ্যে কেউ কেউ না-কি ছিলেন প্রকৃতপক্ষে ব্রাহ্মণ। কিন্তু আগেই
বলেছি, বাঙলাদেশে আর্ষীকরণ শুরু হবার সময় তথাকথিত নিম্নবর্ণের কোনো
কোনো লোককে ব্রাহ্মণ পর্যায়ে উন্নত করা হয়—সম্ভবত ঐ নিয়মে কুকুরীপাদ,
লুইপাদ ইত্যাদির বংশ ছিল ব্রাহ্মণ। পরে তাঁরা আর্ষদের সমস্ত নিয়মকানুন সঠিক
ও সম্পূর্ণভাবে না মেনে চলার জন্ম অধম বর্ণে পরিণত হন। তাঁদের নামের মধ্যে
আর্ষগন্ধ কোথাও নেই, জীবন ধারণের ইচ্ছিতও কোথাও অঙ্গুলিনির্দেশ করে না
যে, তাঁরা ব্রাহ্মণ ছিলেন। এসব থেকেই সিদ্ধান্ত করতে সাহসী হচ্ছি যে, চর্যাপদের
সিদ্ধাচার্যদের অধিকাংশই হয় বর্ণাশ্রমের বাইরে অন্ত্যজ শ্রেণী পর্ষায়ের লোক, কিংবা
বর্ণাশ্রমের মধ্যেই নীচ সামাজিক বর্ণের প্রতিনিধি। তা যদি না হবে তবে ভিক্ষু-
জীবনেও তাঁরা সংসারের সাধারণ জীবনের অতি প্রত্যক্ষ ও পরিচিত অভিজ্ঞতাকেই
কাব্যে অবলম্বন করবেন কেন। জুয়াখেলা, শিকার করা, মাছ ধরা, নৌকা বাওয়া,
তুলোধোনা, চাঙারী বোনা, দেশজ মগ্ন পান করে মাতাল হওয়া, বনে বনে
আহার্য সংগ্রহ করা—এসব প্রাত্যহিক কর্ম এবং সেইসব কর্মসম্মত ফলের মাধ্যমে
বিবিধ উপমারূপক সংগ্রহ—এসব কি সত্যি সত্যি বোঝায় না এইসব সিদ্ধাচার্যের
সামাজিক সত্তা কোন্ কেক্রে স্থাপিত ছিল। এদেরকে অবলম্বন করেই তাঁরা
তাঁদের জীবন উপলব্ধি এবং আধ্যাত্মিক সত্যসন্ধান করেছেন। এমন কথা বলি নে,
এইসব সিদ্ধাচার্য ব্যক্তিগতভাবে তৎকালীন ব্রাহ্মণ-শাসিত সমাজে অত্যাচারিত
বা লাঞ্ছিত হয়েছিলেন, হপ্‌কিন্সের কথায় ‘Their lives depended on their
owners’ pleasure. They were born to servitude……They were in
fact the remnant of displaced native population…Stigmatised by
their conquerer’s pride as a people apart, worthy only of con-
tempt and slavery.’—এরকম অবস্থায় হয়তো তাঁদের পড়তে হয় নি, কিন্তু সিদ্ধা-
চার্যরা এই ব্রাহ্মণ-শাসিত সমাজের বিধিনিষেধের শিকলে-বাঁধা এবং আচার-
বিচারের পাঁচিল-তোলা জীবনে-যে প্রাণের কোনো স্পন্দন অনুভব করেন নি, একথা
সত্য। হৃদয় ও বুদ্ধি দিয়ে এই সমাজের অসংগতি এবং অসম বিধিব্যবস্থার স্বরূপ
বুঝেছিলেন বলেই তাঁরা সহজ সাধনার সমতার ক্ষেত্রে মানবাত্মাকে আহ্বান করে-

ছিলেন। সেজন্তেই সিদ্ধান্ত করতে বাধা নেই, সামাজিক অবিচারসম্ভাত প্রত্যক্ষ অভাব বোধই তাঁদের কাব্যে মনোময় শৃঙ্খতাবোধ সৃষ্টি করেছে।

চর্চাপদের সমকালীন এবং তার কিছু আগের বাঙলা দেশের সামগ্রিক চিত্রটি নানা উপাদানের সাহায্যে এতক্ষণ পাঠকের সামনে তুলে ধরবার চেষ্টা করেছি। এই চিত্রের একদিকে সামাজিক গোড়ামি, ঐশ্বর্যবিলাস এবং কামবাসনার সোৎসাহ আতিশয্য। কাব্য-কবিতাগুলির অধিকাংশই যৌনকামবাসনায় মন্দির এবং মধুর ; রাজসভার চরিত্র ও আবহাওয়া চূড়ান্ত লাম্পট্য, চারিত্রিক অবনতি, তরলকচি ও দেহগত বিলাস এবং ব্যক্তিগত ও শ্রেণীগত ছনুঁতির কলঙ্কে মলিন ; ধর্ম-আচরণে ভেদবুদ্ধি, নিন্দনীয় যৌনকামনা, অমান্তনিক ঘৃণা ও অবহেলা—জীবনের সমস্ত দিকে কদর্ঘতার সমাবেশ। আর অন্যদিকে নিদারুণ দারিদ্র্য, ক্ষুধা, অভাব, পীড়ন, শোষণ, বর্জন, যন্ত্রণা ও মৃত্যু। উচ্চতর বর্ণসমাজ ব্রাহ্মণ্য পুরোহিততন্ত্র এবং ব্রাহ্মণ্য-রাষ্ট্রের সদময় কর্তৃত্ব অসাড়, রাষ্ট্রীয় এবং সামাজিক অধোগতি অবাধ, শিল্প-সাহিত্য বস্তুসম্পদ্রহিত, নিতান্ত ভাবকল্পনার জগতে পল্লবিত বাক্য, উচ্ছ্বাসময় অত্যাঙ্কি এবং দেহগত লীলাবলাসে ভারগ্রস্ত।

এই নিশ্চিহ্ন সদব্যাপী স্তগভীর অন্ধকারের বেড়াজালে চর্চাপদের সমকালীন বাঙলা দেশ অসহ আত্মদম্বষ্ট। দুর্বল আত্মশক্তি এবং দুঃরপনের চারিত্রিক কলঙ্কের ক্রমবর্ধমান অভিধাপে ধ্বংসের দিকে এগিয়ে চলেছে—কোথাও তার আশা নেই, নিপীড়িতের যন্ত্রণা প্রকাশের নেই ভাষা, মানবধর্মে নেই ক্ষীণতম বিশ্বাস। সমস্ত বাঙলাদেশই যেন এই অন্ধকারের স্বকঠোর পেষণে মৃত্যুযন্ত্রণায় অভাবদৈন্ত-পীড়িত পাবতীর মতো করুণ কণ্ঠে ক্রন্দন করেছে—গই ভবিত্তি কিং ক। হমারী !



॥ চর্চাপদে লৌকিক জগৎ ॥

চর্চাপদের সমস্ত কবিতার মূল উদ্দেশ্য একটি বিশেষ ধর্মীয় আচরণ সম্বন্ধে ইঙ্গিত দেওয়া হলেও, সেই ইঙ্গিত প্রসঙ্গে সিদ্ধাচার্যরা সমসাময়িক লৌকিক জীবনের যে-ছবি এঁকেছেন তা জীবনরসিক কাব্যপাঠক এবং ঐতিহাসিকের কাছে মহামূল্য-বান চিত্তাকর্ষক সামগ্রী। যে-জীবনের কথা এবং ছবি চর্চাপদের বিভিন্ন কবিতায় বিদ্যুত তাতে বিলাস-ব্যসনাসক্ত, ভোগকামী, ঐশ্বর্যদাস্তিক রাজা-উজীরের কথা নেই, আছে সেকালের ছোটবড় সাধারণ লোকের প্রতিদিনের জীবনযাত্রার ও দৈনন্দিন আচরণের সরল সুন্দর সহজ স্বচ্ছ বর্ণনা—সেখানে না আছে কোনো বিশেষ ধরনের সাহিত্যিক রীতি মেনে চলার প্রবণতা, না আছে কোনো আয়াস। এই কষ্টকল্পনাহীন আয়াসহীন সাবলীল বর্ণনা অন্তর্জ খুঁজে পাওয়া রীতিমত কঠিন। এই বর্ণনায় সেকালের সাধারণ লোকের জীবন ও জীবিকা, শ্রম ও বিশ্রাম, কাজ ও আনন্দ, জন্ম-বিবাহ-মৃত্যুর করণ, পূজা আর্চা ক্রিয়াকর্ম, গৃহস্থের পারিবারিক জীবন, বস্ত্র অলংকার, দৈনন্দিন জীবনে ব্যবহৃত খাওয়া ও বাসনপত্র, অপরাধ ও বিচার-পদ্ধতি, সংগীত ও সংগীতের উপকরণ—ইত্যাদি বহু বিষয়ের শুদ্ধ শিল্পসম্মত বিবরণ আমরা পেয়ে থাকি ॥

প্রথমে সাধারণ লোকের জীবন ও জীবিকার কথা ধরা যাক। বেশির ভাগ চর্চাগীতিতেই ডোম-ডোমনী, শবর-শবরী, নিষাদ, কাপালিক ইত্যাদির কথা বলা হয়েছে। ডোম নিষাদ শবর ইত্যাদি গ্রামের বাইরে উঁচু জায়গায় বাস করতেন, ব্রাহ্মণরা এঁদের স্পর্শও করতেন না।

নগর বাহিরে রে ডোঙ্গী তোহোরি কুড়িআ।

ছোই ছোই যাইসি বাস্ক নাড়িআ ॥ [চর্চা : ১০]

—রে ডোঙ্গী, নগর বাহিরে তোমার কুঁড়ে ঘর, ব্রাহ্মণ নেড়াকে তুমি ছুঁয়ে ছুঁয়ে যাও।

আরেকটি চর্চায় বলা হচ্ছে :

টালত মোর ঘর নাহি পড়বেবী।

হাড়ীত ভাত নাহি নিতি আবেশী ॥

—টিলার উপর আমার ঘর, প্রতিবেশী নেই। হাঁড়িতে নেই ভাত, অথচ নিতাই ক্ষুধিত (অতিথি)।

ডোমদের জাতিগত বৃত্তি ছিল তাঁত তৈরী করা, চাণ্ডারী বোনা, নৌকা বাওয়া।

অতি প্রাচীনকাল থেকে ভারতবর্ষে ধানই হচ্ছে প্রথম এবং প্রধান উৎপন্ন খাণ্ড-বস্ত। স্তত্রাং চর্ষাপদে এবং তৎপূর্ববর্তী অষ্টাণ্ড কাবাগ্রন্থে দেখা যাচ্ছে, উচ্চকোটির লোক থেকে আরম্ভ করে সমাজের নিম্নতম স্তরের লোকের প্রধান খাণ্ড ছিল ভাত। শ্রীমুক্য় যোগেশচন্দ্র রায় বিজ্ঞানিধি বলেছেন, অষ্টিক ভাষাভাষী আদি-অস্ট্রেলীয় জন-গোষ্ঠীর সভ্যতা ও সংস্কৃতির প্রধান দানই হচ্ছে এই ভাত পাওয়া। বাঙালী তখন ভাতই প্রধান খাণ্ড হিসাবে গ্রহণ করত এবং তার জীবনের সবচেয়ে বড় দুঃখই ছিল “হাড়ীত ভাত নাহি মিতি আবেশী”। প্রাকৃত-পৈঙ্গলে সংকলিত শ্লোকগুলির মধ্যে একটিতে তো স্পষ্টই বলা হয়েছে :

ওগ্গরা ভত্তা রম্ভম পত্তা গাইক ঘিত্তা চুদু সজুত্তা।

মইনি মচ্ছ!* নালিত গচ্ছা দিচ্ছই কত্তা পাই পুনবস্তা ॥

—গরম গরম ভাত কলাপাতায় ঢেলে গাওয়া ঘি, দুধ, ময়না মাছের ঝোল, নালিতা শাক দিয়ে স্ত্রী পরিবেশন করতেন, আর পুণ্যবান স্বামী থাকতেন।

ঠিক এইরকম গার্হস্থ্য সৌন্দর্যের ছবি চর্ষাপদে না থাকলেও সাধারণ বাঙালী ঘরে এই ধরনের রম্ভ সহযোগেই-যে ভাত খাওয়া হোত তা অনুমান করতে বাধা নেই। লক্ষ্যায়, ভাতের সঙ্গে ডাল খাওয়ার কথা চর্ষাপদে, প্রাকৃতপৈঙ্গলে, নৈষধচরিতে কিংবা সত্বিককর্ণামতে—কোথাও উল্লেখ নেই। তাই মনে হয়, আদিকালের বাঙালী ডাল পেতো না। ডাল খাওয়ারটা বোধ হয় পরে উত্তরভারতের বাসিন্দাদের দ্বারা বাঙলাদেশে প্রচলিত হয়েছে। তবে দুধ খাওয়া হোত কিংবা গার্হস্থ্য জীবনে দুধ-গোরু এবং বলদের-যে একটা বিশিষ্ট স্থান ছিল তার নানা প্রমাণ চর্ষাপদের একাধিক গীতিতে প্রকীর্ণ। চাষাবাসের জগৎ গৃহস্থ-বাড়িতে বলদ থাকত, গাই থাকত দুধ যোগানোর জন্তে। দুধ দোয়ানোর জন্তে বিশেষ ধরনের পাত্রও ছিল। গোরু দিনে তিন-বার দোয়ানো হোত। এই সমস্ত বিবরণ পাওয়া যায় নিম্নোক্ত শ্লোকগুলিতে :

চুলি দুহি পিটা ধরণ ন জাই। [চর্ষা : ২]

এখানে ‘পিটা’ দুধ দোয়ানোর পাত্র। অথত্র—

দুধ মাঝে লড় অচ্ছন্তে ন দেখই। [চর্ষা : ১২]

‘দুধের মাঝে সর আছে তা চোখে পড়ে না।’ এতে বোঝা যাচ্ছে, দুধ ঘন করে জাল দিয়ে সর তোলার ব্যাপারটি সেকালের বাঙালীরা জানত।

* পাঠান্তর ‘মৌইলী মচ্ছ’ ॥

হুছিল হুধু কি বেণ্টে ষামায় ॥

বলদ বিআএল গবিআ ঝাঝে ॥

পিটা হুহিএ এ তিনা ঝাঝে ॥ [চৰ্খা : ৩৩]

—দোয়ানো হুধু কি ঝাটেতে মিলিয়ে গেল ! বলদ প্রসব করল আর গোরু বক্ষ্যা !
তিন সক্ষ্যা পিটায় হুধু দোয়ানো হয় ! আরেকটি শ্লোকাংশে বলা হয়েছে :

সরহ ভগন্তি বর স্ত্ৰণ গোহলী কি মো হুঠ বলন্দে ।

‘সরহ বলছেন, হুঠ গোরুর চেয়ে শূন্য গোয়াল অনেক ভালো।’ হুঠ গোরুর চেয়ে
শূন্য গোয়াল ভালো—এই প্রবাদটির প্রচলন বহুদিন আগে থেকেই হয়েছে বোঝা
যাচ্ছে ॥

মাছ খাওয়ার কথা চৰ্খাপদে প্রত্যক্ষভাবে কোথাও না থাকলেও নদীতে জ্ঞান
ফেলে মাছ ধরার বিবরণ আছে কাফু,পাদের একটি চৰ্খায়। তবে মাংস খাওয়ার
কথা বহু জায়গায় আছে। মাংসের মধ্যে সবচেয়ে প্রিয় ছিল হরিণের মাংস ; শবর
পুলিন্দ নিষাদ ইত্যাদি অতীত শ্রেণীর লোক হরিণের মাংসই ব্যবহার করতেন
বেশি। ‘আপনা মাংসে হরিণা বৈরী,’ এই কথাটিও হরিণ-মাংসের বহুল ব্যবহারের
প্রমাণ। চারিদিক থেকে জাল দিয়ে বন ঘিরে হাঁক পাড়তে পাড়তে শিকারীরা
হরিণ ধরত। এই সম্বন্ধে একটি পদাংশ :

কাহেরে ঘিনি মেলি অচ্ছহ কীস ।

বেটিল হাক পড়অ চৌদীস ॥ [চৰ্খা : ৬]

চারিদিক থেকে ব্যাধে ঘিরে ফেলেছে। ভীত সন্ত্রস্ত হরিণ বনের মধ্যে যে-
অবস্থায় আছে তার বর্ণনাও সুন্দর :

তিন ন চ্ছুপই হরিণা পিবই ন পাণী ।

হরিণা হরিণীর নিলয় ণ জাণী ॥

হরিণী বোলঅ স্ত্রন হরিণা তো ।

এ বন চ্ছাড়ী হোছ ভাস্তো ॥

তরংগতে হরিণার খুর ন দীসঅ ।

ভুস্কু ভগই মূটা-হিঅহি ণ পইসন্ট ॥

—হরিণ তৃণ স্পর্শ করে না, জল পান করে না। হরিণ হরিণীর আবাস কোথায়
তা জানে না। হরিণী বলে, ‘শোন তুই হরিণ, এই বন ছেড়ে ভ্রাস্ত হও’ (দূর দেশে
চলে যাও)। ত্রস্ত হরিণের খুর দেখা যায় না। ভুস্কু বলছেন, মূটের হৃদয়ে এই
তত্ত্ব প্রবেশ করে না ॥

অস্বাভাব্য সূত্রে বাঙালীর আম কলা তাল কাঁঠাল নারিকেলের উল্লেখ পাওয়া গেলেও চর্যাপদের কবিতায় কোনো রকম ফলের কথা নেই। তবে তেঁতুলের উল্লেখ আছে একটি চর্যায় :

রুথের তেতুলী কুস্তীরে খাঅ । [চর্যা : ২]

—গাছের তেঁতুল সব কুমিরেই খায় ।

তবে ভাত-মাংস ছাড়া মগপানের বিস্তৃত বিবরণ চর্যাপদের একাধিক শ্লোকে আছে। চর্যাপদের মধ্যে নানা কবিতায় মগপান সম্পর্কে যে-রকম উদার বর্ণনা বহু জায়গায় প্রকীর্ণ তাতে এরকম মনে করা খুব স্বাভাবিক যে, সিদ্ধাচার্যরা মগপানটাকে খুব দোষের চোখে দেখতেন না। মগবিক্রয়ের স্থান বা শুঁড়িখানারও বিশদ বর্ণনা নানা সূত্রে আমরা দেখতে পাই। শুঁড়িখানার দরজায় কিংবা দেওয়ালের গায়ে বোধ হয় কোনো চিহ্ন থাকত, তাই দেপে মগপিপাসুরা অভিপ্সীত জায়গাটি বুঝে নিতেন। অধিকাংশ ক্ষেত্রে সম্ভবত মগবিক্রেতার স্ত্রী মগ বিক্রয় করতেন। এক রকম গাছের সরু বাকল কিংবা শিকড় গুঁড়ো করে নিয়ে মদ ঢোলাই করা হোত। ঘড়ায় ঘড়য়ে সুরু 'নাল' দিয়ে মদ ঢালা হোত। বিরূপাপাদের একটি চর্যায় শুঁড়িখানা, মদবিক্রেতা, মগপায়ীর আচরণ ইত্যাদির চমৎকার বাস্তব বর্ণনা আছে :

এক সে শুঁড়িনি দুই ঘরে সাক্ষঅ ।

চাঁহণ বাকলঅ বারুণী বাক্ষঅ ॥

সহজে থির করি বারুণী সাক্ষে ।

জোঁ অজরামর হোই দিটকাক্ষ ॥

দশমি দুআরত চিহ্ন দেখইআ ।

আইল গরাহক অপণে বহিআ ॥

চউশঠা ঘড়িয়ে দেট পসারা ।

পাইঠেল গরাহক নাহি নিসারা ॥

এক ঘড়ুলী সুরুই নাল ।

ভগন্তি বিরুআ থির করি চাল ॥ [চর্যা : ৩]

—এক শুঁড়িনী দুই ঘরে ঢোকে। সে চিকণ বাকল দিয়ে বারুণী মদ বাধে। সহজ পথে স্থির হয়ে বারুণীতে প্রবেশ কর। দৃঢ় স্কন্ধ লাভ করে অজর অমর হও! দশমী দুয়ারে চিহ্ন দেখে গ্রাহক নিজেই সেই পথ বেয়ে শুঁড়ির দোকানে আসে। চৌষটি ঘড়ায় মদ ঢালা হয়েছে—গ্রাহক ঘরে ঢুকল, তার আর সাড়া শব্দ নেই অর্থাৎ মদের নেশায় সে এমনিই বিভোর। সরু নাল দিয়ে একটা ঘড়ায় মদ ঢালা হচ্ছে, বিরূপা সাবধান করে দিচ্ছেন, সরু নাল দিয়ে চিত্ত স্থির করে মদ ঢাল ॥

আমোদ-প্রমোদের উপাদান হিসাবে দাবাখেলার উল্লেখ পাই ১২নং চর্চায়। দাবা খেলা কিংবা পাশা খেলার উল্লেখ চর্চাপদের পূর্বেও পাওয়া যায়। তবে চর্চা-গীতিতে দাবা খেলার বিভিন্ন অঙ্গ এবং দাবার ছকের চৌষটি কোঠার বিস্তৃত উল্লেখ দেখে মনে হয়, দশম একাদশ-শতাব্দীর আগেই এই খেলাটি বাঙলা দেশে বহুল প্রচলিত হয়ে উঠেছে। চর্চাগীতিতে দাবা খেলার 'ঠাকুর' বলা হয়েছে রাজাকে। শব্দটি বিদেশী, তুর্কী। তাই দেখে ডঃ স্কুমার সেন সিদ্ধান্ত করেছেন, চর্চাপদে বর্ণিত খেলার পদ্ধতিটি বোধ হয় বিদেশ থেকে এসেছিল। রাজা বা ঠাকুর ছাড়াও মন্ত্রী, গজবর, বড়ে ইত্যাদিও দাবা খেলায় ব্যবহৃত হোত :

করুণা পিহাড়ি খেলছ' নববল ।
 সদগুরু-বোহেঁ জিতেল ভববল ॥
 ফীটউ ছুআ মাদেসিরে ঠাকুর ।
 উআরি উএস কাহু নিঅড় জিনউর ॥
 পহিলেঁ তোড়িআ বড়িআ মারিউ ।
 গঅবরোঁ তোলিআ পাঞ্চনা ঘালিউ ॥
 মতিএঁ ঠাকুরক পরিনিবিতা ।
 অবশ করিয়া ভববল জিতা ॥
 ভগই কারু অম্‌হে ভলি দায় দেছ' ।
 চউষঠি কোঠা গুণিয়া লেছ ॥ [চর্চা : ১২]

—করুণার পিঁড়িতে নববল (দাবা) খেলি ।। সদগুরুবোধে ভববল জিতলাম । ঠাকুর (রাজা) মরলে দুটোই নষ্ট হল। উপকারীর উপদেশে কারুর কাছে জিনপুর। প্রথমেই বোড়ে তুলে মারলাম (বোড়ের চাল দিলাম)। তারপর গজ তুলে পাচজনাকে মারলাম (ঘায়েল করলাম)। মন্ত্রী দিয়ে ঠাকুরকে (রাজাকে) প্রতি-নিরস্ত করলাম (বা ঠেকালাম), অবশ করে ভববল জিতলাম। কারু, বলছেন, দান আমি ভালোই দিই, চৌষটি কোঠা গুণে নিই ॥

অজ্ঞান আমোদ-প্রমোদের মধ্যে নৃত্যগীতের কথা চর্চাগীতের বহু জায়গায় আছে। ডোম কাপালিক নট ইত্যাদি জীবিকার এবং জাতির লোকদের মধ্যে নৃত্য করা কিংবা গীত-বাগের সমাদর করা খুবই প্রচলিত ছিল মনে হয়। সেই সময়ে বাঙালী সমাজের নিয়ন্ত্রণে এমন এক ধরনের লোক বোধ হয় ছিল, যারা নাচগান করেই জীবিকা নির্বাহ করত। ডোম্বীরা-যে খুব নাচগানে পারদর্শিনী হতেন তার প্রমাণ :

এক সো পদমা চৌষঠী পাখুড়ী ।
 তহিঁ চড়ি নাচঅ ডোম্বী বাপুড়ী ॥

—এক হয় পদ্ম তার চৌষটি পাপড়ি । তাতে চড়ে নাচে ভোষী বাছা ।

নাচেগানে ভোষীরা পারদর্শিনী ছিলেন বলে তাঁদের ও অছাশ্র অস্ত্যজ শ্রেণীর রমণীদের সামাজিক নীতিবন্ধন বোধ হয় কিছুটা শিথিল ছিল । উচ্চ সমাজের লোকেরাও অর্থাৎ ‘ব্রাহ্মণ নাড়িয়া’রা যে তাদের কুঁড়ে ঘরের আশে পাশে ঘুর ঘুর করতেন এরকম ইঙ্গিত তো আগেই দিয়েছি । জ্ঞাতি ও সংস্কার যে-সমস্ত সহজযানী ও কাপালিকরা মানতেন না, তাঁদের বিবিধ ধর্মাচরণে ভেদীদের সঙ্গিনী হতে কোনো বাধা ছিল না । কারুপাদ পরিস্কার বলেছেন, আমি নটের পেটিকা তোমার জন্তে (ভোষীর জন্তে) ত্যাগ করেছি, তোমার জন্তেই আমি কাপালিক, হাড়ের মালা গলায় নিয়েছি (চর্ষা : ১০) । একই চর্ষায় তিনি আরো স্পষ্ট করে বলেছেন, ‘আমি কারুপাদ, কাপালিক যোগী নিগ্ৰহণ এবং উলঙ্গ । ভোষি, আমি তোমার সঙ্গেরই সঙ্গ করব’ । কারুপাদ আরো একটি চর্ষায় বলেছেন :

কইসনি হালো ভোষী তোহরি ভাভরিআলি ।

অশ্বে কুলিনজন মাঝে কাবালী ॥

তুই লো ভোষী সমল বিটলিউ ।

কাজ গ কারণ সমহর টালিউ ॥

কেহো কেহো তোহোরে বিরুআ বোলই ।

বিহুজ্জন-লোঅ তোরে কঠ ন মেলঙ্গি ॥

কারু গাইতু কামচণালী ।

ভোষীত আগলি নাহি ছিনালী ॥ [চর্ষা : ১৮]

—হালো ভোষি, কেমন আশ্চর্য তোর চাতুরী । তোর এক অশ্বে কুলীনজন, মাঝখানে কাপালিক । ভোষি, তুই সবাইকে বিনাশ (নষ্ট) করিস । কার্যকারণের হেতু তুই শশধরকে বধ করিস । কেউ কেউ বলে তুই (তাদের প্রতি) বিরূপ । কিন্তু বিদ্বজ্জন তোকে কঠ থেকে ছাড়ে না । কারু বলছেন, তুই কামচণালী, ভোষীর চেয়ে বেশি ছিনালী আর কেউ নেই ॥

নাচগানের সঙ্গে বাণ্যস্ত্রের ব্যবহারও সেই সময়ে হোত । বাণ্যস্ত্রের মধ্যে একতারা, হেরুক বীণা, ডমরু, ডমরুলি, বাঁশী, মাদল, পটহ ইত্যাদির উল্লেখ একাধিক চর্ষায় আছে । গোপীযন্ত্রের মতো লাউয়ের খোলায় বাঁশের ডাঁটি লাগিয়ে তার সঙ্গে তাঁত বা তন্ত্রী জুড়ে এক রকম বীণার মতো যন্ত্রের উল্লেখ পাচ্ছি :

সুজ লাউ সসি লাগেলি তাস্তী ।

অনহা দাণ্ডী চাকি কিঅত অবধুতী ॥

বাজ্জই আলো সহি হেরুঅ বীণা ।
সুন তান্ত্বিধবনি বিলসই রুণা ॥

—সূর্য-লাউয়ে শশী লাগল তন্ত্বী, অনাহত দণ্ড—সব এক করে দিল অবধূতী ।
ওগো সখি, হেরুঅ বীণা বাজছে । শোন, তন্ত্বীধবনি কী করুণ সুরে বাজছে ! গানের
সাহায্যে নাটক অভিনয় বা গীতাভিনয়ের প্রচলন বোধ হয় সেই সময়ে ছিল । কারণ,
এই চর্চাটির (নং ১৭) শেষ দুটি চরণে দেখছি :

নাচন্তি বাজিল গান্তি দেবী ।
বুদ্ধ-নাটক বিস্ময়া হোই ॥

—বজ্রাচাৰ্য নাচছেন, গাইছেন দেবী । এইভাবে বুদ্ধ-নাটক সুসম্পন্ন হয় ।
এখানে বুদ্ধনাটক কথাটি লক্ষ্য করবার । হয়তো সেই সময় নাচগানের মধ্যে দিয়ে
কোনো বিশেষ ঘটনা বা বুদ্ধদেবের জীবন-কাহিনীকে রূপ দেওয়া হোত । গানের
ব্যাপারেও সিদ্ধাচার্যদের-যে উৎসাহের কিছু কমতি ছিল তা নয় । প্রতিটি
চর্চাপদের প্রথমেই কোন্ রাগে পদটি গাইতে হবে তার সুস্পষ্ট নির্দেশ আছে ।
চর্চাপদের তিব্বতী অম্বুদাদ অম্বুসারে রাগগুলিকে এইভাবে তালিকাবদ্ধ করতে
পারা যায়—পটমঞ্জরী, গউড়া, মালসীগউড়া, মালসী, মল্লারী (মল্লার ?), গুঞ্জরী,
কহুগুঞ্জরী, রামক্ৰী (রামকেলি ?), দেশাথ (দেশি ?), ভৈরবী, কামোদ, বড়ারী,
শবরী, অরু, দেবক্ৰী, ধানশী, বঙ্গাল ও ইন্দ্রতাল । এর মধ্যে ইন্দ্রতাল বোধ হয়
কোনো তালের নাম ॥

লোকায়ত সমাজের নানা ক্রিয়াকর্ম আচার-অম্বুষ্ঠান উৎসব ইত্যাদিরও সুষ্ঠু সংক্ষিপ্ত
বিবরণ আছে চর্চাপদে । আজকের দিনের মতো সে-যুগেও বর বিবাহযাত্রায় খুব
ধুমধাম করে বাজনা বাজিয়ে বিয়ে করতে যেতেন । কারুপাদের চর্চায় এই বিবাহ-
যাত্রার ভারী স্তম্ভর বাস্তব বর্ণনা আছে :

ভবনির্বাণে পড়হ-মাদলা ।
মন পবণ বেনি করুণকশালা ॥
জঅ জঅ দুম্বুহি সাদ উছলিআ ।
কাহু ভোম্বী-বিবাহে চলিআ ॥
ভোম্বী বিবাহিআ অহারিউ জাম ।
জউতুকে কিঅ আগুতু ধাম ॥
অহনিসি সুরঅ পসকে জাম ।
জোইনিজালে রঅনি পোহাঅ ॥

ডোম্বী-এর সঙ্গে জো জোই রস্তো ।

খনহ ন ছাড়অ সহজ-উন্নস্তো ॥ [চর্ঘা : ১২]

—ভব ও নির্বাণ হল পটহ ও মাদল ; মন পবন দুই করণকশালা । হুন্দুভি শব্দে জয়ধ্বনি উঠিয়ে কাঙ্ক্ষুপাদ ডোম্বীকে বিবাহ করতে চললেন । ডোম্বী বিবাহ করে জাত পেলাম, কিন্তু যোতুক পেলাম অল্পত্তরধাম । [নীচু জাতের ডোম্বীকে বিয়ে করে জাত কুল সব গেল বটে, কিন্তু ভালো যোতুক পেয়েছি, তাতেই সব ক্ষতিপূরণ হয়ে গেছে—এই ভাব ।] অহর্নিশ স্মরত প্রশস্তেই কাল যায়, অন্ধকার রজনী জ্ঞানালোক পোহায় । ডোম্বীর সঙ্গে যে-যোগী অল্পরক্ত হন, তিনি সহজে উন্নত হয়ে আর ক্ষণমাত্রও ডোম্বীর সঙ্গে ছাড়তে চান না ।

এই চর্ঘাপদে নানা জিনিসের মধ্যে একটি বিষয়ে তির্যক ইঙ্গিত পাওয়া যাচ্ছে । সেকালে যোতুকের লোভে ছোট ঘর থেকে বিয়ে করে মেয়ে নিয়ে আসার প্রথা ছিল । বাসর-ঘরে বর তিন ধাতু নিমিত খাটে বধুকে বৃকে নিয়ে মেয়েদের ভিড়ে রাত কাটাত :

তিঅধাউ খাট পড়িলা সবরো মহাস্বহে সেজি ছাইলী !

সবরো ভুজঙ্গ নৈরামণি দারী পেস্ক রাতি পোহাইলী ॥

কর্পূর দিয়ে পানও বর খেতেন :

হিঅ তাঁবোলা (তাধুল) মহাস্বহে কাপুর খাই ॥

স্বন নৈরামণি কণ্ডে লইআ মহাস্বহে রাতি পোহাই ॥ [চর্ঘা : ২৮]

নানা অলংকারও সেই সময়ের রমণীসমাজ নিজ দেহকে অলংকৃত করার ভঙ্গ ব্যবহার করতেন । এই সমস্ত অলংকারের মধ্যে বিশেষ ব্যবহার ছিল—কাকান বা কঙ্কণ, ঘণ্টানেউর বা বাজননপূর, মুস্তিহার বা মুক্তাহার এবং কুণ্ডল । এ ছাড়া প্রাকৃত-রমণীর নিজস্ব বেশভূষার মধ্যে খোঁপায় ফুল, ময়ূরের পাখা, গলায় ফুলের মাল্য এবং ফুলের কর্ণাভরণ—এরও উল্লেখ আছে নানা চর্ঘায় । আয়না ব্যবহারের কথা পাই ৪২ নং চর্ঘায় ॥

গার্হস্থ্য জীবনে সস্ত্রী (স্বস্তর), শাস্ত্র (শাস্ত্রী), ননন্দ (ননদ) ইত্যাদির সঙ্গে বহুড়া (বধু) ঘর করত । শালী বা স্ত্রীর ভগ্নীও বোধ হয় ভগ্নীপতির ঘরে বাস করত, কারণ শালীর উল্লেখ পাচ্ছি ১১ নং চর্ঘায়—‘মারিঅ শাস্ত্র ননন্দ ঘরে শালী’ । সম্ভান-প্রসবের সময় বধুকে অন্তউড়ি বা আঁতুড় ঘরে নিয়ে যাওয়া হোত ;—কুকুরীপাদ বলেছেন ২০ নং চর্ঘায় ‘ফেটলিউ গো মাএ অন্তউড়ি চাহি’—আমি আঁতুড় ঘর দেখেই বিষয়-বুদ্ধি ছেড়েছি । ঘরে চাবি-তালা লাগানো হোত ।

ভায় উল্লেখ আছে গুণ্ডরীপাদের ৪ নং চর্চায়—‘সাস্থ ঘরে ঘালি কোধা তাল’, নতুবা।
কালু পাদের কথায় :

সুনবাহ তথতা পহারী ।

মোহভগার লই সঅলা অহারী ॥ [চর্চা : ৩৬]

‘শুভ ঘরে তথতা প্রহারী ; মোহ-ভাগার সমস্তই কেড়ে নিয়ে গিয়েছে’ ।

ছিঁচকে চোরের উপদ্রবও ছিল :

আঙ্গন ঘরপণ সুন ভো বিয়াতী ।

কানেট চোরে নিল অধরতী ॥

সসুরা নিদ গেল বহুড়ী জাগঅ ।

কানেট চোরে নিল কা গই মাগঅ ॥ [চর্চা : ২]

ঘরের কোণে অঙ্গন, সেখানে শব্দর ঘুমিয়ে পড়েছেন—মাঝরাতে চোরে বউয়ের কানেট খুলে নিয়ে গেল । শব্দর তখনও ঘুমিয়ে, কিন্তু বউ জেগে আছে—তার মনে চোরের ভয় । অশ্রুদিকে গমনা হারানোর জন্তে ভাবনা । অবশ্য এই চোর সোনাদোর না মনচোর তা ঠিক করে বলা যাচ্ছে না । কারণ এই চর্চার কয়েকটি পঙ্ক্তি পরেই আছে :

দিবসে বহুড়ী কাগ ডরে ভাস ।

রাতি ভইলে কামরু জাঅ ॥

—দিনের বেলা বউটি কাকের ডাকেই ভয় পায় । আর রাত্রিতে কামবাসনার কোথায় চলে যায় । অসতী কুলবধু তখনও ছিল, যেমন ছিল নিজ ঘরের ‘ঘরিনী’ ছেড়ে প্রকাশে অথবা গোপনে পঞ্চবর্ণে বিহার করা ॥

ঘরে অনেক রকমের বাসনপত্র ব্যবহার করা হোত । ইাড়ি, পিটা (দুধ দোওয়ার পাত্র), ঘড়ুলি, (গাছু ?), ঘড়ি (ঘড়া)—এদের ব্যবহারই ঘুরে ঘুরে দেখতে পাচ্ছি । কুঠার, টাঙ্গী, নখলি (খস্তা)—হাতিয়ার হিসাবে ব্যবহার করা হোত বেশি ॥

সমাজে ধনীর ঘরে পূজো আর্চা বেশ ঘটা করেই হোত । সাধারণ ধনীর ঘরে দেব পূজার জন্ত বিগ্রহ থাকত, ধূপ ইত্যাদি জালানো হোত—এর উল্লেখ আছে ৪৭ নং চর্চায় । রাজার তাম্রশাসন বা দলিলের জোরে ধনীরা জমি ভোগ করতেন । ধনীদের ঘরে সোনাকুপার ভাঁড়ারের কমতি ছিল না । ধার্মিক লোকেরা শাস্ত্রীয় পুঁথি ইত্যাদি পড়তেন, কোশাকুশি নিয়ে পূজো করতেন, মালা জপ করতেন । মন্ত্র-তন্ত্র পাঠ করে দীপ জ্বলে নৈবেদ্য সাজিয়ে জলে স্নান করে শুচি হয়ে ধ্যান করার অভ্যাস ছিল ব্রাহ্মণদের । তাঁদের তামাশা করে বলা হয়েছে :

কিন্তোহ মন্তে কিন্তোহ তন্তে কিন্তোহ বান-বথানে ।

গঙ্গা জুটনা মাঝে রে বহই নাই ।
 তহিঁ বুড়িলী মাতঙ্গী যোইআ লীলে পার করেই ॥
 বাহ তু ডোষী বাহ লো ডোষী বাটত ভইল উছারা ।
 সদগুরু পুত্রপত্র জাইব পুণু জিগউরা ॥
 পাঞ্চ কেড়ু আল পড়ন্তে মাঙ্কে পিটত কাঙ্ছী বাক্ছি ।
 গঅণ-দুখোলৈঁ সিঞ্চু পানী ন পইসই সাক্ছি ॥
 চন্দ সৃজ্জ ছুই চকা সিঠি সংহার পুলিন্দা ।
 বামদাহিন ছুই মাগ ন চেবই বাহতু ছন্দা ॥
 কবড়ী ন লেই বুড়ী ন লেই স্চুছরে পার করেই ।
 জো রথে চড়িলা বাহবা ন জাই কুলে কুলে বুলই ॥ [চর্থা : ১৪]

‘গঙ্গা আর যমুনার মাঝখানে নৌকা বইছে ; মাতঙ্গ-কণ্ঠা ডোষী তাতে জলে ডুবে ডুবে লীলায় পার করেছে । লো ডোষি, নৌকা বাও, বেয়ে চল, পথেই দেরি হয়ে যাচ্ছে । সদগুরু-পাদ-প্রসাদে আমি আবার জিনপুরীতে যাব । পাচটি ঠাঁড় পড়ছে পথে, পিসেতে কাছি বাঁধা ; শূণ্ঠ মৈঁউতিতে জল মৈঁচে ফেল, জল যেন কায়ার সন্ধিতে প্রবেশ না করতে পারে । সৃষ্টির সংহারকারী চন্দ্র-সূর্য ছুই চাকা ও পুলিন্দা । বাম ও ডানদিকে না তাকিয়ে অনায়াসে নৌকা বেয়ে চল ; (সেই ডোষী) কড়িও নেয় না, বুড়িও নেয় না—স্বেচ্ছায় পার করে । যারা রথে চড়ল, নৌকা বাওয়া জানল না,—তারা তীরে তীরে ঘুরে মরে ।’

পার হয়ে কড়ি নেই বললে পাটনী-যে যাত্রীদের কাপড়-চোপড় তুলে সর্বাক্ষ খুঁজে দেখত তার উল্লেখ আছে তাড়কপাদের ৩৭ নং চর্চায় ॥

নদ-নদী-খাল-বিলবহুল ‘প্রচুর পয়সি’ বাঙলাদেশে বর্ষাকালে পঞ্চষাট সব ডুবে গেলে এক পাড়া থেকে অল্প পাড়ায় যাতায়াত করতে-যে ঠাঁকোর প্রয়োজন ছিল, তারও উল্লেখ পাই কয়েকটি চর্চায় । বাশ কিংবা কাঠের ঠাঁকোর সঙ্গে সেকালের বাঙালীর ঘনিষ্ঠ পরিচয় ছিল । চাটিলপাদের একটি চর্চায় বলা হচ্ছে :

ধামার্থে চাটিল সাক্চম গড়ই ।
 পারগামী লোঅ নিভর তরই ॥
 ফাড়িঅ মোহতরু পাটি জোড়িঅ ।
 আদঅদিটি টাঙ্গী নিবাণে কোরিঅ ॥
 সাক্চমত চড়িলে দাহিগ বাম মা হোহী ।
 নিয়ড্ভী বোহি দূর মা জাহী ॥ [চর্থা : ৫]

‘পারগামী লোক যাতে নির্ভয়ে পার হতে পারে, সেই উদ্দেশ্যে চাটিলপাদ দূত

সাঁকো গড়ে দিয়েছেন। (কুঠার দিয়ে) মোহতরু ফেড়ে সেই সাঁকোর পাটিগুলি জোড়া দেওয়া হয়েছে, অক্ষয়-টাকী দিয়ে নির্বাণকে দৃঢ় করা হয়েছে। সাঁকোতে চড়ে ডানদিক বাঁদিক কোর না। নিকটেই আছে বোধি, দূরে যেও না।’

বাংলাদেশের নদীতে জলদস্যুর উপদ্রব ছিল, তারও ইন্ধিত পাই ভুস্কুর একটি চর্চায় :

বাজ্জণাব পাড়ী পউআ খালৈ বাহিউ ।

অদঅদকালে ক্লেস লুড়িউ ॥ [চর্চা : ৪২]

‘পদ্মাখালে (পদ্মা নদীতে?) বজ্জনৌকা পাড়ি দিয়ে বেয়ে চলি; (তখন) অক্ষয়-দকাল আমার সব ক্লেস লুট করে নিল।’ তারপরেই তিনি বলছেন, এর ফলে ‘সোণত (সোনা) রুঅ (রূপা) মোর কিম্পি ৭ থাকিউ’। এখানেই শেষ নয়, ‘চউকোড়ি ভাণ্ডার মোর লইআ সেস, জীঅন্তে মইলৈ নাহি বিশেস।’ লুটেরা জলদস্যুদের দ্বারা এইভাবে সর্বস্ব লুঠ হওয়ায় ইন্ধিত থেকে বৃহতে পারা যায়, পত্নীগীজ জলদস্যু বা হারমাদদের অত্যাচারের অনেক আগে থেকেই বাংলা দেশে এই ধরনের উপদ্রব ছিল ॥

নৌকা-ডেলা ইত্যাদি জলযান ছাড়া স্থলপথে চলার জন্তে রথ-জাতীয় স্থলযানের ব্যবহার সেকালের বাংলাদেশে ছিল। ভোগীপাদের পূর্ব-উদ্ধৃত একটি চর্চায় (নং ১৪) সব শেষের পঙ্ক্তিভে বলা হয়েছে ‘জো রথে চড়িলা বাহনা ন জাই কূলে কূলে বুলই’—যারা রথেই চড়ল, নৌকা বাওয়া জানল না, তারা কূলে কূলেই ঘুরে ফিরল। এই রথ যে-অধিকাংশ ক্ষেত্রেই গো-যান ছিল, অথ সূত্রে তা জানতে পারা গিয়েছে। স্থলযানের চেয়ে জলযানের শ্রেষ্ঠত্ব বা আদর ছিল বেশি, তার ইন্ধিতও উদ্ধৃত পঙ্ক্তিটিতে স্পষ্ট ॥

অতি প্রাচীনকাল থেকে বাংলাদেশে ও কামরূপে হাতি শিকার, হাতি পোষ মানানো এবং সেই সূত্রে হাতির রোগের চিকিৎসাও প্রচলিত ছিল। হরপ্রসাদ শাস্ত্রীর মতে হস্তী-আয়ুর্বেদ বাংলাদেশের একচেটিয়া ব্যাপার ছিল, এবং বাঙালীর পক্ষে তা ছিল বিশেষ গৌরবের। চর্চাপদে হাতিকে রূপক হিসাবে ধরে অনেকগুলি গান রচিত হয়েছে। সেই প্রসঙ্গে খেদায় হাতি ধরা, বহু হাতিকে শত্রু করে বেঁধে রাখা, বহু এবং পাগল হাতির শিকল ছিঁড়ে খুঁটি ভেঙে পালিয়ে যাওয়ার অতি সুন্দর বাস্তব বর্ণনা চর্চাপদের নানা গীতে আছে। কাঙ্ক্ষাপদ বলছেন :

এবংকার দিট বাগোড় মোড়অ ।

বিবিহ বিআপক বাঙ্গ তোড়িঅ ॥

আবার 'কিঙ্কোহ দীর্ঘে কিঙ্কোহ নিবেঙ্ক' (নৈবেঙ্ক) একথাও বলেছেন সিদ্ধাচার্যরা। তবে সাধারণভাবে সমাজে বিধান ব্যক্তির সমাদর ছিল, সম্মান ছিল ॥

নদীমাতৃক বাঙলাদেশের সুন্দর ছবিটি নানা চর্যায় চমৎকারভাবে ফুটে উঠেছে। নদনদী খালবিলের গহন জল, কাদায়-মাথা তীর, প্রবল শ্রোত, নানা বিচিত্র নামের নৌকা, পেয়া পারাপার, পারের মাসুল আদায় করা, দাঁড় দিয়ে নৌকা বাওয়া, কাছি খুলে শ্রোতে নৌকা ছেড়ে দেওয়া, মাঝ নদীতে এসে চারিদিকে তাকিয়ে দেখে ভীত হওয়া, গুণ টেনে নৌকা বাওয়া—ইত্যাদি নদী-সংক্রান্ত সমস্ত ছবি চর্যাগীতিগুলিতে পরম ভালোবাসার সঙ্গে চিত্রিত।

ভবণই গহন গস্তীর বেগে বাহী।

হুয়াশ্বে চিখিল মাঝে পার ন থাহী ॥ [চর্যা : ৫]

—গহন গস্তীর ভবনদী বেগে বইছে, হুই তীরে কাদা, মাঝে ঠাই নেই বা থই পাওয়া যাচ্ছে না—ওই ছবি বাঙলাদেশেরই নিজস্ব। নানা রকমের নৌকার নাম—নাব, নাবী, নাবড়ী, ভেলা, বেণি ; নৌকায় ব্যবহৃত কেডুআল, খুষ্টি, কাছি, মাসুল, পিট, ছুখোল, চকা, পঃবাল, নাহী, গুণ, দাঁড়, কাছি, সৈঁউতি, পাল, চক্র, পুলিন্দা, হাল—সমস্ত জিনিসকে আধ্যাত্মিক রূপক হিসাবে ব্যবহার করেছেন চর্যাপদের সিদ্ধাচার্যরা। এতেই বোঝা যায়, নদনদী খালবিল, নৌকা, নৌ-বন্দর, নৌ-বাণিজ্য, পারাপার, পাটনী—ইত্যাদি সমস্ত কিছুই সঙ্গের তাঁদের আত্মিক যোগ ছিল কত ঘনিষ্ঠ। সরহপাদের একটি গীতে নৌযাত্রার কী সুন্দর বর্ণনা।

কামা গাবড়ি খাশ্টি মণ কেডুআল।

সদগুরু-বঅনে ধর পতবাল ॥

চিঅ থির করি ধরছরে নাই।

অন উপায়ে পার গ জাই ॥

নৌবাহী নৌকা টানঅ গুণে।

মেলি মেল সহজে জাউ গ আগে ॥

বাটত ভঅ খাণ্ট বি বলআ।

ভব উলোলেনে সব বি বোলিআ ॥

কুল লই থরসোশ্বে উজাঅ।

সরহ ভণই গঅণে সমাএ ॥ [চর্যা : ৩৮]

কম্বলপাদ বলছেন :

খুঁটি-উপাড়ি মেলিলি কাছি ।

বাহ তু কামলি সদগুরু পুছি ॥

মান্ত চড়হিলে চউদিস চাহঅ ।

কেডুআল নাহি কেঁ কি বাহবক পারঅ ॥ [চর্ঘা : ৮]

—খুঁটি উপড়িয়ে কাছি মেলে দাও ; কম্বলপাদ তুমি সদগুরু-কে জিজ্ঞাসা করে নৌকা বেয়ে যাও । মাঝ-নদীতে এসে চারিদিকে চেয়ে দেখ ; দাঁড় না থাকলে কে নৌকা বাইতে পারে ?

শাস্তিপাদের একটি চর্ঘায় আছে :

কুলে কুল মা হোইরে মূঢ় উজুবাট সংসারা ।

বাল ভিগ একু বাকু ৭ তুলহ রাজপথ কঙ্কারা ॥

মাআমোহাসমুদারে অন্ত ন বুঝসি থাহা ।

অগে নাব ন ভেলা দীসই ভাস্তি ন পুছসি নাহা ॥

সুনাপান্তর উহ ন দীসই ভাস্তি ন বাসসি জাস্তে ।

এষা অটমহাসিন্ধি সিঝএ উজুবাট জাস্তে ॥

বামদাহিন দো বাটা চ্ছাড়ী শাস্তি বুলথেউ সংকেলিউ ।

ঘাট-ন-গুমা-খড়তড়ি নো হোই আথি ব্জিঅ বাট জাইউ ॥

[চর্ঘা : ১৫]

—হে মূঢ়, কূলে কূলে ঘুরে বেড়িও না, সংসারের মধোই যে আছে সহজ পথ । বালকের মতো বিকলে হুলো না, তোমার সামনে সোনা বাঁধানো রাজপথ । সামনে অন্তহীন মায়ামোহরূপ সমুদ্র, যদি তার গভীরতা না বুঝতে পার, সামনে যদি কোনো নৌকা বা ভেলা না দেখা যায়, তবে যারা অভিজ্ঞ নাবিক তাঁদের কাছ থেকেই পথের দিশা জেনে নাও । শূন্য প্রান্তরে যদি পথের দিশা না বুঝতে পার, তবু ভাস্তির পথে এগিয়ে যেও না । সোজা সহজ পথ (ঋজুপথ) ধরে গেলেই পাবে অষ্ট মহাসিন্ধি । শাস্তিপাদ সংকেতের সাহায্যে বলছেন, বাম ও ডান দুই পথ ছেড়ে দাও (মাঝপথে চল) ; এই পথে ঘাট ঝোপ কিছু নেই ; চোখ বন্ধ করে এই পথে যাওয়া যায় ।

নৌকা নদী এবং মাঝির সাহায্যে রূপক সৃষ্টি চর্ঘাপদের অসংখ্য গানে । নৌকায় খেয়া পারাপারের ইঙ্গিতও চর্ঘাপদের বহু গানে আছে । কড়ি বা বুড়ী পারের মাঙ্গল হিসাবে নিয়ে খেয়াপার করানো হোত । অনেক সময় অন্ত্যজ শ্রেণীর রমণীরাও খেয়া পারাপারের কাজটি করতেন । ভোম্বীপাদের একটি চর্ঘায় এই ইঙ্গিত আছে :

চর্ঘাপদ

চর্চাপদে উপমা ও রূপক ॥

আমরা আধুনিক বুদ্ধির উৎসাহে চর্চাপদকে যে-ভাবেই ব্যাখ্যা করি না কেন, চর্চাপদগুলি সিদ্ধাচার্যরা লিখেছিলেন আধ্যাত্মিক সাধনার উদ্দেশ্যে এবং ঐ উদ্দেশ্য ছাড়া দ্বিতীয় উদ্দেশ্য তাঁদের ছিল কি-না, এ কথা বলার মতো প্রমাণ আমাদের হাতে নেই। প্রত্যেকটি চর্চাপদের বিষয়বস্তুই ছুরুছ দর্শন ও আধ্যাত্মিকতার আলোচনায় রহস্যময়। সম্প্রতি কোনো কোনো গবেষক চর্চাপদের ইত্যন্ত বিচ্ছিন্ন কয়েকটি পদংশ উদ্ধার করে সেইগুলির বিশদ আলোচনার সাহায্যে দেখাতে চেয়েছেন, শ্রেণীভেদ, ধনিক ও গরিবের সংঘর্ষ, উচ্চজাতি ও নিম্নজাতির বিরোধ ইত্যাদিই চর্চাপদের মনস্তাত্ত্বিক প্রেরণা এবং এই শোষণ শাসন অন্টার অবিচার ক্রোধ জিঘাংসা বিদ্বেষ-- এইসব থেকে মুক্ত হবার আদি বাঙলার জনমানবের দিগদর্শনই চর্চাপদে প্রচ্ছন্ন। এইভাবে নির্দিষ্ট একটা ছকে ফেলে কাব্যবিচার কত দূর সংগত এবং সার্থক তা অবশ্য বলতে পারি না। আমার নিজের মনে হয়, যে-কাব্য যে-উদ্দেশ্যে রচিত সেইভাবেই তার সার্থকতার বিচার করা বাঞ্ছনীয়। চর্চাপদ মূলত আধ্যাত্মিক কতকগুলি আচরণীয় ও অনাচরণীয় সাধনপদ্ধতির ইঙ্গিত বহন করছে, এবং সেই জিনিসগুলি বোঝাবার জন্তই কতকগুলি প্রতীকবস্ত্র ব্যবহার করা হয়েছে, উপমা-রূপকের প্রয়োগ করা হয়েছে। এই পর্মাণে সেই উপমা-রূপক-প্রতীকের ব্যবহার সম্বন্ধেই আমরা আলোচনা করব ॥

চর্চাপদের সমস্ত গান অল্পধাবন করলে দেখা যাবে, প্রত্যেকটি গানেই হয় কোনো ধর্মীয় শিক্ষা কিংবা সিদ্ধাচার্য-প্রদর্শিত এবং আচরিত ধর্মসাধনার প্রক্রিয়ার কথা বলা হয়েছে। এই জিনিসটি বোঝাবার বা দেখাবার জন্ত তাঁরা স্বভাবতই লৌকিক জগতের বিভিন্ন বস্তু বা প্রাণীর স্বধর্মের যে-সমস্ত বিশেষত্ব তাঁদের আধ্যাত্মিক শিক্ষাদানের পক্ষে উপযোগী হবে বলে তাঁরা মনে করেছেন, সেইগুলিকেই প্রতীক হিসাবে বেছে নিয়েছেন। মাটি, গাছ, ডালপালা, ফুল; আকাশ; নদী, নদীর শ্রোত, নৌকা, দাঁড়, ঘাট, পাটনী; অরণ্য; হরিণ-হরিণী; ভোম্বী; মৃষিক; কুঠার, থালাবাটি, বাসন; সোনা-রূপা; শবরী, কাপালিক, ব্রাহ্মণ—সমস্তই এক-একটা বিশেষ ধরনের আধ্যাত্মিক বিষয়বস্তুর উপমা ও রূপক হিসাবে চর্চাপদে ব্যবহৃত ॥

মাহুঘ এবং মাহুঘের শরীরকে একটি চর্চায় গাছের সঙ্গে তুলনা দেওয়া হয়েছে (১ নং)। বৃক্ষের সঙ্গে মানবের আত্মীয়তা অতি প্রাচীন। মানব-সভ্যতার আদিমতম স্তরে এই গাছই ছিল মাহুঘের সবচেয়ে পরিচিত মুক আত্মীয়। পৃথিবীর সবদেশের প্রাচীন সাহিত্যে তাই গাছের কথা আছেই। বৃহদারণ্যক উপনিষদেও বৃক্ষের সঙ্গে মাহুঘের উপমা দিয়ে বলা হয়েছে, গাছের দেহে যেমন পাতা, বন্ধল, রস, কাঠ, তেমনি মাহুঘের দেহে লোম, চামড়া, রক্ত এবং হাড় আর মাহুঘের মজ্জা বৃক্ষের ‘মজ্জাপমা।’* উল্লিখিত চর্চাপদটিতেও মাহুঘের এই দেহকে তুলনা করা হয়েছে গাছের সঙ্গে। কায়-ভরুর পাঁচটি ডাল বলার অর্থ আমাদের শরীর একটি বৃক্ষ, এবং এর পঞ্চস্কন্ধ বা পঞ্চকর্মেন্দ্রিয় পাঁচটি শাখা। লুইপাদের এই চর্চাটিতে যা বলা হয়েছে তাতে স্নগভীর আধ্যাত্মিক দর্শনই প্রধান। আমাদের দেহ এবং পঞ্চ-ইন্দ্রিয় নিয়ে এই আমরা, সাংসারিক বিষয়ের আকর্ষণে এবং প্রভাবে আমাদের চিত্ত চঞ্চল হয়, সেইজন্তই আমরা বিবিধ দুঃখ ভোগ করি এবং শেষে কালকবলিত হই। কিন্তু এই চঞ্চলতা দূর করে মহাস্নগ বা নিত্যানন্দ লাভ করবার জন্তে আমাদের দৃঢ়চিত্ত হতে হবে, যোগ ধ্যান সমাধি এসব ক্রমিক উপায়ের প্রতি গুরুত্ব না দিয়ে ভ্রান্তিবশতই আমরা জগৎকে প্রত্যক্ষ করছি, এই বোধটাকে মনে দৃঢ় করে নিয়ে, শূন্যতার সাধনা আমাদের করতে হবে। এই আধ্যাত্মিক উপদেশটিই এই চর্চাতে গাছ, গাছের ডালপালা, গুরুকে জিজ্ঞাসা করা, পিঁড়িতে স্থির হয়ে বসে ইত্যাদি রূপকের সাহায্যে বিবৃত হয়েছে ॥

দ্বিতীয় চর্চাপদটিতে রূপক সৃষ্টি করা হয়েছে ছলি, পিটা, গাছের তেঁতুল, কুমির, কানের স্বর্গাভরণ, চোর, শ্বশুর, বধু ইত্যাদির সাহায্যে। এমনিতে এই চর্চাগীতিটির অর্থ সরল—কচ্ছপ ছুইয়ে পাত্রে দুধ ধরা যাচ্ছে না, গাছের তেঁতুল-সদ কুমিরেই খেয়ে নিচ্ছে। ঘরের আঙনে শ্বশুর নিদ্রিত হল, বধুটি জেগে আছে, কারণ তার ‘কানেট’ চোরে নিয়ে গেছে। দিনের বেলা বউটি কাকের ডাকে ভয়ে চমকে উঠে আর রাত্রি হলে সে কামে প্রীত হতে চলে যায়। এই-যে চর্চাটি কুক্কুরীপান রচনা করেছেন তার অর্থ কোটিতে গুটিক লোক বোঝে। ‘কোড়ি মাঝে এঁকু হিঅহি সমাইড’—কথাটি একটু বেশি বলা হলেও এর গূঢ়ার্থটি বোঝা সম্ভব কঠিন। কারণ এখানে ছলি বা কচ্ছপ বলতে বোঝাচ্ছে দ্বৈতভাব যাতে লীন হয়েছে এই রকম মহাস্নগকমল। দুধ ছুইয়ে যে-পাত্রে রাখা হয় তার নাম পিটা ঠিকই, কিন্তু এখানে পিটা অর্থ শরীরের ভিতরের ২৪টি পীঠ, যে-পীঠে শূন্যতা-

* বৃহদারণ্যক উপনিষদ ৩.২।২৮ ॥

কাঙ্ক্ষু বিলসই আসব মাতা ।

সহজ নলিনীবন পইসি নিবিতা ॥

জ্জিম জ্জিম করিণা করিণেরেঁ রিসঅ ।

তিম তিম তথতা মঅগল বরিসঅ ॥ [চর্চা : ৯]

কাঙ্ক্ষুপাদ নিজেকে মত্ত হস্তীর সঙ্গে তুলনা করে বলছেন, ‘সুস্তে আবন্ধ হাতি বিবিধ বন্ধন ছিঁড়ে ফেলে মদমত্ত হয়ে সমস্ত খুঁটি ভেঙে ফেলে পদ্মবনে প্রবেশ করল। হাতিরা হস্তিনীকে দেখে আসক্তিমদ বর্ষণ করে, তেমনি কাঙ্ক্ষুপাদ নৈরাশ্বান্দেবীর সঙ্গ পেয়ে তথতা বা নির্বাণ-মদ বর্ষণ করছেন।’ মহীধরপাদের একটি চর্চাতেও পাগলা হাতির বর্ণনা আছে :

মাতেল চীঅ গএন্দা ধাবট ।

নিরন্তর গঅগন্ত তুঁসে ঘোলট ।

পাপ পুগ্ন বেনি তোড়িঅ স্কিকল মোড়িঅ খস্তাঠাণা ।

গঅগ-টাকলি লাগিরে চিত্তা পইঠ নিবাণা ॥

মহারসপানে মাতেল রে তিহঅন সএল উএণী ।

পঞ্চ-বিষয়রে নায়করে বিপথ কোবি ন দেখি ॥ [চর্চা : ১৬]

—মত্ত চিত্ত-গজেন্দ্র ধায় : নিরন্তর গগনে সব কিছু ঘুলিয়ে যাচ্ছে। পাপ পুণ্য এই দুটি শিকল ছিঁড়ে এবং পাস্তা (সুস্ত) ভেঙে গগন শিখরে উঠে চিত্ত নির্বাণে প্রবেশ করল। জিভুবন উপেক্ষা করে সে মহারসপানে প্রমত্ত হল। পঞ্চ-বিষয়ের নায়ক হয়ে সে বিপক্ষজনকে দেখে না।

বস্ত্র হাতি ধরার আগে গান গেয়ে বোধ হয় হাতিকে দশ করাব প্রথা ছিল ; অন্তত সেই রকম একটি ইঙ্গিত পাওয়া যাচ্ছে বীণাপাদের একটি চর্চায় :

আলি কালি বেণি সারি স্ত্ৰিণিআ ।

গঅবর সমরস-সাক্ধি গুণিআ ॥

চর্চাগীতি-রচয়িতা সিদ্ধাচাযদের অন্ততম শবরপাদের দুটি চর্চায় (২৮ নং, ৫০ নং) আদিবাসী শবরদের ঘরবাড়ি জীবনযাত্রার বিশদ বর্ণনা আছে। এই রকম বিস্তৃত নিখুঁত বর্ণনা দেখে অনেকে সন্দেহ করেছেন, শবরপাদ নিজে বোধ হয় শবর ছিলেন। ২৮ নং চর্চায় তিনি বলেছেন, ‘জনবসতি থেকে অনেকদূরে উঁচু উঁচু পর্বতে ‘বসই সবরী বালী’। ‘মোরঙ্গি পীচ্ছ’ তার মাথার খোপায়, গলায় ‘গুঞ্জরী মালী’ বা গুঞ্জার মালা। ‘গাণা তরুবর মোউলিল রে’ আর সেই গাছের ডাল গগন স্পর্শ করেছে, আর একেলা শবরী ‘এ বণ হিওই কর্ণকুণ্ডল বজ্রধারী’। তিন ধাতুতে তৈরী থাতে শবর স্ত্রীতে শয্যা বিছায় আর শবরী বালিকা-বধূকে বুকে নিয়ে ‘পেঙ্ছ

স্নাত্তি স্নেহে পোহাইলি।' 'কাপুর' দিয়ে মহাস্নেহে সে 'তীবোলা' খায়। উন্নত শবর মাঝে মাঝে নেশার ঝোঁকে শবরীকে ভুলে যায়, রাগ করে বসতবাড়ি থেকে অনেক দূরে 'গিরিবর-সিহর সন্ধি পইসন্তে' (পাহাড়ের চূড়ায় গুহাতে প্রবেশ করে), শবরী তখন তাকে কোথায় খুঁজে পাবে!

৫০ নং চর্চায় শবরপাদ বলেছেন শবরদের জীবনযাত্রা সম্বন্ধে। পাহাড়ের চূড়ায় 'গঅগত গঅগত তইলা বাড়ী', সেখানে 'মহাস্নেহে বিলসন্তি শবরো লইয়া স্নগমেহেলী'। সেই বাড়ির পাশে 'মুকড় এবে রে কপাসু (কার্পাস) ফুটিলা'। বাড়ির পাশে যখন জ্যোৎস্না উঠল তখন 'ফিটেলি অঙ্কারি রে আকাশ-ফুলিআ।' বাড়ির পাশের ক্ষেতে 'ককুচিনা (কংনি দানা) পাকেলা রে' এবং সেই দানা থেকে হাঁড়িয়া তৈরী করে পান করে 'শবর শবরি মাতেলা' আর নেশায় ভোর হয়ে 'অণুদিগ শবরো কিম্পি ন চেবই মহাস্নেহে ডেলা'। বাঁশের চাঁচাড়ির বেড়া দিয়ে সেই ঘর তৈরী। শকুন আর 'শিয়ালী' বাড়ির পাশে কাঁদে। শবর মরলে তাকে 'ডাহ কএলা'।

শকুন শেয়াল ছাড়া ইঁদুরের উপদ্রবও বোধ হয় ছিল (নিশি অঙ্কারী মুসার চারা) ॥

আগেই বলা হয়েছে, পথে নদীতে ডাকাতির ভয় ছিল। কিন্তু দেশে থানা দারোগাও ছিল। যদিও 'বাটত ভঅ খাণ্ট বি বলআ (বাটেতে রয়েছে ভয়, দস্ত্য বলবান) তবুও ভরসার কথা, চোর ধরবার জন্ত 'দুমাধী' (দারোগা) ছিল আর বিচারের জন্ত ছিল 'উআরি' (থানা বা কাছারি) ॥

চর্চাপদে প্রাপ্ত দৈনন্দিন জীবনে প্রত্যক্ষ লৌকিক রূপের জগতের উপাদানগুলি সিদ্ধাচার্হদের স্নগভীর আধ্যাত্মিক দর্শন বোঝানোর জন্তেই ব্যবহার করা হয়েছিল, ঐতিহাসিকের ইতিহাস রচনার উপাদান হিসাবে নিশ্চয় নয়। কিন্তু উপাদান নির্বাচনে তাঁরা কোনো অদ্ভুত অবাস্তব অস্বাভাবিকতাকে প্রশ্রয় দেন নি। সাধারণ মানুষের সাধারণ জীবনে নিত্য দ্রষ্টব্য জিনিসগুলিই তাঁরা আধ্যাত্মিক নিয়মবস্ত্ত বোঝানোর জন্ত ব্যবহার করেছেন। বুদ্ধদেবও তাঁর উপদেশগুলিতে সাধারণ মানুষ ও তাদের স্নখ-দুঃখের আলো-আঁধারিতে ঘেরা জীবনকেই রূপক হিসাবে ব্যবহার করেছেন। প্রভু খ্রীস্টের উপদেশগুলিও ছিল সাধারণ মানুষের জীবনকে কেন্দ্র করে। বুদ্ধজাতকেও বৌদ্ধধর্ম ও দর্শন বোঝানোর জন্তে যে-সমস্ত কাহিনীর অবতারণা, সেখানেও রাজা, শ্রেণী, বণিক, শ্রমণ, কৃপণক, স্নজ্জধর, তন্তুবায়, কৃপণ, নির্দয়, চোর—ইত্যাদির শ্রেণীবদ্ধ মিছিল। চর্চাপদ-রচয়িতা সিদ্ধাচার্হদের গীতিকবিতাতেও সেই ব্রাহ্মণ শবর ব্যাধ স্নজ্জধর বাজীকর পাটনী চোর ডাকাত গৃহস্ব ভূস্বামী পুরোহিত শ্রেণীর লোকের পাশাপাশি অবস্থান। বলা বাহুল্য, স্নগভীর জীবনবোধই তাঁদের এই ধরনের রূপক ব্যবহার করতে প্রেরণা দিয়েছে ॥

প্রকাশ করতে চেয়েছেন তাতে এই কথাই বলা হয়েছে, অবিচার্য কবির চিত্ত যখন মোহিত ছিল, তখন আলি কালি অর্থাৎ লোকজ্ঞান ও লোকভাসের দ্বারা তাঁর নির্বাণ লাভ করার রাস্তা বন্ধ ছিল, পরে গুরুর আশীর্বাদে তিনি জ্ঞান লাভ করে নিজের মনকে বিশুদ্ধ করতে পেরেছেন। এখন তিনি তাই মহাস্থখে প্রতিষ্ঠিত, ব্যাপ্য-ব্যাপকরূপ স্থখে এই ভগৎ পরিব্যাপ্ত, এই মহাস্থখের ভগ্ন অগ্নি কোথাও বাস করার প্রয়োজন তাঁর নেই। কিন্তু দ্বারা আগম, বেদ, পুরাণ ইত্যাদি পাঠ করে কেবল মননের দ্বারা সেই মহাস্থথকে পেতে চান, তাঁরা এর স্বরূপ সম্বন্ধে কিছুই জানতে পারেন না, কারণ কেবল মননের দ্বারা তো মহাস্থথ বা পরমার্থতত্ত্ব জানতে পারা যাবে না। বস্তুজগতে পরস্পর যে-বিভিন্নতা কল্পনা করা হয় তা, সম্পূর্ণভাবে বিকল্পজাত। দ্বারা পরমার্থতত্ত্ব জানতে পেরেছেন তাঁরা এই ভববিকল্প জাল ছিঁড়ে ফেলে সেই বিভিন্নতার ধারণা লুপ্ত করে দিয়েছেন। সিদ্ধাচার্য আরও বুঝেছেন, জগতে যা-কিছুই উৎপন্ন হয়েছে তাই বাহ্যত লুপ্ত হয়েছে ; কিন্তু পরমার্থ দ্বারা বুঝেছেন, সেই যোগীরা এই উৎপত্তি ধ্বংসের আসল কারণটা তো জানেন। তাই এতে তাঁরা আর বিচলিত হন না। তাঁরা তো জানেনই যে, পৃথিবীতে কিছু আসেও না, কিছু যায়ও না। কাহ্ন,পাদ তা জানেন এবং বোধের বলে তিনি বিশুদ্ধমনা হতে পেরেছেন, বুঝতে পেরেছেন, জিনপুর বা মহাস্থথপুর তাঁর খুব কাছেই। কিন্তু অবিচার্য মোহিত মন নিয়ে তো সেখানে যাওয়া যাবে না, মহাস্থথের আন্বাদও লাভ করা যাবে না।

কমলাস্বরপাদের একটি চর্চায় (৮ নং) নৌকা, নৌকার বাহিত বাগিছাপণা, দাড়, কাছি ইত্যাদির সাহায্যে যে-তত্ত্বটি প্রকাশিত, তাতে লৌকিক জীবনের উপরোক্ত উপাদানগুলি স্তম্ভের তত্ত্বময় আধ্যাত্মিক দর্শনের ব্যাখ্যায় কাজে লাগানো হয়েছে। এই চর্চাটির আরম্ভের দুটি পঙ্ক্তি বড় স্তম্ভের—আমার করুণা-নৌকা সোনায় পরিপূর্ণ, রূপা-যে রাখব তার জায়গা নেই। এখানে সোনা অর্থ সর্বশৃঙ্খতা, আর রূপ বেদনা ও পঞ্চেন্দ্রিয় দ্বারা গঠিত বস্তুজগৎকে বলা হয়েছে রূপা। পরে কবি নিজেই সঙ্ঘোষন করে বলছেন, তুমি এই চিত্ত-নৌকাকে গগনের বা নির্বাণের দিকে লক্ষ্য করে বেয়ে চল, এতে তোমার গতজন্ম আর ফিরে আসবে না, তুমি নবজন্ম লাভ করবে। কীভাবে এই নির্বাণের দিকে নৌকা বেয়ে যাবে? প্রথমে আভাষ দোষের খুঁটিগুলি উপড়ে ফেলতে হবে, অবিচার্য কাছি খুলে ফেলতে হবে, গুরুর প্রসাদে চিত্তকে পরিপূর্ণ করে নিয়ে মহাস্থথের সমুদ্রের দিকে বেয়ে চলতে হবে। এইভাবে নির্বাণের দিকে যাত্রা করলে, চারিদিকে নজর রেখে সতর্কতার সঙ্গে অগ্রসর হলে আর সংসারের ঘূর্ণিতে পড়তে হবে না। গুরুর উপদেশই হচ্ছে কেউ-

আল বা ক্ষেপণী—সেই দাঁড় হাতে না নিলে, তাকেই নৌকায় প্রধান অবলম্বন না করলে সংসার-সমুদ্র তো পার হওয়া যাবে না। এইভাবে বাম দক্ষিণ অর্থাৎ গ্রাহ-গ্রাহকরূপ আভাস ছেড়ে মাঝখান দিয়ে বা বিরমানন্দ (নির্বাণ) পথের সঙ্গে যুক্ত থেকে অগ্রসর হলে তবেই মহাস্থ-সংগমে পৌছানো যায় ॥

নৌকা এবং নৌকার আত্মশক্তিক উপকরণকে রূপক হিসাবে ব্যবহার করা হয়েছে কাহ্নুপাদের আরেকটি চর্চায় (১৩ নং)। সেখানে তাঁর বক্তব্য—বুদ্ধ, ধর্ম ও সংঘ এই ত্রিশরণ হলো নৌকা, তাতে আটটি কামরা, অর্থাৎ অগ্নিমা লঘিমা ইত্যাদি আটটি বুদ্ধধর্ম; নিজের দেহ বোধিচিন্ত, অন্তঃপুরে মহাস্থ। এইগুলির মিলনের ফলে সমস্ত পার্থিব ব্যাপারকে যেন মায়াময় ও স্বপ্নোপম মনে হচ্ছে। এই ত্রিশরণ নৌকায় কাহ্নুপাদ, ভবজলধি অতিক্রম করেছেন এবং মহাস্থপের তরঙ্গকে তাঁর মনে তন্নয়ভাবে অনুভব করেছেন। নিজেকে সম্বোধন করে কাহ্নুপাদ বলছেন, মায়াজাল এড়িয়ে কায়-নৌকা বেয়ে যাও : পঞ্চ তথাগত বা পঞ্চজ্ঞানকে তোমার ক্ষেপণী করে বিষয়-সমুদ্র বেয়ে চল। গন্ধ স্পর্শ ইত্যাদি বিষয়গুলি যেমন আছে তেমনি থাক, নিদ্রাবিহীন স্বপ্নের মতো তারা এগন অলৌক। শূন্যতারূপ নৌকাপথে চিত্ত-রূপ কর্মধারাকে আরোপ করে কবি মহাস্থসংগমে চলেছেন ॥

বস্তুত নদী, নৌকা, নৌকার বিভিন্ন উপকরণ, নাবিক ইত্যাদি নিয়ে রূপক সৃষ্টির দিকে প্রবণতা চর্চাপদের সিদ্ধাচার্যদের ছিল বেশি। ডোঙ্গীপাদ রচিত (১৭ নং) চর্চাপদটিতেও দেখছি, কবি বলছেন, গ্রাহ-গ্রাহকরূপিনী গন্ধা-যমুনার মধ্যে বিরমানন্দ অবধূতী-মার্গে এক নৌকা বাহিত হয়। সহজযান-প্রমত্তাঙ্গী নৈরাশ্বা-ডোঙ্গী ঐ নৌকাতে যোগীশ্বকে পার করে : বিরমানন্দের ঐ পথ ধরে শীঘ্র বেয়ে চল, পথে দেবী কোর না, গুরুর পাদপ্রসাদে আমি আবার জিনপুর বা মহাস্থপুরে যাব। নৌকায় পাঁচটি দাঁড়—এই পাঁচটি দাঁড় হচ্ছে গুরুর পাঁচটি ক্রমোপদেশ, পীঠ হচ্ছে মণিমূল। সেখানে বোধিচিন্তকে সহজ্ঞানন্দে দৃঢ়রূপে ধারণ করে শূন্য স্বেউতিতে বিঘ্নতরঙ্গরূপ জলকে সঁচে ফেলে দাঁও, যেন তা দেহে প্রবেশ করতে না পারে। এর তাৎপর্ষ—নির্বাণ মার্গে যেতে হলে গুরুর উপদেশ অনুযায়ী সাধনা করতে হবে, মণিমূলে সহজ্ঞানন্দে দৃঢ়রূপে ধারণ করতে হবে এবং বিঘ্নতরঙ্গের স্পর্শ থেকে নিজেকে মুক্ত করতে হবে। চন্দ্র সূর্য এবং পুন্ড্রিকার অর্থ যথাক্রমে প্রজ্ঞাজ্ঞান, অদ্বয়জ্ঞান, এবং নপুংসকত্ব বা নিরূপাধিহ। এই তিন রকম বিকল্প সৃষ্টিকে সংহার করে বামদক্ষিণ বা অগ্রপশ্চাৎ নজর না করে তুমি বিলক্ষণ পরিশোধিত বোধিচিন্ত-নৌকা বেয়ে চল। নৈরাশ্বা-ডোঙ্গী পার করার জন্তু কপর্দকও নেয় না কিংবা পরিচর্চাও প্রত্যাশা করে না, সে স্বেচ্ছায় পার করে। কিন্তু এই পথ অবলম্বন

রূপ বস্তুকে কুন্তকযোগী ছাড়া অনভিজ্ঞরা ধারণ করতে পারে না। গাছ তো আমাদের এই দেহ আর তেঁতুল হচ্ছে বোধিচিহ্ন বা আমাদের দেহবৃক্ষের ফল। ঘরের আঙন হচ্ছে 'শরীররূপ গৃহে উক্ষীষ কমলে যে বিরমানন্দ' তার প্রতীক। চোরে কানেট নিয়ে গেল কথাটির মানে সমাধিস্থ অবস্থায় অহুভূত সহজানন্দ প্রবেশাদিবাত দোষ অপহরণ করেছে। 'বহুভী' বা বধু বহু জায়গায় 'যোগীজ্ঞশু গৃহিণী নৈরাশ্বা-দেবী'। দিনের বেলা বধুটি কাকের ডাকে ভীত হয় আর রাত্রে কামতৃপ্তির জ্ঞাত্ব কোথায় চলে যায়—এই বহু-বাবজ্বত প্রবাদ-বাক্যটির সাহায্যে কুঙ্করীপাদ বলতে চাইছেন, চিত্তের সজাগ অবস্থাই হচ্ছে দিন এবং সেই সজাগ অবস্থায় দৃশ্য দর্শনের হেতু ত্রিভুগং সৃষ্ট হয় আর চিত্তের ক্ষয় হলেই ভুগং তিরোহিত হয়। চিত্ত যখন সজাগ অবস্থায় দৃশ্য দর্শন হেতু ত্রিভুগং সৃষ্টি করে, তখন সেই ভুগতের চেহারা দেখে তার বিষয়সম্বন্ধ অহুভব করে সে ভীত হয়। কিন্তু রাত্রি হচ্ছে স্তম্বুপ্তি। চিত্ত যখন মহাযোগ নিদ্রায় নিদ্রিত, প্রজ্ঞাজ্ঞানের উদয়ে সে তখন নির্বিকল্প—তার তো তখন আর ভয় নেই, সে তাই সেই সময় নির্ভয়ে কামরূপে অর্থাৎ মহাস্বপ্নস্থানক্ষেত্রে বিচরণ করতে পারে ॥

পঞ্চম চর্চাগীতিটিতে নদী, নদীর কর্দম-অহুলিপ্ত তাঁর ভূমি, সাকো ইত্যাদির সাতান্যো যে-রূপক সৃষ্টি করা হয়েছে তা শুধু আধ্যাত্মিক অর্থেই স্বন্দর বা মূল্য-বান নয়, কাব্যধর্মেও অপূর্ণ। এই চর্চাগীতিতে সিন্ধাচাষ চাটিল বলছেন, আমাদের এই পৃথিবী একটা নদীর মতো, নদীর তেউয়ের মতো দিনরাত এখানে বিষয়-তরঙ্গ উঠছে আর মিলিয়ে যাচ্ছে—তাই পৃথিবীকপী নদী গঠন বা ভয়ংকর। বেগে প্রবাহিত এই নদী নানা দোষের প্রবাহ হেতু গভীর, দুই তীব্র বিবিধ দোষের কদমে অহুলিপ্ত, মধ্যে থৈ পাওয়া যায় না—সুতরাং এই নদী পার হওয়া কঠিন। এই পৃথিবীটা-যে একটা ভূত-বিকার তা তো সাধারণ লোকে জানে না। সেইজন্তে বিবিধ বিষয়-তরঙ্গে সদা-উঘেলিত দুঃখ্য এই পৃথিবীকে যারা অতিক্রম করতে চায় তাদের জ্ঞাত্ব সিন্ধাচাষ চাটিল একটি সেতু তৈরী করে দিয়েছেন। কীভাবে সেই সেতু তৈরী হবে? আমাদের মনের মধ্যে যে-মোহতরু তা থেকে সংগ্রহ করতে হবে সেতুর কাঠ অর্থাৎ আমাদের চিত্তের বিষয়-গ্রহ বা মোহের জনক কায়, বাক, মনকে আলাদা আলাদা করে ফেলে মোহ ধ্বংস করতে হবে; জ্ঞান দিয়ে সেই টুকরোগুলিকে জুড়ে দিতে হবে, শেষে অদ্বয়জ্ঞানরূপ কুঠার দিয়ে নির্বাণ স্ফুট করে সেতু বানাতে হবে।

এই সেতুর উপর উঠে কিন্তু ডানদিক বাঁদিক বা এলোমেলো চললে চলবে না। গ্রাহ-গ্রাহক ভাব ছাড়তে হবে—এবং এইভাবে চললেই সিদ্ধিলাভ করতে

পার্না যাবে। চাটিল আরও বলেছেন, যারা এই গহন গম্ভীর ভবনদী পার হতে চায়, তাদের উচিত অহস্তরস্বামী বা সর্বশ্রেষ্ঠ ধর্মগুরু চাটিলকে জিজ্ঞাসা করা, কেন-না সহজিয়া যোগী ছাড়া আর কেউ তো এই তত্ত্ব জানে না।

হরিণ শিকারের রূপক অবলম্বনে ভৃঙ্গুপাদ যে-চর্চাটি রচনা করেছেন (৬ নং) সেটিও কাব্যধর্মিতার দিক দিয়ে সুন্দর। এই চর্চাটিতে তিনি আমাদের চঞ্চল চিত্তকে তুলনা করেছেন চঞ্চল হরিণের সঙ্গে। চারদিকে জাল দিয়ে ঘিরে শিকারীরা যেমন হরিণকে মারবার চেষ্টা করে, তেমনি কাল বা মৃত্যুরূপী শিকারী চারদিক থেকে তাঁকে ধ্বংস করবার চেষ্টা করেছিল। এই অবস্থায় পার্থিব হরিণ যেমন হরিণীর ডাক শুনে নিজেকে মুক্ত করে আনতে পেরেছিল, সিদ্ধাচার্য ভৃঙ্গুপাদও তেমনি নৈরাশ্বাদেবী গ্রহণ করে সেই মৃত্যুর আবেষ্টনী থেকে নিজেকে মুক্ত করতে পেরেছিলেন। নিজের মাংসই তো হরিণের শত্রু, তেমনি অবিচার দ্বারা মুগ্ধচিত্ত হরিণের মদ-মাংসই ইত্যাদি দোষই তার শত্রুতা করে। ভৃঙ্গু তা বুঝতে পেরেছিলেন, তাই সদগুরুর উপদেশের বাণ দিয়ে তিনি তাঁর দোষদুষ্টি চিত্ত-হরিণকে আঘাত করতে দ্বিধা করেন নি। শিকারীর আক্রমণে, আঘাতে বিমূঢ় হরিণ যেমন ভুগে ছোঁয় না, জল পান করে না—তেমনি তাঁর চিত্ত-হরিণও নিজের বিপদের কথা বুঝতে পেরে জাগতিক ভোগ ত্যাগ করে বিপদশূন্য জায়গায় যাওয়ার জন্ত উৎকণ্ঠিত হয়ে উঠেছিল। কিন্তু সে হরিণী বা নৈরাশ্বাদেবীর আবাস তো জানে না; তাঁকে তো ইঞ্জিয় দিয়ে জানা যাবে না—তাই সে তাঁর সন্ধান করতে পারছে না। এমন সময় নৈরাশ্বাদেবী তাঁকে যেন বললেন, এই বন ছেড়ে অল্প বনে যেতে অর্থাৎ তাঁর কায়-বন ছেড়ে ভয়শূন্য মহাসুখ-কমল বনে গিয়ে বিচরণ করতে। এই কথা শুনে হরিণ এত দ্রুত গমন করল যে, তার ক্ষুরের উত্থান-পতন দেখা গেল না। ভৃঙ্গু সব শেষে বলেছেন—এই তত্ত্ব মূর্খের হৃদয়ে প্রবেশ করে না।

জানি না, জ্ঞানীর মস্তিষ্কেই বা কতখানি এই তত্ত্ব বোধগম্য হবে, তবে চঞ্চল চিত্তকে হরিণের সঙ্গে, জাল দড়ি নিয়ে সাক্ষাৎ যমের মতো ভীষণ শিকারীকে মৃত্যুর সঙ্গে, হরিণের সবচেয়ে বড় শত্রু তার নিজ দেহের মাংসের সঙ্গে মাতৃষের মনের মদ-মাংসই ইত্যাদি অবিচার, শিকারীর বাণকে সদগুরুর উপদেশের সঙ্গে, আহায়ে জলপানে বিমুগ্ধ হরিণের সঙ্গে জাগতিক স্নগ্ধভোগে অনাকাজ্জী নিজের চিত্তের, এক বন ছেড়ে অল্প বনে যাওয়ার সঙ্গে কায়বন ছেড়ে ভব-ভয়শূন্য মহাসুখ-কমল-বনে বিচরণ করার যে-রূপকগুলি কবি রচনা করেছেন, নিঃসন্দেহে কাব্য হিসাবে তা বিশেষভাবে উপভোগ্য ॥

কাহ্নুপাদের রচিত সপ্তম চর্চাটিতেও কবি কয়েকটি রূপকের সাহায্যে যে-তত্ত্ব

দিয়ে কবি বলছেন, 'হে যোগি, পবনের মতো চঞ্চল চিত্তকে মার, যাতে সংসার-নয়কে বারবার যাভায়াত করতে না হয়। 'মূষিক চঞ্চলতার জন্তেই নিজের দেহ বিদীর্ণ করে নানা দুর্গতি ভোগ করে। তেমনি চঞ্চল চিত্তকে যদি বেশে আনা না যায়, তবে তার দোষে সংসারে নানা দুঃখকষ্ট পেতে হবে। সেইজন্তেই যোগীকে চঞ্চল-চিত্ত-রূপ মূষিকের দোষ নাশ করতে হবে'। চিত্তের বা মনের তো কোনো বর্ণ নেই, তাই সে কালো। যেমন আকাশের কোনো রূপ নেই, অথচ নাম আছে, মনও তেমনি রূপহীন অথচ নামময় জড়বস্তু। একমাত্র নির্বাণের গগনে উঠেই চিত্ত অচিন্ত্যায় লীন হয়ে মনোধর্মের অতীত অবস্থায় উপনীত হয়। চিত্তমূষিক মোহবশতই চঞ্চল হয় বা মোহমদে গর্বিত থাকে। সদ্গুরু উপদেশে তাকে নিশ্চল করতে হবে, তখন এবং একমাত্র তখনই, ভৃগুকুপাদ বলছেন, এই যন্ত্রণাময় ভববন্ধন থেকে মুক্তি পাওয়া যাবে ॥

একটি চর্চায় (৩৩ নং) বিচিত্র বিরোধের মধ্যে দিয়ে একটি তুরূহ তত্ত্ব প্রকাশ পেয়েছে। চেন্দনপাদ রচিত এই চর্চায় কবি বলেছেন, টিলার উপরে আমার ঘর, সেখানে প্রতিবেশী কেউ নেই; হাঁড়িতে নেই ভাত, তবু নিত্যই সেখানে অতির্থা ভিড় করে। এর রূপক অর্থ, অসদরূপ কায় বাক চিত্তের সমস্ত প্রকৃতিদোষ যে-মহাসুখচক্রে লয়প্রাপ্ত হয়েছে, তান্ত্রিকদের মতে, সেই মহাসুখচক্র কার্যরূপ স্তম্ভের পর্বতের শিখরে অবস্থিত বলে তাকে বলা হচ্ছে টিলা। পাশের চক্র স্থব অর্থাৎ গ্রাহ্য-গ্রাহকভাব তাতেই লীন হয়েছে বলে প্রতিবেশী কেউ নেই। হাঁড়িতে ভাত নেই অথ দেহের মধ্যে চিত্ত নেই; গুরুপ্রসাদে নিত্যই তিনি তা বুঝতে পেরেছেন, নৈরাশ্ব-অতিথি নিত্য নিত্য তাঁর দেহে ভিড় করেছে। নিরাবয়ব অর্থাৎ সর্বশূন্য এই সংসারের জ্ঞান কবির নিত্যই বেড়ে যাচ্ছে, পরমবিজ্ঞানে তাঁর চিত্ত অধিষ্ঠিত। দোয়ানো দুখ আবার গোকুর বাটে ফিরে যাচ্ছে—এর মানে, বজ্রাগার থেকে এসে তাঁর বোধিচিত্ত মহাসুখচক্রে গমন করেছে। দুঃখ অর্থ এখানে বোধিচিত্ত। বলদ প্রসব করল, গাভী বন্ধ্যা, তিনসন্ধ্যা তাকে পাত্র ভরে দোয়ানো হল। বোধিচিত্ত এখানে বলদের রূপক। সক্রিয় মন থেকে রূপজগতের সৃষ্টি হয় বলে বোধিচিত্তকে বলদ বলা হয়েছে। বলদ প্রসব করে মানে বোধিচিত্তরূপ জগতের সৃষ্টি করে। এখন এই বোধিচিত্ত যখন জাগতিক মোহ অতিক্রম করে নৈরাশ্বতা লাভ করে, তখন তার দৃশ্য দর্শনের বোধ তিরোহিত হয়। বোধিচিত্তের সহজ প্রকৃতি হচ্ছে এই নৈরাশ্বা—সেই নৈরাশ্বাকে এখানে বলা হয়েছে বন্ধ্যা গাভী। কায়, বাক ও চিত্তের আভাসে গঠিত অবিজ্ঞাপীঠ কবির দ্বারা ত্রিসন্ধ্যা বা সর্বদা দোহন করা হচ্ছে। 'যে বোকা, সে-ই আবার বুদ্ধিমান, যে চোর, সে-ই আবার

‘সাধু’ এর ভাংপর্ষ, যে-চিত্ত সবিকল্প জ্ঞানের সাহায্যে বিষয়-স্থত্কে অজ্ঞায়ভাবে আহরণ করে সেই তো চোর—আবার সেই চোরই নির্বিকল্প জ্ঞান লাভ করলে হয় সাধু। শেষে কবি বলেছেন, নিত্য নিত্য শেয়াল সিংহের সঙ্গে যুদ্ধ করে। এর মানে, সব সময়ে মরণের ভয়ে ভীত সংসার-চিত্ত হচ্ছে শেয়ালের মতো; তা যখন বিগ্ৰহ হয়, তখন সে সহজানন্দরূপ সিংহের সঙ্গে প্রতিদ্বন্দ্বিতা করতে এগিয়ে আসে, সহজানন্দকে আয়ত্ত করবার জন্তে সে তখন ব্যগ্র হয়। স্বভাবতই এই বিরোধমূলক রূপকের জন্তে ‘চেনচনপাদের গীত বিরলে বুঝই’—কোনো কোনো লোক বুঝতে পারে, সবাই পারে না। চর্চাপদের এই গীতটির সঙ্গে মধ্যযুগের সাধক-কবি কবীরের একটি দোহার আশ্চর্য মিল আছে। দোহাটি এই :

অব কেয়া করে গান গাব-কতুআলা
 স্ব মাংস পসারি গীধ রাকুউআলা।
 মুষ কী নাও বিলাই কাড়ারী
 শোএ মেডুক নাগ পহারী।
 বলদ বিয়াঅএ গাভী ভই বাঙ্কা
 বাছুরী ছহাওএ এ তিন সাঙ্কা।
 নিতি নিতি শৃগাল সিংহ সনে যুবে
 কহে কবীর বিরলজন বুবে ॥

আগে এক জায়গায় বলেছি, বৃহদারণ্যক উপনিষদের অনুসরণে চর্চাপদের কবি গাছের সঙ্গে মানবদেহের রূপক সৃষ্টি করেছেন। প্রথম চর্চা-গানটিই এর উদাহরণ। ৪৫ নং চর্চায় কাঙ্ক্ষুপাদ এরই একটু রকমফের করে বলেছেন, মন হচ্ছে তরু, পঞ্চেন্দ্রিয় তার শাখা, বাসনাগুলি তার পাতা এবং ফল। সদ্গুরু বা বজ্রগুরু উপদেশ কুঠারের মতো, যা দিয়ে মনতরুকে এমনভাবে ছেদন করতে হবে বা মনের বিকারগুলি ধ্বংস করতে হবে, যাতে সেই বিকারগুলি আর জন্মাতে না পারে। গাছ উৎপন্ন হয় মাটিতে, তাতে করতে হয় নিত্য নিয়মিত জলসেক। তেমনি পাপ-পুণ্যরূপ জলসেকে চিত্ততরু জন্ম নেয় মনের মাটিতে। গুরুর উপদেশে বিজ্ঞ যোগীরা এমনভাবে সেই মনবৃক্ষকে ছেদন করেন যাতে আর সে বাড়তে পারে না। অনেকে সেই বৃক্ষছেদনের রহস্য জানে না, তাই তারা মোক্ষমার্গ থেকে অপস্থত হয়ে সংসারের দুঃখসাগরে পতিত হয়। সেই জন্তেই কাঙ্ক্ষুপাদ বলেছেন, অবিষ্কার, মনোবিকারের এই তরুকে গগন বা প্রভাস্বর কুঠারের সাহায্যে এমনভাবে ছেদন কর যাতে তার শাখা, পাতা মূল কিছুই উৎপন্ন হতে না পারে, চিত্ত যাতে আর কোনোদিন ইন্দ্রিয়ের অধীন হয়ে কষ্ট না পেতে পারে ॥

করে যারা সাধনা করতে জানে না, তারা এগোতে না পেরে কুলে কুলেই ঘুরে ঘুরে বেড়ায় ॥

সমুদ্র নৌকা এবং দাঁড় নিয়ে শান্তিপাদের একটি চর্চায় (১৫ নং) বলা হয়েছে, বালযোগীরা মায়ামোহরূপ সংসার-সমুদ্রের অন্ত এবং গভীরতা বুঝতে পারে না— তদ্বজ্ঞান না জন্মালে তো এর স্বরূপসম্বন্ধে ধারণা করা যায় না। গুরুর উপদেশ ছাড়া তো এই সমুদ্র পার হওয়ার উপায় নেই ॥

একটি চর্চায় দাবাখেলাকে রূপক হিসাবে ব্যবহার করা হয়েছে (১২ নং)। এই রূপকটিও প্রয়োগ-চাতুর্থে চমৎকার। চিত্তের সমস্ত দোষ দূর করে স্বরূপে অবস্থিত করণাময় চিত্তকে পীঠ করে যেন চতুর্থানন্দবল (কায়-বাক-চিত্তের অতীত) রূপ দাবা খেলা হচ্ছে। গুরুর উপদেশে অবিরত আনন্দযোগ খেলা করার ফলে ভব-বল অক্লেশে জেতা হয়েছে। কীভাবে এই ভব-বলকে জয় করা হয়েছে? প্রথমে লোকজ্ঞান ও লোকাভাস—এই দুটো অভাসকে নাশ করা হল, অবিছামোহিত চিত্তের প্রতীক ঠাকুর বা দাবাখেলার রাজাকে মারা হল। এখন দেপা যাচ্ছে, মহানন্দময় জিনপূর খুব ক'ছে, নিত্যানন্দ অঙ্কুর্ভি পাওয়ার সময় এসেছে। দাবাখেলার বড়েগুলি হচ্ছে নানারকম প্রকৃতি-দোষের রূপক। নির্বাণ-আরোপিত চিত্ত হচ্ছে গজ, দাবার মন্ত্রী হচ্ছে প্রজ্ঞা, রাজাকে মাত করা অর্থ চিত্তকে অচঞ্চল বা নির্বাণে আরোপিত করা। দাবাখেলার ছকের ৩৪টি ঘর হচ্ছে নির্মাণচক্র। এই উপমাগুলির সাহায্যে কবি বলতে চেয়েছেন প্রথমেই প্রকৃতিদোষকে উৎপাটিত করা হল, নির্বাণ-আরোপিত চিত্তের দ্বারা অহংকার ইত্যাদি পঞ্চবিষয়গত দোষকে ঘায়েল করা হল, প্রজ্ঞার দ্বারা চিত্তকে নির্বাণে আরোপিত করে রূপাদি বিষয়সমূহ-ভব-বলকে জেতা হল। উপসংহারে কারুপান বলছেন, দেখ আমি কেমন ভালো দান দিই, নির্মাণচক্ররূপ চৌষটি কোঠায় আমি মন স্থির রেখেছি ॥

১৬নং চর্চার সিদ্ধাচার্য মহিগুপাদ মন্ত্র মাতঙ্গের রূপক অবলম্বনে যে-কথাটি বলতে চেয়েছেন তার অভিনব স্বহৃদেই আমাদের দৃষ্টি আকর্ষণ করে। এই চর্চায় তিনি বলছেন, মোহাভিভূত চিত্তবুদ্ধকে ছেদন করে কায়, বাক আর মন—এই তিনটি পাট তৈরী করে জ্ঞানমদিরা দিয়ে জুড়ে দেওয়া হল। এই অবস্থায় যখন সহজস্বভাবে প্রবেশ করা হল, তখন ভয়ংকর শূন্যতা শব্দের ঘনগর্জন শোনা গেল। তা শুনে সংসারের দুঃখের কারণভূত 'মার'গুলি নিজের স্বল্প ধাতু আদি ছোট ছোট মণ্ডল সমবয়সীভাবে পেয়ে সবই ধ্বংস হয়ে গেল। তখন চন্দ্র-সূর্য দিনরাত সমস্ত বিকল্প ধ্বংস করে জ্ঞানামৃতপানে প্রমত্ত কবির চিত্তরূপ গজেশ্বর অবিরত বিরমানন্দরূপ শূন্যগগনের দিকে ধাবিত হয়, কারণ সেখানে মহাস্থ-সরোবর বর্তমান আছে। পাপ-পুণ্য এই দুই সংসার-শিকল

ছাঁকে, লোকভাস এবং লোকজ্ঞান এই দুটো অবিচার স্তম্ভকে মর্দন করে কবির চিত্ত গগনশিখরে গিয়ে নির্বাণে প্রবেশ লাভ করল। সেই সময় কবির চিত্ত জিত্ত্ববনের সমস্ত জিনিস উপেক্ষা করে—অথবা ভাববিকল্প পরিহার করে মহারসপানে প্রমত্ত হয়ে পঞ্চবিষয়ের (অহংকার ইত্যাদি পঞ্চদোষ) নায়কত্ব বা আধিপত্য লাভ করল। আর সে মহাসুখের বিপক্ষ বা শত্রুরূপ ক্লেশাদি কিছুই অনুভব করে না। মহাসুখরাগ অনল দ্বারা সস্থাপিত হয়ে এখন কবির চিত্ত স্বর্গ-গন্ধারূপ মহাসুখসরোবরে গিয়ে প্রবেশ করছে—এই কথাই সিদ্ধাচার্য মহিগুপাদ বলতে চেয়েছেন। ঐ রকম বিরমানন্দে বিমগ্ন থেকে এখন তিনি সুখের স্বরূপও উপলব্ধি করতে পারছেন না—কারণ তিনি সম্পূর্ণ-ভাবে নির্বিকল্প হয়েছেন ॥

সতের নং চর্চাগীতিতে বীণা এবং সংগীতের রূপকে যে-কথাটি বলা হয়েছে তাও কাব্যমাধুর্ষে মহীমান। এই চর্চাটিতে অতি অভিনবভাবে বীণা বাজানোর উপমা দিয়ে নির্বাণ তত্ত্ব বোঝানো হয়েছে। বীণা তৈরী করতে লাউয়ের খোল, তন্ত্রী বা তার ও একটা দণ্ডের প্রয়োজন। এখানে সূর্য হচ্ছে লাউ, চন্দ্র হচ্ছে তন্ত্রী—এদেরকে অনাহত দণ্ডে বা শূন্যতা দণ্ডে লাগানো হয়েছে। কবি এই অপরূপ বীণা বাজাতে বাজাতে নৈরাশ্রা দেবীকে সখি কল্পনা করে বলছেন, ‘ওলো সই, দেখা, অনাহত হেরুক বীণা বাজছে, তার তন্ত্রীর শূন্যতাপ্রতিতে চারিদিকে মধুর শব্দ উঠছে’—এর তাৎপর্ষ নৈরাশ্রা দেবীর সঙ্গ হেতু সমস্ত অবিচারবিকল্প আয়ত্ত করে কবি শূন্যতার সঙ্গে যুক্ত হয়েছেন—এখন তাই কেবল শূন্যতা ধ্বনিই চারিদিকে পরিব্যাপ্ত হয়েছে। তারপর বীণা বাজানোর প্রক্রিয়া। প্রথমে বীণা বাজাতে গেলে সা-রে-গা-মা প্রভৃতি স্বর সাধনা করতে হয়, তারপর গ্রন্থিগুলি গণনা করে স্বর বাজানোর অভ্যাস করতে হয়, শেষে হাত দিয়ে গ্রন্থিগুলি চেপে তারে আঘাত করে স্বর খেলানো হয়। এই পদে আলি কালি—এই আভাস দুটিকে আয়ত্ত করাই প্রাথমিক স্বরসাধনা; চিত্তের দোষগুলির সমতা সাধনাকে গ্রন্থি গুণে ঐক্যতান বাজানো এবং শেষে এর ফলে চিত্তের তাপ দূরীভূত হওয়ায় সর্বত্রই শূন্যতা পরিব্যাপ্ত হওয়াকে হাত দিয়ে গ্রন্থি চেপে তারে আঘাত করে স্বর খেলানোর সঙ্গে উপমা দেওয়া হয়েছে। এইভাবে কবির চিত্ত নির্বাণ প্রাপ্ত হওয়াতে বজ্রাচার্য বীণাপাদ নৃত্য করছেন—এই ভাবেই বুদ্ধ বা নির্বাণ-নাটকের বিশেষরূপে সমতা বা পরিসমাপ্তি হয়েছে ॥

একুশ নং চর্চায় সিদ্ধাচার্য ভূম্বুপাদ একটি অতি বাস্তব উপমা প্রয়োগ করেছেন চঞ্চলচিত্ত মুষিককে নিয়ে। অন্ধকার রাজ্রিতে যদৃচ্ছ বিচরণশীল মুষিক যেমন নানা-রকম মিষ্টদ্রব্য খেয়ে ফেলে, তেমনি চঞ্চল চিত্তও অজ্ঞানের অন্ধকারে বোধিচিত্তজ মহাসুখামৃত নষ্ট করে ফেলে। কিন্তু চঞ্চলতা চিত্তের দোষ, সেই কথা মনে করিয়ে

আদিবাসী শবর-শবরীর জীবনযাত্রা-প্রণালীকে কাব্যের বিষয়বস্তুর অঙ্গীভূত করে কয়েকটি ডারি স্থলর রূপক সৃষ্টি করেছেন' কাহুপাদ (নং ১০) এবং শবরপাদ (নং ২৮, ৫০)। শবরী ডোম্বী এবং তাদের ঘরবাড়ি, বেশভূষা, আচরণ, আয়োদ-প্রমোদ, নৃত্যগীত—এইগুলিকেই বিশেষ করে তাঁরা রূপক সৃষ্টির উপাদান হিসাবে বেছে নিয়েছেন ॥

১০নং চর্চায় কাহুপাদ বলছেন, ডোম্বী, তোমার ঘর নগরের বাইরে, ব্রাহ্মণ নেড়াকে তুমি ছুঁয়ে ছুঁয়ে যাও। এখানে ডোম্বী নৈরাশ্বার প্রতীক, কারণ নৈরাশ্বা ইন্দ্ৰিয়গ্রাহ্য নয় বলে (ইন্দ্ৰিয়ের অল্পভূতির বাহিরে বলে) বিষয়স্থে পরিপূর্ণ পৃথিবী-রূপ নগরের বাইরে বাস করেন। ব্রাহ্মণ যেমন ডোম্বীকে স্পর্শ করে যায়, আয়ত্ত করতে পারে না, তেমনি ধারা সহজিয়া সম্প্রদায়ভুক্ত নন, এইরকম যোগীদের চপল চিত্তকে নৈরাশ্বা স্পর্শ করে যান। যোগীরা কেবল নৈরাশ্বার আভাস মাত্র পান, তাঁকে আয়ত্ত করতে পারেন না। কাহুপাদ বলছেন, আমি নিয়র্গ উলঙ্গ কাপালিক, আমি এই ডোম্বীর সঙ্গ করব। এই বক্তব্যটির গূঢ় অর্থ—কাপালিকের যেমন লোকলঙ্কার, যুগ্ম সংস্কার বলতে কিছু নেই এবং সেই কারণেই অস্পৃশ্য ডোমজাতীয়া স্ত্রীলোকের সঙ্গ করতে তার বাধা নেই—তেমনি কাহুপাদও সমস্ত লোকাচারের প্রভাব থেকে মুক্ত, পরিশুদ্ধ, তাই নৈরাশ্বার সঙ্গলাভ করে নির্বাণপ্রাপ্তির অধিকার তাঁর জন্মেছে। সেকালে নৃত্যগীত অস্পৃশ্য নীচজাতীয়া রমণীর অগ্ন্যতম বিলাস ছিল, সেইদিকে ইঙ্গিত করে কাহুপাদ বলছেন,—একটি পদ, তাতে চৌষটিটি পাপড়ি, তাতে নাচছে ডোম্বী। এই পদ এবং পদের চৌষটিটি পাপড়ির অর্থ শরীরের বিবিধ চক্র এবং স্থান যা তন্ত্রে ব্যাখ্যাত হয়েছে। ডোম্বীর হাতে চাক্কাড়ি ও তন্ত্রী—চাক্কাড়ি বিষয়াভাস এবং তন্ত্রী অবিচার প্রতীক; ডোম্বী চাক্কাড়ি ৬ তন্ত্রী বিক্রম করে—এর তাৎপর্য নৈরাশ্বধর্মে অবিচার ও বিষয়াভাসের স্থান নেই। তাই কাপালিক তার নটপেটিকা ত্যাগ করেছেন; নটপেটিকা এখানে সংসারের রূপক। নটপেটিকায় যেমন বহু জিনিস থাকে, সংসারও তেমনি বিচিত্র বিষয়ের আধার। ডোম্বীর জন্তে কাপালিক হাড়ের মালা গ্রহণ করেছেন সম্পূর্ণরূপে বিকারহীন হয়ে, নৈরাশ্বায় অন্তর্লীন হওয়ায় উপযুক্ত হয়েছেন তিনি ॥

২৮নং চর্চায় শবরপাদ উঁচু উঁচু পাহাড়ের চূড়ায় যে-শবরী বালিকা বাস করে তার ডারি স্থলর কাব্যময় বর্ণনা দিয়েছেন নিখুঁত কাব্যশিল্পি ভাষায়। শবরীর খোঁপা; ময়ূয়ের পাখা, গলায় গুঞ্জার মালা। শবর পুরুষকে বিনয় করে কবি বলেছেন, পাগল শবর, তুমি ভুল কোর না। 'গাণা তরুবর মউলিল' আর 'গঅণত লাগেলি ডালী'—সেখানে একেলা শবরী 'এ বণ হিওই কর্ণকুওলবজ্জধারী।' তিনধাতুতে তৈরী

খাটে হুখে শয্যা বিছাল শবর, নৈরামণিকে বুকে নিয়ে সে 'পেক্ষ রাতি পোহাইলি।' সে কর্পূর নিয়ে তাহুলের আশ্বাদ গ্রহণ করে। মাঝে মাঝে শবর শবরীর উপর রাগ করে গিরিশিখরের সন্ধিতে পালিয়ে গিয়ে আত্মগোপন করে, তাকে তখন খুঁজে পাওয়া যায় না।

শবর-শবরীর পারিবারিক জীবনের এই বাস্তব কাব্যময় বর্ণনাটির মাধ্যমে যে-বক্তব্য সিদ্ধাচার্য শবরপাদ লুক্কায়িত রেখেছেন তার অর্থ সম্যক বোধগম্য হবে যদি উঁচু পাহাড়, শবরী বালিকা, বিচিত্র ময়ূরপুচ্ছ, গুঞ্জার মালা, উন্নত শবর, মুকুলিত বৃক্ষ, উন্মুক্ত গগন, তিনধাতুর খাট এবং শয্যা, নৈরামণি দারী, রাগান্বিত শবর, গিরি-শিখরের সন্ধি এবং সেখানে আত্মগোপন করার রূপকগুলি আমরা বিশ্লেষণ করতে পারি।

উঁচু পাহাড়ের অর্থ যোগীশ্রেণের মস্তকে অবস্থিত মহাত্ম্য চক্র, শবরী বালিকা বজ্রধর শবরের গৃহিণী জ্ঞানস্বরূপিণী নৈরাশ্রা। বিচিত্র ময়ূরপুচ্ছের দ্বারা সজ্জিত অর্থ ভাববিকল্পের দ্বারা অলংকৃত। গুঞ্জার মালা গৃহমন্ত্রের রূপক। উন্নত শবর—বিষয় বিহ্বলচিত্ত সাধক; মুকুলিত বৃক্ষ অর্থ অবিচার্য তরু বিষয়ানন্দে মুকুলিত এবং উন্মুক্ত গগন মহাশূন্ততার রূপক। তিনধাতুর খাট কায়-বাক-চিত্তের প্রতীক, নৈরামণি দারী নৈরাশ্রা, রাগান্বিত শবর জ্ঞানানন্দের আবেগে উত্তেজিত যোগী, গিরিশিখর-সন্ধি হচ্ছে মহাত্ম্যচক্র এবং গিরিসন্ধিতে শবরের আত্মগোপন দ্বারা কবি মহাত্ম্যচক্রে যোগীশ্রেণের লীন হয়ে যাওয়ার ব্যঙ্গনা সৃষ্টি করেছেন।

শবরপাদের ৫০ নং চর্ঘাতেও শবর-শবরীর জীবনযাত্রার মধুর কাব্যমণ্ডিত চিত্র। এই চর্ঘাটির আরম্ভটিই পাঠকের মনকে মুহূর্তের মধ্যে আবিষ্ট করে তোলে। গগনে গগনে লগন-বাটিকা—সেখানে শবরী নিয়ে শবর বাস করে। সেই বাড়ির চারিধারে জনমানব নেই, কেবল বিস্তৃত ক্রমিক্রে প্রস্ফুটিত কার্পাস। রাত্রিতে সেখানে জ্যোৎস্না উঠেছে, চারিদিক আলোকের নহ্ন স্পর্শে মধুর। তখন স্বপ্ন কঙ্কনৌ দানার হাঁড়িয়া পান করে শবর-শবরী মিলনানন্দে উন্নত। কিন্তু হায়! এই মিলন নিতান্তই ক্ষণস্থায়ী। একদিন সেই শবর কালকবলিত হয়, তার মৃতদেহ যথানিয়মে করা হয় দাহ, শকুন-শেয়াল ক্রন্দন করে—শূন্ততার বুকে সেই কান্নার প্রতিধ্বনি ছাড়া আর কোনো শব্দ নেই।

পাঠক এখানে নিশ্চয় বুঝতে পারছেন গগনস্পর্শী বাড়ি, শবর-শবরী এবং তাদের মিলন কিসের রূপক। কার্পাসের ক্ষেত ও অঙ্ককার রাত্রি জ্যোৎস্নায় উদ্ভাসিত হওয়ার অর্থ জ্ঞান-চক্রের আলোকে মোহাঙ্ককার দূর হয়ে আকাশকুহুমের মতো মিলিয়ে যাওয়া এবং শূন্ততার সাদা কার্পাস ফুলের মতো স্পষ্ট হওয়া। হাঁড়িয়া পানে

মাতাল শবর তুরীয়ানন্দে নিমগ্ন যোগী । তার মৃত্যুর অর্থ নির্বাণ লাভ এবং শফু-
শৃগালের ক্রন্দন হচ্ছে মায়ার বিলাপ । শবর 'দধ' হল, এর তাৎপর্য—সমাধিস্থ যোগীর
চিত্ত অচিন্ত্যতায় লীন হয়ে গেল ॥

চর্যাপদে যে-কটি রূপক ব্যবহৃত হয়েছে, তার মধ্যে নদীর রূপকটি সবচেয়ে মৌলিক ।
চর্যাপদের একাধিক শ্লোকে কবির চোখে পৃথিবীকে নদীর রূপকে দেখার উদাহরণ
ইতিপূর্বে দিয়েছি । মাতুলের জীবন এবং তার বিবিধ উত্থান-পতন নিয়ে যে-পৃথিবী
তার সঙ্গে নদীর স্রোত, নদীর জোয়ার-ভাঁটা, নদীর গতি পরিবর্তন ইত্যাদির তুলনা
অবশ্য কেবল চর্যাপদেই আছে তা নয়, পূর্বভারতের কাব্য-সাহিত্যে তার নিদর্শন বহু
জায়গায় ছড়ানো । নদ-নদী-খাল-বিলবহুল পূর্ব-ভারতের কবিদের চোখেই পৃথিবী
নদীর রূপকে বহুবার চিত্রায়িত । পৃথিবীর বন্ধন ছেড়ে পরলোকে যাওয়ার ব্যঞ্জনাও
এই নদী পার হওয়ার মধ্যে দিয়েই রূপায়িত । জীবনের পরপারে মৃত্যুর অন্ধকারে
প্রস্থান করা সেটাও বাঙালী কবিদের চোখে বৈতরণী পার হওয়া বলে কথিত । 'রাখে,
পার কর' বলে বাঙালী বৈষ্ণব যখন প্রার্থনা করে, তখনও এই ভবনদীর পারে যাওয়ার
ব্যঞ্জনা । প্রাকৃত পৈঙ্গলের শ্লোকে যখন দেখছি—

অরে রে বাহই কাহু গাব ছোড়ি

ডগমগ কুগতি ৭ দেহি ।

তই ইথি গঞ্জিহি সন্তার দেই


জো চাহসি সো লেহি ॥

তখন কবি শ্রীকৃষ্ণের নৌকা বেয়ে যাওয়া, নদীতে স্ত্রীলোকের সঁতার দেওয়া—
সমস্তই বাঙালী কবিদের নদী এবং নদীর স্রোতকে পৃথিবী এবং পৃথিবীর গতির সঙ্গে
এবং নদীতে সঁতার দেওয়ার অর্থে পৃথিবীর মধ্যে স্থখ-দুঃখে জড়িত জীবন অতি-
বাহিত করার ইঙ্গিত দিয়েছেন । পূর্বভারতের মধ্যে বাঙালী কবিদের চোখেই
ভবকে নদী হিসাবে কল্পনা করার ঝোঁকটি সব চেয়ে প্রবল । প্রাকৃত পৈঙ্গলে,
চর্যাপদে, বৈষ্ণব-পদাবলীতে, মঙ্গল-কাব্যে তো বটেই, আউল বাউল সহজিয়াদের
সাধন-সংগীতে, লোক-কবিদের গানে গানে সেই এক কথাই বারবার ঘুরে ঘুরে
এসেছে—'ভবনদী বিষম নদীরে, পারে যাওয়া ভার' । পরবর্তী কালের কবিদের
মধ্যেও এর প্রভাব বিন্দুমাত্রও কমে নি । রবীন্দ্রনাথের বহু কবিতায় এই ভবনদীর
ব্যঞ্জনা ॥

এই নদীর চিত্রটি কবিদের মনে ছিল বলেই নদীর সঙ্গে সম্পর্কযুক্ত ঘাট, মাঝি,
দাঁড়ি, খেয়া পারাপার করা, মাসুল নেওয়া ইত্যাদি জিনিসও কবিতায় রূপকস্বরূপে
এসেছে । মাঝি কখনও মন, যেমন লোককবিতায় 'মন-মাঝি, তোর বৈঠা নে রে

‘আমি বাইতে পারলাম না।’ কখনও-বা সে ‘লীলার কর্ণধার’। ‘জীবন-নদীর উপারে বন্ধুহে তুমি রয়েছ দাঁড়িয়ে’, ‘এবার ভাসিয়ে দিতে হবে আমার এই তরী’, ‘ঘাটে-বাঁধা দিন’, ‘ভরানদী ক্ষুরধারা খরপরশা’, ‘দিন শেষের শেষ খেয়া’—এরকম অসংখ্য টুকরো টুকরো অংশ প্রাচীন থেকে আধুনিক কবিদের কবিতা থেকে তুলে দিতে পারা যায়, যেখানে দেখানো যেতে পারে বাঙালী কবিদের মনে প্রাণে ভাবনায় ধ্যানে বেদনায় আনন্দে নদী এবং নদীর স্রোত ঘাট খেয়া ইত্যাদি আধ্যাত্মিক চিন্তার অঙ্গ হিসাবে কতখানি জড়িত। অবশ্য অনেক জায়গায় পৃথিবীকে সমুদ্র হিসাবেও কল্পনা যে নেই তা নয়, চর্চাপদের ১৫ নং গানেই তো সমুদ্রের কথা আছে পৃথিবীর রূপক হিসাবে। কিন্তু একটু ভেবে দেখলেই বুঝতে পারা যাবে, ঐ সমুদ্র নদীই, কারণ কূলে কূলে ঘোরার কথা, ঘাট, গুল্ম ইত্যাদি নদীর পক্ষেই প্রযোজ্য। রবীন্দ্রনাথও যখন বলেন, ‘সম্মুখে শান্তি-পারাবার’, তখন পারাবার বা সমুদ্র ব্যবহৃত হয় অর্থ-ব্যঞ্জনায়। সেখানে ঐ পারাবারও নদী ॥

চর্চাপদে প্রকীর্ত অসংখ্য উপমা রূপকের মাত্র কয়েকটির আলোচনা এখানে করা হল। তবে অসংখ্য রূপক উপমা ব্যবহৃত হলেও সেই রূপকগুলি এক ধরনের জিনিস বোঝাতেই ব্যবহৃত। যেমন ডোম্বী, শবরী, হরিণী—এরা নৈরাশ্বাদেবীর প্রতীক; গগন সর্বদাই নির্বাণের, বৃক্ষ দেহের; নৌকার দাঁড় গুরুদত্ত উপদেশের; সোনারূপা পার্শ্বিক সম্পদের, ঘর দেহের, নদী পৃথিবীর রূপক। এইগুলিই ঘুরে ঘুরে নানা কবিতায় নানারূপে প্রকাশিত। বৈচিত্র্যহীনতা তাতে আছে সন্দেহ নেই, কিন্তু তা সত্ত্বেও এই রূপকগুলির ব্যবহারে—যে অকৃত্রিম কবি-মনের কুশলতার পরিচয় পাওয়া যায়, তাকেও তো অস্বীকার করা যায় না। চর্চাপদের রচয়িতা সিদ্ধার্থাচার্য অতি দুরূহ বিষয় নিয়ে আলোচনা করেছেন, কিন্তু তা সত্ত্বেও প্রশংসার বিষয় হচ্ছে এই, দুরূহ বিষয়কে দুরূহতর করার জ্ঞান তাঁরা অপরিচিত বস্তুকে অবলম্বন করেন নি, সাধ্যমতো তাঁদের চারিদিকের পরিচিত জগতের ছোট ছোট জিনিসগুলিই বেছে নিয়েছেন। এখানেও তাঁদের বাস্তবমুখীতা এবং স্নগভীর জীবনবোধের স্বাক্ষর স্পষ্ট ॥



॥ চর্ষাপদের ধর্মমত ॥

চর্ষাপদগুলির মাধ্যমে বৌদ্ধ সিদ্ধাচার্যরা যে-ধর্মমত প্রচার করতে চেয়েছেন সে-গুলির আলোচনা প্রসঙ্গে বিভিন্ন ব্যাখ্যাতা বৌদ্ধধর্মমতের বিভিন্ন 'যান' বা সাধন-পদ্ধতির সমন্বয়টাই-যে সিদ্ধাচার্যদের লক্ষ্য ছিল সেই দিকেই জোর দিয়েছেন বেশি। চর্ষাপদের সমকালীন বাঙলা দেশের ভাবলোকে আত্মবিশ্বাস এবং আত্মস্বাতন্ত্র্যরক্ষার প্রেরণা যুগপৎ কার্যকরী হয়েছিল এবং সেই বোধের স্বাক্ষর চর্ষাপদের বিভিন্ন গীতগুলিতে রয়েছে। চর্ষাপদে একদিকে যেমন আচারসর্বস্ব বৈদিক ব্রাহ্মণ্য ধর্মা-চরণের প্রতি বিক্রপ এবং অবিশ্বাস প্রকাশিত হয়েছে, অত্মদিকে তেমনি আবার হিন্দু ব্রাহ্মণ্য তান্ত্রিক দেহবাদের প্রতিও প্রচ্ছন্ন এবং প্রকাশ আত্মস্বাতন্ত্র্যরক্ষার কোনো বাধা দেখা যাচ্ছে না। বৌদ্ধধর্মের বিভিন্ন যানের প্রতি কোনো-না-কোনোভাবে সমর্থন জানানো হয়েছে—এমনও দেখতে পাচ্ছি। তবে চর্ষাপদ কোনোভাবেই আচারসর্বস্ব হিন্দু ব্রাহ্মণ্য ধর্মকে পুরোপুরি স্বীকার করে নি, এটুকু বলতে পারা যায়। সিদ্ধাচার্যরা সকলেই মোটামুটি বৌদ্ধধর্ম-প্রদর্শিত আচার আচরণ, পথ ও সাধনাকেই জীবনচর্ষা হিসাবে গ্রহণ করতে এবং সেই অস্থায়ী জীবনকে পরিচালিত করতেই স্থিরনিশ্চিত ছিলেন—তফাৎ শুধু যান নিয়ে। কোনো কোনো ক্ষেত্রে হিন্দু তান্ত্রিক দেহবাদের যে-পরিচয় আমরা দেখতে পাচ্ছি সেটা এসেছে সামাজিক কারণে হিন্দু-বৌদ্ধ আদর্শের পারস্পরিক সমন্বয়ের ফলে। নতুন করে হিন্দু তান্ত্রিক দেহবাদের প্রতি সমর্থন সিদ্ধাচার্যরা প্রাসঙ্গিক ক্ষেত্রে জানান নি—চর্ষাপদ রচনার অনেক পূর্বেই সে-সমন্বয় হয়েছে এবং সেই সমন্বয়ের ফলে বৌদ্ধধর্মের মধ্যে একটা দেহবাদী আলাদা 'যান'ই সৃষ্টি হয়েছে ॥

তাই চর্ষাপদের ধর্মমতের নিজস্ব প্রকৃতিটা কী সেটা বোঝার জন্য বৌদ্ধধর্মের বিভিন্ন 'যান'গুলি সম্বন্ধে একটা খুব সাধারণ এবং সহজ আলোচনা এ প্রসঙ্গে সেরে নিতে পারা যায় ॥

বৌদ্ধধর্মের সঙ্গে হিন্দুধর্মের মিল না থাকলেও ভগবান বুদ্ধ-প্রচারিত ধর্মমত এবং জীবনদর্শন হিন্দুশাস্ত্র-প্রভাববর্জিত নয়। বুদ্ধদেব মানবজীবনের বিভিন্ন দুঃখ এবং তা থেকে মুক্তির পথ নির্দেশ করতেই চেয়েছিলেন। জীবনের এই দুঃখ এবং

যন্ত্রণার কথা আমাদের দেশের প্রাচীন যুগের মুনিঋষিদের আগেচর ছিল না। উপনিষদে স্পষ্টই বলা হয়েছে, এই পৃথিবীকে মায়াময় জেনে ব্রহ্মপদে প্রবেশ করতে পারলেই জীবনের যন্ত্রণা এবং দুঃখভোগ থেকে মুক্তি পাওয়া সম্ভব। অনিত্য জগৎ এবং অনিত্য জগৎ থেকে জাত মোহ এবং অবিজ্ঞাই আমাদের দুঃখভোগের কারণ এবং সেই মোহ অবিজ্ঞা মিথ্যাকে ধ্বংস করতে পারলে তবেই মোক্ষ লাভ সম্ভব, সে-কথা তাঁরা বলে গেছেন। এই মোক্ষের ধারণার সঙ্গে ভগবান বুদ্ধদেবের নির্বাণ-তত্ত্বের কোনো অমিল নেই। তবে অমিলটা হচ্ছে মোক্ষ লাভ করার রাস্তা নিয়ে। জপ-তপ পূজো-আর্চা যজ্ঞ-বলিদান এইসব বাইরের আচরণ দিয়ে কি মোক্ষলাভ করা যাবে, না কি যাগযজ্ঞ পূজোআর্চা বাদ দিয়ে আত্মতত্ত্ব অবগত হলে মুক্তি পাওয়া যাবে, কিংবা শৃঙ্খলার সঙ্গে কাম অর্থ ইত্যাদি সম্ভোগ করলে মোক্ষ পাওয়া যাবে—এসব কথা হিন্দু দার্শনিকরা ভগবান বুদ্ধদেবের জন্মের পূর্বেই আলোচনা করেছেন। বুদ্ধদেব অবশ্য হিন্দু ধারণা—পরমাত্মা থেকে মায়ায় যোগে জীবাশ্মার এবং নানারকম মোহের সৃষ্টি, আবার সেই মোহজাল ছিন্ন করতে পারলে জীবাশ্মা পরমাত্মার সঙ্গে মিলিত হয়ে মুক্তিলাভ করতে পারে—এই বিষয়টি মানেন না। কারণ, তিনি পরমাত্মা বা জীবাশ্মার অস্তিত্বে বিশ্বাস করেন না। কিন্তু জীবনের দুঃখের প্রধান কারণ-যে অবিজ্ঞা বা মোহ—এর সঙ্গে তিনি একমত। তিনি বলেন, আমাদের ভবিষ্যৎ আমাদেরই কর্মের দ্বারা গঠিত হচ্ছে, কর্মসমষ্টই পঞ্চসন্ধি। রূপ বেদনা সংজ্ঞা সংস্কার ও বিজ্ঞান) অবলম্বন করে জন্মজন্মান্তরে রূপায়িত হয়ে উঠছে, আর এই কর্মের হেতু থেকেই প্রত্যায়ীভূত জগতের উদ্ভব। এই-যে কর্মবশত। তাই অবিজ্ঞা এবং তা থেকেই আধ্যাত্মিক আধিভৌতিক এবং আধিদৈবিক দুঃখের সূত্রপাত ও বৃদ্ধি। তাই মানুষ যদি অবিজ্ঞার বশীভূত না হয়, সে যদি জাগতিক অতএব মিথ্যা বাসনা-কামনা ত্যাগ করতে পারে, তবে সে দুঃখ নিরোধ করতে সক্ষম হবে এবং এইভাবেই সে নির্বাণ লাভ করতে পারবে ॥

এই নির্বাণের স্বরূপটি কী? নির্বাণ কি দুঃখময়, না-কি তাতে অনন্ত স্থখ? তা কি অভাব-স্বভাব ও অবাস্তব কিংবা ভাবস্বভাব ও বাস্তব? সে কি জন্ম-মৃত্যুর অন্তর্গত শাশ্বত জীবন, না-কি কেবলই স্থূল দেহের নিশ্চিত বিনাশ? নির্বাণ কি শুধুই অজ্ঞানের বিলোপ, না তা একটি অবিমিশ্র স্থখবাদ ॥

নির্বাণতত্ত্ব নিয়েই যখন এত প্রশ্ন এবং তর্ক, তখন খুব স্বাভাবিকভাবেই নির্বাণ-লাভ করার পথ নিয়ে বৌদ্ধধর্মচারীদের মধ্যে বিরোধ এবং বিভর্ক দেখা দেবে। সেই জন্মই রাজগৃহের, বৈশালীর, পাটলিপুত্রের এবং কনিক্কের সময়ে অল্পশ্রিত—মোট চারটি বৌদ্ধমহাসংগীতির অধিবেশনে বুদ্ধদেব-প্রদত্ত ধর্মোপদেশের অথকথা বা ভাষ্য

নির্ঘ্নে যে-সমস্ত বিতর্ক হয় তা থেকেই বৌদ্ধধর্মাচরণের বিভিন্ন পদ্ধতি বা ধানের স্টি হতে থাকে ।

এই 'ধান'গুলির মূল বক্তব্য কী ?

এবার সেগুলিই খুব সংক্ষেপে বোঝানোর চেষ্টা করব ।

এই ধানগুলির মধ্যে প্রধান হচ্ছে মহাযান এবং হীনযান সাধনপন্থা । এই দুই দলেরই কিন্তু বুদ্ধদেব-প্রদত্ত ধর্মোপদেশ নিয়ে কোনো ঝগড়া বা মতবিরোধ নেই—কলহটা আসলে সেই উপদেশ পালন করে জীবনকে পরিপূর্ণ করার সাধনপন্থা নিয়ে । হীনযানীরা তাঁদের সাধনার মূল উদ্দেশ্য হিসাবে বিশ্বাস করতেন নির্বাণলাভ করার উপর । সেই নির্বাণ বুদ্ধনির্দেশিত পথেই আসবে—কিন্তু সেই পথটি হচ্ছে ধ্যান এবং অস্বাভাবিক নৈতিক আচার-আচরণের অতি নিষ্ঠাপূর্ণ সাধনার পথ । সেখানে সাধককে সাধনা করতে হবে শৃঙ্খতার—যে-শৃঙ্খতা পাওয়া যাবে অস্তিত্বকে অনস্তিত্বে মিলিয়ে দেওয়ায়, বিলুপ্ত করায় ॥

মহাযানীরা মনে করতেন, হীনযানীদের নির্বাণসাধনা বা অস্তিত্বকে অনস্তিত্বে মিলিয়ে দেওয়ার শৃঙ্খতার সাধনা জিনিসটা ঠিক নয়, এই উদ্দেশ্যটাও সত্য নয় । নির্বাণলাভ করার সাধনার চেয়ে বুদ্ধদেবলাভ করার সাধনাটাই বড় । বুদ্ধদেবলাভ বলতে তাঁরা বুঝতেন বোধিচিহ্নের অধিকার লাভ । তাঁদের কাছে এই বুদ্ধদেবলাভ হচ্ছে শৃঙ্খতা এবং করুণার একটা সমন্বয় । তাঁরা ভাবতেন, হীনযানীদের নিষ্ঠাপূর্ণ আচার-পরায়ণতাটা সঠিক ধর্মসাধনা নয়, যেমন নয় ব্রাহ্মণদের আচারস্বয়ং যোগসঙ্গ মন্ত্রপাঠ বলিদান স্নান ধ্যান তর্পণ মোক্ষলাভের প্রকৃত উপায় । ধর্মসাধনাটাকে এই পথে রাপলে শেষে সেটা একটা শুষ্ক আচারপরায়ণতায় পর্যবসিত হবে । তাকে করতে হবে ব্যক্তিগত উপলব্ধি সাধনা এবং দিগ্বির বস্ত । তাই সেখানে গণ্ডীবদ্ধ নৈষ্টিকতায় আবদ্ধ থাকলে চলবে না—সেখানে প্রতিষ্ঠা করতে হবে মনোময় ব্যক্তিস্বাধীনতার এবং বজ্র করতে হবে আচারনৈষ্টিকতাকে । তাই মহাযানী ধর্মসাধনায় সাধকের আছে নিয়মনিষ্ঠ বস্ততাত্ত্বিক কঠোর আচারপরায়ণতা থেকে মুক্তি পাবার অবকাশ ॥

এই মুক্তির অবকাশ আছে বলেই মহাযানী সাধন-পদ্ধতিতে সমসাময়িক অবৌদ্ধ ধর্মের নানা ধারার অল্পপ্রবেশ ঘটবার সুযোগ হল বেশি । এবং সেই সুযোগেই বিশেষ করে বাংলাদেশে অষ্টম-নবম শতকে মহাযানপন্থী বৌদ্ধধর্মে নানারকম তাত্ত্বিক ধ্যান-ধারণার ছোঁওয়া এসে লাগল । চ্যাপদের সমসাময়িক কালে বা তার সামান্য আগে গুহ সাধনতত্ত্ব পূজা আচার ও নীতিপদ্ধতির প্রয়োগ দেখা গেল ॥

অনেকে বলেন, এই তান্ত্রিক আচার আচরণের, মন্ত্র তন্ত্র গুহ্য সাধনতন্ত্রের অল্পপ্রবেশ মহাযানীপন্থায় ঘটেছিল, তার একটা গূঢ় সমাজতাত্ত্বিক কারণ আছে। ব্রাহ্মণ্যধর্মেও তান্ত্রিকতা, রহস্যময় গুহ্য গূঢ়ার্থক মন্ত্র যন্ত্র ধারণী বীজ মণ্ডল—এই সমস্ত অল্পপ্রবিষ্ট হয় এই সময়ে। এর কারণ, ব্রাহ্মণ্য এবং বৌদ্ধধর্ম এই সময় নিজেদের প্রভাবের সীমাকে আরেকটু বাড়িয়ে আদিম কৌম-সমাজের উপর সর্বাঙ্গিক প্রতিষ্ঠা বিস্তার করতে চেয়েছিল। পর্বতের গুহায় এবং অরণ্যের অস্তুরালে যে-আদিম অধিবাসীরা বহু যুগ ধরে নিজেদেরকে ব্রাহ্মণ্য এবং বৌদ্ধধর্মের প্রভাবের বাইরে রেখে স্বকীয় সহজ স্বচ্ছন্দ জীবনযাত্রাকে অব্যাহত রাখতে পেরেছিল, তাদের নিজস্ব পূজাপদ্ধতি ধর্মাচরণ এবং অলুষ্ঠানিক ক্রিয়াকর্মে ভূত প্রেত ডাকিনী যোগিনী পিশাচ মায়ী মন্ত্র যন্ত্র গূঢ়ার্থক অক্ষর—এক কথায় অলৌকিক অপ্রাকৃত জাদুশক্তির উপর বিশ্বাস ছিল প্রধান। তাদেরকে নিজেদের প্রভাবের মধ্যে আনতে গিয়ে ব্রাহ্মণ্য এবং বৌদ্ধধর্মগুরুরা সহজ সমাজতাত্ত্বিক যুক্তিতে আদিম কৌমসমাজের জাদুশক্তিতে বিশ্বাসের দ্বারা প্রভাবিত হয়ে থাকতে পারেন এবং সেই কারণেই মন্ত্র-তন্ত্রের অল্পপ্রবেশ বৌদ্ধ এবং ব্রাহ্মণ্যধর্মে হয়ে থাকতে পারে। বৌদ্ধ আচাৰ্য অসঙ্গ না-কি এইসব জিনিসকে মহাযানী দৃষ্টিভঙ্গী দিয়ে মেনে নিয়েছিলেন, এরকম কথা প্রচলিত আছে। আবার, আদিম কৌমসমাজের ঋষি বৌদ্ধ বা ব্রাহ্মণ্যধর্মে স্বেচ্ছায় আশ্রয় নিয়েছিলেন তাঁরা নিজেদের জপ তপ ধ্যান ধারণা আচার অলুষ্ঠান ক্রিয়াপদ্ধতি সব নিয়েই নতুন ধর্মে যোগ দিয়েছিলেন, এরকমও হতে পারে। পরে হয় তো আদিম কৌমসমাজের ধর্মবিশ্বাসগুলিকে সংস্কার ও শোধন করে নিয়েছিলেন বৌদ্ধ ও ব্রাহ্মণ্য ধর্মগুরুরা।—এইসমস্ত কারণের কোনটা অধিকতর সম্ভব তা আর আজকে সঠিকভাবে বলা যাবে না, কিন্তু এই ধরনের একটা সম্ভব-যে পূর্বভারতের বৌদ্ধ ও ব্রাহ্মণ্যধর্মে অষ্টম-নবম শতক বা তার কিছু আগে থেকে হয়েছিল এটা জোর করে বলা যায়, কেবল কী করে এই তান্ত্রিক বিবর্তন ঘটেছিল সেটার সঠিক কারণ দেওয়া যাবে না। এই কারণ নানাভাবে নানাভাবে অলুমান করেছেন। এইগুলির মধ্যে ডঃ নীহারঞ্জন রায়ের অলুমানটি উদ্ধৃত করে দিই :

“খ্রীস্টোত্তর সপ্তম শতকের মাঝামাঝি হইতেই হিমালয়-ক্রোড়স্থিত পার্বত্য-কান্তারময় দেশগুলির সঙ্গে গাঙ্গেয় প্রদেশের প্রথম ঘনিষ্ঠ সম্বন্ধ স্থাপিত হয়, এবং কাশ্মীর তিব্বত নেপাল ভোটান প্রভৃতি দেশগুলির সঙ্গে মধ্য ও পূর্ব-ভারতের আদান-প্রদান বাড়িয়া যায়। ব্যবসা-বাণিজ্য, রাষ্ট্রীয় দৌত্য বিনিময়, সমরানুষ্ঠান প্রভৃতি আশ্রয় করিয়া এইসব পার্বত্য দেশের আদিম সংস্কার ও সংস্কৃতির স্রোত বাংলা বিহারে প্রবাহিত হইতে আরম্ভ করে। তাহার কিছু কিছু ঐতিহাসিক

প্রমাণও বিদ্যমান। সপ্তম-শতকের পূর্ব-বাংলার খড়্গ-রাজবংশ বোধ হয় এই স্রোতেরই দান। ধর্মপাল ও দেবপালের কালে এই যোগাযোগ আরও বাড়িয়াই গিয়াছিল। পরবর্তীকালে আমরা যাহাকে বলিয়াছি তান্ত্রিক ধর্ম তাহার একটা দিক এই যোগাযোগের ফল হওয়া একেবারে অস্বাভাবিক হয় তো নয়। তন্ত্রধর্মের প্রসারের ভৌগোলিক লীলাক্ষেত্রের দিকে তাকাইলে এ-অল্পমান একেবারে অযৌক্তিক বলিয়া মনে হয় না।”

ব্যক্তিগতভাবে আমার ধারণা, এই অল্পমানটিই সর্বাপেক্ষা সংগত এবং যুক্তি-সম্পন্ন ॥

যা হোক, মহাযানী সাধন-পদ্ধতিতে আদিম কৌমসমাজের বা অল্প কোনো এখনও মনাবিকৃত সূত্র থেকে আগত এই মন্ত্র তন্ত্র এবং নূতন ধ্যান করণার প্রতিষ্ঠার ফলে মহাযানী ধর্মাচরণের মধ্যে নানা বিবর্তনের সৃষ্টি হয়েছিল। সেই বিবর্তনের প্রথম ধাপ মন্ত্রযান—যার মূল প্রেরণা মন্ত্র এবং সেই মন্ত্র থেকে ধারণা ও বীজ। এই নূতন ধারণা যে-নৌদ্বাচাৰ্যরা প্রবর্তন করলেন তাঁদের বলা হতে লাগল মন্ত্রযানী সম্প্রদায়। এই সম্প্রদায় প্রাচীন মহাযানী ধারণার মূল আশ্রয় শূন্যবাদ বিজ্ঞানবাদ যোগাচার মাধ্যমিকবাদ ইত্যাদি কিছুই বুঝতেন না কিংবা বুঝলেও তা নিয়ে মাথা ঘামাতেন না। তাঁদের কাছে নূতনতর ধারণাটিই অধিকতর সহজ ও সত্য বলে হয় তো মনে হয়ে থাকবে।

এইভাবেই আরেকটি শাখার সৃষ্টি হল, তার নাম বজ্রযান।

বজ্রযানীরা মনে করতেন, নির্বাণের পর তিনটি অবস্থা—শূন্য, বিজ্ঞান ও মহাস্থখ। শূন্যতত্ত্বের প্রতিষ্ঠাতা নাগার্জুন বলেন, আমাদের সমস্ত দুঃখ, কর্ম, কর্মফল, চারিদিকের সংসার এবং সংসারের সমস্ত মোহ আকর্ষণ ও আকাঙ্ক্ষা—সবই শূন্য; এই শূন্যতার পরম জ্ঞানই হচ্ছে নির্বাণ। এই-যে শূন্যতার পরমজ্ঞান তাঁকে বলা হল নিরাস্রা এবং তিনি দেবীরূপে কল্পিত বলে তাঁর নামকরণ হল নৈরাস্রা দেবী। সাধকের বোধিচিত্ত যখন নিরাস্রায় বিলীন হয়ে যায়, তখন জন্ম দেয় মহাস্থখ। নরনারীর দৈহিক মিলনের ফলে যে-পরম আনন্দ, যে-এককেন্দ্রিক উপলব্ধিময় ধ্যান—তাকেই বজ্রযানীরা বলেন বোধিচিত্ত। সাধক যদি তাঁর ইন্দ্রিয়শক্তিকে সম্পূর্ণ দমন করতে পারেন, তবে সেই বোধিচিত্ত হবে বজ্রের মতো কঠিন এবং দৃঢ়। বোধিচিত্ত সেই বজ্রভাবে পেলে তবেই বোধিজ্ঞানের উন্মেষ হওয়া সম্ভব। চঞ্চল চিত্তকে সেই বজ্রভাবে নিয়ে যাবার যে-সাধনা তাকেই বলে বজ্রযান। বজ্রযানে নরনারীর দেহমিলনের কথা বলা হয়েছে, আবার ইন্দ্রিয়শক্তিকে দমনের কথাও বলা হচ্ছে—জিনিসটা তাই একটু গোলমেলে ঠেকতে পারে। সেই সংশয় দূর করার জন্তে সিদ্ধাচার্যরা বলছেন,

ইন্দ্রিয়কে দমন করতে গেলে আগে সেই ইন্দ্রিয়কে জাগাতে হবে, মৈথুন সেই জাগরণের উপায়। মৈথুনজাত আনন্দ বা সাধকের বোধিচিন্তকে স্থায়ী করা যাবে মন্ত্রশক্তির সাহায্যে আর সেই মন্ত্র সাধনার শক্তিতে মৈথুনজাত আনন্দ থেকে বিভিন্ন দেবদেবী জন্ম নেবেন এবং সাধকের ধ্যানচক্রের সামনে এক-একটি মণ্ডলে অধিষ্ঠিত হবেন। সাধক যদি এই মণ্ডলগুলির সম্যক ধ্যান করতে থাকেন, তবেই তাঁর বোধিচিন্ত স্থায়ী স্থির দৃঢ় এবং কঠিন হয়ে আস্তে আস্তে বোধিজ্ঞানে বিলীন হয়ে যাবে। তখন সমস্ত ইন্দ্রিয় দমিত হয়ে গেছে, সমস্ত কামনাবাসনা অন্তর্হিত হয়েছে এবং সাধক তখন পরমজ্ঞান লাভ করতে পেরেছেন। বলা বাহুল্য, এই সাধনপদ্ধতি অত্যন্ত গুহ্য ও কঠিন; আর তার চেয়েও কঠিন যে-ভাষায় এবং যে-শব্দে এই সাধনপদ্ধতি বোঝানো হয়। গুরু ছাড়া আর কেউ তা বোঝাতে পারেন না, আবার গুরুর কাছে দীক্ষা না পেলে কোনো শিষ্য তা বুঝতে পারেন না। গুরু এই সাধনপদ্ধতি ব্যাখ্যায় না দিলে কেউ তা অনুসরণ করতে পারবে না—তাই বজ্রযানে গুরু ছাড়া কোনো কিছুই করা যাবে না, গুরুরূপা না থাকলে সাধকের সিদ্ধিলাভ অসম্ভব ॥

বজ্রযানে দেখতে পাচ্ছি মন্ত্র গুরু দেবদেবী এবং তার ধ্যান। এই সাধনার বিবর্তিত সূক্ষ্মতর স্তরের নাম সহজযান। সহজযানীরা দেবদেবী মন্ত্রতন্ত্র আচার অমুঠান ধ্যান জপ তপ—কোনো কিছুকেই স্বীকার করেন না। শুধু তাই নয়, বৌদ্ধধর্মের কৃচ্ছ-সাধনা পূজার্চনা প্রব্রজ্যা—এসবও তাঁরা মানতেন না। তাঁরা এক-কথায় বলে দিয়েছেন, 'দেহই বুদ্ধ বসন্ত ন জাগই'—মূর্খ ভূমি জান না দেহের মধ্যেই বুদ্ধ বা পরমজ্ঞান। তাঁরা স্পষ্ট বলে দিয়েছেন শূন্যতা হল প্রকৃতি আর করুণা হল পুরুষ। এই শূন্যতা এবং করুণা বা নারী ও নরের মিলনে যে-মহাস্তম্ব সেটাই ধ্রুবসত্য। এই মহাস্তম্বে উপনীত হতে পারলে বা ধ্রুবসত্যকে বুঝতে পারা গেলে, সমস্ত ইন্দ্রিয়কামনা নষ্ট হয়ে যাবে। সংসারের ভালো-মন্দের ধ্যানধারণা, আত্ম-পর ভেদবুদ্ধি সমস্ত সংস্কার বিলুপ্ত হয়ে যাবে—সেটাই হচ্ছে সহজ অবস্থা। এর জগ্গে মূর্তি লাগে না, তন্ত্র লাগে না, মন্ত্র লাগে না, জপ তপ ধ্যান নৈবেদ্য দাঁপ ধূপ সমস্ত অপ্রয়োজনীয় ও অবাস্তব; নিরর্থক সমস্ত শাস্ত্রজ্ঞান ও শাস্ত্রীয় আচার। সহজ সাধকরা শূন্যবাদ বিজ্ঞানবাদ সমস্ত বর্জন করে ধরে রাখলেন একমাত্র দেহবাদ বা কায়সাধন ॥

সহজ সাধকদের ধর্মমতে সর্বপ্রধান আপত্তি ছিল ব্রাহ্মণদের আচার-অমুঠান এবং বৈদিক সংস্কার-প্রণোদিত ধর্মসাধনা। বজ্রযানের সঙ্গে এদের পার্থক্য—বজ্রযানে মন্ত্রের মূর্তিরূপের অঙ্গশতা, মন্ত্র-তন্ত্র আচার-অমুঠান-পূজা এসব নিয়েই বজ্রযানের

সাধনপথ জটিল ও বহুধাবিস্তৃত। সহজ সাধকরা কাঠ মাটি পাথরের দেবমূর্তির সামনে প্রণত হবার বিরুদ্ধে, এঁরা ব্রাহ্মণদের ছিলেন ঘোর শত্রু, এমন কি যেসব বৌদ্ধ মন্ত্র-তন্ত্র, ধ্যান-ধারণা, রুচ্ছসাধন প্রব্রজ্যা ইত্যাদিকে মুক্তিলাভের উপায় মনে করতেন, এঁরা তাঁদেরকেও কঠোর ভাষায় নিন্দা করেছেন। সহজযানীরা স্পষ্টই বলেছেন, “বোধি বা পরমজ্ঞান লাভের খবর অণু সাধারণ লোকের তো দূরের কথা, বুদ্ধদেবও জানিতেন না—বুদ্ধোত্পি ন তথা বেক্তি যথায়মিতরো নরঃ। ঐতিহাসিক বা লৌকিক বুদ্ধের স্থানই বা কোথায়! সকলেই তো বুদ্ধ লাভের অধিকারী এবং এই বুদ্ধের অধিষ্ঠান দেহের মধ্যে।” এই প্রসঙ্গে সহজযানীদের মূল বক্তব্য কঠিন সংযম পালন করা আসলে এক ধরনের নেতিমূলক অস্বাভাবিকতা,—এই অণুয় অস্বাভাবিকতা মাত্ত্বের মনে এক অস্বাস্থ্যকর বিকৃতির জন্ম দেয়। তার দেহ মন চায় সহজ স্বাভাবিক মানবোচিত সমস্ত স্তম্ভ ভোগ করতে, যা তাকে দেবে ধনাদিল তৃপ্তি ও আনন্দ। কিন্তু শাস্ত্রের নামে, পুণ্যের নামে, আচারের নামে, ঈশ্বর সাধনার অজুহাতে আমরা সেই সহজ স্বাভাবিক স্বাস্থ্যকর কামনা-বাসনাকে অবদমিত করছি। ফলে মাত্ত্বের দুরারোগ্য মানসিক রোগে কাতর হচ্ছে। সেজগুই সহজিয়াদের দাবী—মানবিক বৃত্তির উপরেই ধর্মসাধনার সমস্ত পথ নির্দিষ্ট করতে হবে, কারণ মাত্ত্বের জগুই ধর্ম, ধর্মের জগুই মাত্ত্ব নয়। সংস্কারের বন্ধনের মধ্যে মুক্তি-পিয়াসী মানব-মনকে শৃঙ্খলিত করা ধর্মসাধনার পথ হতে পারে না, চরম মুক্তির পথ তো নয়ই। অতএব দেহকে স্বীকার করতে হবে, দেহজ কামনা-বাসনাকে অস্বাভাবিকভাবে দমন বা পরঃ না করে তার সহজ স্বাভাবিক রূপান্তর বা উৎকৃতির (Sublimation) কথা চিন্তা করতে হবে। সহজ সাধনা মানে কিন্তু ইন্দ্রিয়-স্তম্ভে সহরহ ডবে থাকার নয়, অতৈতিক দেহসন্তোষ বা ব্যভিচারের গোয়ারে ভেঙ্গে যাওয়ার নয়—অর্থাৎ এক কথায় সহজ সাধনা নেতিমূলক নয়। সহজ সাধনায় মানবচিত্তের পূর্ণতা ও মুক্তির পথে অতৈনসগিক ও রুত্রিম সংযমের প্রতি প্রতিবাদই প্রবলভাবে ধরনিত।

আরেকটি যান বা সাধনপদ্ধতির কথাও একটু বলে নেওয়া যেতে পারে। সেটি কালচক্রযান। এই যানের সাধকরা শৃঙ্খতা এবং কালচক্রকে এক এক অভিন্ন মনে করেন। এই সবদশী এবং সর্বজ্ঞ কালচক্র ভূত বর্তমান ও ভবিষ্যৎ নিয়ে নিরবচ্ছিন্নভাবে ঘূর্ণমাণ এবং এই কালচক্রই আদিবুদ্ধ ও সকল বুদ্ধের জন্মদাতা। এই কালচক্রকে নিরস্ত করা কিংবা নিজেদেরকে কালের প্রভাবের উপরে নিয়ে যাওয়ার কঠিন সাধনাই হচ্ছে কালচক্রযান সাধনাপদ্ধতি। কীভাবে তা সম্ভব? কালচক্রযানীরা বলছেন, কাঁথপরম্পরা বা গতির বিবর্তন দেখেই আমরা কালের

স্বাধীনতা পৌঁছাই। ব্যক্তির ক্ষেত্রে এই কার্ণপনস্পরা আর কিছুই নয়, প্রাণক্রিয়ার পনস্পরা মাত্র। যোগের দ্বারা যদি আমরা এই প্রাণক্রিয়াকে রুদ্ধ করে রাখতে পারি, দেহমধ্যের নাড়ী এবং নাড়ীকেন্দ্রগুলিকে নিশ্চল করে দিতে পারি, তবেই কাল নিরন্ত হতে পারবে। কালের সঙ্গে সঙ্ঘর্ষ আছে বলে কালচক্রযানীদের সাধনায় তিথি বার গ্রহ নক্ষত্র—এককথায় গণিত এবং জ্যোতির্বিজ্ঞান প্রচলন ছিল খুব বেশী। পণ্ডিতরা বলেন, কালচক্রযানের উৎপত্তি ভারতবর্ষের বাইরে তিব্বতে এবং পালরাজাদের আমলে এই মতবাদ বাংলাদেশে আনীত হয় ॥

বজ্রযান সাধনপদ্ধতির অপরিহার্য অঙ্গ ছিল গুরু বা সাধনপথ-নির্দেশক ও পরিচালক। গুরুর সাধনমার্গের কোন্ পথে শিষ্যের স্বভাবগত প্রবণতা আছে সেইটা গভীরভাবে বিচার-বিশ্লেষণ করে তবে স্থির সিদ্ধান্তে আসতেন। এই বিচার-পদ্ধতিকে বলা হত কুলনির্ণয় পদ্ধতি। ডোম্বী নটী রজকী চণ্ডালী ও ব্রাহ্মণী—এই পাঁচ রকমের কুল প্রজ্ঞার পাঁচটি রূপ। ভৌতিক মানবদেহ আবার পাঁচটি স্কন্ধ—রূপ বেদনা সংজ্ঞা বিজ্ঞান ও সংস্কার—এদের সারোত্তম দ্বারা গঠিত। যে-সাধকের মধ্যে যে-স্কন্ধটি বেশি শক্তিশালী বা সক্রিয় সেই অন্নুযায়ী তাঁর কুল নির্ণয় হোত এবং তাঁর সাধনপন্থাও সেই অনুসারে স্থিরীকৃত হোত। গুরুই ঠিক করে দিতেন বলে গুরু ছাড়া বজ্রযান সাধনা ছিল অচল ॥

বজ্রযানের দেবদেবীর সংখ্যাও আবার কম নয়। বজ্রযোগে সাধক স্থিতনিষ্ঠ হলে তাঁর ধ্যানচক্রেতে এক-একটি দেবদেবী জন্ম নেন এবং তাঁদের নির্ধারিত মণ্ডলে আশ্রয় নেন, একথা বজ্রযানীরা বিশ্বাস করতেন, সেকথা আগেই বলেছি। এই দেবদেবীর মধ্যে বিশেষভাবে উল্লেখ করা যেতে পারে হেবজ্র, বজ্রসম্ব, হেরুক, মহামায়া, বজ্রযোগিনী, সিদ্ধবজ্রযোগিনী, বজ্রধর, বজ্রভৈরব ইত্যাদির। বাঙালী বৌদ্ধ পণ্ডিত এবং সিদ্ধাচার্যরা এইসব দেবদেবীর স্তুতিগান করে অসংখ্য গ্রন্থ খ্রীষ্টীয় নবম থেকে দ্বাদশ শতকের মধ্যে রচনা করেছিলেন। তবে তাদের অধিকাংশই হয় বিলুপ্ত হয়ে গেছে কিংবা আজও অপরিজ্ঞাত আছে, সামান্য কিছু মাত্র আমাদের হাতে এসেছে ॥

চর্চাপদের সঙ্গে বৌদ্ধধর্মমতের মহাযানীশাখার এই নানা বিবর্তিতরূপের সঙ্ঘর্ষ ঘনিষ্ঠ বলেই চর্চাপদের ধর্মমতের আলোচনায় এদের গুরুত্ব আছে। তবে চর্চাচর্চ-বিনিশ্চয়ের মধ্যে সহজ বা মন্ত্র বা বজ্রযান কিংবা কালচক্রযানের কোনো একটি যানের কথাই প্রধান নয়। সব যানেরই কিছু কিছু কথা চর্চাগীতিগুলিতে আছে। আচার্য হরপ্রসাদ শাস্ত্রী অবশ্য বলেছেন, চর্চাগীতিগুলি বৌদ্ধ সহজিয়া মতের বাঙলা গান। সেই অন্নুযায়ী স্বর্গত অধ্যাপক মণীন্দ্রমোহন বন্থ সিদ্ধান্ত করেছেন ৩, ২, ১২, ২৮,

৩০, ৩৭ ৩২, ৪২, ৪৩ ইত্যাদি সংখ্যক চর্চাগীতিগুলি স্পষ্টতই সহজিয়া মতের বাহক। কোনো কোনো চর্চায় বজ্রযানের কথা-যে নেই এমন নয়। লুইপাদ, কুকুরীপাদ কাঙ্ক্ষ-পাদ বিরুবায় চর্চায় যেভাবে ধ্যান, ধমন-চমণ পিঁড়ি, আটকামরা ঘর, বজ্রসাধনা, অবধূত এবং গুরুপ্রাধাণের কথা বলা হয়েছে তাতে এরকম অল্পমান করা স্বাভাবিক, এঁরা বজ্রযানসাধনার দিকেই জোর দিতেন বেশি। চর্চাপদে যে-সমস্ত লৌকিক জগতের বস্তুকে ধর্মীয় প্রতীক হিসাবে সিদ্ধাচার্যরা নিয়েছেন এবং চর্চাপদের ভাববস্তুর মধ্যে যে-গুহ্য গুঢ়ার্থক সংকেত আছে তার দ্বারাই বোঝা যায়, সিদ্ধাচার্যরা বজ্রযানের প্রতিই পক্ষপাতী ছিলেন বেশি। আবার একই চর্চায় সহজযান এবং বজ্রযানের পাশাপাশি অবস্থিতির বা ইঙ্গিতের অভাব আছে এমন নয়। সেই জন্তেই বোধ হয় একথা বলা সব চেয়ে নিরাপদ এবং যুক্তিসংগত যে, চর্চাপদে কোনো একটা বিশেষ যানের সাধনপদ্ধতিকেই বড় করে দেখানো হয় নি, মহাযানী সাধনার বিবর্তিত বিভিন্ন যানের সমন্বয়ই সেখানে প্রকাশিত এবং প্রতিষ্ঠিত। কোনো কোনো চর্চায় দেহবাদ এবং দেহ-সাধনার কথা স্পষ্ট এবং কোনো কোনো পদাবলীতে মন্ত্রসাধনা এবং বজ্রযোগের কথা বলা হয়েছে বটেই নিঃসংশয়িতভাবে তাদের এক-একটা যানের অন্তর্ভুক্ত কর: হবে বা করা উচিত—এই ধরনের সংস্কার না রাখাই ভালো ॥

আসলে চর্চার মাধ্যমে যে-ধর্মসাধনার কথা সিদ্ধাচার্যরা বলতে চেয়েছেন তা: মনোময় অন্তর্ভুক্তিপ্রধান একটা মহৎ উপলক্ষি। আর সেইজন্তেই তা রহস্যময়, কাবাময়, সাধারণবুদ্ধির অতীত দিগন্তের আধো-আলো-অন্ধকারের অচেনা দীপ্তিতে সম্পৃষ্ট। এই ধরনের জিনিস তখনই জন্ম নিতে পারে যখন ধর্মগুরুরা ধর্মের লৌকিক আচার অন্তর্গত ক্রিয়াপদ্ধতি থেকে চোখ ফিরিয়ে নিয়ে দৃষ্টি নিবদ্ধ করেন ধর্মের মনোময় উপাদানের উপর। ডঃ শশিভূষণ দাশগুপ্ত দেখিয়েছেন, উপনিষদের ধর্ম-সাধনার সম্পূর্ণ আত্মলীন মনোময় স্বভাবের ধারা অব্যাহত আছে পরবর্তী-কালের যোগীদের ধর্মসাধনায় এবং আরো পরে মধ্যযুগের সন্ত সাধকদের ধর্মচর্চায়। চর্চাপদে এই ঐতিহ্য থেকে বাইরে নেই, নেই তার প্রবাহকে অস্বীকার করার উদ্বেগ-বাকুল চঞ্চলতা। এই Subjectivity-র দিকে সাধক যখন যান, তখন বাধা রাস্তায় তিনি চলেন না, আশেপাশের দিকে তাকান, আর সেই চারিপাশের চিন্তার জগতে যদি তিনি এমন কোনো উপাদান দেখেন যা তাঁর নিজের ভাবনার সঙ্গে মিলে যেতে পারে, তাকে তখন তিনি পরম আদরে নিজের মনে স্থান দিয়ে জীবনসাধনায় রূপায়িত করেন। জীবন্ত ধর্মের এই হচ্ছে লক্ষণ, তা নানা সাধনা নানা ভাবনা বহুতর উপলক্ষি এবং বিচিত্র কল্পনার সমন্বয়ে ক্রমবর্ধিত হয়। হিন্দুধর্মে, বৌদ্ধধর্মে, জৈনধর্মে—আবার হিন্দুধর্মের বিভিন্ন শাখা শৈবধর্ম, বৈষ্ণবধর্ম, শাক্তধর্ম, সহজিয়াধর্ম

থেকে আধুনিক কালের ব্রাহ্মধর্মে পর্যন্ত এই সময় ও মিলনের স্থর অব্যাহত আর তা অব্যাহত আছে বলেই সবগুলি আজও কমবেশি স্বীকৃত এবং শ্রদ্ধার সঙ্গে চর্চিত হয়ে আসছে। যেসব ধর্ম আচার-অনুষ্ঠানেই পর্যবসিত, মনোময়তার স্থান যেখানে অবজ্ঞাত এবং অস্বীকৃত, তারা আস্তে আস্তে কোথায় মিলিয়ে গিয়েছে। হিন্দুধর্মে এই মনোময়তার স্থান সর্বোচ্চে, তেমনি বৌদ্ধধর্মে। তাই একদিন দুটোই মিলে মিশে যেতে পেরেছে, কিংবা দুটোর থেকেই সংঘর্ষজাত একটি তৃতীয় ধারা জন্ম নিয়ে দুটোরই গুরুত্বকে বোঝাবার অবকাশ দিয়েছে।

চর্চাপদেও এই ধর্মসমন্্বয়ের আদর্শ অব্যাহত। কারণ এর সাধকরা মনোময়তার উপর বা ডঃ শশিভূষণ দাশগুপ্তের কথায় ধর্মের Subjective element-এর উপরই জোর দিয়েছিলেন বেশি। আরো একটা বিষয় লক্ষণীয়, সিদ্ধাচারীদের অধিকাংশই ছিলেন বাঙালী এবং বাঙালী স্বভাবের চিরন্তন ঐতিহ্য অনুযায়ী সব জিনিসেরই Subjectivity-র দিকে আকৃষ্ট হবার মহৎ প্রবণতা থেকে এঁরা কেউ মুক্ত ছিলেন না। আবার বাঙালী চরিত্রের অল্পতম প্রধান বিশেষত্ব সংস্কার-মুক্ত হওয়া, গৌড়ামি বর্জন করা, তাও সিদ্ধাচারীদের ক্ষেত্রে অনুপস্থিত ছিল না। এই দ্বিবিধ গুণের জন্তেই তাঁরা প্রয়োজনীয় ক্ষেত্রে চর্চাপদের মানবতাবোধজাত সমন্্বয়ের দিকে কখনও সোজাভ্রাজ্জি কখনও-বা অলক্ষ্যে পদক্ষেপ করেছেন, কখনও-বা মন্ত্রতন্ত্র ধ্যান জপ তপ আচার ও অনুষ্ঠানের মরুবালুরাশিতে গুরুপ্রায় ব্রাহ্মণ্যতন্ত্রের অসারতার দিকে সাধকের দৃষ্টি আকর্ষণ করতে দ্বিধা করেন নি। চর্চাপদের মধ্যে দিয়ে যে-ধর্মমত সিদ্ধাচারীরা প্রকাশ করতে চেয়েছেন তা মূলত মনোময় অনুভূতি-প্রধান ও উপলব্ধিসর্বস্ব, তাই তা সাহিত্যিক গুণসম্পন্ন হতে পেরেছে। যে-গুণের জন্তে উপনিষদ ধর্মব্যাপ্য হয়েও দর্শন ও কাব্যের সামগ্রী, চর্চাপদের সঙ্গে উপনিষদের গুণগত বিরাট পার্থক্য থাকলেও—চর্চাপদে সেই একই গুণের জন্তে ধর্মগ্রন্থ হয়েও কাব্যগীতি। এই ধর্ম এবং কাব্যের দুর্লভ সমন্্বয় বাংলা সাহিত্যে প্রথম হয়েছে চর্চাপদে এবং সেইজন্তেই বাংলা কাব্যের উন্মালগ্নে চর্চাপদ উজ্জ্বলতম জ্যোতিষ্ক।



॥ চর্যাপদের সাহিত্যিক মূল্য ॥

চর্যাপদে সমন্বয়প্রধান ধর্মমতের আলোচনা প্রসঙ্গে বলেছি, চর্যাপদের সিদ্ধাচার্যের। যে-ধর্মবোধের দ্বারা অমৃতপ্রাণিত হয়েছিলেন তাতে ধর্মের বহিরঙ্গের চেয়ে তার মনোময় বা মাবজ্জেক্টিভ উপাদানগুলির আকর্ষণ ছিল বেশি। তাতে আত্মপ্রতিষ্ঠা এবং আত্মপ্রসারেরই প্রাধান্য। ধর্মকে যখন এই আত্মবোধের প্রয়োজনে নিয়োগ করা হয়, তখনই তা ভাবময় রহস্যময় কাব্যময় রূপ গ্রহণ করে। এই রকম হয়েছে উপনিষদের ক্ষেত্রে, চর্যাপদেও এর ব্যতিক্রম হয় নি। চর্যাপদে তাই ধর্মাচরণের নির্দেশ হলেও তাতে সাহিত্যগুণের অভাব নেই এবং সেইজন্যই চর্যাপদ মূলত ধর্মগ্রন্থ হলেও তা কাব্যের মাধ্যমে ব্যক্ত বলেই তাকে সাহিত্যগ্রন্থ বলে সমাদর করতে বাধা নেই ॥

তবে একটা কথা প্রথমেই বলে নেওয়া উচিত। চর্যাপদ যে-সময়ে রচিত, তখন বাংলা ভাষার নিতান্ত অপরিণত অবস্থা। সবেমাত্র সে অপভ্রংশের গর্ভ থেকে বহির্গত হয়ে নতুন আলো-হাওয়ায় নিশ্বাস নিতে শুরু করেছে। আজ যে-ভাষার আমরা কথা বলি, মনের ভাব প্রকাশ করি এবং সাহিত্যগ্রন্থ রচনা করি, সে-ভাষার সঙ্গে চর্যাপদের ভাষার এত বিরাট পাথক্য যে, চর্যার ভাষা বাংলা কি-না তাই নিয়েই এককালে পণ্ডিতে পণ্ডিতে খুব মতান্তর হয়ে গেছে। পূর্বভারতের বিভিন্ন ভাষাভাষী জনসম্প্রদায় চর্যার ভাষাকে নিজের ভাষার আদিক্রম বলে দাবি করেছিলেন। চর্যাপদের ভাষাকে এবং তাকে অবলম্বন করে সমগ্র চর্যাপদকে নিজের আদি-পুরুষদের রচনা বলে ধারা দাবী করেছিলেন তাঁদের মধ্যে উড়িষ্কার এবং মিথিলার অধিবাসীরাই ছিলেন প্রধান। এখন অবশ্য সেই সন্দেহ মিটে গেছে—আচার্য সুনীতিকুমার নিঃসংশয়ে প্রমাণ করে দিয়েছেন, চর্যার ভাষা বাংলা এবং হাজার বছর আগেকার বাংলা ভাষার প্রধানতম নিদর্শন। এই প্রমাণ এবং সিদ্ধান্তের প্রয়োজন হয় এই কারণে যে, চর্যার ভাষার অর্থ বোঝাই মুশকিল : সংস্কৃত টীকা এবং তিব্বতী অনুবাদের সাহায্যে তার অর্থ বুঝতে হয়। আবার শৌরসেনী প্রাকৃতের প্রভাব চর্যায় বেশি, যদিও বাংলা ভাষা মাগধী প্রাকৃত থেকে উৎপন্ন, এই বিশ্বাস পণ্ডিতদের দৃঢ়। অবশ্য দ্বিতীয় সন্দেহটা মিটলেও অর্থাৎ লোকসাহিত্যের ভাষায় শৌরসেনী প্রাকৃতের প্রভাব বিস্তৃত এবং ব্যাপক ছিল এই তথ্যটি প্রমাণিত হওয়ার

পূর—ডবুও চর্চার ভাষা বাংলা কি-না এই সন্দেহটা অনেকদিন বজায় ছিল। সেই বিষয়ে সব গোলমাল মিটিয়ে দিলেন সুনীতিকুমার যখন তিনি দেখিয়ে দিলেন, চর্চাপদের ভাষায় এবং সেই ব্যাকরণগত দিকটায় এমন কতকগুলি বিশেষত্ব আছে যেগুলি কেবল বাংলা ভাষাতেই ব্যবহৃত হয়, আজও হচ্ছে। কতকগুলি শব্দ নিঃসন্দেহে বাংলা, কতকগুলি বাক্যভঙ্গী বাংলার নিজস্ব এবং যে-সমস্ত উপাদান-কে রূপক ও উপমা হিসাবে গ্রহণ করা হয়েছে ধর্মতত্ত্ব বোঝানোর জন্তে, ঐতিহাসিক ও সামাজিক বিচারে সেগুলি বাঙলার সমাজজীবনেই দীর্ঘকাল ধরে প্রাধান্য পেয়ে আসছে। এইসব যখন নিঃসংশয়ে প্রমাণিত হল, তখনই চর্চাপদের ভাষাকে বাংলা বলে স্বীকার করে নিতে আর কোনো বাধা কোনো দিকেই রইল না। কিন্তু এ বিষয়ে আজও দ্বিমত নেই যে, চর্চাপদের সাহিত্যিক গুণ যা থাক, চর্চাপদের ভাষাটি বড় কঠিন। সেই ভাষার অস্বাভাবনের বাধাই চর্চাপদের রসগ্রহণের প্রধান অন্তরায়। আচার্য হরপ্রসাদ শাস্ত্রী তাই ঠিকই বলেছেন, চর্চাপদের ভাষা “সঙ্ঘাভাষা” কারণ, সঙ্ঘাবেলার আলো-আধারিতে যে-রহস্যময়তা, সেই অপরিচয়ের আলো-অন্ধকারে চর্চাপদ অম্পষ্ট ॥

চর্চাপদের সাহিত্যগুণ বিচারের সময় তাই এই ভাষার অস্ববিধাটার কথা মনে রাখতে হবে।

তবে এই ভাষার বিরোধিতাকে যদি আমরা বশে আনতে পারি তা হলে চর্চাপদে যে-স্বগভীর কাব্যরস আছে তাকে আমাদের উপলব্ধির জগতে নিয়ে আসতে কোনো অস্ববিধা হবে না। চর্চাপদের অসংখ্য জায়গায় যে-লৌকিক রূপের জগতের বর্ণনা আছে সেই বর্ণনাগুলিই সবার আগে আমাদের মোহিত করে। এই বর্ণনার চিত্রময়তা আমাদের মনকে দোলা দেয় তার বাস্তবতাবোধ এবং কাব্যগুণে। এর কতকগুলি উদাহরণ পাঠকের সামনে উপস্থিত করি ॥

আকাশের নীচে শূন্যতার অস্বসন্ধানে উন্নতমস্তক পর্বতে যে-শবরী বালিকাটি বাস করে তার কথাই ধরা যাক। সেই শবরী বালিকা লীলাময়ী, একটি আরণ্য-সৌন্দর্য তার সর্বাক্ষে। তার খোঁপায় গৌজা শিখী-পুচ্ছ, বৃকের উপর দুলে দুলে উঠছে গলার গুল্লার মালা। তার কানের কুণ্ডল সকালের রোদে উঠছে ঝিকমিকিয়ে—আর নির্জন পার্বত্য প্রদেশ জুড়ে তার সরল সহজ সৌন্দর্যটি আলোর মতোই সর্বত্র ছড়িয়ে গেছে। এই শবরী বালিকাকে যে-পরিবেশে পাঠকের সামনে আনা হয়েছে, সেই পরিবেশটিও কত সুন্দর! শবরীর সামনে পিছনে চারিদিকে নানা বৃক্ষে কত অগণিত বিচিত্র ফুল, গাছের ডালে ডালে আকাশ ঘেন ছেয়ে গেছে, আর সেই উদার বিস্তৃত মধুর সৌন্দর্যের মাঝখানে একলা দাঁড়িয়ে আছে শবরী পুষ্পিত একটি লতার মতো (চর্চা

২৮)। এই-যে বালিকাটি এবং তার আদিম কৌমসমাজস্থলভ সাজপোশাকটি আর তার পরিবেশটি একটি-দুটি তুলির টানে ফুটিয়ে তোলা হয়েছে রূপদক্ষ শিল্পীর মতো। এই শবরী কিসের প্রতীক, পাছ ডালপালা, ময়ূরের পাখা, গুঞ্জার মালা, ফুল—এগুলির গৃঢ় অর্থ কী, তা যদি নাও জানি, তা হলেও এই মধুর আলোখ্যাটি হৃদয় দিয়ে উপভোগ করতে বাধা হচ্ছে না।

সমজাতীয় আরেকটি স্বন্দর চিত্র ফুটে উঠেছে ৫০ নং চর্চাটিতে। সেখানেও শবরী বালিকা নীল মহাশৃঙ্খের নীচে পাহাড়ের উপরে উদার বিস্তৃতির মাঝখানে চাঁচড়ের বেড়ার ঘরে বাস করে। বাড়ির সামনে ছোট্ট একটি ক্ষেত। সেই ক্ষেতে ফুটেছে কার্পাসফুল, কালো মাটির বুকে ছোট ছোট হীরকখণ্ডের মতো সাদা ফুলগুলি শিশুর আনন্দে বিহ্বল। পিছনে আরো একটি ছোট্ট ক্ষেত, সেখানে কঙ্গুচি দানা বা কঙ্গুচিনা ফলের গাছ। সেই গাছের ফল পাকলে শবরী আর শবর হাঁড়িয়া তৈরী করে পানে উন্নত হয়। সারাদিনের পর রাত্রি আসে, আকাশে স্নিগ্ধ আশীর্বাদের মতো দেখা দেয় পূর্ণচন্দ্র, আর সেই চাঁদের আলোয় সেই বেড়া-বাধা বাড়িটি একটি বড় সাদা ফুলের মতো অবাধ উল্লাসে হেসে উঠে, শোকের মতো বিষণ্ণ অন্ধকার কোথায় মিলিয়ে যায় সেই চাঁদের হাসির বাঁধভাঙা জোয়ারে। আবার অন্ধকার রাত্রিতে সমস্ত পৃথিবী মৃত্যুর মতো কালো হয়ে উঠে। দূরে শ্মশান-ঘাটের এক প্রান্তে ধূ ধূ করে জলে চিতার সিঁহুরঙের লাল আগুনের শিখা—ডুকরে ডুকরে কঁাদে শেয়াল-শকুন। এখানেও সেই আগের চর্চাটির মতো স্বল্প কথায় পরিমিত বাক-প্রয়োগে সংক্ষিপ্ততম তুলির আঁচড়ে একটি আদিবাসী পরিবারের সহজ স্বথ হুঃখ আনন্দ বেদনার শিল্পময় রূপায়ণ ॥

এই ছবি আঁকার দিকে চর্চাপদের সিদ্ধাচার্যদের একটি সহজ স্বাভাবিক দক্ষতার নানা নিদর্শন চর্চাপদের প্রায় সর্বত্র ছড়িয়ে আছে। পাঠককে কবি-সিদ্ধাচার্য নিয়ে গেছেন সেই নদীর ধারে যে গহন গম্ভীর এবং প্রবল শ্রোতের বেগে নিয়ত ধাবমান। তরঙ্গসংকুল এই নদীর জলে কী যেন রহস্য নিত্যই চেউয়ের দোলায় দোলায় দোলায়িত—দূরে দেখা যায় নদীর পার। তীরভূমি ঢালু হয়ে নেমে এসেছে নদীর জলের মধো, কদম-অহুলিপ্ত সেই তীরভূমি ছুরধিগম্য। বর্ধার প্রবল জলধারায় ক্ষিপ্ত এই কীর্তিনাশাকে দেখে ভয় লাগে?—তবে চল সেই যুক্তবেণীতে যেখানে গঙ্গা-যমুনার মাঝখানে শান্ত গম্ভীর নদীর জলে অবহেলায় নৌকা বেয়ে চলেছে এক ভোম্বী, দাঁড়ে হালে কাছিতে সাবলীল নিরুদ্বেগে। তার নদী এত চেনা যে, সে ডান-বা কোনো দিকেই তাকাচ্ছে না, কোনো সংশয় ভয় মনে না রেখে সে যাত্রী নিয়ে চলেছে এক পার থেকে অল্প পারে। সেবাই তার ধর্ম, তাই কড়ি না নিয়ে

খেঁজায় সে সবাইকে নদী পার করে দিচ্ছে। চল সেই নদীর ধারে যেখানে থরে থরে পার্শ্ব সম্পদ পূর্ণ করা হচ্ছে তরগীতে, আর ঠাই নেই। এবার নৌকা ছেড়ে দেবে অজানা অচেনা সেই তীরভূমির দিকে যার জন্তে পসারীর মন ব্যাকুল। দেখ ঐ মাঝিকে, সে খুঁটি উপড়িয়ে ফেলে নৌকার বাঁধন মলিন কাছটি খুলে দিল। সাবধানে এদিকে ওদিকে তাকাতে তাকাতে সে দাঁড় বেয়ে চলল এক পার থেকে আরেক পারে, চেনা জগতের তীরভূমি থেকে অচেনা রহস্যের দিকে (চ্যা ৮)। আবার এসো এইখানে, এই পারে, যেখানে ওপার থেকে নৌকাটি বেয়ে থেগামাঝি সবে ঘাটে লাগিয়েছে। যাত্রীরা একে একে নেমে আসছে মাটির উপরে। পাটনী তীরে দাঁড়িয়ে সকলের কাছে থেগাপার করে দেবার মজুরি আদায় করে নিচ্ছে। কারো হয় তো পারের সম্বল নেই, তার কাপড়চোপড় হাতড়ে পুঁটলি বটুয়া খুঁজে একটি কি দুটি কড়ি শার করতে চাইছে একটা লোভের হাত ॥

এই আশ্চর্য বাস্তব অথচ কাব্যময় নিখুঁত দৃশ্য ছায়াছবির মতো পাঠকের মনের চোখের উপর দিয়ে ভেসে যায়। প্রকৃতি এবং মানুষকে কত নিবিড়ভাবে চিনলে এবং ভালোবাসলে এই ছবিগুলি আঁকা যায় তা সহজেই বোঝা যায়। ঐ-যে টিলার উপর ঘরটি যেখানে হাঁড়িতে ভাত নেই, নিতা তবু যেখানে অতিথি; ঘরের আড়িনায় র্তেঁতুল গাছটি যার ফলভোগে বৃক্ষস্বামীর অধিকার নেই; নতুন বধুটি যার কানের কানেটটি রাত্রিতে চোরে নিয়ে গেছে—শুভর ঘুমোচ্ছেন, জানেনও-না কী সর্বনাশ হয়ে গেছে অর্ধরাত্রী—সেই বধুর বিষণ্ণ মুখটি; একতারা বাজিয়ে যে-যোগী মনের আনন্দে নেচে চলেছে পথে পথে অবাক্ত ভাবে বিভোর হয়ে; মাদল বাজিয়ে জাঁকজমক করতে করতে বর চলেছে নতুন সঙ্গিনী আনতে, সেখানে মেয়েলী আচার, বাসরঘর, নতুন বধু, রমণী-পরিবৃত একটি অচেনা রহস্য—তার ছবিটি কত নিখুঁতভাবে সামান্য দুটি-চারটি কথায় ফুটিয়ে তোলা। এমনি অল্পশ কাব্যময় চিত্র চর্চাপদের ছত্রে ছত্রে। অরণ্যের নিভৃত অন্ধকারে মৃত্যুর মতো ভয়ংকর শিকারীর জাল বিছিয়ে হরিণ ধরা, ভীত সন্ত্রস্ত হরিণের জলগ্রহণ না করা, তৃণ বর্জন করা, আবার হঠাৎ একটু মুক্তির অবকাশে দ্রুতগমনে দিগন্তের দিকে নিরুদ্দেশ হওয়া; শান্ত পাহাড়, পুষ্পিত গাছ, স্রোতময়ী নদী, বিহ্বল ভ্যাংস্রা; দীপ্ত মন্দির, দীপধূপময় তার অভ্যন্তর, স্নগন্ধ-সিন্ধিত তার ভিতরের বাতাস; অন্ধকার ঘরে চঞ্চল মুখিক; তিনধাতুর খাটে পান-মুখে বকলগ্নবধুর সাহচর্যে মিলন-বিধুর প্রেমিক; শান্ত সন্ধ্যায় আরতির ঘণ্টা, গোয়ালে গোক এবং গোকর দুধ দোয়ানো এবং ফেনময় দুধের উষ্ণ স্নগন্ধ—কাছ থেকে দেখা দৈনন্দিন জীবনের কত সূক্ষ্ম চিত্র এই চর্চাপদের বিভিন্ন স্লোকে। এই বস্তুময় অথচ কাব্যময় চিত্রগুলি ধর্মের উপাদান, কিন্তু কাব্যের সামগ্রী। একদিক দিয়ে

বাংলা কাব্যে কাব্যের উপাদান হিসাবে বাস্তবতার প্রথম উদ্বোধন হয়েছে চর্চাপদে ।
তাই চর্চাপদের সাহিত্যিক মূল্য নগণ্য নয় ॥

শুধু বাস্তবপ্রেমিকতা নয়, ভাবের জগতেও পাঠককে নিয়ে যেতে সিদ্ধাচার্যরা ব্যর্থ হন নি । এই বাস্তব উপাদানগুলির সাহায্যেই সিদ্ধাচার্যরা পাঠককে ভাবের রাজ্যে নিয়ে যেতে চেয়েছেন, কারণ যে-ধ্যানের আকার নেই, বর্ণনা নেই, তাকে পাঠকের মনে ধরিয়ে দেবার জন্তে সেই উপকরণগুলি দরকার যাকে ইচ্ছিয়া দিয়ে বোঝা যায়, চেনা যায় ।

তাই যখন বলা হচ্ছে চিত্র এবং চিত্রিত্র মোহের কথা—তখন উপাদান হিসাবে ব্যবহৃত হচ্ছে গাছ এবং তার ডাল বা ফল । সেই গাছ তো চিরজীবী নয়, একদিন-না-একদিন তার ধ্বংস হবে, তেমনি চিত্রিত্র মোহ নিয়ে মন্ত্রণ চিরকাল বেঁচে থাকতে পারবে না, বাসনা কামনা তাকে পরমসুখ দিতে পারবে না । আবার মিথ্যা ধ্যানে, মিথ্যা মন্ত্র উচ্চারণে, মহামূল্য নৈবেদ্য সাজিয়েই কি মৃত হৃদয় সেই পরমসুখের সন্ধান পেতে পারবে ! এইসব বাইরের জিনিস দিয়ে সেই অন্তরতমের সন্ধান পাবে কে ! 'নয়ন মেলে দেখে দেখে তুই চেয়ে দেবতা নাই ঘরে' ।

এই বাইরের আড়ম্বরটাই-যে জীবনে বড় নয়, বাইরের রাস্তাটি ভিতরে যাওয়ার প্রবেশপথ মাত্র, এই তস্কটি স্নগভীর কাব্যময় বোধের দ্বারা চর্চাপদে প্রকাশিত । সেই নিরাশ্রয় নিরাবয়ব পরমপ্রিয়ই সিদ্ধাচার্যদের চরমকামনা । তাঁকে পাবার জন্তে তাঁদের যে-ব্যাকুলতা তা অনেক সময় ক্রোধের জন্তে শ্রীরাধার আকুলতাকে স্মরণ করিয়ে দেয় । যেমন গুণরূপীদের এই চর্চাটি—

তিঅড্ডা চাপী জোইনি দে অঙ্কবালী
কমল-কুলিশ ঘাণ্টে করছ বিআলী ।
জোইনি তুই বিহু খনহি ন জীবমি
ভো মুহ চুস্বী কমলরস পিবমি ।
থোপছ জোইনি লেপ ন জাঅ
মণিকুলে বহিআ ওড়িআণে সমাঅ । [চর্চা : ৪]

তেমনি আবেগের ব্যাকুলতায় যোগী লজ্জা ছাড়বেন, ঘৃণা ছাড়বেন, কলঙ্কে করবেন অঙ্গের ভূষণ । সেই নৈরাশ্রাদেবীর সঙ্গে মিলিত হতে পারবেন, তাই তিনি নিঘূর্ণ কাপালিক সেজেছেন, ডোম্বীকে তিনি সাঙা করবেন ; নট সেজে ডোম্বীর চেড়ারি বইবেন, কারণ সেই নিষ্ঠুর নিদয়া তাকেই ধরা দেবেন যে বাইরের লোকলজ্জা আভাসদোষ এবং স্বভাবকে করতে পারবেন হেলায় তুচ্ছ ॥

তবুও সব করেও হয় তো দেখা যাচ্ছে প্রিয়মিলনের মন্দিরটির পথ বন্ধ—

আলিএঁ কালিএঁ বাট রুঙ্কেলা
তা দেখি কাহু বিমনা ভইলা ।
কাহু কহিঁ গই করিব নিবাস
জো মনগোঅর সো উআস ।
তে তিনি তে তিনি তিনি হো ভিন্না
ভগই কাহু ভব পরিচ্ছিনা ।
জে জে আইলা তে তে গেলা
অবনাগবণে কাহু বিমন ভইলা ।

জিনপুরের কাছে কাহুপাদ এসেছেন, কিন্তু—

হেরি সে কাহি নিঅড়ি জিনউর বটুই
ভগই কাহু মোহিঅহি ন পইসই ।

হয় তো মনে এখনও কিছু মোহ আছে, তাই নিকটে অবস্থিত জিনপুর আজও তাঁর কাছে দূরে ॥

এই না-পাওয়ার বেদনা আরো অনেক চর্চায় বিরহবিধুর পরিবেশ সৃষ্টি করেছে । সোনায় ডরে তুলেছি করুণা-নৌকা, রূপা রাখবার আর ঠাই নেই, খুঁটি তুলে দড়ি খুলে নৌকা ছেড়ে দিয়েছি, কিন্তু কী করে যাব সেই দেশে যেখানে সর্বস্বত্ব । কোথায় সেই সদগুরু যার উপদেশে

বামদাহিণ চাপী মিলি মিলি মাক্সা
বাটত মিলিল মহাস্বহ সাক্সা ।

সেই মহাস্বথ পাবার ব্যাকুলতা-যে কেমন উগ্র, সেটিও চমৎকার একটি বাস্তব উদাহরণ দিয়ে কাহুপাদ বুঝিয়ে দিয়েছেন ২নং চর্চায় । শিকল দিয়ে বেঁধে রাখা হয়েছে হস্তীকে, কিন্তু করিণীর সঙ্গে মিলনাকাঙ্ক্ষায় সে যখন উন্নত, তখন এই সামান্য পার্থিব বন্ধন কি তাকে বেঁধে রাখতে পারে ! তাই—

এবংকার দিচ বাপোড় মোড়িউ
বিবিহ বিআপক বন্ধন তোড়িউ ।
কাহু বিলসঅ আসবমাতা
সহজ নলিনীবন পইসি নিবিতা ।
জিম জিম করিণা করিণিরে রিসঅ
তিম তিম তথতা মঅগল বরিসঅ ।

ধরা দিয়েও ধরা দিতে চায় না সেই পরমপ্রিয় । কত বেদনা কত যন্ত্রণা নিয়ে, কত
 দুঃখময় পথ, উত্তাল তরঙ্গসংকুল নদী পার হয়ে সাধক আসছে—তবুও সেই ভোম্বী
 ছলনাময়ী রমণীর মতো দূরে দূরে সরে যাচ্ছে । এই পেয়েও না-পাওয়ার বেদনা
 চমৎকার ব্যক্ত হয়েছে কারু,পাদের ১৮নং চর্চায় :

তিনি ভ্রমণ মই বাহিষ হেলৈ
 হাঁউ ততেলি মহাসুহ-লীলৈ ।
 কইসণি হালো ভোম্বী তোহোরি ভাভরিআলী
 অন্তে কুলিগঙ্গণ মার্নে কাবালী ।
 উই লো ডোপী সঅল বিটালিউ
 কাজ গ কারণ সমহর টালিউ ।

এই চতুরালি স্বভাবের জঞ্জই তো সেই পরমগুণদাত্রীর উপর রাগ হয়, তাই—

কেহো কেহো তোহোরে বিরুআ বোলই
 বিছুন লোঅ তোরে কর্ণ না মেলই ।

প্রবল অভিমানে কারু,পাদ শেষে বলছেন :

কারে গাই তু কামচগুলী
 ভোম্বীত আগলি নাহি ছিনালী ।

ভোম্বীর চেয়ে ছিনালীপনা আর কোনো মেয়েমানুষের নেই । কিন্তু রাগ হলেও,
 অভিমান হলেও সাধক তো ভুলতে পারছে না—

হাঁউনিরাসী খমণ-ভতারি
 মোহোর বিগোআ কহণ ন জাই ।
 ফেটলিউ গো মাএ আন্তুরি চাহি
 জা এখু চাহমি সো এখু নাহি ।

আমি আসক্ত-রহিত, মন শূন্য, মোহ বিগত । আমি বিষয় ছেড়েছি, কারণ দেখছি—
 আঁতুড় ঘরে মানুষের গমনাগমনের শেষ নেই । আমি যা চাই তা তো এই পৃথিবীতে
 নেই ! তবুও একটু চঞ্চলতা হয় তো চিন্তে আছে যে-চঞ্চলতা মূষিকের মতো অন্ধকার
 রাত্রিতে চুপি চুপি হৃদয়ের সমস্ত অমৃত খেয়ে যাচ্ছে । এই মূষিককে মারো,
 চঞ্চলতাকে দূর কর । হয় তো তখনই তার ‘উঞ্চল-পাঞ্চল’ শেষ হবে এবং সর্ব চঞ্চলতা-
 মুক্ত চিত্ত পরমানন্দে নিশ্চল হতে পারবে ॥

যে না-পাওয়ার বেদনা কবিতার প্রাণ সঞ্চার করে, যে-বিষণ্ণতম ডাবনাগুলি
 ঋধুরতম সংগীতের জন্ম দেয়, তার অভাব চর্চাপদের কোথাও নেই । কোথাও
 প্রত্যক্ষভাবে, কোথাও-বা পরোক্ষে এই না-পাওয়ার বেদনাই মূর্ত হয়েছে কাব্যময়

ভাষায়। তুলো খোনার মতো করে বাসনাগুলিকে বিচ্ছিন্ন করেছেন, তবুও শাস্তি-পাদেয় আক্ষেপ—

তউসি হেফ্‌অ ন পাবিঅই
শাস্তি ভগই কিণ স ভাবিঅই।

লুইপাদ বলছেন, কী করে আমি বুঝাবো সেই পরমহুথ কি—

ভাব ন হোই অভাব ৭ জাই
অইস সংবোহে কো পতিআই।

* * *

কাহেরে কিস ভণি মই দিবি পিরিচ্ছা
উদক-চান্দ জিম সাচ ন মিচ্ছা।

কী বলে আমি সেই পরমপ্রিয়ের পরিচয় দেব। কেউ বলেন, ভাবের অস্তিত্ব নেই, অভাবও নেই, এই অবস্থায় বোধ হয় সেই সত্যকে বোঝা যায়। কিন্তু যার বর্ণচিহ্ন নেই, বেদ আগমে যার ব্যাখ্যা নেই তার বিষয়ে কী বলে আমি জিজ্ঞাসুর প্রশ্নের সমাধান করব! জলে যে চাঁদের প্রতিবিম্ব তা মিথ্যা না সত্য—কে বলে দেবে আমাকে? তাই লুইপাদের আক্ষেপ—

লুই ভগই মই ভাইব কিস
জা লই অচ্ছম তাহের উহ ৭ দিস।

সরহপাদ সমাধান করছেন এই বলে :

নাদ ন বিন্দু ন রবি ন শশিমণ্ডল
চিঅরাঅ সহাবে মুকল।

চিন্ত কেবল সহজ পথেই মুক্তি পেতে পারে। তাই রে মুচ—

উজুরে উজু ছাড়ি মা লেহরে বক
নিঅড়ি বোহি মা জাহরে লাক।

ঝুপথ বা সোজা সহজানন্দের পথ ছেড়ে বাঁকা পথে যেও না। বোধিজ্ঞান নিকটেই আছে, তার জন্তে দূর যাওয়ার প্রয়োজন নেই। দরকার নেই গুরুর উপদেশের, কারণ হাতের কঙ্কণ দেখবার জন্ত কি দর্পণ লাগে! তাই 'অপণে অপা বুঝাত নিঅমণ।'—নিজের মনের মধ্যেই পরমতত্ত্ব, বুঝবার চেষ্টা কর ॥

দিশাহারা হৃদয়কে শাস্ত করার জন্ত, প্রিয় মিলনাকাঙ্ক্ষায় ব্যাকুল সাধককে কত বার-যে সাহায্য দিয়েছেন সিদ্ধাচার্ঘরা! সাবধান করে দিচ্ছেন, নির্বোধের মতো দিশা-হারা হয়ে পথ ভুল কোর না; যারা ভুল পথে গেছে তারাই পথ হারিয়ে কত কষ্ট পেয়েছে। শাস্তিপাদ বলছেন :

সঅ-সম্বেঅণ-সরুঅ বিআরেঁ অলক্খলক্খণ ৭ জাই

জে জে উজ্জ্বাটে গেলা অনাবাটা ভইলা সেই ।

সেই জেইই ব্যাকুল হৃদয়—

কুলে কুল না হোইরে উজ্জ্বাট-সংসারা

বাল ভিণ এক বাকু ৭ ভুলহ রাজপথ কঙ্কারা ।

কুলে কুলে তুমি ঘরে বেড়িও না, বালকের মতো পথ ভুল কোর না । একপথে লক্ষা স্থির রাখ, তোমার সেই পরমধ্যান নিশ্চয়ই তোমার হৃদয়ে ধরা দেবে ।

কিন্তু এত আশাস এত সাহসনা এত সহানুভূতি সবেও সাধকের হৃদয়ে তো শাস্ত হয় না—বারবার সে গুমরে গুমরে ওঠে, সে পালি ভাবে—

ভুলা পুনি ধুনি ঝাঁত্তরে ঝাঁত্ত

ঝাঁত্ত পুনি ধুনি নিরবর সেন্স ।

তউদে হেরুঅ ৭ পাবিঅই

শাস্তি ভণই কিণ স ভাবিঅই ।

এই বন্দনা; এই হার্তি এই পরমপ্রিয়ের জন্ত অশ্রময় ব্যাকুলতা—তা-ই চর্ষাপদের প্রাণ; সেই জেইই ভাববস্তুর কাব্যময় পরিবেশনে চর্ষাপদের স্থান অবহেলার নয় ॥

কাব্যবিচারে অনেকে অন্তর্ভুক্তির চেয়ে শাস্ত্রকে প্রাধান্য দেন । অলংকার শাস্ত্র অন্তর্ভুক্তি বিচার করবার চেষ্টি করেন এর রূপ রস রীতি কাব্যময় কি-না । যারা এইভাবে কাব্যবিচার করে আনন্দ পান, চর্ষাপদ তাঁদেরকেও নিরাশ করবে না । শাস্ত্রানুযায়ী অলংকার দুই শ্রেণীর—শব্দালংকার ও অর্থালংকার । শব্দালংকারের মধ্যে প্রথম জিনিস অন্তর্প্রাস । একটি বর্ণ বা বর্ণগুচ্ছ যদি কোনো বাক্যের মধ্যে বারবার ব্যবহৃত হয়ে একটি ধ্বনিমাধু্য সৃষ্টি করে, তবে হবে অন্তর্প্রাস অলংকারের সৃষ্টি । চর্ষাপদে এর অভাব নেই । যেমন—

বাহ তু হোম্বী বাহ লো হোম্বী বাটত ভইল উছারা (চর্ষা ১৪) ।

সঅ-সম্বেঅণ-সরুঅ বিআরেঁ অলক্খলক্খণ ৭ জাই (চর্ষা ১৫) ।

কিস্তো মস্তু কিস্তো তস্তু কিস্তোরে ঝাণ বথাণে (চর্ষা ৩৪) ।

ইতস্তত দু-তিনটি পঙ্ক্তি এখানে তুলে দিলাম অন্তর্প্রাসের প্রয়োগ দেখানোর জন্তে । প্রথম পঙ্ক্তিটিতে ‘ব’, দ্বিতীয়টিতে ‘অ’ এবং তৃতীয়টিতে ‘স্ত’ ধ্বনির অন্তর্প্রাস সৃষ্টি করা হয়েছে । চর্ষাপদে অন্তর্প্রাসের, অর্থাৎ একটি পঙ্ক্তির শেষের শব্দটির ধ্বনির সঙ্গে পরবর্তী চরণের শেষের শব্দের ধ্বনির মিলের উদাহরণের অভাব নেই, কারণ সমগ্র চর্ষাপদের সমস্ত গানেই এই অন্তর্প্রাসের বহুল ব্যবহার । যেমন—

দিঢ় করিঅ মহাস্বহ পরিমাণ
লুই ভগই গুরু পুছিঅ জাণ ।
সঅল সমাহিঅ কাহি করিঅই
সুখ দুখেতে নিচিত মরিঅই । [চৰ্যা : ১]

আত্মানুপ্রাসের উদাহরণেরও অভাব নেই—

জিম জিম করিণা করিণিরে রিসঅ
তিম তিম তথতা মঅগল বরিসঅ । [চৰ্যা : ২]

এখানে প্রথম চরণের আত্ম শব্দ 'জিম জিম'-র সঙ্গে দ্বিতীয় চরণের আত্ম শব্দ 'তিম তিম'-র অল্পপ্রাস ।

শব্দালংকারের অন্তর্গত শ্লেষ অলংকারের, অর্থাৎ একটা শব্দ একবার মাত্র ব্যবহার করে দুটি অর্থ সৃষ্টি করার কৌশলও চর্চাপদের সিদ্ধাচার্যরা জানতেন । যেমন—

সোণে ভরিভী করুণা নাবী
রুপা থোই নাহিক ঠাবী । [চৰ্যা : ৮]

এখানে সোনা অর্থ স্ববর্ণ ও শূন্যতা ; রূপারও দুটি মানে রৌপ্য এবং রূপের জগৎ ।

কাকুবক্রোক্তি বা ইতিবাচক শব্দে নিষেধাত্মক বাঞ্ছনা সৃষ্টির উদাহরণও চর্চাপদে কোনো কোনো জায়গায় আছে । একটি প্রয়োগ—

রাজসাপ দেখি জো চমকিই সাঁচে কি তা বোড়ো থাই । [চৰ্যা : ৪১]

'রজ্জুসর্প দেখে যে চমকে উঠে তাকে কি সত্যি সত্যি সাপে কাটে?'—এর অর্থ এমন লোককে সাপে কাটে না । এই নিষেধাত্মক বাঞ্ছনাই এখানে ইতিবাচক বাক্যভঙ্গীর দ্বারা প্রকাশিত । আরেকটি উদাহরণ—

মোকুথ কি লব্ভই পাণি হুই ।

স্নান করলেই কি মোক্ষলাভ করা যায়?—এখানে বলার উদ্দেশ্য, কেবল স্নানে মোক্ষলাভ করা যায় না ॥

অর্থালংকার সৃষ্টি হয় বাক্যে শব্দকে কেবল অর্থের আশ্রয়ে গ্রহণ করে অলংকার রচনার উপর । অর্থালংকারের দ্বারা সৃষ্ট সৌন্দর্য বাক্যের ভিতরের শোভাকে পরিষ্কৃত করে । উপমা, রূপক, সন্দেহ, নিশ্চয়, সমাসোক্তি ইত্যাদি নানা জিনিস ব্যবহার করে সাদৃশ্যমূলক অর্থালংকার সৃষ্টি করা যায় । চর্চাপদে ব্যবহৃত অসংখ্য রূপক এবং উপমার কথা আগের একটি অধ্যায়ে বিস্তৃত আলোচনা করেছি । এখানে সেগুলি আর আলোচনা করার প্রয়োজন নেই । অল্প শাখাগুলির নিদর্শন বরং চর্চাপদে অল্পসঙ্কান করে দেখা যেতে পারে ॥

প্রথমে দেখা যাক সমাসোক্তির ব্যবহার—অর্থাৎ অচেতন বস্তুর উপর চেতন বস্তুর ব্যবহারের কল্পনা। নদী অচেতন বস্তু, কিন্তু সে যদি চেতন বস্তুর মতো আচরণ করে, তবে হবে সমাসোক্তি। চর্চায় এর উদাহরণ—

ভবণই গহণ গম্ভীর বেগে বাহী
দুঃখাশ্বে চিগিল মাঝে ন ধাহী।

আরেকটি—

ফিটেলি অক্ষারিরে আকাশ-ফুলিআ

‘আকাশ-কুন্ডলের মতো অক্ষকার ছুটে পালালো।’ অক্ষকার অচেতন বস্তু, কিন্তু ছুটে পালাচ্ছে চেতন বস্তুর মতো ॥

বিরোধ—অর্থাৎ আপাতদৃষ্টিতে যেখানে বিরুদ্ধভাবের কথা বলা হয়েছে বলে মনে হচ্ছে, কিন্তু তাৎপর্য বিশ্লেষণের পর আর বিরুদ্ধভাব থাকল না—এমন অলংকারের উদাহরণ চমাপদের বহু জায়গায় আছে। যেমন—

বলদ বিআখল গবিআ বাঝে।

* * *

জো সো বৃধী সোধ নিবৃধী।

জো সো চোর সোই সাধী। [চর্চা : ৩৩]

সন্দেহ অলংকারের উদাহরণ—

জামে কাম কি কামে জাম।

অভাবোক্তি অর্থাৎ স্বভাবের বা নিসর্গের কিংবা যে-কোনো প্রাণীর স্ব স্ব রূপের ও ক্রিয়ার স্ব স্ব অর্থ চমৎকার বর্ণনার অভাবও চমাপদে নেই। একটি উদাহরণ—

উচা উচা পাবত তাঁহি বসই সবরী বালী।

মোরঙ্গ পীচ্ছ পরহিণ সবরী গিবত গুঞ্জরী মালী

নানা তরুবর মৌলিল রে গঅণত লাগেলি ডালি।

একেলা সবরী এ বন হিণ্ডই কর্ণকুণ্ডল বজ্জধারী ॥ [চর্চা : ২৮]

আরেকটি উদাহরণ—

গঅণত গঅণত তইলা বাড়ী হেঞ্খে কুরাডী

কণ্ঠে নৈরামণি বালি জাগন্তে উপাড়ী।

ছাড় ছাড় মাআ মোহ বিষম দুন্দোলী

মহাস্থে বিলসন্তি শবরো লইআ স্থণ মেহেলী।

হেরি সে মোর তইলা বাড়ী খসমে সমতুলা

স্থকড়এ সে রে কপাস্থ ফুটলা।

তইলা বাড়ির পারের জোকা বাড়ী উএলা

ফিটেলি অঙ্কারি রে আকাশ-ফুলিআ ।

কল্পুচিনা পাকেলারে শবর শবরী মাতেলো,

অল্পুদিন শবরো কিম্পি ন চেবই মহাশুই ভেলা ॥ [চখা : ৫০]

বিভিন্ন অলংকার প্রয়োগের ক্ষেত্রেই-যে সিদ্ধাচার্যরা সফল হয়েছিলেন তাই নয়, রসসৃষ্টির দিকেও তাঁদের লক্ষ্য ছিল। কোনো কোনো চর্চাপদ রসসৃষ্টির বিচারেও সাহিত্য গুণসম্বিত। কাব্যপাঠের পর আমাদের মনে যে-একটি অপূর্ব ভাব বা অল্পভূতি জাগছে, তাকেই আমরা বলছি রসাস্বাদ করা। রসও কাব্যের জগৎ অলৌকিক মায়ার জগৎ, আর আমরা যে-জগতে বাস করি সে-জগৎ লৌকিক। রবীন্দ্রনাথ রসসৃষ্টির পদ্ধতি প্রসঙ্গে বলেছেন, কবির নির্ভর অন্তরের অল্পভূতি এবং আত্মপ্রসাদ। কবি যদি একটি বেদনাময় চৈতন্যের আশীর্বাদ নিয়ে জন্মে থাকেন, যদি তিনি নিজের প্রকৃতি দিয়েই মানবপ্রকৃতির ও বিশ্বপ্রকৃতির সঙ্গে আত্মীয়তা করেন, যদি শিক্ষা অভ্যাস প্রথা শাস্ত্র প্রভৃতি জড় আচরণের মধ্যে দিয়ে কেবলমাত্র দশের নিয়মে তিনি বিশ্বের সঙ্গে ব্যবহার না করেন, তবে তিনি নিগিলের সশ্রমে যা অল্পভব করবেন, তার একান্ত বাস্তবতা সন্দেহ মনে কোনো সন্দেহ না থাকলেও তিনি বাস্তবকেই অবস্থলন করে যে-অবাস্তব আনন্দের সৃষ্টি করবেন তাই হবে রসসৃষ্টির হেতু ॥

চর্চাপদে কি এইভাবে সিদ্ধাচার্যরা রসসৃষ্টি করতে পেরেছেন? আমার নিজের তো মনে হয়, বাংলা কাব্যের এই আদি নিদর্শনে এই ধরনের রসসৃষ্টির লক্ষণ অল্পপস্থিত নয়। চর্চাপদে সিদ্ধাচার্যরা যে না-পাওয়ার বেদনা প্রকাশ করেছেন বা যাকে অন্তর দিয়ে কামনা করেছেন তাকে অবশেষে পাওয়ার যে-অবিমিশ্র আনন্দের কথা প্রকাশ করেছেন, তা ব্যক্তির জীবনের অর্থাৎ লৌকিক জগতের পাওয়া না-পাওয়ার কথা নয়, তা নিখিল মানবের ঘনীভূত শোকের ভাব বা অপার্থিব প্রাপ্তির স্থখাল্পভূতি। রবীন্দ্রনাথের একটি গানে বলা হয়েছে, কাছে আছি তবুও কোনো বাধা আমাকে দূরে সরিয়ে রেখেছে, মিলনের মাঝখানেও আমি বিরহ-কারায় আবদ্ধ। সামনে স্থধার পারাবার তবু পোড়া ঝাঁখি ছুটি তার নাগাল পাচ্ছে না; এই কুহেলিকার বাধাকে আমি কী করে সরাব!—এই গানটিতে যে-বেদনার হাহাকার, তা একটি বিরহীগীকে কেন্দ্র করে ব্যক্ত হলেও নিখিলের সমস্ত বিরহিণীর বেদনার অশ্রুজলে সিঞ্চিত এই করুণ আর্তি। সরহপাদের একটি চর্চাতেও

(নং ৩২) সমভাবের নিগূঢ় ব্যাকুলতা প্রকাশিত। তিনিও পরম বেদনার ক্রন্দন করে উঠেছেন, মন তোমার একটি বাধা, অবিচার বাধাই চরম অন্তরায়, যা তোমাকে মিলনের আনন্দ থেকে দূরে সরিয়ে রেখেছে। তুমি চোখ-ঢাকা বলদের মতো মোহচক্রের চারিদিকে ঘুরপাক পাচ্ছ, তাই সামনে স্খাপারাবার থাকা সত্ত্বেও তোমার চোখ তার নাগাল পাচ্ছে না। শাস্তিপাদ যখন বলেন, 'তুলা ধুনি ধুনি আঁস্বরে আঁস্ব', তখনও সেই করুণ বিলাপ—সব ছাড়লাম, বাসনাকে তুলো ধোনার মতো করে ছিন্নবিচ্ছিন্ন করে ফেললাম, তবুও যা এখানে তাতে তো আমার মন ভরছে না! যার জন্তে আমার এত করা তাকে তো আমার বুকে পাচ্ছি না। আবার ভুল্লকু যখন বলছেন, আমি হতভাগ্য হলাম, কারণ আমার সব-কিছুই লুঠ হয়ে গেছে, তখনও কি তিনি স্থির নিশ্চয় হতে পেরেছেন, যার জন্ত তিনি সব ছাড়লেন তাকে তিনি পেরেছেন! কাহ্নপাদেরও অনেক চর্চায় এই করুণ রস বিরহবেদনা ও না-পাওয়ার যন্ত্রণাকে অবলম্বন করে অপ্রসিক্ত হয়ে উঠেছে। জানি না, সেই পাওয়া কী ধরনের, কী ধরনের ধর্মাচরণ করলে সেই পাওয়া হৃদয়ে অন্তর্ভব করা যাবে—কিন্তু একথাটা তো ঠিক, এই ধর্ম ও ধর্মের অন্তর্ভুক্তি পার হলেও এখানে এই আবুল ক্রন্দন শুনে সমস্ত মনটা গুমরে গুমরে উঠছে। এই ভাব-সংবেগ রসমণ্ডিত কাব্যশ্রোত যদি চর্চাপদের শ্লোকগুলিতে প্রকাশিত না হতো, তবে নিশ্চয়ই তার কোনো মূল্য আমাদের কাছে থাকত না। ধর্মগ্রন্থ হিসাবে তাকে আমরা পূজা করতাম, জীবনচর্চায় প্রয়োগ করতাম না। এই দিকটি বিবেচনা করলে এবং সহানুভূতির সঙ্গে চর্চাপদের শ্লোকগুলি অন্তর্ধাবন করলে আমরা শঙ্কররস, করুণরস, অদৃত রস ও শান্ত রসের সন্ধান পাব। অবশ্য আধুনিক কালের পরিণত বাংলা ভাষায় যে-সমস্ত কাব্য রচিত হয়েছে তাতে রসসৃষ্টির যে-আশ্চর্য কৌশল আমরা দেখি, ঠিক সেই ধরনের (জিনিস আমরা চর্চাপদে পাব না। কারণ, কবিপ্রতিভার অভাব না থাকলেও যে-ভাষায় সেই প্রতিভার প্রকাশ সেই ভাষার পক্ষুতাই সম্যক রসসৃষ্টির পক্ষে প্রধান বাধা ছিল। সিদ্ধাচার্যদের রচনার বহু জায়গায় এই অন্তরায়ের সঙ্গে আমাদের পরিচয় হয়। সেই সমস্ত অন্তর্বিধা সত্ত্বেও ইতস্তত বিক্ষিপ্ত অনেকগুলি পঙ্ক্তিতে সিদ্ধাচার্যরা যে-রস সৃষ্টি করার চেষ্টা ক্ষমতা দেখিয়েছেন, তা নিশ্চয়ই আমাদের সশ্রদ্ধ স্বীকৃতি দাবী করে।

শব্দ ব্যবহারের স্কৌশল পদ্ধতির সাহায্যে ভাবানুযায়ী ধ্বনিমাধুর্য সৃষ্টির দিকেও সিদ্ধাচার্যদের লক্ষ্য ছিল। প্রবল শ্রোতের দুরন্ত গতিতে দুর্দম নদীর কথা যখন বলছেন সিদ্ধাচার্য চাটিলপাদ, তখন নদীর বর্ণনায় যে-শব্দগুলি ব্যবহার করেছেন তার দ্বারাই নদীর হৃৎসর ভয়াল রূপটি শক্তিগ্রাহকরূপে ফুটে উঠেছে। যখন বলছেন 'ভবণই গহণ গন্তীর বেগে বাহী, দুআন্তে চিখিল মাঝে ন থাহী'—তখন

গহন, গম্ভীর, বেগে, হুআন্তে, খাহী—ইত্যাদি গম্ভীর শব্দ ব্যবহারের দ্বারা ই নদীর ভয়ংকর রূপটি ফুটিয়ে তুলেছেন। ভূস্কুর চর্যায় হরিণ শিকার প্রসঙ্গে প্রথম আরম্ভের কথাগুলি ধ্বনিমাধুর্যে শিকারের একটি ভয়াল নৃশংস রূপকে নিঃশংসয়ে ফুটিয়ে তুলেছে, বিশেষ করে দ্বিতীয় পঙ্ক্তির ‘হাক’ শব্দটি ধ্বনি-রক্ষতার গুণে বিশেষভাবে উল্লেখযোগ্য। মদমত্ত মাতঙ্গের প্রসঙ্গে মহীধরপাদ তাঁর চর্যায় (নং ১৬) প্রথম দুটি পঙ্ক্তিতে যে ধ্বনিগাম্ভীর্য সৃষ্টি করেছেন, তাও অমুখাবনযোগ্য। আবার যেখানে বেদনার কথা হতাশার কথা ব্যাকুলতার কথা, সেখানেও মিষ্ট স্নিগ্ধ ললিত শব্দ ব্যবহারের প্রয়োগ তাঁরা দক্ষতার সঙ্গেই করেছেন। যেমন ধরা যাক এই পঙ্ক্তি দুটি—

এতকাল হাঁউ অচ্ছিলো স্বমোহে
এবে মই বুঝিল সদ-গুরু বোহে।

বা এই শ্লোকটি—

জোইনী তাঁই বিহু খনহি ন জীবমি
তে! মুহ চুহী কমলরস পিবমি।

কিংবা—

অপনে রচি রচি ভবনিবাণ।
মিছে লোএ বন্ধাবএ আপনা।
অন্ধেণ জানই অচিন্ত জোই
জাম মরণ ভল কইসণ হোই।

তখন যে-শব্দগুলি ভাব প্রকাশের জন্তু কবির ব্যবহার করেছেন, তার বিশেষত্ব সহজেই আমাদের প্রতিবেশী করে। এই শব্দগুলিতে যুক্তাক্ষর বেশি নেই; ‘ল’, ‘ন’, ‘ম’ ধ্বনি অর্থাৎ যার দ্বারা সহজে ভাষায় এবং শব্দে মিষ্টত্ব সৃষ্ট হয়, সেগুলির প্রাচুর্য শব্দের কাঠিন্ধকে দূর করার জন্তে ॥

ছন্দের দিকে এবং চর্যাপদগুলির আঙ্গিক গড়নের দিকে সবশেষে পাঠকের দৃষ্টি আকর্ষণ করে এই প্রসঙ্গের ইতি করব। চর্যাপদকেই আমরা বাংলা কাব্যের প্রাচীনতম নিদর্শন বলে ধরে থাকি। বাংলা ভাষাতত্ত্বের আলোচনায় চর্যাপদ যেমন অপরিহার্য, বাংলা গীতিকবিতার উৎস নির্ণয়েও চর্যাপদের স্থান তেমনি গুরুত্বপূর্ণ। আরও একটা দিকে চর্যাপদগুলি বাংলা পদাবলী-সাহিত্যের আদর্শস্থানীয়, কারণ বাংলা ভাষায় রচিত পয়্যারের প্রাচীনতম নিদর্শন আমরা চর্যাপদেই প্রথম পেয়েছি। চর্যাপদে দীর্ঘপয়ার, লঘুপয়ার—জুই রকমেরই নিদর্শন আমরা দেখতে পাই। যেমন বারো মাজার পয়ার—

ডোষী বিবাহিআ | অহারিউ যাম ।
যউতুকে কিঅ | আপুতু ধাম ॥
অহনিশি সুরঅ | পসকে জাঅ ।
জোইনি জালে | রঅগি পোহাঅ ॥

আরো লঘু চালের পয়ার—

পেথু সুরাণে অদশে জইসা
অসুরালে মোহ তইসা ।
মোহ বিমুকা জই মণা
তবে টুটই অবণাগমনা ।

দীর্ঘ পয়ারের নিদর্শন—

নানা তরুর মউলিল রে | গঅগত লাগেলী ডালী
একেলা সবরী এ বণ হিওই | কর্ণকু ওলবজ্জধারী ।
তিঅধাউ খাট পাড়িলা সবরো | মহাসহে সেজি ছাইলী
সবরো ভুজ্জ নৈরামণি দারী | পেস্করাতি পোহাইলী ।

এই পঙ্ক্তিগুলিকে ত্রিপদীতেও সাজানো চলে—

নানা তরুর মউলিল রে
গঅগত লাগেলী ডালী ।
একেলা সবরী এ বণ হিওই
কর্ণকু ওল বজ্জধারী ॥
তিঅধাউ খাট পাড়িলা সবরো
মহাসহে সেজি ছাইলি ।
সবরো ভুজ্জ নৈরামণি দারী
পেস্করাতি পোহাইলী ॥

চর্যাপদের সমস্ত চর্যতেই অস্থানুপ্রাস ব্যবহৃত। তবে ‘ডালী’র সঙ্গে ‘ধারী’—
এই রকম অস্বাভাবিক এবং শ্রুতিকটু মিল কোনো কোনো চর্যায় দেখতে পাওয়া যাবে ;
বাংলা ভাষার তৎকালীন অবস্থা স্মরণ করে আমরা এই দোষগুলি উপেক্ষা করতে
পারি। আধুনিক কালের বিশেষ প্রতিষ্ঠাবান কবিদের অনেকেই তো এই দোষে
দোষী, স্তম্ভ মিল দিতে তাঁদের অনেকেই অক্ষমতা দেখিয়েছেন। তাঁদের যদি
আমরা মেনে নিতে পারি, তবে চর্যাপদের সিদ্ধাচার্যদের এই ছবল দিকটাও আমরা
স্বীকার করে নেব। শুধু স্বীকার করে নেব না, তাঁদের প্রতি শ্রদ্ধাশীল হব এই
কারণে যে, সংস্কৃতে বিশেষ পারদর্শী হওয়া সম্ভব এবং চর্যাপদের প্রচার ও প্রভাব

সংস্কৃতে লিখলে অনেক বেশি এবং স্থায়ী হোত জেনেও, এই বাঙালী কবিরা স্নগভীর দ্রবদ দিয়ে অপরিণত বাংলাতেই এই কবিতাগুলি রচনা করেছেন এবং আঙ্গিকের দিকে সংস্কৃতির অহুকরণ একদম করেন নি। সংস্কৃতে অভিজ্ঞ হওয়া সত্ত্বেও তাঁরা সংস্কৃতির জ্ঞাতিহুন্দে কাব্য রচনা করেন নি, বৃত্ত ছন্দেই তাঁরা চর্চাগুলি রচনা করতে বেশি আগ্রহ দেখিয়েছেন। এই প্রেরণার পিছনে অপভ্রংশের প্রভাব কিছু কম ছিল না। এই সিদ্ধাচার্ঘদের প্রতিভার জোরেই বাংলা ছন্দের নিজস্বতার মূল ভিত্তিটি গড়ে উঠেছে। এই কারণেই বাংলা কবিতার জনক হিসাবে সিদ্ধাচার্ঘদের প্রতি আমাদের কৃতজ্ঞতার সীমা নেই। ভিত্তি রচনা ছাড়াও সিলেবল্-এর সংখ্যা অহুযায়ী তাঁরা বাংলা ছন্দের নামকরণও করেছেন। যেমন এই ‘দশাক্ষরা’ ছন্দটি—

স্বনে স্বন মিলিআ জবেঁ
 সঅলধাম উইআ তবেঁ ।
 আচ্ছহঁ চউখন সংবোহী
 মাঝ নিরোহেঁ অহুঅর বোহী ।
 বিন্দুগাদ ৭ হিএঁ পইঠা
 আণ চাহস্তু আণ বিণঠা ॥ [চর্চা : ৪৪]

এই ছন্দের আরেকটি নিদর্শন—

সোণে ভরিতী করুণা নাবী
 রুপা থোই নাহিক ঠাবী ।

৪২নং চর্চাতেও এই ধরনের ছন্দের নিদর্শন পাওয়া যায়। সূক্ষ্ম গণনায় চর্চাপদের কবিতাগুলিতে ১০, ১১, ১২, ১৩, ১৪ মাত্রার ছন্দ। অক্ষরসমতা একই চর্চাপদের বিভিন্ন পঙ্ক্তির মধ্যে সর্বত্র নেই। কিন্তু যে-পরীক্ষা তাঁরা করেছিলেন, পরবর্তীকালে তাকেই অবলম্বন করে বাংলা ছন্দের একাবলী, পয়ার, ত্রিপদী ইত্যাদির ভিত্তি গঠিত হয়ে যায়। জয়দেবের ‘গীতগোবিন্দম্’ কাব্যেও চর্চাপদের ছন্দের প্রভাব দেখা যায়। যেমন চর্চাপদের—

কিস্তো মস্তু | কিস্তো তস্তু | কিস্তোরে ঝাণব | -থানে
 অপইঠান | মহাসুহলীলৈ | তুলক্প পরম নি | -বাণে

এই পংক্তি দুইটির ছন্দের সঙ্গে গীতগোবিন্দমের—

ধীর সমীরে | যমুনাতীরে | বসতি বনে বন | -মালী
 পীন পয়োধর | পরিসরমর্দন | চঞ্চল-কর-যুগ | -শালী

এই ছন্দের সঙ্গে মিল স্পষ্ট ॥

আমো একটা দিকে চৰ্চাপদের বিশেষত্ব আছে ।


চোদ্দটি পঙ্ক্তিতে সম্পূর্ণ কবিতার নিদর্শন চৰ্চাপদে অল্পস্থিত নয় । অবশ্য 'সনেট' নামে চোদ্দ পঙ্ক্তিতে সম্পূর্ণ বিদেশী কবিতার অল্পসরণে মাইকেল মধুসূদন যে-চতুর্দশ-পদাবলী রচনা করেছেন—চৰ্চাপদের চোদ্দ পঙ্ক্তিতে সম্পূর্ণ কবিতা সে-জিনিস নয় । তাতে octave-sestet-এর আট-ছয় ভাগ নেই, সনেটের অগ্ৰাণ্ণ লক্ষণও তাতে নিঃসংশয়ে অল্পস্থিত । তবে সনেট এবং চোদ্দটি পঙ্ক্তিতে সম্পূর্ণ কবিতাকে আমরা যদি সমার্থক হিসাবে মেনে নিতে মনকে উদার করি, তবে ভারতীয় সাহিত্যে বাঙালী কবিরাই-যে চোদ্দ পঙ্ক্তিতে সম্পূর্ণ নিটোল কবিতা রচনার ব্যাপারে পথপ্রদর্শক এই ভেবে আমরা নিশ্চয় গর্ববোধ করতে পারি । এই রকম একাট কবিতা চৰ্চাপদ থেকে উদ্ধৃত করি :

নগর বাহিরি রে ডোঙ্গী তোহোরি কুড়িআ ।
ছোই ছোই জাহ সো বান্ধণ নাড়িআ ॥
আলো ডোঙ্গি তোএ সম করিব ম সান্ধ ।
দিনি কাহু কাপালি জোই লাংগ ॥
এক সো পাতুমা চৌবঠী পাখুড়ী ।
তহিঁ চড়ি নাচঅ ডোঙ্গী বাপুড়ী ॥
হালো ডোঙ্গি তো পুছমি সদভাবে ।
আইসসি জাসি ডোঙ্গি কাহরি নাবে ॥
তাস্তি বিকণঅ ডোঙ্গি অবরণা চাংগেড়া ।
তোহোর অন্তরে ছাড়ি নড়-পেড়া ॥
তু লো ডোঙ্গি হাঁউ কপালী ।
তোহোর অন্তরে মোএ যেগিলি হাড়েরি মালী ॥
সরবর ভাঞ্জিঅ ডোঙ্গী খাঅ মোলাণ ।
মারমি ডোঙ্গি লেমি পরাণ ॥ [চৰ্চা : ১২]

শব্দরপাদের ২৮নং চৰ্চা এবং ৫০নং চৰ্চাও এই চোদ্দটি পঙ্ক্তিতে সম্পূর্ণ । তবে বেশির ভাগ চৰ্চাই দশ পঙ্ক্তিতে সমাপ্ত । কোথাও-বা আট পঙ্ক্তিতে ॥

এই আলোচনায় চৰ্চাপদের সাহিত্যিক মূল্য-বিচার প্রসঙ্গে আমি সাধারণত যে-সমস্ত মাপকাঠিতে কাব্যের মূল্য নির্ণয় হয় অর্থাৎ ভাব, ভাষা, ছন্দ, অলংকার ইত্যাদি—তাই দিয়েই চৰ্চাপদের সাহিত্যগুণ বিচার করবার চেষ্টা করেছি । কিন্তু কাব্যবিচারে এই সমস্ত মাপকাঠিই সব নয় । সব চেয়ে বড় মাপকাঠি পাঠকের অনুভূতি । যদি সেই অনুভূতিতে কোনো কাব্য নাড়া দিতে পারে তবে তার ভাষা

ছন্দ অলংকারে প্রয়োগের অসম্পূর্ণতা থাকলেও তা-ই সত্যিকার কাব্য। ভাষা, ছন্দ, অলংকারের দিকে চর্চাপদ নিশ্চয় ক্রটিমুক্ত নয়। কিন্তু তা সত্ত্বেও চর্চাপদকে সৃষ্ট হৃন্দর কাব্য বলে স্বীকার করতে হিধা করি না এই কারণে যে, চর্চাপদে আছে সৃগভীর মানবতাবোধের নির্মল অনলভূতিপ্রবণ নির্ঝর এবং প্রেমভক্তির সমন্বয়েই তার সাহিত্যমূল্য। বাংলা কাব্যের আদিলগ্নে এই অপূর্ব সমন্বয়ের সূচনাই বাংলা গীতিকবিতার মুক্তির দূত। চর্চাপদ সেই দিক দিয়ে একটি অমূল্য সৃষ্টি ॥



॥ চর্চাপদের ভাষাগত বিশেষত্ব ॥

চর্চাপদের গানগুলি যখন আচার্য হরপ্রসাদ শাস্ত্রীর হাতে আসে, তিনি তার ভাষা দেখে নিশ্চিত ছিলেন যে, চর্চাপদের ভাষা বাংলা ছাড়া আর কিছু নয়। সেই জন্তেই চর্চাপদের পরিচয় প্রসঙ্গে তিনি বিনা দ্বিধায় বলেছেন, চর্চাপদের কবিতাগুলি ‘হাজার বছরের পুরাণ বাঙ্গালা ভাষায় বৌদ্ধগান ও দোহা’ ও ‘বৌদ্ধ সহজিয়া মতের অতি পুরাণ গান।’ তিনি এগুলিকে বাংলা গান বলার সময় ভাষাতত্ত্বে বিশেষজ্ঞের দৃষ্টিতে বিচার করেন নি, করবার কথাও নয়, কারণ প্রচলিত অর্থে ভাষাবিজ্ঞানী তিনি ছিলেন না। তবে শাস্ত্রী মশাই কি দিনা কারণেই একমাত্র সহজ বুদ্ধির বশেই চর্চাপদের ভাষাকে বাংলা বলেছিলেন? তিনি স্পষ্ট দেখিয়ে দিয়েছেন, বাংলা ভাষার যে-সমস্ত শব্দ বাগ্‌ভঙ্গি এবং প্রকাশভঙ্গী তার নিজের বিশেষত্ব, এবং সেই জন্তেই বাংলাভাষার spirit-এর সমধর্মী—সেই সমস্ত শব্দের বাগ্‌ভঙ্গী এবং প্রকাশপদ্ধতি চর্চাপদে উজ্জ্বলভাবে উপস্থিত ॥

কিন্তু ভাষাবিজ্ঞানী কেবল vocables বা শব্দতত্ত্ব নিয়েই সন্তুষ্ট থাকেন না, বা একমাত্র vocables-এর উপর নির্ভর করেই কোনো ভাষার অস্থূলন বা জাতিনির্ণয় সম্ভব কিংবা সঠিক হতে পারে এইরকম বিশ্বাস করেন না। কোনো ভাষার অস্থূলন করতে গেলে তার স্বরবিজ্ঞান বা phonology এবং পদগঠনরীতি বা morphology শব্দতত্ত্বের সঙ্গে সঙ্গে আলোচনা করা উচিত। বিশ্বের অত্যন্তম শ্রেষ্ঠ বাঙালী ভাষাবিজ্ঞানী আচার্য সুনীতিকুমার তাই তাঁর Origin and Development of the Bengali Language গ্রন্থে চর্চাপদের ভাষা বাংলা কি-না সেই সম্বন্ধে ভাষাতত্ত্বের দিক থেকে সম্পূর্ণ বৈজ্ঞানিক আলোচনা করে আচার্য হরপ্রসাদ শাস্ত্রীর মতকে প্রতিষ্ঠা করেছেন ॥

কিন্তু একদিক দিয়ে আবার এই আলোচনা কোনো কোনো ভাষাভাষীকে ভুল বুঝতে সূযোগ দিয়েছে। চর্চাপদের কোনো কোনো শব্দ ও পদ বাংলা বা সেই সময়কার বাংলা ভাষায় প্রচলিত ছিল, কিন্তু সেগুলি পরে আর বাংলাতে ব্যবহৃত হচ্ছে না। সুনীতিকুমার বলেছেন, সেগুলি শৌরসেনী অপভ্রংশের প্রভাবজাত এবং দুটি ক্রিয়াপদ ‘ভগথি’ ‘বোলথি’ মৈথিলীভাষা থেকে চর্চাপদে এসেছে। এই সিদ্ধান্তের সূযোগ নিয়ে এখন পূর্বভারতের চারটি প্রধান ভাষাভাষী চর্চাপদকে

নিজ্বাদের ভাষার প্রাচীনতম রূপ বলতে চাইছেন। এই চারটি ভাষাভাষী হলেন হিন্দী, মৈথিলী, ওড়িয়া এবং অসমীয়া। এ ছাড়া চৰ্চাপদের উপর বাংলা ভাষার দাবী তো আছেই। এই চারটি ভাষাভাষীর দাবীর প্রধান যুক্তি কী? তাঁরা বলছেন, বহু ‘হিন্দী’ শব্দ চৰ্চাপদে ব্যবহৃত—তেমনি প্রযুক্ত মৈথিলী, ওড়িয়া, অসমীয়া। স্তত্রাং বাংলাশব্দ ব্যবহৃত হচ্ছে বলেই চৰ্চাপদকে যদি বাংলা বলি, তবে তাকে হিন্দী বা ওড়িয়া, মৈথিলী কিংবা অসমীয়া বলব না কেন? এদের-মধ্যে অসমীয়ার দাবী আমরা বাদ দিতে পারি না, কারণ ষোড়শ শতাব্দী পর্যন্ত বাংলা এবং অসমীয়া এক রকমই প্রায় ছিল। স্তত্রাং আধুনিক অসমীয়ারা যদি বলেন, চৰ্চাপদ আমাদের ভাষায় লেখা, তবে আপত্তি করা চলে না। কিন্তু হিন্দী, মৈথিলী, ওড়িয়া? তাঁদের দাবী কতদূর যুক্তিসংগত?—সেইটাই আমরা একবার আলোচনা করে দেখব ॥

কোনো কোনো শব্দ একই স্তত্র থেকে বাংলা ও হিন্দীতে এসেছে। যেমন ‘পানি’ (জল)। কথাটির মূল,—সংস্কৃত ‘পানীয়’, পানের যোগ্য। সংস্কৃত মত অল্পযায়ী শব্দতও পানীয়, জলও পানীয়, দুগ্ধও পানীয়। কিন্তু হিন্দীতে বাংলায় কথাটি যোগরুতার্থে কেবল মাত্র জল হিসাবেই ব্যবহৃত হয়। চৰ্চাপদে আছে “তিন ন ছুপই হরিণা পিবই ন পানী” (চৰ্চা ৬)। এখন শুধু মাত্র পানি শব্দটি দেখেই যদি কেউ বলেন, এই পঙ্ক্তিটি হিন্দী, তবে তাঁর যুক্তির অসারতা সহজেই বোঝা যায়। আসলে নব্য ভারতীয়-আৰ্ঘভাষার প্রথম স্তত্রে সমস্ত ভাষার মধ্যেই মোটামুটি একটা মিল ছিল। কারণ, নব্য ভারতীয়-আৰ্ঘভাষার জননী প্রাকৃত আর লৌকিক রূপে পরিবর্তিত বৈদিকই (এর মধ্যে সংস্কৃতও আছে) প্রাকৃতভাষা ॥

মধ্য ভারতীয়-আৰ্ঘভাষার ক্রমপরিণতির শেষ স্তত্রটির নাম অপভ্রংশ। প্রাকৃত ভাষার সরলতর সহজতর লৌকিক রূপটি আমরা পাই অপভ্রংশে। খ্রীষ্টীয় আনুমানিক ষষ্ঠ শতাব্দী থেকে দশম শতাব্দীর মধ্যেই এই স্তত্রটি একটি স্পষ্ট পরিণতি লাভ করে। পণ্ডিত গ্রীয়ার্সন বলেন, মধ্যস্তরের প্রাকৃতের শেষ অবস্থাটিই অপভ্রংশ। অপভ্রংশ কোনোদিনই সমাজের উচ্চস্তরে লোকের মুখের বা জ্ঞানবিজ্ঞানমূলক সাহিত্যের বাহন হিসাবে গৃহীত হয় নি। কিন্তু সমাজের নিম্নস্তরে, যেটাকে আমরা বলি আৰ্ঘেতর substratum, সেখানে সাধারণ মানুষের প্রাণের ভাষা এবং লোক-সাহিত্যের প্রধান বাহক হিসাবে অপভ্রংশের একটি ব্যাপক গুরুত্বপূর্ণ স্থান ছিল ॥

এই অপভ্রংশ আবার ভারতবর্ষের বিভিন্ন প্রদেশের কালগত ও স্থানগত রূপান্তরের মাধ্যমে আধুনিক ভারতীয়-আৰ্ঘ ভাষার অন্তর্গত বাংলা, হিন্দী, ওড়িয়া,

পাঞ্জাবী, মারাঠী, গুজরাটী প্রভৃতিতে পরিণত হয়েছে। অপভ্রংশের পরের এবং আধুনিক বা নব্য ভারতীয়-আৰ্যভাষার ঠিক আগেের স্তরটির নাম অবহট্ঠ ॥

আহুমানিক ৮০০ থেকে ১১০০ খ্রীস্টাব্দের মধ্যে নব্য ভারতীয়-আৰ্যভাষার অন্ততম প্রধান ভাষা বাংলা প্রতিষ্ঠিত হয়ে যায়। কিন্তু তখনও পর্যন্ত বাঙলাদেশে সংস্কৃত, শৌরসেনী এবং প্রাকৃত তিন ধরনের সাহিত্য রচনায় ব্যবহৃত হোত। জ্ঞানবিজ্ঞান, দর্শন, চিকিৎসা-শাস্ত্র ও সাহিত্য রচনায় শিক্তি মার্জিতরুচি খ্যাতিলোলুপ বাঙালী ব্যবহার করতেন সংস্কৃত। কোনো কোনো সময়ে প্রাকৃতে রচিত এই ধরনের গ্রন্থকেও তাঁরা সংস্কৃত করে নিতেন। প্রাকৃত-মিশ্রিত সংস্কৃত বা বৌদ্ধ-সংস্কৃতে মহাযানী বৌদ্ধ সিদ্ধাচার্যরা তাঁদের ধর্ম-দর্শন আলোচনা করতেন, আর সমাজের নিম্নস্তরের লৌকিক-সাহিত্য রচনায় লোককবিরা ব্যবহার করতেন অপভ্রংশ। বাঙলাদেশে মাগধী, শৌরসেনী, দুটো প্রাকৃত থেকে জাত অপভ্রংশেই কাব্য রচনা হোত, আবার দুটোতে খুব একটা পার্থক্যও ছিল না। বহুজন-ব্যবহৃত এই অপভ্রংশ দুটির প্রভাব লৌকিক জনসমাজে ছিল ব্যাপক ও গভীর। শৌরসেনী প্রাকৃতে অপভ্রংশ শুধু বাঙলাদেশে নয়, সমগ্র উত্তর-ভারতেই ব্যাপকভাবে প্রচারিত ও ব্যবহৃত হোত। সেই কারণেই বাঙলাদেশের সহজযানী সিদ্ধাচার্যরা এবং ব্রাহ্মণ-কবিদেরও কেউ কেউ অপভ্রংশে কাব্য রচনা করেছেন। কারুপাদ সরহপাদ প্রভৃতি সিদ্ধাচার্য শৌরসেনী প্রাকৃতে অপভ্রংশেই তাঁদের দোহাগুলি রচনা করেছেন। পঞ্চদশ শতাব্দীর প্রথম দিকে মিথিলার কবি বিগাপতি ঠাকুর তাঁর 'কীর্তিলতা' কাব্যটি রচনা করেন শৌরসেনী অপভ্রংশে। এমন কি জয়দেবের 'গীতগোবিন্দ'-ও যে মূলে শৌরসেনী অপভ্রংশে রচিত হয়েছিল এমন কথাও কোনো কোনো পণ্ডিত বলেন। সেটা সত্য হোক বা না-হোক, কবি জয়দেব-যে অপভ্রংশে গীতি-কবিতা রচনা করতেন তার প্রমাণ আছে। গুর্জরী ও মারুরাগে গয় জয়দেবের দুটি গান শিখদের শ্রীগুরুগ্রন্থ থেকে উদ্ধার করে দিয়েছেন আচার্য সুনীতিকুমার ॥

শৌরসেনী অপভ্রংশ বা ডঃ সুকুমার সেনের মতে যা অবহট্ঠ স্তরের ভাষা—তা, ভা হলে দেখা যাচ্ছে সমগ্র উত্তরভারতে সংস্কৃতে পরেই 'সাপুভাষা'র মর্যাদা পেত। স্তররাং সমগ্র উত্তরভারতে আহুমানিক খ্রীস্টীয় ষষ্ঠ শতাব্দী থেকে দশম শতাব্দী পর্যন্ত বিস্তৃত সময়ে যত কাব্য বিভিন্ন প্রদেশে রচিত হয়েছে তাতে শৌরসেনী অপভ্রংশের কিছু কিছু শব্দ আসা স্বাভাবিক—না এলেই বরং তাঁদের অরুজিমতা নিয়ে সন্দেহ হতে পারে। এই শব্দগুলি হিন্দীভাষী, ওড়িয়াভাষী, মৈথিলীভাষী—সবাই ব্যবহার করতেন, বাঙালীরা তো বটেই। ঠিক এই কারণেই চর্যাপদের ভাষাগত মালিকানা নিয়ে বিরোধ বেধেছে ॥

কিন্তু আগেই বলেছি, শুধু vocables-এর সাহায্যেই একটা ভাবার জাতি নির্ণয় সম্ভব নয়। বিষয়পরিবেশ, পদ, ইডিয়ম, শব্দরূপ, ধাতুরূপ, কারক-বিভক্তি সমস্ত বিচার করে সিদ্ধান্ত করতে হবে চর্চাপদের ভাষা বাংলা না হিন্দী, ওড়িয়া না মৈথিলী। এই দিক দিয়ে বিচার করে দেখা গেছে, চর্চাপদের বিষয়-পরিবেশ বাঙলার, যার কথা আগেই আলোচনা করা হয়েছে ‘চর্চাপদে লৌকিক জগৎ’ অধ্যায়ে; তার ব্যাকরণগত বিশেষত্বও আধুনিক বাংলার পূর্বগামী, যা পরবর্তী স্তরের পরিণত বাংলার মধ্যে মুক্তি পেয়েছে ॥

সেই বিশেষত্বগুলিই এখন আলোচনা করা হবে ॥

চর্চাপদের ভাষায় স্বরবর্ণ এবং ব্যঞ্জনবর্ণের ধ্বনিগত বিশেষত্ব আধুনিক বাংলার মতোই। তবে যে-সমস্ত সংস্কৃত শব্দ ব্যবহৃত হয়েছে তাদের বানানে অনেক গরমিল দেখতে পাওয়া যায়। যেমন সবর, শবর; পানি, পাণী; উন্নত্তো, পুন্ন, সন্তোপে (সন্তোপে) ইত্যাদি। এই অসংগতি সম্পর্কে ডঃ স্কুমার সেন বলেছেন :

“—তত্ত্ব ও অর্ধ-তৎসম শব্দের বানানে কখনই সংগতি ছিল না, তাহার উপরে নেপালে লেখা পুথি, স্তবরাং লিপিকর প্রমাদ তো বানানকে জটিলতর করিয়া তুলিবেই। তাহাই হইয়াছে এবং তৎসম শব্দও বাদ যায় নাই। হ্রস্ব ও দীর্ঘ স্বরের ব্যবহারে গোলমাল আছে আর আছে তিন স-কারের ও দুই ন-কারের ব্যবহারে। অ-কার, ই-কার, এ-কারের মধ্যে বিপর্যয়ও কম নাই। বিশেষ লক্ষণীয় হইতেছে পদান্ত ই-কার স্থলে য-কার বা অ-কার।”

এই সিদ্ধান্তের উদাহরণ চর্চাপদ থেকে দেখিয়ে দিচ্ছি ॥

হ্রস্ব ও দীর্ঘস্বরে উচ্চারণের পার্থক্য আধুনিক বাংলাতে নেই, প্রাচীন বাংলাতেও ছিল না; কাগজে কলমে ‘পাত্রী’ লিখলেও উচ্চারণে ‘রাত্রি’র সঙ্গে কোনো পার্থক্য করা হয় না। চর্চাপদে এই ধরনের উদাহরণ অনেক আছে, যেমন, চুখী ছাড়াই চিন্ণালী উজু (সংস্কৃত ঋজু থেকে), বিআতী বহুড়ী ডোখী। আবার শবরি (ডোষি গাতি) ইত্যাদি হ্রস্ব-ইকারান্ত বানানও আছে। ‘শ’ ‘ষ’ ‘স’—তিনটিই ব্যবহৃত হয়েছে চর্চাপদের ভাষায়, যেমন করণকশালা, অহনিসি (ছুটোই চর্চা ১৯ থেকে); শবর ষবরালী (চর্চা ৫০)। মণ এবং মন ছুটোই দেখতে পাচ্ছি (চর্চা ২০ এবং চর্চা ৩০)। পদান্তে ই-কারের অ-কারে পরিবর্তনের উদাহরণ—ছলি ছুহি পিঠা ধরণ ন জাই। কথের তেস্তলী কুস্তীরে খাঅ ॥ (চর্চা ২)। এখানে খাঅ এসেছে এই-ভাবে—খাদিতম্ > খাইঅ > খাঅ। সম উদহরণ জাগঅ, মাগঅ, জাঅ ইত্যাদি ॥

চর্চাপদে একবচনে কর্তৃ, কর্ম, করণ ও অধিকরণ কারকে কোনো বিভক্তি ব্যবহৃত হোত না, আজও হয় না। যেমন, সসুরা নিদ্‌গেল বহুড়ী জাগঅ (সসুরা, বহুড়ী একবচন কর্তৃকারক, বিভক্তি নেই)। তেমনি কর্মকারকে একবচনে বিভক্তিহীন—রূপা থোই নাহিক ঠাবী। করণে—বাটই সো তরু হুভাহুড পানী (এখানে অর্থ জলের দ্বারা) কিন্তু বিভক্তি নেই। আধুনিক বাংলায় যেমন ‘ছেলেরা ফুটবল খেলে।’ অধিকরণকারকে—বেটিল হাক পড়অ চৌদীস (চৌদিকে)। তুলনীয় আধুনিক বাংলায়, সকালবেলা এস। বহুবচন বোঝানোর জগু বহুব্ববোধক শব্দ চর্চাপদের বাংলায় ব্যবহৃত হোত, যেমন ‘সঅল সমাহিঅ কাহি করিঅই’, ‘তা স্থনি মার ভয়ঙ্কর রে বিসঅ-মঙল সঅল ভাজই।’ এখানে সঅল অর্থ সকল। সংখ্যাবাচক শব্দ দিয়েও বহুবচন বোঝানো আছে—কায়্য তরুবর পঞ্চ-বি ডাল; বেড়ল চৌদিস; তিনা সাবে; চৌষট্ঠী পাখুড়ী (চৌষট্টি পাপড়ি)। দুবার পর পর বিশেষণ শব্দ ব্যবহার করে বহুবচন বোঝানোর নিদর্শনও চর্চাপদে আছে, যেমন, ‘উঁচা উঁচা পাবত উঁহি বসই শবরী বালী’। সংস্কৃতের অল্পসরণে বহুবচনে বিভক্তি ব্যবহারের উদাহরণও আছে; যেমন, ভই তুঙ্কে ভুঙ্কু অহেরি জাইবৈ মারিহসি পঞ্চজগা (চর্চা ২০)। তবে আধুনিক বাংলার রা, এরা প্রভৃতি বিভক্তির ব্যবহার চর্চাপদে বিশেষ নেই।

চর্চাপদে ব্যবহৃত বাংলাভাষায় পুংলিঙ্গ এবং স্ত্রীলিঙ্গ ব্যবহারের নিয়ম অপভ্রংশের প্রভাবে নিয়ন্ত্রিত। তবে ক্লীবলিঙ্গ নেই। বিশেষ্য স্ত্রীলিঙ্গ হলে বিশেষণটিও স্ত্রীলিঙ্গ হয়েছে; যেমন ‘নিশি অঙ্কারী মুঘার চারা’। ‘ইল’ প্রত্যয়ান্ত কিংবা ‘এর’ প্রত্যয়ান্ত বিশেষণ কখনও কখনও স্ত্রীলিঙ্গের রূপ নিয়েছে; যেমন ‘সোনে ভরিলী করুণা নাবী’, ‘সুজ লাউ সমী লাগেলি তাস্তী’, ‘গাণা তরুবর মউলিল রে গঅণত লাগেলী ডালী’, ‘নগর বাহিরে ডোষী তোহোরি কুড়িঅ’, ‘তোহোর অস্থরে মোএ ঘলিলি হাড়েরি মালী’। ঙ্গ (ই) বা আ যোগ করে স্ত্রীলিঙ্গ;—হরিণী, শবরী, হরিণা, কঠিণা। নি (নী) যোগ করে—শুণিনি।

চম্পীগীতির মধ্যে ব্যবহৃত ভাষার শব্দরূপের গঠনে একবচন এবং বহুবচনের তফাত নেই। সম্বন্ধ বোঝানো ছাড়া স্ত্রীলিঙ্গ-পুংলিঙ্গেরও তফাত নেই। উদাহরণ (বিশেষ্য পদের):—

- কর্তৃকারক :** কাআ, বীরা, বহুড়ী, ভবণই, সসুরা ।
অনুস্কৃত কর্তা : চোরে (নিল), কুস্তীরে (খাঅ) ।
কর্ম : বাখড়, বাঙ্কন, অপণা, ডোষী ।
করণ : হুখহুখেঠে, কুঠারৈ, জোইনিজালে, সমাহিঅ,
 আলিএঁ কালিএঁ, বেগে, দিআঁ চঞ্চালী ।

গৌণ কর্ম :

গঅবরৈ, বাহবকে, মকুঁ গঠা, করিগিরেঁ,
ধামার্থে, ঠাকুরক ॥

অপাদান :

খেপছঁ, জামে (জন্ন থেকে), কামে (কর্ম থেকে)
দশ দিসেঁ (দশ দিক থেকে) ॥

সম্বন্ধপদ :

জাহের, ডোষীএর, হরিগার, ছান্দক,
অপগা, হাড়েগি, খগহ ॥

অধিকরণ :

মাঝেঁ, চরণে, নিঅড়ি (নিকটে), ঘরে,
দিবসই, খগহি, বাটত, গঅগ মাঝেঁ ॥

সর্বনাম শব্দের শব্দরূপের উদাহরণ :—

কর্তা :

ইউ, হাঁউ, অম্ভে, আন্ধে ; তু, উই, তো ;
সে, তে, সো, জো ; অইসনি, কইসনি,
জইসেঁগ—ইত্যাদি ॥

অনুক্ত কর্তা :

আম্হে, মই, তঁই, মোএ ইত্যাদি ॥

কর্ম :

মো, তো, জা, তুম্হে, তুন্ধে, তোহোরে ॥

করণ :

মই, তোএ, তঁই, জেঁ, জেঁগ ইত্যাদি ॥

গৌণকর্ম :

মকুঁ, তোরেঁ, তোহোর ইত্যাদি ॥

অপাদান :

জথা, তথা ।

সম্বন্ধ :

মোহোর, মোর, তোহোর, তোহারেঁ, তোরা,
তো, তা, তম্হ, তাহের ॥

অধিকরণ :

এথু, কহিঁ, তহিঁ ইত্যাদি ॥

ক্রিয়াপদের ধাতুরূপের উদাহরণ :

॥ বর্তমান কাল ॥

উত্তমপুরুষ :

পেখমি, জাগমি, চাহমি, পুছমি ; করহ, জাগহ,
লেহঁ ইত্যাদি ॥

মধ্যমপুরুষ :

আইসসি (অইসসি), পুছসি, বাইসি, জাগহ.
ভুলহ, বিদ্ধহ ইত্যাদি ॥

প্রথমপুরুষ :

পেখই, ডগই, বাহই, জাগই, বসই, সামায়,
হোই, তুট, চাহস্তি, কহস্তি, ডগস্তি ; ডগথি
বোলথি ইত্যাদি ॥

॥ অতীত কাল ॥

উত্তমপুরুষ :

দেখিল, ফিটলেম্হ, ডইলি (হইল) ইত্যাদি ॥

মধ্যমপুরুষ :

অছিলেস (চর্ষা ৩৭), নিলেসি (চর্ষা ৩৯)

প্রথমপুরুষ :

গেলা, অইল, রুদ্ধেলা, জিতেল ; ভরিলী,
লাগেলী, পোহাইলী, ডাইলা, পড়িলা ইত্যাদি ॥

॥ ভবিষ্যৎকাল ॥

উত্তমপুরুষ : করিব (নিবাস), মারমি ভোষী, লেমি পরাণ ইত্যাদি ॥

মধ্যমপুরুষ : যাঠবে (চর্থা ৩৭), হোহিসি, মারিহসি ইত্যাদি ॥

প্রথম পুরুষ : করিহ, করিহ ইত্যাদি ॥

॥ অন্তজ্ঞা ॥

মধ্যমপুরুষ : বাহঅ, বাহতু, বিক্ষহ, লেই, হোহী,
পেগ, কর, সিঞ্চহ ইত্যাদি ॥

প্রথমপুরুষ : করউ, এড়িএউ, জাঠউ ইত্যাদি ॥

॥ অসমাপিকা ক্রিয়া ॥

রচি, ধুনি (ধুনিয়া), কাড়িঅ (ফাড়িয়া), মারিঅ,
বুঝিঅ, পুচ্ছি, চড়ি (চড়িয়া), চাপী (চাপিয়া),
থোই (থুইয়া), বাহনকে, জাশ্বে, শুনশ্বে, অচ্শ্বে :
ভইলে, চড়িলে, মইলেন ইত্যাদি ॥

॥ সংখ্যাবাচক শব্দ ॥

এক, একু, দুই, দো, তিনি, চউ, পঞ্চ (পাক্ষ), দশ,
চোষঠা ইত্যাদি ॥

॥ বাগ্ধারা ও শব্দগুচ্ছ ॥

সড়ি পড়িআ, উঠি গেল, নিদ গেল, অহার কএলা,
পার করেই, গুণিঅ লেছ, ধরণ ন জাই (জাঅ),
কহন ন জাই ইত্যাদি ॥

'হাড়ীত ভাত নাহি নিতি আবেশী', 'বর স্নগ গোহালী
কিমো ছুট্ট বলন্দে', 'দিবসে বহড়ী কাড়ই ডরে ভাএ,
রাতি ভইলে কামরু জাঅ', 'অপণা মাংসে হরিণা বৈরী' ইত্যাদি ॥

॥ সমাস ॥

সমস্ত রকমের সমাসের দৃষ্টান্তই চর্চাপদে পাওয়া যাব । উদাহরণ—

ভৎপুরুষ : কমলরস, আসবমাতা, কাক্ববিয়োএ
(স্ক্ববিয়োগে, চর্থা ৪২) ইত্যাদি ॥

কর্মধারয় : ভাঙ্গতরঙ্গ, মহাতরু, মহাস্থ ইত্যাদি ॥

বহুব্রীহি : খমণভতারি, অলক্খলক্খণ-চিত্তা ইত্যাদি ॥

রূপক কর্মধারয় : ভবণই, ভবজলধি, মোহতরু ইত্যাদি ॥

উপমিত কর্মধারয় : কামাতরুবর, সূজলাউ ॥

দ্বন্দ্বসমাস : জামমরণ (জন্মমৃত্যু), চান্দসূজ, সূখদুখ ॥

॥ চর্যাপদের অনুবৃত্তি ॥

বৃহদারণ্যক উপনিষদে একটি আশ্চর্য বাণীতে বলা হয়েছে—যে-মানুষ অল্প দেবতাকে উপাসনা করে, সেই দেবতা অল্প আর আমি অল্প এমন কথা ভাবে, সে তো দেবতাদের পশুর মতোই ।*

রবীন্দ্রনাথ তাঁর ‘মানুষের ধর্ম’ প্রবন্ধে এই শ্লোকটির ব্যাখ্যা প্রসঙ্গে বলেছেন, সেই দেবতার কল্পনা মানুষকে আপনার বাইরে বন্দী করে রাখে ; তখন মানুষ আপন দেবতার দ্বারাই আপন আত্মা হতে নির্বাসিত, অপমানিত । বৃহদারণ্যক উপনিষদের এই বাণীর তাৎপর্য : যে-দেবতাকে আমার থেকে পৃথক করে বাইরে স্থাপন করি তাঁকে স্বীকার করার দ্বারাই নিজেকে নিজের সত্য থেকে দূরে সরিয়ে নিই ।

তবে মানুষ কি নিজেরই পূজা করবে ? নিজেকে ভক্তি করার ক্ষমতা কি মানুষের দ্বারা সম্ভব—তা করলে কি পূজা জিনিসটা অহংকার হয়ে যায় না ?

উপনিষদ বলছেন পূজা জিনিসটা অহংকার নয় । বাইরে দেবতাকে রেখে কতকগুলি স্তব পূজার আড়ম্বর, শাস্ত্রপাঠ, বাহ্যিক আচার অস্থগ্ঠান এ সমস্ত পালন করা সহজ, কিন্তু নিজের মনের মধ্যে নিজের ভাবনায়, নিজের চিন্তায়, নিজের কর্ণে পরম মানুষকে উপলব্ধি ও স্বীকার করা সবচেয়ে কঠিন । এইজন্যই উপনিষদে বলা হয়েছে, যারা সত্যকে অস্তরে পায় না তারা দুর্বল—নায়মাত্মা বলহীনেন লভ্য । উপনিষদ আরো বলছেন :

য আত্মা অপহতপাপা বিজরো বিমৃত্যুর্বিশোকহ-

বিজিঘৎ সোহপিপাসঃ সত্যকামঃ সত্যসঙ্কল্পঃ

সোহশ্বেষ্টব্য স বিজিঞ্জাসিতবঃ ।

—আমার মধ্যে যে মহান আত্মা আছেন, যিনি জরা, মৃত্যু, শোক, ক্ষুধাতৃষ্ণার অতীত, যিনি সত্যকাম, সত্যসংকল্প তাঁকে অন্বেষণ করতে হবে, তাঁকে জানতে হবে ॥

কবি এই শ্লোকে সেই কথাই বলতে চেয়েছেন যার মধ্যে সকল কালের সারবস্তু

অর্থ বোহস্তাঃ দেবতান্ উপাস্তে

অস্তোহসৌ অস্তোহহম অস্মীতি

ন স বেদ, বখা পশুরেবঃ স দেবানাম ॥

ঘনীভূত। বাহুজ্ঞান ও যুক্তিতর্কের জানার মধ্যে একটা সীমা এবং গণ্ডী আছে। মনের মাহুযকে জানা তেমন করে জানা নয়, সে-জানা হচ্ছে অন্তরে হওয়ার দ্বারা জানা। 'নদী সমুদ্রকে পায় যেমন করে, প্রতিক্ষণেই সমুদ্র হতে হতে। একদিকে সে ছোট নদী আর-এক দিকে সে বৃহৎ সমুদ্র। সেই হওয়া তার পক্ষে সম্ভব, কেন-না সমুদ্রের সঙ্গে তার স্বাভাবিক ঐক্য; বিচ্ছেদের ভিতর দিয়ে সে ঐক্য। জীবধর্ম যেন উঁচু পাড়ির মতো জন্তুদের চেতনাকে ঘিরে রেখেছে। মাহুযের আত্মা জীবধর্মের গাড়ির ভিতর দিয়ে তাকে কেবলই পেরিয়ে চলেছে, মিলেছে আত্মার মহাসাগরে। সেই সাগরের যোগে সে জেনেছে আপনাকে। যেমন নদী পায়, আপনাকে যখন সে বৃহৎ জলরাশিকে আপন করে, নইলে সে থাকে বন্ধ হয়ে, বিল হয়ে, জলা হয়ে।……মাহুয আপন ব্যক্তিগত সংস্কারকে পার হয়ে যে-জ্ঞানকে পায়, যাকে বলে বিজ্ঞান, সেই জ্ঞান নিখিল মানবের, তাকে সকল মাহুযই স্বীকার করবে, সেইজন্তু তা শ্রদ্ধেয়। তেমনি মাহুযের মধ্যে স্বার্থগত আমির চেয়ে যে বড়ো আমি সেই আমির সঙ্গে সকলের ঐক্য, তার কর্ম সকলের কর্ম। একলা-আমির কর্মই বন্ধন, সকল-আমির কর্ম মুক্তি।'*

চর্থাপদের মধ্যেও এই নিজের মধ্যে পরমকে জানার ব্যাকুলতা। নিজের মধ্যে যে-মাহুয সে শুধু ব্যক্তিগত মাহুয নয়, সে বিখগত মাহুযের একাত্ম। সেই বিরাট মানব অবিভক্ত ষ ভূতেষু বিভক্তমিব চ স্থিতম্। তিনিই 'দেহি বসন্ত বুদ্ধ।' তিনিই মনের মাহুয। চর্থাপদের সিদ্ধাচার্যরা বাইরের জপ তপ ধ্যান স্নান আচমন বলিদানকে বর্জন করে সহজ-সাধনার মধ্যে দিয়েই সেই পরমপ্রিয়কে খুঁজেছেন নিজের মনে। এইভাবেই উপনিষদের সাধনা চর্থাপদের মধ্যে দিয়ে ভারতীয় মানবধর্মের সুপ্রাচীন স্তমহৎ ঐতিহ্যটিকে প্রবহমান রেখেছে।

পৃথিবীর সর্বশ্রেষ্ঠ মানবপ্রেমিক ধারা—খ্রীষ্ট এবং বুদ্ধ তাঁদেরও সেই একই বাণী। খ্রীষ্ট বলছেন, I and my father are one। খ্রীষ্ট যেদিন আপন অহংসীমাকে ছাড়িয়ে পরমমানবের সঙ্গে আপন অভেদ দেখেছিলেন সেইদিনই তাঁর প্রীতি এবং কল্যাণবুদ্ধি সকল মানবের প্রতি সমান প্রসারিত হল। বুদ্ধের বাণীতেও সেই মানবের প্রতি স্বীকৃতি এবং ভালোবাসা। 'সমস্ত জগতের মাহুযের প্রতি বাধাশূন্য হিংসাশূন্য শত্রুতাশূন্য অপরিমাণ মৈত্রী পোষণ করবে, দাঁড়াতে বসতে চলতে শুতে, যাবৎ নিদ্রিত না হবে বা নির্বাণপ্রাপ্ত না হবে ততদিন এই মৈত্রীস্বতিতে অধিষ্ঠিত থাকবে।' সেই নিখিল মানবের জন্তেই ভগবান তথাগতের প্রার্থনা :

রবীন্দ্রনাথ ॥ মাহুযের ধর্ম ॥ তৃতীয় অধ্যায়।

সকল সত্তা সৃষ্টি হোক, অবেরা হোক, সৃষ্টি অস্তরঃ পরিহরক । সকল

সত্তা দুঃখাপমুক্ত । সকল সত্তা মা যথালক্ষসম্পত্তিতো বিগচ্ছত ।

—সকল জীব সৃষ্টি হোক, নিঃশত্রু হোক, অবধ্য হোক, সৃষ্টি হয়ে কালহরণ করুক । সকল জীব দুঃখ হতে প্রমুক্ত হোক, সকল জীব যথালক্ষ সম্পত্তি থেকে বঞ্চিত না হোক ॥

নিজের মধ্যে বিশ্বকে জানলে তবেই সর্বমানবকে জানা যাবে । এই দেহভাঙের মধ্যেই ব্রহ্মাণ্ড আছে—এই সৃষ্টি ইঙ্গিত দিয়েছেন উপনিষদ । প্রভু খ্রীষ্ট আরেক-যুগে সেই বাণীকেই বলেছেন আরেক ভাবে—আমি এবং পরমপিতা এক ও অভিন্ন । বুদ্ধের বাণীতেও সেই একই কথা—মাহুঘের সমস্ত বৈচিত্র্যের একটি বিস্মৃতে সংহতি হলে, নিশ্চল হলে সে হয় তো একটা আত্মভোলা আনন্দ পাবে । কিন্তু কী হবে সেই একার আনন্দে, সে আনন্দ চরমও নয়, শ্রেয়ও নয় । সমস্ত মানবসংসারে যতক্ষণ দুঃখ আছে, আছে অভাব, আছে অপমান—ততক্ষণ কোনো একটি মাত্র মাহুঘ মুক্তি পেতে পারে না । ‘ভগবান তথাগত আপনার মুক্তিতেই যদি সত্যি সত্যি মুক্ত হতেন, তবে মাহুঘের জ্ঞান এত ত্যাগ করতেন না । তাঁর সমস্ত কর্ম সমস্ত মাহুঘকে নিয়ে । তিনি মহাত্মা, তাই বিশ্বকর্মা’ ॥

হাজার বছর আগে উপনিষদের যে-ধর্মসাধনাকে ভিত্তি করে চর্চাগীতির উদ্ভব, পরবর্তীকালের ইতিহাসের দুর্গম মরুপথে সাময়িকভাবে সেই ধর্মসাধনার ধারাটি স্তব্ধ এবং ক্রমে ক্রমে বাইরের দিক থেকে লুপ্ত হয়ে গেলেও, অস্তুঃসলিলা নদীর মতো তার ভিতরের স্রোতটি অক্ষুণ্ণ রইল অজ্ঞানরূপে । সেই ধারার আদিতে উপনিষদের গোমুখী, অস্ত্রে মানবপ্রেমের মরমিয়া মহাসাগর । চর্চাপদে বিধৃত ধর্মমতের আলোচনা প্রসঙ্গে ডঃ শশিভূষণ দাশগুপ্তকে অহুসরণ করে দেখবার চেষ্টা করেছি, ধর্মের মৌল মনোময়-তার প্রতি যে-আবেগ উপনিষদে উচ্ছ্বসিত, তারই এক অজ্ঞানি ধরা আছে চর্চাপদে । সেখানেও সেই উপনিষদ-প্রদর্শিত দার্শনিকতার মূলে জীবন ও জগৎ সম্পর্কে এমন একটা দৃষ্টি যা নিছক গুরুতার মধ্যেই নিঃশেষিত নয়—সেই দৃষ্টিতে আছে ত্যাগ করে ভোগ করার আশ্চর্য কবিত্বময় উপলক্ষি, দীনতা হীনতা যন্ত্রণা বেদনা আনন্দ ও উপভোগের আলো অন্ধকারে মণ্ডিত জীবনের সমগ্রতাকে, তার স্বরূপ ও মাদুর্ঘ্যকে উপলক্ষি করার চূর্বীর স্পৃহা । জীবন অহুভবের এই আনন্দ ও যন্ত্রণাকে তাঁরা শুকনো সন্ন্যাসীর দৃষ্টিতে দেখেন নি—‘রসে বশে’ থেকেই তাঁরা এই বেদনা ও সৃষ্টি হৃদয়ে গ্রহণ করার চেষ্টা করেছেন । এই সাধনায় আচার অহুষ্ঠান মন্ত্র তন্ত্র জপ ধ্যান স্তন আচমন প্রভৃতি বাইরের অন্ধগুলি খুব একটা গুরুত্ব পায় নি—ব্রাহ্মণ্য আচার-পরায়ণতার প্রতি দৃঢ় অথচ কৌতুকমিশ্রিত অহুকম্পায় তাঁদের প্রতিবাদী মন মুখর,

হয়েছে ‘সহজ-সাধনা’র উন্মুক্ত ক্ষেত্রে। এই সহজ-সাধনার প্রধান উপকরণ মানব মানবী, তাদের আনন্দ, বেদনা, বিবগ্নতা, উল্লাস, শ্রদ্ধা ও প্রীতি। ব্রাহ্মণ্য আচার-পরায়ণতায় এই মানুষ ছিল অবজ্ঞাত, ব্রাহ্মণের সৃষ্ট এক গণ্ডীবদ্ধ নিষ্ঠুর জগতের অপমানের লোকালয়ে এই মানুষ ছিল অবজ্ঞার সজ্জাহীন কুটীরে প্রীতি-প্রেমের আলোকসম্পর্শহীন অন্ধকারে কুণ্ঠিত। চর্যাপদের বাঙালী কবিরা সেই অবজ্ঞার শুষ্ক মরুভূমিতে দিক্‌প্রান্ত মানবতাকে নিয়ে এলেন আশ্চর্য প্রেম বিশ্বাস এবং শ্রদ্ধার শ্রামশ্রীমণ্ডিত মরুতানে। বাঙালী হৃদয়ের মানবপ্রেম বিশ্বদেবতার প্রেমে মহীয়ান হল এই একটি দৃঢ় প্রত্যয়ে—দেহহি বুদ্ধ বসন্তি ন জানই।* মানুষের মধ্যেই অনন্তের মুক্তি, মানুষের মধ্যেই পরম শান্তি, মানবাত্মাতেই বিগ্নাত্মার মহৎ বিকাশ ॥

আধ্যাত্মিক মানবপ্রেমের মহান সাহিত্যিক অভিব্যক্তির সশ্রদ্ধ প্রকাশ বাঃলা কাব্যে চর্যাপদেই প্রথম এবং প্রধান। সেই মানবপ্রেমই পরবর্তীকালের কাব্যে চ্যাপদের সর্বশ্রেষ্ঠ দান। মঙ্গলকাব্যে, বৈষ্ণব পদাবলীতে, আউল-বাউল সহজি-দের গানে, এবং তাদের মধ্যে দিয়ে এই আশীর্বাদটি এসেছে আধুনিকতম যুগের বাঙালী কবির রচনায়। মঙ্গলকাব্যের কবিরা দেবতার মহিমা প্রচারের ভ্রম্ভেই তাঁদের কাব্য রচনা করেছেন, কিন্তু সেখানেও মানুষ উপেক্ষিত নয়। মনসামঙ্গল কাব্যকেই এর প্রমাণ হিসাবে নিতে পারা যায়। মানব-চরিত্রের প্রতি স্নগভীর সহানুভূতি এবং মমতাই এই কবিদের কবিতার প্রধান আকর্ষণ। অপার্থিব দেব-চরিত্র মনসাকে এঁরা প্রতিষ্ঠা করার উদ্দেশ্যে কাব্য রচনা শুরু করেন, কিন্তু সেখানে কবির স্নগভীর মানবপ্রেম বারবার দেবী মনসার নির্মমতাকে নির্ভয়ে অনাবৃত করে দিয়ে বলেছে ‘পাপিষ্ঠা মনসা পাষণ তার হিয়া’, কিন্তু মানুষের প্রতি এই কবিদের সহানুভূতির সীমা নেই। মুমূর্ষু লখিন্দরের আক্ষেপ, মাতা মনকার মানবিক স্নেহ-পরায়ণতা, দুর্ধ্ব পৌরুষের ঔজ্জ্বল্যে মহীয়ান চাঁদ সদাগর, বেহুলার কোমল নারীত্বের মহিমা—এই সমস্তই দেবতাকে ছাপিয়ে মনসামঙ্গলে প্রধান হয়ে উঠেছে। এঁরা দেবতারই মাহাত্ম্য প্রচার করেন নি সেই সঙ্গে মানুষেরও মঙ্গলগান গেয়েছেন—তাই তাদের কাব্যে শেষ পর্যন্ত দেবতার প্রতিষ্ঠা হয় নি, মানুষেরই বিজয় ঘোষিত হয়েছে।

মধ্যযুগের অন্ততম বিশিষ্ট কাব্যসম্পদ বৈষ্ণব পদাবলীতেও এই মানবপ্রেমের স্রমধুর জয়গান। বৈষ্ণব কাব্যকে আধ্যাত্মিক অর্থে বিচার না করলে দেখা যাবে, সেখানে একটা মানবিক সংবেদনাই রূপে রসে উজ্জ্বল। আর এই মানবিক সংবেদনার উপরেই বৈষ্ণব পদাবলীর সাহিত্যিক মূল্য বিশেষভাবে নির্ভরশীল। বৈষ্ণব পদাবলীর মৌলিক আবেদন নিহিত আছে বৃষভানুন্দিনী এবং কৃষ্ণের, নারী এবং পুরুষের রহস্যময় সম্পর্কের মধ্যে। এই সম্পর্কের মধ্যেই লীলায়িত মান মিলন বিরহ

আকর্ষণ প্রার্থনা ও নিবেদন—আর এর গোপনতম গভীরে আছে নরনারীর আদিমতম প্রবৃত্তি—বোন-আকর্ষণ। ‘এই নিত্য জৈবিক আকর্ষণকে অবলম্বন করেই যুগ যুগ ধরে নারীপুরুষের পরস্পর-বিলম্বী ভাব-সৌন্দর্য গড়ে উঠেছে। জয়দেব চণ্ডীদাস বিজ্ঞাপতি—প্রাক্‌চৈতন্য যুগের লীলারসচারণ কবিরা সকলেই এই ভাবসৌন্দর্যের সাধক ছিলেন।’ এই আধ্যাত্মিক ভাবচেতনা এসেছে স্বগভীর মানবপ্রেম থেকেই। সুমহান ভালোবাসাই সেখানে পূজার পবিত্র স্তরে উন্নীত। বৈষ্ণব পদাবলীর কাব্য-রসে মুগ্ধ সাধারণ মানুষের তাই বারবার মনে হয়, এই পূর্বরাগ অহুরাগ মান অভিমান অভিসার প্রেমলীলা বিরহ মিলন, এই শ্রাবণ-শর্বরীতে কালিন্দীর কূলে শরম ও সন্ত্রমমিশ্রিত চার চোখের মিলন—সে কি শুধু দেবতার? তার মধ্যে দিয়ে আমরা সেই মানবিকতার আনন্দ গ্রহণ করি, যে-আনন্দে আমাদের পরিচিত পৃথিবী দ্বিগুণ মধুময় হয়ে উঠে, কুটিরপ্রান্তের কদম্বছায়ায় মৌনভালোবাসা বৃকে নিয়ে মুখে পূর্ণ প্রেমজ্যোতির ঐচ্ছল্যে যে-ধরার সঙ্গিনী রয়েছে তাকে আরো রহস্যময় মনে হয়, —রাধিকার চিত্তদীর্ণ তীব্র ব্যাকুলতা তার চোখে, তার নারীহৃদয়-সঞ্চিত অকথিত ভাষা গানের মতো সুরময়। সেই অথও মানবিকতার সাগরসংগম থেকে আমরা হৃদয়ের কলস ভরে নিই। এই দেবতাকে প্রিয় এবং প্রিয়কে দেবতা করার সুমহান সাধনার ভাবরূপ রয়েছে বৈষ্ণব পদাবলীতে, আর সেইজন্তেই বৈষ্ণব পদাবলী আমাদের এত প্রিয় ॥

চর্বাঙ্গীতিগুলির মধ্যে দিয়ে যে-মানবতাবোধের উদ্বোধন বাংলাকাব্যে তার ধারা শুধু মঙ্গলকাব্যে বৈষ্ণব পদাবলীতেই সমাপ্ত নয়—তা বিবর্তিত হয়েছে সহজিয়া বৈষ্ণব, নাথ সম্প্রদায়, আউল বাউল ইত্যাদির সাধনার মধ্যে। বাউলদের সাধনায় যে-কথাটি সবচেয়ে বড় তাও মানবপ্রেম। এই প্রেম কোনো বাইরের বস্তুকে আশ্রয় করেই শুধু ব্যক্ত নয়—এই প্রেমের আরেক আধার তাদের ‘মনের মানুষ’। এই মনের মানুষ আছে দেহেরই মধ্যে অর্থাৎ এই জগৎ এবং জগতের মানুষের মধ্যেই। সেই পরমপ্রিয়কে খোঁজবার জন্তেই তাদের আকুলতা, মানুষের হৃদয়ের দরজায় দরজায় তাদের আঘাত :

আমি কোথায় পাব তারে

আমার মনের মানুষ যে রে,

হারায়ে সেই মানুষে দেশ বিদেশে

(আমি).কী উদ্দেশ্যে বেড়াই ঘুরে।

সেই মানুষের মনের সঙ্গে মন মিশালে তবেই পরমমুক্তি ধরা দেবে। সেই মুক্তি-

সাধনার পথে মন্দির মসজিদের বেড়া, শুক আচারপরায়ণতা তার মন্ত বাধা ; তাই
বাউল কেঁদে বলে—

তোমার পথ ঢেকেছে মন্দিরে মসজিদে
তোমার ডাক শুনি তাই চলতে না পাই
আমায় রুখে দাঁড়ায় গুরুতে মুরশেদে ॥

সিদ্ধাচার্য সরহপাদ বলছেন,

কিস্তো মস্তে কিস্তো তস্তে কিস্তোরে ঝাণবখানে ।

সেই কথাই বাউল বলছেন অশ্রু স্নরে,

মস্তে তস্তে পাতলি যে ফাঁদ
দেবে কি সে ধরা ।
উপায় দিয়ে কে পায় তারে
শুধু আপন ফাঁদে মরা ॥

সিদ্ধাচার্য বসছেন. দেহহি বুদ্ধ বসন্তি ন জানই । বাউলও বলছেন :

নদনদী হাতড়ে বেড়াও অবোধ আমার মন
তোমার ঘরের মাঝে বিরাজ করে বিশ্বরূপী সনাতন ॥
যত্নাথ বাউল বলে শুন শুন সাধুজন ।
কেন আশ্রুতীর্থ ত্যাজ্য করে মিছে তীর্থ-পর্যটন ॥

চর্ষাপদের সিদ্ধাচার্য যেমন বলেন, মন্ত্র তন্ত্র বেদ পুরাণ তীর্থ তপোবন সবই বৃথা,
আসল হচ্ছে ভিতরের মাহুষ, তেমনি বাউলও সন্ধান করেন সেই মনের মাহুষকে,
তার জন্তেই বাউলের আকুল হাহাকার :

আমি কোথায় পাব তারে
আমার মনের মাহুষ যে রে ।
হারায়ে সেই মাহুষে কী উদ্দেশ্যে
(আমি) দেশ বিদেশে বেড়াই ঘুরে ॥

বাউলের সাধনায় যে বলা হচ্ছে, মনের মাহুষ মনের মাঝে কর অন্বেষণ—
সেখানেও সেই উপনিষদের বাণীই সরলতর সহজতর রূপ নিয়ে মানবতার সাগর-
সংগমে স্নান করছে । মাহুষের মধ্যে যিনি মনুষ্য, যিনি বিশ্বকর্মা মহাত্মা, ঋগ্ন কর্ম
খণ্ডকর্ম নয়, ঋগ্ন কর্ম বিশ্বকর্ম, ঋগ্ন মধ্যে জ্ঞানশক্তি ও কর্ম স্বাভাবিক, যে-স্বাভাবিক
জ্ঞানশক্তি কর্ম অশুহীন দেশে সীমাহীন কালে নিরন্তর প্রকাশমান—বাউল তাকেই
খুঁজছে মাহুষের, মধ্যে, নিজের মনে । সেইজন্তেই বাউল নিঃসংকোচে বলেন—

জীবে জীবে চাইয়া দেখি সবই যে তার অবতারণা,

ও তুই নূতন লীলা কি দেখাবি যার নিত্যলীলা চমৎকার ॥

বাউলদের জীবনদেবতা আছেন তাঁদেরই জীবনে এবং তাঁরই বাণী আমাদের অস্তরের বাণী। এই আশ্চর্য বোধ মাহুঘের বিবেককে উদ্ভুদ্ধ করার ক্ষেত্রে কবির সবচেয়ে বড় দান; জীবনের প্রতি পাত্রে জীবনদেবতাকে অল্পভব করার সাধনাই তাঁদেরকে একটি সশ্রদ্ধ মানবতার অমৃতধারায় স্নাত পবিত্র করেছে। এই বোধটি কেবল বাঙালী বাউলদের মধ্যেই নয়, সূফী সাধকদের মধ্যেও স্থম্পষ্ট। হাদীসের সেই ‘মান আরাফা নাফসাছ ফাকাদ আরাফা রাব্বাছ’র সঙ্গে বাউলদের ভাবনার কোনো অমিল নেই। মাহুঘের মধ্যেই-যে মাহুঘ-রতন রয়েছে সূফী সাধকরা তাকেই জানতে চান, বুঝতে চান। বাইবেলেও এই কথাই প্রতিধ্বনি “Know thyself and you will know God”। নিজের মধ্যকার মাহুঘ-রতনের সঙ্গে যার নিবিড় পরিচয় হয়েছে সেই তো সত্যিকার মুক্তপুরুষ ॥

ভাবলে ভারি আশ্চর্য লাগে, মধ্যযুগের ভারতীয় লোককবিদের ধ্যানধারণা ও মানবতার প্রতি অকুণ্ঠ অল্পরাগের সঙ্গে সমগ্র বিশ্বের সমসাময়িক কালের মরমিয়া সাধকদের একটা গভীর ভাবের মিল ছিল। এই সাধকদের ধ্যানধারণা সারা পৃথিবী জুড়েই একটা বিরাট মানবতার ভাব-আন্দোলন জাগিয়ে তুলেছিল। কবি জয়দেবের সমকালেরই সূফী সমাজের আদি প্রবর্তক ধূল-মুন মিশবী (মৃত্যু ৮৬০) বিদ্যমান ছিলেন। তাঁর অল্পগামী বায়াজিদ-অল-বিস্তামী (মৃত্যু ৮৭৪), মনসুর হলাজ (৮৫৪-৯২২), অল্ গাজালী (১০৫৮-১১১১), ফরীদুদ্দিন শেখ (১২শ শতাব্দীর কোনো এক সময়ে জন্ম), ইবন-অল আরবী (১১৬৫-১২৪০), জালালুদ্দিন রুমী (১২০৭-১২৭৩), সাদী (১১৮৪-১২৯১), হাফিজ (মৃত্যু ১৩৮৯), জামী (জন্ম ১৪১৪), ইবন অল জীলী (১৩৬৫-১৪০৬)—এঁরা সবাই পবিত্র ইসলামের বাঁধাধরা পথ ছেড়ে জীবনের মধ্যেই জীবনদেবতাকে খুঁজেছেন ॥

আরো পশ্চিমে যদি যাই তবে দেখব, কবি জয়দেব এবং চর্চাপদের প্রায় সমসময়ে বুলগেরিয়ায় মরমিয়া-সমাজ পরিণতি লাভ কোরে আস্তে আস্তে হাক্কারী, রুমানিয়া, ডালমাটিয়া, আপুলিয়া, লোম্বার্ডি ও জার্মানীতে ছড়িয়ে পড়েছিল। এঁরা ‘কাথারি’ বা পবিত্র নামে প্রতিষ্ঠিত হন ফ্রান্সের অলবিতে এবং দশম শতাব্দীতেই সমগ্র ফ্রান্স পার হয়ে রাইনল্যান্ড ও প্ল্যাগুর্সে ছড়িয়ে পড়েন। এই কাথারি সমাজেরই ডুর্যাও ‘পুয়োর ক্যাথলিক’ শাখার পত্তন করেন। সেণ্ট ডোমিনিক (১১৭০-১২২১) ও জন্ একহার্ট (১২৬০-১৩২৭) এঁদেরই সাধনার উত্তরসাধক। একহার্টের শিষ্য জন্ ট্যালার (১২৯০-১৩৬১) ও হেনরি সোসো (১৩০০-১৩৬৬) পত্তন করলেন ‘ফ্রেণ্ডস

অফ্‌ গড্‌' সমাজ। হলোগে 'ত্রিদয়ের অফ কমন লাইক' সম্প্রদায়ের প্রতিষ্ঠা করেন জিয়ার্ড গ্রুট (১৩৪০-৮২)। এই সমাজেরই ইগনাসিয়াস লয়লা থেকে জেহুইট-পন্থীর সূচনা। এঁরা সবাই জীবনের বেদীতেই জীবন-দেবতাকে প্রতিষ্ঠা করেছেন। সারা পৃথিবী জুড়ে এই-যে মানবতার জয়গান চলেছিল তার একটি ধারা বিকশিত হয় ভারতবর্ষে বৈষ্ণব পদাবলীতে, বাউল গানে, সন্ত সাধক কবীর রামানন্দ হরিদাস নানক ইত্যাদির সাধনায়। ভারতের পূর্বপ্রান্তে চর্ষাপদে সেই মানবতার উদ্বোধন, ক্রমে তা সমগ্র ভারতে ছড়িয়ে পড়ে। চর্ষাপদের গানের ভাবভাষা কবীরের দোহায় অল্পপ্রবিষ্ট হওয়াই এটার একটা বড় প্রমাণ ॥

আমাদের সাহিত্যে এই মানবতার সাধনা বৈষ্ণব পদাবলী ও মঙ্গল কাব্যতেই স্তিমিত হয়ে যায় নি—শাক্ত পদাবলীতেও সেই মানবতার লীলা। সেখানেও গৌরী উমা আমাদের ঘরের মেয়ে; মা বলে যেখানে দেবীকে সম্বোধন করা হচ্ছে, সেখানে যে ভক্ত ও ঈশ্বরীর লীলা—তা কোনো অপর্যায় সূত্র থেকে আসে নি, আমাদের লৌকিক বাৎসল্যই তার ভিত্তিভূমি। সেখানে মানবজীবন এবং মানবতাকেই বারবার বন্দনা করা হয়েছে ঈশ্বরবন্দনার ছলে ॥

চর্ষাপদে যে-মানবতার উদ্বোধন, বাউলদের এবং সহজিয়া সাধকদের মাধ্যমে তা আরো গভীরতর ব্যঞ্জনা পেয়েছে সমগ্র মধ্যযুগের সন্ত সাধকদের ভাবনায়। সন্ত কবীর, দাদু, নানক, রামানন্দ, রঞ্জব—সবাই মালুয়ের মিলনের, প্রাণের মিলনের এবং নিজের মধ্যে অন্তরাতীতকে পাবার আকুল আকাঙ্ক্ষার বেদনায় বিধুর। সাধু রঞ্জব বলছেন, প্রতি বিন্দুর মধ্যেই সিন্ধুর ডাক আছে। তবু একলা যদি একটি বিন্দু সাগরের দিকে ধাবিত হয়, পথেই তো সে নিঃশ্ব হয়ে মরবে। সকলের প্রাণের সঙ্গে মিলিত হও, তবেই দেখবে তোমার মিলন সম্পূর্ণ হয়েছে—

প্রীত অকেলী ব্যর্থ মহা, সিন্ধু বিরহী দিল হোয়।

বুন্দ পুকারে বুন্দকো, গদিমিলে সংযোয় ॥

বুন্দ বুন্দ সাধন মিল, হরিসাগর জাহিঁ ।

প্রাণ গঙ্গা না পছঁ চা, মুদ সঙ্গ সমাহিঁ ॥

সকল বহুধাই বেদ, পরিপূর্ণ সমষ্টিই কোরাণ। গুটি কয়েক শুকনো পুথির পাতাকে আস্ত জগৎ মনে করে পণ্ডিত আর মৌলভীরা ব্যর্থ হয়েছেন। তোমার অন্তরই কাগজ। তাতে প্রাণের অক্ষরে সকল সত্য উজ্জ্বল। সকল হৃদয়ের মিলনে যে বিরাত মানব-ব্রহ্মাণ্ড, তাতে পরিপূর্ণ বেদ-কোরাণ ঝলমল করছে। বাইরের এই কৃত্রিম বাধা সরিয়ে সেই প্রাণ, কোটি ব্রহ্মাণ্ডের সত্যকে পাঠ করো। জীবনে জীবনে যে-প্রাণময় বেদ, পড়তে হলে, হে রঞ্জব, সেই লিপিরই পড়ো—

রক্তব বহুধা বেদ সব

কুল আলম কুরাণ ॥

পণ্ডিত কাজী ব্যর্থ রৈ

দপ্তর দুনিয়া যান ॥

সৃষ্টি শাস্তর হে সহী

বেস্তার করৈ বখান ॥

তপস্যা ধ্যান যাগযজ্ঞ—এসব শুকনো জিনিসে কী হবে? কী হবে জলে স্নান করে? মুক্তি সেখানে নেই। তা-আছে তোমারই জীবনে, তোমারই জীবনের স্বখে দুঃখে, আঘাতে বেদনায়। সেই জীবনের ধ্যান করো মানুষের হৃদয়ের আসনে। মধ্যযুগের সন্ত সাধকরা চর্চাপদের স্বরে স্বরে এই কথাই বলেছেন স্মৃগভীর জীবনবোধের বিশ্বাসে ॥

বর্তমান পৃথিবীর সর্বশ্রেষ্ঠ কবি রবীন্দ্রনাথের মধ্যে এই মানববন্দনাই মহান কাব্যের মাধ্যমে মুক্তি পেয়েছে। ভিতরে বাইরে যে-মানুষ তারই মিলন-সুধায় তিনি ফিরেছেন সারাজীবন। তাঁর জীবনদেবতা জীবনের বাইরে নয়, জীবনের মধ্যেই তাঁর প্রতিষ্ঠা, তাঁর লীলা। সেই মানুষ অন্তরময়, ‘অন্তর মিশালে তবে তার অন্তরের পরিচয়’। তিনি সমগ্র জীবন ধরে যে-সাধনা করেছেন সে-সাধনায় তাঁরই অল্পসন্ধান, যিনি আছেন কবির মনে। তাঁর জন্তেই এত রূপের খেলা রঙের মেলা অসীম সাদায় কালোয় ॥ তাঁকে দেখতে পাবার জন্তেই কবির আকুলতা—

আর রেখো নু আধারে আমার দেখতে দাও।

তোমার মাঝে আমার আপনারে আমার দেখতে দাও ॥

নিজের মনের মধ্যে যিনি লুকিয়ে আছেন, যিনি কবির সমস্ত ভালোমন্দ তাঁর সমস্ত অল্পকূল ও প্রতিকূল উপকরণ নিয়ে কবির জীবনকে রচনা করে চলেছেন—তাঁকেই কবি বলেছেন তাঁর জীবনদেবতা। ‘তিনি যে কেবল আমার ইহজীবনের সমস্ত খণ্ডতাকে ঐক্যদান করে বিশ্বের সঙ্গে তাঁর সামঞ্জস্য স্থাপন করেছেন, আমি তা মনে করি না। আমি জানি অনাদিকাল থেকে বিচ্ছিন্ন বিন্মুত অবস্থার মধ্যে দিয়ে তিনি আমাকে আমার এই বর্তমান প্রকাশের মধ্যে উপনীত করেছেন, আবার বিশ্বের মধ্যে দিয়ে প্রবাহিত অস্তিত্ব ধারার বৃহৎ স্মৃতি তাঁকে অবলম্বন করে আমার অগোচরে আমার মধ্যে আছে।...নিজের প্রবহমান জীবনটাকে যখন নিজের বাইরে অনন্ত দেশকালের সঙ্গে যোগ করে দেখি, তখন জীবনের সমস্ত দুঃখগুলিকেও একটি বৃহৎ আনন্দসুত্রের মধ্যে গ্রথিত দেখতে পাই। আমি আছি, আমি হচ্ছি, আমি চলছি—এইটাকেই একটা বিরাট ব্যাপার বলে বুঝতে পারি। আমি আছি

এবং আমার সঙ্গে সঙ্গেই সমস্ত আছে, আমাকে ছেড়ে এই অসীম অগুণরমাণ্ড থাকতে পারে না, আমার আত্মীয়দের সঙ্গে যে যোগ, এই হৃন্দর শরৎ প্রভাতের সঙ্গে তার চেয়ে কিছুমাত্র কম ঘনিষ্ঠ যোগ নয়—এইজন্তেই এই জ্যোতিরময় শূন্য আমার অন্তরাত্মাকে তার নিজের মধ্যে এমন পরিব্যাপ্ত করে নেয়।……নিজের জীবনের মধ্যে এই যে আবির্ভাবকে অঙ্কভব করা গেছে, যে-আবির্ভাব অতীতের মধ্যে থেকে অনাগতের মধ্যে প্রাণের পালের উপর প্রেমের হাওয়া লাগিয়ে আমাকে কাল-মহানদীর নতুন নতুন ঘাটে বাটে বহন করে নিয়ে চলেছেন, সেই জীবনদেবতার কথা বললাম।’

রবীন্দ্রনাথ জীবনদেবতা বলতে কী বোঝাতে চাইছেন তা তাঁর নিজের কথায় আমরা শুনলাম। তিনি এক এবং অগুণ, ‘তিনি আমার অগোচরে আমার মধ্যে’ কবির অন্তরাত্মাকে তিনি নিজের মধ্যে পরিব্যাপ্ত করে নেন এবং তিনি প্রাণের পালে প্রেমের হাওয়া লাগিয়ে কাল-মহানদীর ঘাটে ঘাটে কবিকে বহন করে নিয়ে চলেছেন। তিনি শুষ্ক ভক্তি চান না, সেই পরম প্রিয়, যিনি আছেন কবির হৃদয়ের গোপন বিজন ঘরে, তাঁর অন্তরে গভীর ক্ষুধা—সে ক্ষুধা ভালোবাসার; তিনি গোপনে চান আলোকহৃদা—সে-আলোক প্রেমের। কবির বিরহের রাত্রির বৃকে সেই ভালোবাসার আলোকহৃদা! ‘তোমার প্রাণের আপন প্রিয়’। এই জীবনের মধ্যে জীবনাতীতের মিলনে কবিগুরুর সমগ্র জীবনের কাবাসাধনা বায়য়। সেইজন্তেই কবির জীবনদেবতা জীবনের বাইরে নেই। তিনি আছেন কবির দেহের মধ্যেই, তাঁকেই ডেকে কবি বারবার বলছেন—

তুমি একলা ঘরে বসে বসে কী হুর বাজালে
 প্রভু আমার জীবনে।
 তোমার পরশ রতন গেথে গেথে আমায় সাজালে
 প্রভু গভীর গোপনে ॥
 দিনের আলোর আড়াল টানি কোথায় ছিলে নাহি জানি,
 অন্তরবির তোরণ হতে চরণ বাড়ালে
 আমার রাতের স্বপনে ॥
 আমার হিয়ায় হিয়ায় বাজে আকুল আঁধার যামিনী,
 সে-যে তোমার বাঁশরী।
 আমি শুনি তোমার আকাশ পারের তারার রাগিণী
 আমার সকল পাশরি।

কানে আসে আশার বাণী—খোলা পাব ছয়ারখানি
 রাতের শেষে শিশির ঝোয়া প্রথম সকালে
 তোমার করুণ কিরণে ॥

কবিগুরু বিশ্বদেবতাকে নিজের মধ্যে দেখতে চেয়েছেন, পৃথিবীর সমস্ত মানুষের সঙ্গে তিনি তার জন্মেই নিজের অস্তরের যোগ দেখতে পান। অথও প্রাণ, অথও জীবন এবং অথও মানবতাই কবির কাব্যজীবনের প্রাণরস। সৃষ্টির আদিকাল থেকে সেই প্রাণের লীলা প্রবহমান বৃক্ষ, লতা, পাতা, নদী, মানুষ—সমস্তের মধ্যে দিয়ে। কবি তাই আশ্চর্য প্রত্যয়ে বলেন—ঝরণা যেমন বাহিরে যায়, জানে না সে কাহারে চায়, তেমনি করে ধ্যেয়ে এলেম জীবনধারা বেয়ে ॥

আধুনিক কালের অগ্রতম শ্রেষ্ঠ কবি জীবনানন্দ দাশও এই অথও প্রাণলীলাকে অল্পভব করেছেন নিজের মধ্যে—অবশ্য অল্প উজ্বিতে। তিনি আশ্চর্য বিস্ময়ে দেখেন, হাজার হাজার বছর ধরে পৃথিবীর পথে হেঁটে, সিংহল সমুদ্র থেকে নিশীথের অঙ্ককারে মালয় সাগরে, বিশ্বিসার অশোকের ধূসর জগতে, আরো দূর অঙ্ককারে বিদর্ভ নগরে শ্রাবস্তীর কারুকার্যসম্বিত যে-মুগ তাঁকে শাস্তি দিয়েছিল,—সেই এক নারীই পাখির নীড়ের মতো চোপ তুলে আড়কের নাটোরের বনলতা সেন হয়ে তাঁর দিকে চেয়ে থাকে। জীবনের সব লেনদেন ফুরালেও ‘থাকে শুধু অঙ্ককার, মুগোমুখি বসিবার বনলতা সেন।’ এই বনলতা সেনই চিরকালের এক এবং অথও মানুষ। তাঁর প্রতিই মানুষের চিরঅালুগত্য। ক্রোধ, রিরঃসা, রক্তক্ষত, ঘেম, সন্দেহের ছায়াপাত, শব ব্যবচ্ছেদ—সব মিলে পৃথিবীকে আজ ব্যবহারের গণিকা করে তুললেও সমস্ত অঙ্ককার ছাপিয়ে কবির মনে সেই চিরস্থর্ষের আলোকপ্রত্যয়—

মানুষের মৃত্যু হলে তবুও মানব

থেকে যায় ; অতীতের থেকে উঠে আজকের মানুষের কাছে

প্রথমত চেতনার পরিমাপ নিতে আসে।

সেই অথও মানবিকতার বোধেই কবি নিঃসংশয়ে বলেন :

মানুষেরা বারবার পৃথিবীর আয়ুতে জন্মেছে ;

নব-নব ইতিহাস সৈকতে ভিড়েছে ;

তবুও কোথাও সেই অনির্বচনীয়


স্বপনের সফলতা—নবীনতা—শুভ্র মানবিকতার ভোর ?

নচিকেতা জরাধর্মুষ্ঠ লাওৎ-সে এঞ্জেলো রুশো লেনিনের মনের পৃথিবী

হানা দিয়ে আমাদের স্বরণীয় শতক এনেছে ?

অন্ধকারে ইতিহাস পুরুষের সপ্রতিভ আঘাতের মতো মনে হয়
 যতই শান্তিতে স্থির হ'য়ে যেতে চাই ;
 কোথাও আঘাত ছাড়া—তবুও আঘাত ছাড়া অগ্রসর সূর্যালোক নাই ।
 হে কালপুরুষ তারা, অনন্ত স্বপ্নের কোলে উঠে যেতে হবে
 কেবলই গতির গুণগান গেয়ে—সৈকত ছেড়েছি এই স্বচ্ছন্দ উৎসবে ;
 নতুন তরঙ্গে রৌদ্রে বিপ্লবে মিলন সূর্যে মানবিক রণ
 ক্রমেই নিস্তেজ হয়, ক্রমেই গভীর হয় মানবিক জাতীয় মিলন ।
 নব-নব মৃত্যুশব্দ রক্তশব্দ ভীতিশব্দ জয় করে মানুষের চেতনার দিন
 অমেয় চিন্তায় প্যাত হয়ে তবু ইতিহাস ভুবনে নবীন
 হবে না কি মানবকে চিনে—তবু প্রতিটি ব্যক্তির ঘাট বসন্তের তরে !
 সেই সব সূনিবিড় উদ্বোধনে —‘আছে আছে আছে’ এই বোধির ভিতরে
 চলেছে নক্ষত্র, রাত্রি, সিন্ধু, রীতি, মানুষের বিষয় হৃদয় ;
 জয় অস্তসূর্য, জয়, অলপ অরণোদয়, জয় ।

এট সাহিত্যিক মানবিকতার উদ্বোধন বাংলা কাব্যে প্রথম হয়েছে চর্চাপদে ।
 তার প্রবাহ আজও চলেছে সমস্ত বাঙালী কবির মধ্যে । চর্চাপদ বাংলা কাব্যের
 প্রধান স্তরটি চিনিয়ে দিয়েছে হাজার বছর আগে । সেইজন্মেই চর্চাপদ বাংলা
 কাব্যের উদ্যালয়ে সবচেয়ে উজ্জল জ্যোতিষ্ক—সেই জ্যোতিষ্কের আলো আজও
 নিম্প্রভ হয় নি, বাংলা কাব্যের সীমাহীন আকাশে তার জ্যোতি শান্ত মাধুর্যে
 মণ্ডীয়ান ॥



॥ पत्रिशिष्ट ॥

॥ चर्चापद ॥

॥ मूल ओ पाठान्तर ॥

॥ आधुनिक बांगलाय रूपान्तर ॥

॥ रूपकार्थ शब्दार्थ ओ टीका ॥

॥ লুইপাদ ॥

॥ রাগ পটমঞ্জরী ॥

কায়া তরুর পঞ্চ-বি ডাল ।
চঞ্চল চীএ পইঠো কাল ॥
দিট^১ করিঅ মহাসুহ পরিমাণ ।
লুই ভণই গুরু পুচ্ছিঅ জ্ঞাণ ॥
সকল সমাহিঅ^২ কাহি করিঅই ।
সুখ দুখেতে নিচিত মরিআই ॥
এড়িএউ ছান্দক বান্ধ করণক পাটের আস ।
শুশুপাখ ভিড়ি^৩ লাহ রে পাস ॥
ভণই লুই আম্হে সানে^৪ দিঠা ।
ধমণ^৫ চমণ বেণি পাণ্ডি বইঠা^৬ ॥*

॥ পাঠান্তর ॥

১. দিট। ২. সহিঅ। ৩. ভিত্তি। ৪. ঝানে। ৫. ধবন। ৬. লইণ ॥

॥ আধুনিক বাংলায় রূপান্তর ॥

কায়া তরুর মতো : পাচটি তার ডাল। চঞ্চল চিত্রে কাল (মৃত্যু) প্রবেশ করেছে। (চিত্র) দৃঢ় করে মহাসুখ পরিমাণ কর। লুই বলছেন. (কীভাবে তা করতে হবে) তা গুরুকে জিজ্ঞাসা করে জেনে নাও। সমস্ত সমাধিতে কী করে ; সুখ দুঃখে সে নিশ্চিত মরে (অর্থাৎ সমাধিতে সাময়িকভাবে দুঃখের প্রভাব থেকে মুক্ত হওয়া যায়, কিন্তু সমাধি ভাঙলেই আবার সেই পূর্বাবস্থা)। এড়িয়ে যাও ছন্দের (বাসনার) বন্ধন ও করণের (ইঞ্জিয়ের) পারিপাট্যের আশা (অর্থাৎ, বাসনার বন্ধন এবং ইঞ্জিয়ের পরিতৃপ্তির আশা পরিত্যাগ কর), শূশুপাখা পাশে চেপে ধর (শূশুতত্ত্ব বিচারের দিকে অগ্রসর হও)। লুই বলেছেন, আমি সংজায় (ধ্যানে) দেখেছি। ধমণ (পুরক) চমণ (রেচক) দুই পিঁড়িতে (আমি) উপবিষ্ট ॥

রূপকার্যের জগৎ পৃষ্ঠা ৫৬ ব্রহ্মব্যা ॥

॥ কুক্কুরীপাদ ॥

॥ রাগ গবড়া (গউড়া) ॥

ছলি ছহি পিটা ধরণ ন জাই ।
রুখের ভেস্তুলি কুস্তীরে খাঅ ॥
আঙ্গন^১ ঘরণ^২ সুন ভো বিআতী ।
কানেট চৌরি^৩ নিল অধরাতী ॥
সসুরা^৪ নিদ গেল বহুড়ী জাগঅ ।
কানেট চোরে নিল কা গই মাগঅ ॥
দিবসই বহুড়ী কাউই^৫ ডরে ভাঅ ।
রাতি ভইলে কামরু জাঅ ॥
অইসনি^৬ চৰ্ম্যা কুক্কুরীপাএ^৭ গাইউ ।
কোড়ি মৰে^৮ একু^৯ হিঅহি^{১০} সমাইউ^{১১} ॥

॥ পাঠান্তর ॥

১. অঙ্গন । ২. 'ঘরণ' আছে প্রাতীলাপতে, বৃত্তি অহুসারে 'ঘর আন' ।
৩. চৌরে । ৪. সসুরা, বৃত্তি অহুসারে 'সসুরা' । ৫. 'মূলে 'কাউই', বৃত্তি অহুসারে
'কাউই' । ৬. অইসন । ৭. একুড়ি অহি । ৮. সনাইড় ॥

॥ আধুনিক বাংলায় রূপান্তর ॥

কাছিম ছইয়ে পিটায় (কেড়েয়) ধরা যাচ্ছে না । গাছের তেঁতুল সব কুমিরেই
থায় । ঘরের মধ্যে আঙিনা, শোন ওগো অবধুতী । অর্ধরাত্রে চোরে (কানের)
কানেট নিয়ে গেল । খস্তর ঘুমিয়ে গেল, বউ জেগে আছে । কানেট যে চোরে
নিল, তা কোথায় গিয়ে সে খুঁজবে (চাইবে) । দিনের বেলায় বউটি কাকের
ভয়ে ভীত ; রাত্রি হলে সে কামরুপে (কামে প্রীত হতে) যায় । এই রকম চৰ্মা
কুক্কুরীপাদের দ্বারা গাওয়া হল । কোটির মধ্যে একজনের হৃদয়ে তা প্রবেশ করল ॥

॥ রূপকার্থ ॥

যারা অনভিজ্ঞ তারা চিত্তকে নির্বাণমার্গে চালিত করতে পারে না, সহজানন্দও
উপভোগ করতে পারে না ; কিন্তু যে গুরুর উপদেশ পেয়েছে সে কুস্তক সমাধির
সাহায্যে তার চিত্তকে নিঃস্বভাবে নিয়ে যেতে পারে ।

দেহরূপ ঘরের মধ্যেই মহাহুখের বা সহজানন্দের আঙিনা, সেখানেই নির্বাণ লাভ করা যায়। সহজানন্দ-রূপ চোর প্রকৃতিদোষ হরণ করে নিয়ে যায় অর্ধরাজে বা প্রজ্ঞাজ্ঞানের অভিব্যেক দানের সময়ে। তখন যোগীর মনে অতীন্দ্রিয় আনন্দ, ভববিকল্পগুলি তিরোহিত, তাই যোগীর মনে তখন পরিশুদ্ধ প্রকৃতিরূপিণী বধু জেগে থাকে ; সহজানন্দ অহুভূত হবার পরে চিত্ত লয় প্রাপ্ত হয়, গ্রাহগ্রাহকভাব তিরোহিত হয়। দিন অর্থ চিন্তের সজাগ অবস্থা, তখন চিত্ত জগতের ভীষণ পরিণতি দেখে ভীত হয় ; আর রাত্রি অর্থ চিন্তের পরিশুদ্ধ স্তনুপ্তি অবস্থা, তখনই সে মহাহুখসংগমে বা কামরূপে যায়। সহজেই বোঝা যাচ্ছে, এই তন্মতি দুক্লহ, সেইজন্মেই কুক্করীপাদ বলছেন, এই চর্চার অর্থ কোটির মধ্যে এক জনের হৃদয়ে প্রবেশ করতে পারে ॥

॥ শব্দার্থ ও টীকা ॥

তুলি = স্ত্রী-কচ্ছপ। পিটা = দেহরূপ পীঠ। দেহের মধ্যে ২৪টি পীঠ বৌদ্ধ বজ্র-যানীরা কল্পনা করেছেন। রুখের < বৃক্ষের। 'ঋ' ফলার লোপ—পালিতে বৃক্ষ > রুখ ॥ আঙ্গণ < অঙ্গন ॥ বিআতী = বিজ্ঞপ্তি থেকে ॥ কানেট = রুক্ষত ? > কানেট ? কানেট ? ॥ ভায় = ভীত হই। ভয় থেকে নামধাতু ॥ হিঅহি = সং. হৃদয় > প্রা. হিঅহ > হিআ, অধিকরণে হিঅহি ॥ সমাইড় -- সং. সম্মাপরতি > প্রা. সম্মাহই > সামাহ > সমাহ + অতীতের ইল > সমাইল > সমাইড় (মধা ভারতীয়-আর্য ভাষায় 'ল' ধ্বনির 'ড়' এবং বিপরীত ভাবে 'ড়' ধ্বনি 'ল'-তে পরিবর্তন অন্ততম প্রধান বিশেষত্ব) ॥

। চর্চা ৩ ।

॥ বিরুআ ॥

॥ রাগ গবড়া (গউরা) ॥

এক সে শুণ্ডিনী^১ দুই ঘরে সাক্ষঅ ।

চীঅণ বাকলঅ বারুণী বাক্ষঅ ॥

সহজে থির করি বারুণী বাক্ষ^২ ।

জে অজরামর হোই দিট^৩ কাক্ষ^৪ ॥

দশমি দুআরত চিহু দেখইআ ।

আইল গরাহক অপণে বহিআ ॥

চউশঠী ঘড়িয়ে দেত^৫ পসারা ।

পইঠেল গরাহক নাহি নিসারা ॥

এক ঘড়ুলী^৬ সরুই নাল ।

ভগন্তি বিরুআ থির করি চাল ॥

। পাঠান্তর ।

১. শুভিনিনী । ২. সাক্ষে । ৩. দিট । ৪. কাক্‌ক্‌ । ৫. দেট । ৬. স ডুলি, ঘড়লী (ঘটি) ॥

। আধুনিক বাংলার রূপান্তর ।

এক শুভিনী হুই ঘরে ঢোকে, সে চিকণ বাকল দিয়ে বারুণী (মদ) বাঁধে । সহজকে স্থির করে বারুণী বাঁধ, যেন তুমি অজর অমর এবং দৃঢ়ক্ক হতে পার । দশমী ছুয়ারে চিহ্ন দেখে (অর্থাৎ, শুভীর ঘরের চিহ্ন দেওয়া আছে ছুয়ারেই, যাতে সবাই চিনে নিতে পারে) গ্রাহক নিজেই চলে আসে । চৌষটি ঘড়ায় (ঘটিতে) মদ ঢালা হয়েছে, গ্রাহক যে ঘরে ঢুকল তার আর নিজ্‌ক্‌মণ নেই (মদের নেশায় এমনই বিভোর !) । সরু নাল দিয়ে একটি ঘড়ায় (বা ঘটিতে) মদ ঢালা হচ্ছে, বিরুবা বলছেন—(সরু নাল দিয়ে) চাল স্থির করে (মদ ঢাল) ।

। শকার্থ ও টীকা ।

শুভিনী = নৈরাশ্রাদেবীর রূপক, তিনি কখনও ভোদ্বী, কখনও শবরী ॥ হুই ঘরে = হুই নাড়ীতে ॥ চীঅণ < সং. চিক্‌ণ ॥ বারুণী = বোধিচিত্ত ॥ দশমী ছুয়ারত = নবধারের অতিরিক্ত নির্বাণরূপ দশম দ্বার ॥ গরাহক < গ্রাহক, বিপ্রকর্ষের প্রভাবে গরাহক ॥ চউশঠী = দেহের চৌষটি পীঠের রূপক ॥ দেল < দত্ত + ইল, বিশেষণ ॥ থির করি চাল = বোধিচিত্তকে স্থির করে চালিত কর ॥

। চর্চা ৪ ।

। গুণুরীপাদ ।

। রাগ অরু ॥

তিঅড়া^১ চাপী জোইনি দে^২ অঙ্কবালী ।

কমল-কুলিষা ঘাটে^৩ করছ^৪ বিআলী ॥

জোইনি তঁই বিহু খনহি^৫ ন জীবমি ।

তো মুহ চুস্বী কমলরস পীবমি ॥

খেঁপছ^৬ জোইনি লেপ ন^৭ জায় ।

মণিকূলে^৮ বহিআ ওড়িআণে সমাঅ^৯ ॥

সাসু ঘরে^{১০} ঘালি কোঞ্চা তাল ।

চান্দসুজ বেণি পথা ফাল ॥

ভণই গুডরী অহ্‌মে কুন্দুরে বীরা ।

নরঅ নারী মার্বে^{১১} উভিল চীরা ॥

। পাঠান্তর ।

১. তিঅজ্জা । ২. দেই । ৩. ঘাণ্ট । ৪. পেপছ । ৫. 'লেপন জায়' ।
৬. মণিমূলে । ৭. সগাঅ ॥

। আধুনিক বাংলায় রূপান্তর ।

ত্রিনাড়ী (কিংবা মতান্তরে জঘন কিংবা মেখলা) চেপে যোগিনি, আলিঙ্গন লাও । পদ্মবজ্রের ঘাঁটে বিকাল করব (অর্থাৎ, বজ্রপদ্ম সংযোগে চিত্তকে শূন্যতায় পরিপূর্ণ করে কালরহিত অবস্থায় সহজানন্দ লাভ করব) । যোগিনি, তোমাকে ছেড়ে আমি এক মুহূর্তও বাঁচি না, তোমার মুখে চূষন করে আমি কমলরস পান করে থাকি । উৎক্লিপ্ত হতে হে যোগিনী, লেপন করা যায় না । মণিকূল (বা মণিমূল) বেয়ে উর্ধ্বস্থানে প্রবেশ করে । শাস্ত্রভীর ঘরে তালাচাপি পড়ল, চাঁদ সূর্য দুই পাপাঃ পুণ্ডন কর (অর্থাৎ গ্রাহ-গ্রাহকভাব দূর কর) । গুণ্ডরীপাদ বলছেন, আমি উচ্ছিন্নসত্ত্বোগে (সুরতে) নীর, নর-নারীর মাঝখানে চিহ্ন (পতাকা) তোলা হল ॥

। রূপকার্ণ ।

টীকা অশ্রুযায়ী, এই চর্চায় যে-সমস্ত রূপক ব্যবহার করা হয়েছে তার অর্থ এত রকম :—ত্রিনাড়ী—ললনা, রসনা আর অবধূতিকা । আলিঙ্গন দেওয়ার অর্থ, আনন্দ ও আশ্বাস দান করা । পদ্মবজ্রের অর্থ, চিত্তকমলের সঙ্গে শূন্যতারূপ বজ্রের মিলনে । বিকাল কথাটির সাংকেতিক অর্থ কালহীন বা সময়-নিরপেক্ষ । 'বিকাল করব' কথাটির তাৎপৰ্য, কালরহিত অবস্থায় বা নিরবচ্ছিন্নভাবে সহজানন্দ লাভ করব । জেইনী বা যোগিনী এখানে নৈরাশ্রা । 'যোগিনি, তোমাকে ছাড়া ক্রণমাত্র বাঁচি না' এই কথাটির দ্বারা কবি বোঝাতে চাইছেন, নৈরাশ্রা ছাড়া সাধক এক মুহূর্তও বাঁচতে পারেন না । 'উৎক্লিপ্ত হতে লেপন করা যায় না'—এর দ্বারা সাধক বোঝাতে চাইছেন, নৈরাশ্রাকে পাবার উদগ্র বাসনা জাগরিত হলে বোধিচিত্ত মোহলিপ্ত অবস্থায় থাকতে পারে না, কারণ বোধিচিত্ত মোহলিপ্ত অবস্থায় থাকলে নৈরাশ্রাকে পাবার বাসনাও তো জাগবে না । 'মণিকূল বেয়ে উর্ধ্বস্থানে প্রবেশ করে'—এর আধ্যাত্মিক অর্থ, আনন্দরস পান করার পর বোধিচিত্ত মূলাধার-চক্র থেকে মহাস্বথ-চক্রে অস্থিহিত হয় । চন্দ্রসূর্য গ্রাহ-গ্রাহকভাবের প্রতীক । যতক্ষণ সাধকের মনে গ্রাহ-গ্রাহক ভাব থাকবে ততক্ষণ সে মুক্তি পাবে না, তাই নির্বাণ লাভ করতে গেলে এই ভাব দুটি ছাড়তে হবে ॥

। চাটিলপাদ ।

॥ রাগ গুৰ্জরী (গুৰুরী) ॥

ভবণই গহণ গন্তীর বেগে বাহী ।
হুআস্তে চিখিল মাৰ্খে ন বাহী ॥
ধামার্থে চাটিল সাক্ষম গাটই^১ ।
পারগামি-লোঅ নিভর তরই ॥
ফাডিঅ^২ মোহতরু পটি^৩ জোডিঅ ।
আদঅদিটি^৪ টাকী নিবাণে কোডিঅ^৫ ॥
সাক্ষমত চড়িলে দাহিণ বাম মা হোহী ।
নিয়ড্‌ডী^৬ বোহি দূর মা^৭ জাহী ॥
জই তুমহে লোঅ হে হোইব পারগামী ।
পুচ্ছতু^৮ চাটিল অমৃত্তরসামী ॥

॥ পাঠান্তর ।

১. গটই, গড়ই । ২. ফাডিঅ । ৩. পাটি । ৪. দিটি । ৫. কোহিঅ ।
৬. নিয়ডী । ৭. ম । ৮. পুচ্ছহ ॥

। আধুনিক বাংলায় রূপান্তর ॥

ভবনদী গহন এবং গন্তীর, সবগে তা প্রবাহিত হচ্ছে। হুই ধারে তার কাদা, মাঝখানে থই পাওয়া যায় না। ধর্ম-সাধনার জন্তে চাটিলপাদ তার উপর একটা সাকো গড়ে দিয়েছেন, যাতে ওপারে যেতে ইচ্ছুকরা নির্ভয়ে (এই ভবনদী) পার হতে পারে। মোহতরু কেড়ে ফেলা হয়েছে, পাটিও জোড়া দেওয়া হয়েছে, অধয় (জ্ঞানরূপ) টাকী দিয়ে নির্বাণে দৃঢ় কর। সাকোয় চড়ে ডান দিক বাম দিক কোর না, বোধি (তোমার) নিকটেই, (তার জন্তে) দূরে যেও না। যদি তোমরা, হে লোকেরা, পারগামী হতে চাও, তবে অমৃত্তরসামী চাটিলপাদকে জিজ্ঞাসা করে পার হবার কৌশল জেনে নাও।*

॥ শব্দার্থ ও টীকা ।

ভবণই = ভবনদী ॥ গন্তীর = প্রকৃতি দোষাদ্ গভীরম্, প্রকৃতিদোষ হেতু গভীর ॥
বেগে < বেগেন ॥ বাহী = বহে যায়, বাহিঅই > বাহিএ > বাহী ॥ হুআস্তে = হু +

স্বপকার্ণের অন্ত পৃষ্ঠা ৫৭ ব্রহ্মবা

অস্তে দুই ধারে । চিখিল=সং. চিখল, পঙ্কলিপ্ত ॥ ধাহী=সং. স্থিত ॥ ধাষার্থে=
 ধর্মার্থে ॥ ফাড়িঅ=ফাটায়িত্ব ॥ সাকম<সং. সংক্রমণ ॥ গড়ই<গঠতি ॥ দিচ্
 কোরিঅ<দৃচ্ করোতি ॥ অদঅ দিচ্টি=অব্যয়জ্ঞানকে দৃচ্ করে । নিয়ড্‌ডি
 বোহি=নিকটে বোধি । নিকট>নিঅড্>নিয়ডিড্ । বোধি>বোহি ॥ অচ্‌স্তর=
 সর্বশ্রেষ্ঠ ॥

। চর্চা ৬ ।

॥ ভুসুকুপাদ ॥

॥ রাগ পটমঞ্জরী ॥

কাহেরে^১ ঘিনি মেলি অচ্ছ^২ কীস ।

বেটিল^৩ হাক পড়অ চৌদীস ॥

অপণা মাংসেঁ হরিণা বৈরী ।

খনহ ন ছাড়অ ভুসুকু^৪ অহেরি ॥

তিগ ন চ্ছপই^৫ হরিণা পিবই ন পানী ।

হরিণা হরিণির নিলঅ গ জাগী ॥

হরিণী বোলঅ হরিণা শূণ হরিআ তো ।

এ বণ চ্ছড়ী হোল ভাস্তো ॥

তরঙ্গতে হরিণার খুর ন দীসঅ ।

ভুসুকু ভণই মূঢ়া হিঅহি গ পইসঙ্গ ॥

। পাঠাস্তর ॥

১. কাইহরি, কাহের । ২. আচ্ছ । ৩. বেটিল । ৪. ভুকু । ৫. পঙই ।

। আধুনিক বাংলায় রূপাস্তর ॥

কাকে গ্রহণ করে ছেড়ে আছ (বা আছি) কিসে, আমাকে ঘিরে চারদিকে হাক
 পড়ছে । নিজের মাংসের জগ্গেই হরিণ নিজের শত্রু । কণমাত্রও ভুসুকু শিকারী
 ছাড়ে না । হরিণ তৃণ স্পর্শ করে না (বা দাঁতে কাটে না), সে জলও ছোঁয় না,
 হরিণ হরিণীর নিবাস কোথায় তা জানে না । হরিণী হরিণকে বলছে—ও হরিণ, তুই
 শোন তো,—এই বন ছেড়ে তুই ভ্রান্ত হ' (দূরে চলে যা) । তরঙ্গে তরঙ্গে (হরিণের
 গতি যেন ঢেউ তুলে তুলে ছোটার মতো, তাই তার দৌড়ানোকে বলা হচ্ছে তরঙ্গে
 তরঙ্গে) হরিণের খুর দেখা যায় না । ভুসুকু বলছেন—মূঢ়ের হৃদয়ে (এই তত্ত্ব)
 প্রবেশ করে না ॥

৭. রূপকার্থ ও টীকা ।

কাহরে=কীরূপে ॥ ঘিনি<সং. গৃহীত্বা। গ্রহ্, ধাতু থেকে গৃহীতি>ঘিনি ॥
অচ্ছ<অচ্, ধাতু থেকে 'আমি আছি' এই অর্থে ॥ কীস<কন্। বেটিল=বেটিত ॥
হাক<দেশি 'হকক' শব্দ থেকে ॥ পড়অ=পততি>পড়ই>পড়এ>পড়অ ॥ চৌদীস
<চতুর্দিশ ॥ কহেরি<সং. আখেটীক, শিকারী ॥ চুপই<সং. স্পৃশতি ॥ হোছ
ভাঙো=রূপকার্থ—'ত্রাস্তিরূপ বিকারহীন হও' ॥ হিঅহি=হৃদয়ে। হৃদয়>হিঅঅ
>হিআ, অধিকরণে হিঅহি ॥ পইসই<প্রবিশতি ॥*

। চর্চা ৭ ।

॥ কাহু পাদ ॥

॥ রাগ পটমঙ্গরী ॥

আলিএ^১ কালিএ^২ বাট রুঙ্কেলা^২ ।

তা দেপি কাহু বিমন ভইলা ॥

কাহু কহি^৩ গই^৪ করিব নিবাস ।

জো মনগোঅর সো উআস ॥

তে তিনি তে তিনি তিনি হো ভিন্না^৫ ।

ভগই কাহু ভব পরিচ্ছিন্না ॥

জে জে আইলা তে তে গেলা^৬ ।

অবণাগবণে কাহু বিমন ভইলা^৬ ॥

হেরি স্নে কাহি নিঅড়ি জিনউর বট্টই ।

ভগই কাহু মো-হিঅহি ৭ পইসই^৭ ॥

॥ পাঠান্তর ।

১. অলিএ । ২. বাটএ রুঙ্কেলা । ৩. কহিব গই । ৪. 'তিনি অভিন্না' ।
৫. গইলা । ৬. ভইঙ্কেলা । ৭. পইট্টই ॥

॥ আধুনিক বাংলায় রূপান্তর ॥

আলি-কালিতে পথ রুদ্ধ হল। তা দেপে কাহু বিমন হল। কাহু কোথায়
গিয়ে নিবাস করবে? যারা মনগোচর তারাই উদাস। তারা তিন (জন), তারা
তিন, (সেই) তিনজন অভিন্ন। কাহু পাদ বলছেন, ভব (পৃথিবী) বিনষ্ট হল।
যারা যারা এসেছে (এল), তারা তারাই গিয়েছে : (গেল)। গমনাগমনে কাহু

রূপকার্থের জন্ম পৃষ্ঠা ৫৮ দ্রষ্টব্য ॥

বিমন হল। কারুর নিকটেই আছে জিনপুর তা দেখতে পাচ্ছি। কারুপাদ বলছেন, আমার হৃদয়ে প্রবেশ করে না (কিংবা, সেই জিনপুরে মোহহেতু প্রবেশ করতে পারি না) ॥*

॥ শব্দার্থ ও টীকা ॥

আলিএঁ কালিএঁ = বৃত্তিকারের ব্যাখ্যা অনুসারে আলি হচ্ছে লোকজ্ঞান, কালি হচ্ছে লোকভাস। কারুপাদের আরেকটি চর্চায় (নং ১১) আলি-কালির অর্থ “পরিশোধিত চন্দ্র-সূর্য”। আবার আরেক জায়গায় আলি-কালির অর্থ স্বরবর্ণ ও ব্যঞ্জনবর্ণ। আলিএঁ কালিএঁ = আলিকালির দ্বারা, করণে ওয়া ॥ তে তিনি তে তিনি তিনি হো ভিন্না’—কথাটির ‘তিন’ শব্দটির সঙ্খ্যা বা সংকেত হচ্ছে—বাহু অর্থে—স্বর্গ-মর্ত্য-রসাতল; অধ্যাত্ম অর্থে—কায়-বাক্-চিত্ত। কিংবা দিন-রাত-সঙ্খ্যা (বাহু অর্থে), যোগ-যোগিনী-তন্ত্র (অধ্যাত্ম অর্থে) ॥ জিনপুর = মহাসুখপুর, সহজ্জন্ম প্রাপ্তি ॥ মনগোঅর < মনগোচর ॥ উআস < উলাস ॥ অবণাগবণ < গমনাগমন ॥ নিঅড়ি = নিকটে ॥ বট্টই < বহুতে ॥ মো-হিঅহি = আমার হৃদয়ে, অধিকরণে ‘মী’ ॥

॥ চর্চা ৮ ॥

॥ কামলি (কামলাস্বরপাদ) ॥

॥ রাগ দেবক্লী ॥

সোনে ভরিলী^১ করুণা নাবী ।
 রূপা থোই নাহি কে^২ ঠাবী ॥
 বাহতু কামলি গঅণ উবেসেঁ ।
 গেলী জাম বহুড়ই^৩ কইসেঁ ॥
 খুণিট উপাডী মেলিলি কাচ্ছি ।
 বাহ তু কামলি সদগুরু পুচ্ছি ॥
 মাজত চটিলে^৪ চউদিস চাহঅ ।
 কেড়ুআল নাহি কেঁ কি বাহবকে পারঅ ॥
 বাম দাহিণ চাপী মিলি মিলি মাগা^৫ ।
 বাটত মিলিল মহাসুখ সঙ্গা ॥

* রূপকারের মন্ত পৃষ্ঠা ৫২ ব্রহ্মবা ॥

॥ পাঠান্তর ॥

১. ভরিতী । ২. মহিকে, বৃষ্টি অল্পসারে 'নাহি কে' । ৩. বহুই । ৪. চনহিলে ।
৫. মাদ্ধা ॥

॥ আধুনিক বাংলায় রূপান্তর ॥

সোনায় পরিপূর্ণ (আমার) করুণা-নৌকা, রূপা যে রাখব তার জায়গা নেই ।
কামলি, তুমি গগন উদ্দেশে (নৌকা) বেয়ে চল । গভজয় কিসে ঘুরে আসে
(দেখি) । খুঁটি উপড়িয়ে (তুমি) কাছি মেলে দাও, সদ্গুরুকে জিজ্ঞাসা করে
তুমি (নৌকা) বেয়ে চল । পিছনে চড়লে (তুমি) চারদিকে তাকাও ; হাল নেই,
(এই অবস্থায়) কে (নৌকা) বাইতে পারে ? বামদিক ডানদিক চেপে মিলে
মিলে মার্গে (অর্থাৎ বিরমানন্দের পথের সঙ্গে সর্বদা মিলিত ভাবে থেকে) বাটে
মহাস্থ-সঙ্গ মিলন (পাওয়া গেল) ॥*

॥ শব্দার্থ ও টীকা ॥

সোনে=এখানে দুটি মানে । একটি অর্থ সোনা, অল্প অর্থ শূন্য । 'শূন্য' ও
'করুণা' চর্চাগীতিকারদের ব্যবহৃত দুটি মৌলিক শব্দ । শূন্য ও করুণা=পুরুষ-প্রকৃতি
(সাংখ্য), ব্রহ্ম ও মায়া (বেদান্ত), সহজ সাধনার নিরঞ্জন ও নৈরাশ্রার প্রতীক ।
একটি মানে, 'সোনায় ভরতি করুণা-নৌকায় রূপা রাখবার জায়গা নেই ; অল্প অর্থ,
'শূন্য বা সহজাবস্থা পাওয়াতে রূপের জগতের বা ভেদজ্ঞানের বোধ নেই' ॥ ঠান্ডি=
ঠাই ॥ উবেসে=উদ্দেশে ॥ বাহুই<সং. ব্যাঘুটতি, ফিরে আসে ॥ কইসে
<কীদর্শনে, কেমন করে ॥ খুঁটি=কাঠের খাম, খুঁটি ; রূপক অর্থ 'আভাসদোষ' ॥
কাছি=কাছি ॥ কেডুআল<সং. কুপীটপাল>প্রাকৃত কঙ্কড়বাল>প্রাচীন বাংলায়
কেডুআল ॥ বাহবকে=বাহু ধাতু+ভবিষ্যৎ কালে 'ইব'>বাহব+চতুর্থীর 'কে'=
বাহবকে ; বাইতে, বাইবার জন্তে ॥ বাম দাহিণ—বাম দক্ষিণ ; রূপকার্থ—গ্রাহ-
গ্রাহকভাবে ॥ মহাস্থ সঙ্গ—মহাস্থসঙ্গ, নৈরাশ্রজ্ঞানের অভিব্যক্ত ॥

॥ চর্চা ৯ ॥

॥ কাল্পূপাদ ॥

॥ রাগ পটমঞ্জরী ॥

এবংকার দৃঢ় বাথোড় মোড়িঅ^১ ।

বিবিহ বিআপক বাক্গণ তোড়িঅ^২ ॥

* রূপকার্থের জন্ত পৃষ্ঠা ৫২ উষ্টব্য ॥

কাহ্নু^৩ বিলসই আসবমাতা ।
 সহজ নলিনীবন পইসি নিবিতা ॥
 জিম জিম করিয়া^৪ করিগিরে^৫ রিসঅ ।
 তিম তিম তথতা মঅগল বরিসঅ ॥
 ছড়গই^৬ সঅল সহাবে সূধ ।
 ভাবাভাব বলাগ ন ছুধ ॥
 দশবর^৭ রঅণ হরিসঅ দশ দিসে ।
 বিত্য়াকরি^৮ দমকুঁ^৯ অকিলেসে^{১০} ॥

॥ পাঠান্তর ॥

১. মোড়িডউ । ২. তোড়িউ । ৩. কাহ্নু । ৪. করিণা । ৫. করিগিরে ।
 ৬. ছড়িগই । ৭. দশবল । ৮. অবিত্য়াকরি । ৯. মদন^১ দমন^২) কুরু ।
 ১০. অহিনেসে, অনাসঞ্জেণ ॥

॥ আধুনিক বাংলায় রূপান্তর ॥

এবংকার (দিবারাজিজ্ঞান, কালবোধ) দৃঢ় বাখোড় (বন্ধনশস্ত) ভেঙে বিবিধ
 ব্যাপক (সব) বন্ধন টুটে ফেলে, কাহ্নুপাদ আসবমত্ত (হয়ে) বিলাস করে, সহজ
 নলিনীবনে প্রবেশ করে নিবৃত্ত (শাস্ত) হয় । যেমন যেমন করী করিগীরে আসক্ত
 হয়, তেমনি তেমনি মদকল (মদস্রাবী হস্তী) তথতা (নিজ সত্য স্বভাব) বর্ষণ করে ।
 ষড়্গতিতে সকল স্বভাবে শুদ্ধ । ভাবে এবং অভাবে কেশের অগ্রভাগও বিচলিত
 (ক্ষুদ্র) হয় না । দশদিকে দশ বররত্ন আহরণ করা হয়েছে, বিদ্যারূপ করীকে
 বিনাক্রেশে (অক্রেশে) দমন করার জন্ত ॥

॥ রূপার্থ ॥

নিজেকে মত্তহস্তীর সঙ্গে তুলনা করে কাহ্নুপাদ বলছেন, মত্তহস্তী যেমন বন্ধন-
 শস্তের শিকল ছিঁড়ে ফেলে কমলবনে প্রবেশ করে ক্রীড়ারত হয়, তেমনি কাহ্নুপাদ
 সংসারের সমস্ত লৌকিক ও আধ্যাত্মিক বন্ধন ছিঁড়ে ফেলে জ্ঞানাসব পানে প্রমত্ত
 হয়ে মহাস্বথস্বরূপ সহজনলিনীবনে গিয়ে নির্বিকল্প ক্রীড়ায় মগ্ন । হস্তিনীকে দেখে
 হস্তী মদস্রাবী হয়, তেমনি নৈরাশ্রার সান্নিধ্যে তিনি তথতামদ বর্ষণ করছেন । এই
 অবস্থায় উপনীত হয়ে তিনি বুঝতে পারছেন, ভাবাভাব বা স্থিতি ও লয় বিক্ষুন্মাত্রও
 অপরিশুদ্ধ নয়, কারণ সকলেই ধর্মকায় থেকে উৎপন্ন । তিনি বুঝতে পেরেছেন,
 তথতারূপ দশরত্ন পৃথিবীর দশদিকে ছড়ানো ; যোগাভ্যাসের দ্বারা, তাদের
 সাহায্যেই অবিদ্যাজাত জগতের অস্তিত্ত্ব বিষয়ক সাধারণজ্ঞানকে দমন করা যায় ॥

॥ अकार्थं उ टीका ॥

एवकार = दिवाराजिज्ञान वा समयेर ज्ञान ॥ बाथोड = टीका अहसाणे
'अन्तवयम्' ॥ मोडिउ < मर्दमिआ, डेडे फेले ॥ तोडिउ < तोडमिआ ॥ आसवमत्त
= आध्यात्मिक मद्य वा ज्ञानासव पाने प्रमत्त ॥ नलिनीवन = महाशुद्धरूप कमलवन ॥
निविता = 'निवृत्त' थेके ॥ तथता — पालि तथत्त (निर्वाण) शब्द थेके । सहावे
सुख = स्वभावेन परिशुद्धा ॥ हरिअ = हरित, स्फुरित, विस्तृत ॥

॥ चर्चा १० ॥

॥ काहू पाद ॥

॥ राग देशाथ ॥

नगर^१ बाहिरें^२ डोसि तोहोरि कुडिआ ।
छइ छोइ^३ याइसि^४ बाह्म^५ नाडिआ ॥
आलो^६ डोसि तोए सम करिवे^७ म^८ साङ्ग ।
निधिण काहू कापालि ज्जोइ लाग्ग^९ ॥
एक सो^{१०} पदमा चोसठ्ठी पाणुडी ।
तहिं चडि नाचअ डोसि बाणुडी ॥
हालो^{११} डोसि तो पुहमि सद्भावे ।
अइससि^{१२} ज्जसि डोसि काहारि नावें ॥
तासि विकणअ डोसि अवर न चङ्गता^{१३} ।
तोहोर अस्तरे छाडि नडएडा^{१४} ॥
तू लो^{१५} डोसि हाँउ^{१६} कपाली ।
तोहोर अस्तरे मोए घलिलि हाडेरि माली ॥
सरवर भाञ्जिअ डोसि थाअ मोलाण ।
मारमि डोसि लेमि पराण ॥

॥ पाठांतर ॥

१. नगरिका । २. वारिहिरें । ३. छोइ छोइ । ४. याइसो । ५. ब्रह्मण ।
६. अलो । ७. करिव । ८. मो । ९. लाग । १०. एकसो । ११. हणु लो ।
१२. आइससि । १३. चाङ्गता । १४. नडएट्ट । १५. तूल । १६. इउ ॥

॥ আধুনিক বাংলার রূপান্তর ॥

নগরের বাইরে, ডোম্বি, তোমার কুঁড়ে ঘর ; ব্রাহ্মণ নেড়াকে তুমি ছুঁয়ে ছুঁয়ে যাও । ওগো ডোম্বি, আমি তোমার সঙ্গ করব (বা আমি তোমাকে সান্না করব), আমি কাহ্নু-কাপালিক, যোগী, নিষ্কণ এবং উলঙ্গ । একটি সেই পদ্ম, তাতে চৌষটিটি পাপড়ি, তার উপর চড়ে নাচে ডোম্বী ও বাপুড়ী । ওগো ডোম্বি, আমি তোমাকে সদভাবে জিজ্ঞাসা করি,—‘ডোম্বি, তুমি কার নায়ে (নৌকার) যাওয়া-আসা কর ? ’ তন্ত্রী বিক্রম করে না ডোম্বী, করে না চান্দাড়ী ; তোমার জন্তেই এই নটসঙ্ক্কা ছাড়া হল । তুমি গো ডোম্বি, আমি কাপালিক ; তোমার জন্তেই আমি হাড়ের মালা পরেছি । সরোবর ভেঙে ডোম্বী মৃগাল খায় ; ডোম্বী, তোমাকে আমি মারব, তোমার প্রাণ নেব ॥

॥ রূপকার্থ ॥

ডোমজাতীয় রমণী যেমন অস্পৃশ্যতা হেতু নগরের বাইরে থাকেন আর তাঁর রূপমুগ্ধ কামান্ন ব্রাহ্মণ তাঁর কুঁড়েঘরের পাশে ঘোরাঘুরি করে কিন্তু সেই রমণীকে আয়ত্ত করতে পারে না,—তেমনি সমস্ত ইন্দ্ৰিয়ের সীমার বাইরে থাকেন নৈরাশ্বা দেবী, কেবল শাস্ত্রজ্ঞান-সম্বল বাইরের সাধকরা তাঁকে পেতে চান, কিন্তু তাঁরা সেই নৈরাশ্বাদেবীর আভাস মাত্র পান, তাঁকে অর্থাৎ নির্বাণরূপ মহাস্থকে আয়ত্ত করতে পারেন না । কারণ, কেবল শাস্ত্রজ্ঞানে সেই মহাস্থকে পাওয়া যায় না । কাহ্নুপাদ ভাই ঘৃণা লজ্জা ত্যাগ করে নগ্ন হয়ে অর্থাৎ অন্তরের বাবতীয় লোকচার ও শাস্ত্রীয় গৌড়ামিকে ত্যাগ করে সেই নৈরাশ্বা দেবীকে পাবার জন্ত কাপালিক হয়েছেন বা নিজেকে সেই সাধনার যোগ্য করেছেন । নৈরাশ্বাদেবীর সঙ্গে মিলিত হয়ে তিনি অল্পভব করছেন, চৌষটি পাপড়ি-যুক্ত একটি পদ্মে উঠে তিনি নৈরাশ্বাদেবীর সঙ্গে নৃত্য করছেন । (বজ্রযানে বিবিধ চক্র ও পদ্মের স্থান শরীরের মধ্যে নির্দেশিত, সাধনায় সফলকাম হলে একে একে তাদের অস্তিত্বের অল্পভূতি সাধকের মনে আসে । এখানেও বোধ হয় ঐ রকম কোনো চক্রের ইঙ্গিত দেওয়া হচ্ছে) । নৈরাশ্বাঅল্পভূতি-বে ইন্দ্ৰিয়াতীত সেটা বোঝাবার জন্তে তিনি বলছেন, ডোম্বি, চিত্তের সংবৃত্তিরূপ নৌকার যাওয়া আসা কর কি ? অর্থাৎ, কর না । তাই নৈরাশ্বা অবিচার রূপক তন্ত্রী ও বিষয়াভাসরূপ চেনাড়ি পরিত্যাগ করেছেন—কাহ্নুপাদও তাঁকে পাবার জন্তে নটের পেটিকা বা সংসার ত্যাগ করেছেন, বিকারহীন হয়ে হাড়ের মালা পরিধান করেছেন । নৈরাশ্বাদেবী দেহ-সরোবর ভেঙে বোধিচিত্তের মৃগাল গ্রহণ করেন । সংসারের অবিজ্ঞাকেও কাহ্নুপাদ ধ্বংস করবেন, এবং তখনই তিনি নৈরাশ্বাকে প্রাণের মধ্যে গ্রহণ করতে পারবেন ॥

॥ শব্দার্থ ও টীকা ॥

ডোষি=নৈরাশ্বাদেবীর প্রতীক। নৈরাশ্বাদেবী কখনও কখনও শবরী বলেও কল্পিত। উদ্দেশ্য একই—ডোষী শবরী ইত্যাদি যেমন নগরের বাইরে, লোকালয়ের সীমার ওপারে থাকেন, তেমনি নৈরাশ্বাও সমস্ত ইন্দ্রিয়ের অল্পভূতির বাইরে অবস্থিত। ব্রাহ্মণ=শাস্ত্রজ্ঞান-সম্বল, অতএব সাধক হিসাবে অপূর্ণ যোগী ॥ সাক্ত=সক্য় বা সাক্তা ॥ নিষিগ্ন=নিষ্বর্গ ॥ কাপালি=কাপালিক ॥ লাংগ<নগ্ন ॥ বাপুড়ী=হতভাগ্য। সংস্কৃত বপ্তা বা বপ্ত থেকে বাপা বা বাপ, তারই আদরে 'বাপুড়ী'?—তুলনীয় শৌরসেনী অপভ্রংশ 'বপ্পুড়া' ॥ আইসসি=আ+√বিশ্=আবিশসি>আইসসি ॥ তান্তি<সং. তন্ত্বী ॥ বিকণঅ=বিক্রয় করে। সং. বিক্রীনাতি ॥ চাক্কেড়া=সং. চাক্কালিকা, বাঁশের চাঁচাড়ি দিয়ে তৈরী পাত্র ॥ নড়পেড়া=সং. নট্টপেটিকা ॥ ঘেনিলি=গ্রহণ করলাম ॥ মোলাগ=সং. মৃগাল>প্রা. মৃগাল>বর্ণ-বিপর্যয়ের ফলে মোলাগ।

॥ চর্যা ১১ ॥*

॥ কাহ্নু পাদ ॥

॥ রাগ পটমঞ্জরী ॥

নাড়ি শক্তি দিট^১ ধরিঅ ঋট্রে ।
অনহা ডমক্ক বাজএ বীরনাদে^২ ॥
কাহ্নু কাপালী যোগী পইঠ অচারে ।
দেহ-নঅরী বিহরএ একাকারে^৩ ॥
আলি-কালি ঘণ্টা-নেউর চরণে ।
রবি-শশী কুণ্ডল কিউ আভরণে ॥
রাগ ছেব^৪ মোহ লাইঅ ছার ।
পরম মোখ লবএ মুক্তিহার ॥
মারিঅ^৫ শাস্নু নগন্দ ঘরে শালী ।
মাঅ মারিআ কাহ্নু ভইঅ কবালী ॥

॥ পাঠান্তর ॥

১. দিট। ২. খাটে। ৩. বীরনাটে। ৪. একারে। ৫. মারি ॥

*মূল গীতি-সংগ্রহে দশম গানটির পরে আর একটা গান ছিল বলে মনে হয়। কারণ ঐ গানটির টীকায় শেষে উল্লেখ আছে—লাড়ী ডোষীপাদানান্ন হুনেতাদি। চর্যায় ব্যাখ্যা নাস্তি। মুনিমন্ত এই গানটির ব্যাখ্যা করেন নি, তাই লিপিকরও বোধ হয় গানটি তোলেন নি ॥

॥ আধুনিক বাংলার রূপান্তর ॥

নাড়ি শক্তি দৃঢ় করে খাটে ধরা হল। অনহা (অনাহত) ডমরু বীরনাতে বাজছে। কাপালিক কাহ্নুপাদ যোগাচারে পর্ধটনে লেগেছে। একাকারে দেহ-নগরীতে বিহার করছে। আলি কালি (যেন তার, অর্থাৎ কাহ্নুপাদের) চরণে ঘণ্টানুপুর, রবি শশীকে (সে) কুণ্ডল আভরণ করেছে। পরম-মোক্কেয় মুক্তাহার লাভ করেছে। শাশুড়ী ননদ শালীদের মারা হল, মায়াকে মেয়ে কাহ্নুপাদ কাপালিক হয়েছে ॥

॥ রূপকার্থ ॥

বত্রিশটি নাড়ীর মধ্যে প্রধান যে-নাড়ী তাকে দৃঢ়ভাবে অবলম্বন করে একটি বিশেষ যোগাচারে কাহ্নুপাদ প্রবিষ্ট। শূছতা-রূপ ডমরু ঘন ঘন বাজছে, কাহ্নুপাদের দেহ-নগরীর সমস্ত ক্লেশ উপেক্ষিত—এই অবস্থায় কাপালিক কাহ্নুপাদ যোগধ্যানে নিমগ্ন। আলি-কালি বা লোকজ্ঞান ও লোকাভাসকে তিনি করেছেন পায়ের ঘণ্টানুপুর, রবি শশী অর্থাৎ দিব্যরাত্রি জ্ঞান (বা গ্রাহ-গ্রাহক ভাবকে) তিনি করেছেন কানের কুণ্ডল। এর তাৎপর্ঘ—এই সমস্ত ভাবকে তিনি পরিশোধিত করে নিয়েছেন। রাগ ঘেঘ মোহ ইত্যাদিকে মহাস্থ স্বরূপ অগ্নিতে দগ্ধ করেছেন, তাদের ডম্ব তীর দেহ অহুলিগ্ন ; তিনি মোক্ষরূপ মুক্তাহার পরিধান করেছেন—খাস রোধ করে, ইন্দ্রিয় দমন করে, মায়া রূপ অবিচারকে ধ্বংস করে কাহ্নুপাদ কাপালিক হয়েছেন ॥

॥ শব্দার্থ ও টীকা ॥

নাড়ি শক্তি = প্রধান নাড়ী ॥ ধরিঅ < সং. ধরা ॥ অনহা ডমরু = অনাহত ডমরু ॥ বীরনাতে = শূছতা সিংহনাদের দ্বারা ॥ পইঠ < সং. প্রবিষ্ট ॥ অচারে = যোগাচারে ॥ নেউর = নুপুর ॥ ছার < ক্ষার, ছাই ॥ শাসু = শাশুড়ী, রূপকার্থ খাস। সমাধি অবস্থায় খাসরূপ হয়। নগন্দ = ননদ, রূপকার্থ বা আনন্দ দেয় ॥ মাঅ = (অবিচাররূপ) মায়া ॥

॥ চর্চা ১২ ॥

॥ কাহ্নুপাদ ॥

॥ ভৈরবী ॥

করুণা পিড়ি^১ খেলছ^২ নঅ-বল।

সদগুরু বোহেঁ জিতেল ভববল ॥

ফীটউং ছা মাৎসিরে ঠাকুর^৩।

উআরি^৪ উএস কাহ্নু নিঅড় জিগউর^৫ ॥

পহিলে তোড়িআ বড়িআ মরাড়িইউ ।
 গঅবরেঁ তোলিআ পাঞ্চজনা ঘালিউ^৬ ॥
 মতিএ^৭ ঠাকুরক পরিনিবিতা^৮ ।
 অবশ করিআ ভববল জিতা ॥
 ভাণই কাহু আক্ষে ভলি দায়^৯ দেহু^{১০} ।
 চউষঠ্ঠি কোঠা গুণিয়া লেহু ॥

॥ পাঠান্তর ॥

১. পিহাড়ি। ২. ফীটউ। ৩. ঠকুর। ৪. তআরি। ৫. জিনবর। ৬. ঘোলিউ।
 ৭. মুস্তিএ। ৮. পরিনিবিতা। ৯. দাহ। ১০. দেউ ॥

॥ আধুনিক বাংলায় রূপান্তর ॥

করণা পিঁড়িতে আমি নয়বল (চতুরঙ্গ বা দাবা) খেলি ; সঙ্গুক্রবোধে ভববল (সংসারশক্তি) জেতা হল। হুআ (আভাসঘয়) সরিয়ে ঠাকুরকে (রাজাকে) মারা হল, উপকারীর উপদেশে কাহুপাদ (দেখলেন) নিকটে জিনপুর। প্রথমেই তেড়ে গিয়ে বড়েগুলি মারা হল, গজ- (দাবার গজ) বরকে তুলে পাঁচজনকে ঘায়েল করা হল। মন্ত্রী দ্বারা ঠাকুর নিবৃত্ত, অবশ করে ভববল জেতা হল। কাহুপাদ বলছেন, আমি ভালো দান দিই, (ছকের) চৌষট্টি কোঠা গুণে নিই ॥*

॥ শব্দার্থ ও টীকা ॥

খেলহু = √খেল্ + অহম্ জাত হু = খেলহু (আমি খেলি) ॥ নয়বল = চতুর্থানন্দ (কায়বাকচিন্তের অতীত চতুর্থ আনন্দ)। লক্ষণীয়, নঅ বা 'ন' আমরা এখনও চতুর্থ বোধাতে ব্যবহার করি, যেমন ন' দাদা, ন' কাকা ইত্যাদি ॥ বোহে = সং. বোধেন ॥ জিতেল = সং. √জি + অতীতকালের ইল্ল = জিতেল্ল > জিতেল ॥ ভববল—রূপকার্থ সংসারশক্তি ॥ ফীটউ = সং. ফেটিত > প্রা. ফেটিঅ > ফীটউ ॥ হুআ = আভাসদোষঘয় ॥ মাদেসি = প্রা. মদেসি ॥ ঠাকুর = বিদেশী শব্দ, তুর্কী। তাতে মনে হয়, দাবা খেলাটা বাইরে থেকে এসেছে। রূপকার্থ, অবিজ্ঞামোহিত চিত্ত। উআরি < উপকারিক ॥ উএসে—সং. উপদেশেন, উপদেশের দ্বারা ॥ জিনউর = জিনপুর বা মহানন্দধাম ॥ পহিলে < সং. প্রথম > পঠম্ > পহম্ (পহ + ইল্ল ?)—পহিল—অধিকরণে ৭মী পহিলে ॥ তোড়িআ = সং. ত্রোটয়িত্বা > তোড়য়িত্বা > তোড়িআ ॥ গঅবরে—গজবরে, রূপকার্থ—'নির্বাণারোপিত চিত্তরূপ গজদ্বারা' ॥ পাঞ্চজনা = পঞ্চ-

* রূপকার্থের অস্ত পৃষ্ঠা ৩১ ত্রটব্য।

বিষয়গত অহংকার ॥ মতিএ = সং. মজ্জিণা > মতিএ > মতিএ ॥ চৌবঠি কোঠা = দাবা
খেলার ছকের চৌবঠি ঘর, দেহের চৌবঠি পীঠের রূপক ॥

॥ চর্চা ১৩ ॥

॥ কাহ্নুপাদ ॥

॥ রাগ কামোদ ॥

ত্রিশরণ^১ গাবী কিঅ অঠকমারী^২ ।

গিঅ দেহ করুণা শূণ মেহেরী^৩ ॥

তিরিত্তা^৪ ভবজলধি জিম করি মাঅ সুইনা ।

মঝ বেণী তরঙ্গ ম^৫ মুনিঅ; ॥

পঞ্চ তথাগত কিঅ কেডুআল ।

বাহঅ কাঅ কাহ্নিল মাআজাল ॥

গন্ধ পরস রস^৬ জইসোঁ তইসোঁ ।

নিন্দ বিছনে সুইনা নইসো ॥

চিঅ কল্পহার সুণত-মাজে^৭ ।

চলিল কাহ্নু মহাসুহ-সাজে ॥

॥ পাঠান্তর ॥

১. তিরাচন । ২. অঠকমারী । ৩. শূণমেহেরী । ৪. তিরিত্তা । ৫. তরঙ্গম ।
৬. পরসর । ৭. মাজ । ৮. সাজ ॥

॥ আধুনিক বাংলায় রূপান্তর ॥

(বুদ্ধ ধর্ম ও সংঘ—এই) ত্রিশরণ হল নৌকা, তার আঁটটি কামরা (বা কুমারী) ।
নিজের দেহ হল করুণা, শূণ্য অন্তঃপুর । উত্তীর্ণ হলাম ভবজলধি যেন মায়া-স্বপ্নে ।
আমি মাঝ-বেণীতে (নদীতে) ঢেউ বুঝতে পারলাম । পঞ্চতথাগতকে কেডুআল
বা দাঁড় করা হল, কায়া-(নৌকা) বেয়ে কাহ্নুপাদ (তুমি) মায়াজাল উত্তীর্ণ হও ।
গন্ধ স্পর্শ রস যেমন তেমনিই (থাকুক), নিঃসাহীন স্বপ্ন যেমন । চিত্ত-কর্ণধার আছে
শূণ্যতারূপ মার্গে (বা, পিছনের গলুইয়ে) ; কাহ্নুপাদ চলল মহাসুখের সংগমে ॥

॥ রূপকার্ণ ॥

বৌদ্ধধর্মের তিনটি প্রধান জিনিস বুদ্ধ ধর্ম এবং সংঘকে আশ্রয় করে এবং অগ্নিমা,
লঘিমা, প্রাপ্তি, প্রাকাম্য, মহিমা, ঈশিতা, বশিতা এবং কামাবসায়িতা—এই
আটটি বুদ্ধধর্মের অন্তর্ভুক্তি সম্বল করে কাহ্নুপাদ নিজদেহে করুণা এবং শূণ্যের

বিলন সংসান করে ভবজলধি পার হয়েছেন। সাধনার মধ্যে দিয়ে তিনি মহাস্থ
 তরঙ্গ উপলব্ধি করতে পারছেন। পঞ্চতথাগতকে দাঁড় হিসাবে ব্যবহার করে
 তিনি দেহ-নৌকা বেয়ে মায়াজাল ছেদন করেছেন; গন্ধস্পর্শরস বা ইন্দ্রিয়ানুভূতিজ
 বিষয়গুলি এখন তাঁর কাছে নিদ্রাহীন স্বপ্নের মতো অলীক মনে হচ্ছে। শূন্যতারূপ
 নৌকায় চিত্তকর্ণধারকে স্থাপিত করে কাঙ্ক্ষুপাদ মহাস্থসংগমে (নির্বাণানন্দে)
 চলেছেন ॥

॥ শব্দার্থ ও টীকা ॥

গাবী = নৌকা, দেহের রূপক ॥ অঠকমারী = আটটি ঘর, আটটি বুদ্ধধর্ম (অগ্নিমা
 লঘিমা ইত্যাদি)। দেহের সাধনার মধ্যে দিয়েই এই আটটি বিষয়ে সিদ্ধিলাভ করা
 যায়, তাই আট ঘরের বাড়ি বলে দেহকে কল্পনা করেছেন সহজিয়ারা। তুলনীয়—
 সহজিয়া বাউল গান—‘দেহের মধ্যে বেঁধেছে ঘর, ঘরামীর সন্ধান মেলা ভার। ঘরামীর
 কত বাহাছুরি, আট কামরা পাচ দুয়ারী,’.....ইত্যাদি ॥ মেহেরী = অন্তঃপুর, বিদেশী
 শব্দ, তুলনীয় আবেস্তীয়—মএখন, ফারসী—মেহেন্ ॥ সুইনা = স্বপ্ন > সুপিন > সুইন +
 নির্দেশক ‘আ’ > সুইনা ॥ কল্পহার—সং. কর্ণধার > কল্পহার বা কল্পহার ॥ মুনিআ --সং.
 √মন্ + ক্ৰাচ্ = মন্স > মণিঅ > মুণিঅ > মুণিআ ॥

॥ চর্চা ১৪ ॥

॥ ডোঙ্গীপাদ ॥

॥ রাগ ধনসী ॥

গঙ্গা জউনা মার্বে রে^২ বহই নাই^২ ।

তহি বুড়ীলী^৩ মাতঙ্গী যোইআ লীলে পার করেই ॥

বাহ তু^৪ ডোঙ্গী বাহ লো^৫ ডোঙ্গী বাটত ভইল উছারা ।

সদগুর পাঅপএ^৬ জাইব পুণু জিগউরা ॥

পাঞ্চ^৭ কেডুআল পড়ন্তে^৮ মাল্লে পিটত কাচ্ছী বান্ধী ।

গঅণ-ছুখোলে^৯ সিঞ্চছ পানী ন পইসই সাক্ধি ॥

চান্দ^{১০} সুজ্জ ছই চকা সিঠি সংহার পুলিন্দা ।

বাম দাহিণ ছই মাগ ন রেবই বাহতু ছন্দা ॥

কবড়ী ন লেই বোড়ী ন লেই সুচ্ছড়ে পার করেই ।

জো রথে চড়িলা বহিবা ন^{১১} জাই^{১০} কুলে কুল বুড়ই^{১১} ॥

॥ পাঠান্তর ॥

১. মাঝেরে। ২. নঙ্গ। ৩ চুড়িলী। ৪. বাহতু। ৫. বাহলো। ৬. পাঅপএ।
৭. পঞ্চ। ৮. চন্দ। ৯. বাহবান। ১০. জোই। ১১. বুলই ॥

॥ আধুনিক বাংলার রূপান্তর ॥

গঙ্গা ও যমুনার মাঝখানে ওরে নৌকা বাওয়া হয়, তাতে নিমজ্জিত মাতঙ্গী যোগীকে অবহেলায় পার করে দেয়। ডোমনি, তুমি নৌকা বেয়ে চল, ওগো ডোমনি, বেয়ে চল, পথে দেবী হল। সদগুরু পাদপ্রসাদে (আমি) আবার জিনপুর যাব। পাঁচটি বৈঠা পড়ছে, মার্গে (বা, পিছনের গলুইয়ে) পিঁড়া কাছি আছে বাঁধা, গগন-সেঁউতিতে জল সেঁচ, (যেন নৌকার জোড়ার ফাঁকে জল) না প্রবেশ করে। চাঁদ সূর্য দুই চাকা সৃষ্টি সংহারকারী পুলিন্দা (মাস্তল ?), ডান দিক বা দিক দুই গন্তব্য পথ (মার্গ) দেখতে পাওয়া যাচ্ছে না, তুমি স্বচ্ছন্দে বেয়ে চল। (ডোমনী) কড়ি নেয় না, বুড়িও নেয় না, স্বেচ্ছায় পার করে দেয় ; যে রথে চড়ল (নৌকা) বাইতে জানলো না, সে কূলে কূলে ঘুরে (বা ডুবে মরে) ॥*

॥ শব্দার্থ ও টীকা ॥

গঙ্গা-জউনা = গ্রাহ-গ্রাহক ॥ মাতঙ্গী = সহজ্যান-মত্ততা হেতু হস্তিনী রূপে কল্পিতা অবধূতী ॥ জোইআ = যোগীন্দ্র ॥ উছারা = উচ্ছিত > উছর—বেলা অতিক্রান্ত, তুলনীয় 'উছর হয়েছে বেলা' (ধর্মমঙ্গল, মাণিকরাম) ॥ পাঅপএ = পাদপ্রসাদে ॥ গঅণ-দুগোল = গগন বা শূন্যতারূপে সেঁউতি ॥ চান্দ সূর্য—চন্দ্র প্রজ্ঞা ও সূর্য অদ্বয় জ্ঞানের প্রতীক ॥

॥ চর্চা ১৫ ॥

॥ শাস্তিপাদ ॥

॥ রাগ রামকী ॥

সঅ-সম্ভঅণ^১ সরুঅ বিআরে^২তে অলক্খ লক্খণ ন জাই।

জে জে উজ্বাটে গেলা অনাবাটা ভইলা সোই ॥

কুলে^৩ কুল মা হোই রে মূটা উজ্বাট সংসারা।

বাল তিল^৪ একু বাঙ্ক^৫ ন ভুলহ রাজপথ কণ্ঠারা ॥

মাআমোহাসমূদা রে অস্ত ন বুঝসি থাहा।

আগে নাব ন ভেলা দীসঅ ভস্তি ন পুছসি নাহা ॥

* রূপকার্যের লক্ষণ পৃষ্ঠা ৩০ উষ্টব্য।

সুনা^৪ পাস্তর উহ ন দীসই ভাস্তি ন বাসসি জাস্তে ।

এথা^৫ অট মহাসিদ্ধি সিঝএ উজ্জ্বাট জাঅস্তে ॥

বামদাহিণ দো বাটা চ্ছাডী শাস্তি বুলথেউ সংকেলিউ ।

ঘাট^৬ ন গুমা ঋড়তড়ি নো হোই আধি বুদ্ধিঅ বাট জাইউ ॥

॥ পাঠান্তর ॥

১. সবেইণ । ২. ভিন, তিন । ৩. বাকু, বাক । ৪. শূন্ত । ৫. এমা । ৬. ঘাস ॥

॥ আধুনিক বাংলায় রূপান্তর ॥

স্বীয় সংবেদন স্বরূপ বিচারে অলক্ষ্য লক্ষণ হয় না (যায় না), যারা ঋজুবাটে (সোজাপথে) গেল তারা অনাবর্ত হল (ফিরে এল না) । কূলে কূলে ঘুরে বেড়িও না, ওরে মূর্খ, সংসার সোজা পথ ; বালকের মতো তিলেক ঝাঁকে ভুলো না, রাজপথ বস্ত্র দিয়ে ঘেরা (কানাত-ঘেরা) । ওরে (তুই) মায়ামোহরূপ সমুদ্রের অন্ত বৃক্সি না, গভীরতাও (খইও) বৃক্সি না । আগে নৌকা বা ভেলা কিছুই দেখা যাচ্ছে না, ভ্রান্তিবশত কেন গুরুকে জিজ্ঞাসা করিস না ? শূন্ত প্রান্তর, সীমা দেখতে পাওয়া যাচ্ছে না, কিন্তু যেতে ভুল করিস না ; এখানে অষ্ট মহাসিদ্ধি লাভ হয় (যদি) ঋজুপথে (সোজাপথে) চল । শাস্তিপাদ সংক্ষেপে বলছেন, বাম ও দক্ষিণ দুই পথ ছেড়ে (যেখানে) ঘাট, গুমা ভণ (বা খাদ-তড়াই) কিছু নেই, সেই পথে চোপ বুজে চলে যাও ॥

॥ রূপার্থ ॥

সিদ্ধাচার্য শাস্তিপাদ এখানে বলতে চাইছেন, সহজানন্দের অল্পভূতি ইঞ্জিয়াতীত বলে সেই উপলব্ধি অলক্ষ্য এবং লক্ষণের সাহায্যে বা ভাষায় এর স্বরূপ ব্যাখ্যা করা যায় না । ঝাঁরা এই সহজ পথে গেছেন বা সহজিয়া বৌদ্ধধর্মের সাধনা করেছেন তাঁরা মহাস্থখ পেয়েছেন, তাই আর ফিরে আসেন নি । সহজানন্দ লাভ করে বস্ত্রজগতের অস্তিত্বের সমস্ত ধারণা তাঁদের মন থেকে চলে যায় । শাস্তিপাদ তাই বলছেন, বস্ত্রজগতের কূলে কূলে পথহারা হয়ে ঘুরে বেড়িও না । মূর্খরাই এই বস্ত্রজগৎকে বা সংসারকে মহাস্থখের সার বলে মনে করে । কিন্তু পণ্ডিতরা তা করেন না । রাজা যেমন কানাত-ঘেরা পথ দিয়ে উদ্যানে যান, তুমিও তেমন সহজ সাধনার রাজপথ ধরে মহাস্থখবনে প্রবেশ কর । বালযোগীরা এই মায়ামোহরূপ সংসারসমুদ্রের অন্তও বোঝে না, গভীরতাও বোঝে না, আর তত্ত্বজ্ঞান না জ্ঞায়ে তো এই সংসারের স্বরূপ সম্বন্ধে ধারণা হয় না । সংসারসমুদ্রে যদি পায় হবার উপায় না দেখতে পাও, তবে

কেন গুরুকে জিজ্ঞাসা কর না। গুরুর উপদেশ ছাড়া তো এই সংসারসমুদ্রে পার হবার উপায় নেই। তাই, অজ্ঞ যোগি, তুমি যদি এই সহজপথের সন্ধান বা উদ্দেশ্য না পাও তবুও এ পথ ছেড়ে না, কারণ একমাত্র এই সহজ পথেই অষ্টমহাসিদ্ধি লাভ করা যাবে। আভাস-দোষদ্বয় ছেড়ে দিয়ে শাস্তিপাদ এই পথেই চলতে বলেন, এই পথে তৃণশস্যের খাদ-তড়াইয়ের প্রতিবন্ধক নেই ; চোপ বুদ্ধে এই সহজপথেই চল ॥

॥ শকার্থ ও টীকা ॥

সঅ-সম্ভাষণ সক্রম বিচারে = স্বীয় সংবেদন স্বরূপ নিচারে ॥ অনাবাটা—
অনাবর্ত, ফিরে না আসা ॥ উজ্জ্বাট = ঋজ্বাট। ঋকারের উকারে পরিবর্তন
প্রাকৃতেব বিশেষত্ব—মুগাল > মুগাল ॥ মুঢ়া—সম্বোধনে ॥ স্তন্য পাস্তুর—শূণ্ড প্রাস্তুর ॥
ঘাট ন গুমা খড়তড়ি = ঘাট (ঘটকটি)—ন—গুমা (গুল্ম), পড় (তৃণ) তড়ি
(তরাই) বা পাদ ও তরাই ॥

॥ চর্চা ১৬ ॥

॥ মহিগুপাদ ॥*

॥ রাগ ভৈরব ॥

তিনিএঁ পাটে' লাগেলি রে অনহ^১ কসণ ঘণ গাজই ।
তা স্ননি মার ভয়ঙ্কর রে সঅ মণ্ডল সএল ভাজই^২ ॥
মাতেল চীঅ গঅন্দা ধাবই ।
নিরস্তর গঅণস্ত তুসে ঘোলই ॥
পাপপুণ্য বেণি তিড়িঅ^৩ সিকল মোড়িঅ ঋস্তাঠাণা ।
গঅণ টাকলি লাগিরে চিন্তা পইঠ গিবানা ॥
মহারস পানে মাতেল রে তিহুঅন সএল উএখী ।
পঞ্চবিষয়ের^৪ নায়ক রে বিপখ কোবী ন দেখী ॥
খররবি-কিরণ-সস্তাপে রে গগন গজ্জা^৫ গই পইঠা ।
ভণস্তি মহিগুা^৬ মই এখু বুদ্ধস্তে^৭ কিম্পি ন দিঠা ॥

॥ পাঠান্তর ॥

১. অগহা। ২. ভাগই। ৩. তোড়িঅ। ৪. টকা। ৫. পঞ্চবিষয়ের।
৬. গঅগাঙ্গণ। ৭. মহিঙা। ৮. বুলস্তে ॥

* চর্চাপত্রটির রচয়িতা হিসাবে মূলে আছে মহিঙা, প্রতিলিপিতে আছে 'মহিঙা,' বৃত্তি অনুসারে লেখকের নাম 'মহীধর' ॥

† আধুনিক বাংলার রূপান্তর ॥

তিনটি পাটে (অর্থাৎ কায় বাক্ মন) জাগল অনাহত ধনি, কালো মেঘ গর্জন করে উঠল । তাই শুনে ভয়ংকর মার সমস্ত (বিষয়) মণ্ডল সমেত পলায়ন করল । মত্ত চিত্ত-গজেন্দ্র ধাবিত হয়, নিরন্তর গগনপ্রান্ত তৃষ্ণায় ঘুলিয়ে তোলে । পাপ পুণ্য— এই দুই শিকল ছিঁড়ে ফেলে, স্তম্ভ-স্থান ভেঙে ফেলে গগন-শিখরে উঠে চিত্ত নির্বাণে প্রবেশ করল । ওরে মহারস পানে সেই (চিত্ত) মাতাল, ত্রিভুবন সমস্তই উপেক্ষিত ; পঞ্চ বিষয়ের নায়ক রে, বিপক্ষ কাউকেই দেখা গেল না । ওরে খররবি কিরণ-সম্ভাপে গগনাকনে (গগনগঙ্গায়) (সেই চিত্ত) প্রবিষ্ট ; মহিণ্ডা বলেন, এইখানে ডুবে আমি কিছুই দেখতে পাই নি (দেখি নি) **

॥ শব্দার্থ ও টীকা ॥

তিনিএঁ পাটে = কায় বাক্ মন এই তিনটি পাট । টীকায় বলা হয়েছে ‘পাটত্রয়ং কায়ানন্দাদিকং’ ॥ অগহ = অনাহত ॥ কষণ ঘণ = রুঞ্চ ঘন (মেঘ) ॥ ভাজই < ভাগই, ভাগিল ॥ মাতেল = মাতাল ॥ গাজই = গর্জন করে । গর্জন থেকে নাম ধাতু ॥ বিসঅ-মণ্ডল = বিষয়-মণ্ডল । এখানে বলা হচ্ছে, বিষয় মণ্ডলগুলি অনাহত ধনি শুনে পলায়ন করল—এর তাৎপর্য, সহজ্ঞানন্দে প্রবেশ করলে মণ্ডলচক্রগুলি সময়সীমাব প্রাপ্ত হয়ে চক্রবিমুক্ত হয় । দ্রষ্টব্য—‘চর্যাপদের ধর্মমত’ অধ্যায় ॥ চীঅগঅন্দা = চিত্তগজেন্দ্র ॥ তুর্সে = তৃষ্ণায়, করণে ওয়া ॥ পম্ভাঠাণা = স্তম্ভস্থান ॥ উএখী = উপেক্ষা করে ॥ পঞ্চবিষয় = পঞ্চ স্বক্কাঅক পঞ্চবিষয় ॥ বিপথ = বিপক্ষ ॥ ব্ড়ম্ভে = ডুবে থাকে ॥

॥ চর্যা ১৭ ॥

॥ বীণাপাদ ॥

॥ রাগ পটমঞ্জরী ॥

সূত্র লাউ সসি লাগেলি তাস্তী ।

অগহা দাগ্তী^১ চাকি^২ কিঅত অবধুতি ॥

বাজই অলো সহি হেরুঅ বীণা ।

সুন তান্তি-ধনি বিলসই রুণা ॥

আলি-কালি বেগি সারি মুগিঅ^৩ ।

গঅবর সমরস সাক্তি গুগিঅ ॥

* রূপকারের মন্ত পৃষ্ঠা ৩১ দ্রষ্টব্য ॥

জবে করহা করহকলে চাপিউ^৫ ।
 বতিশ ভাস্তি ধনি^৬ সএল বিআপিউ ॥
 নাচস্তি বাজিল^৭ গাস্তি দেবী^৮ ।
 বুদ্ধ-নাটক বিসমা হোই ॥

॥ পাঠান্তর ॥

১. ডাণ্ডি । ২. বাকি । ৩. স্মরণা, মূগ্ধা । ৪. 'করহকে লোপ চিউ' ।
 ৫. ধনি। ৬. রাজিল । ৭. দেই (ছন্দের অল্পরোধে) ॥

॥ আধুনিক বাংলায় রূপান্তর ॥

সূর্য (হল তানপুরার বা একতারার) লাউ, চাঁদকে লাগানো হল তন্ত্রী
 (হিসাবে), অনাহত (সেই বীণার) ডাণ্ডি, চাকি করা হল অবধূতীকে । গুগো
 সই, হেরুক-বীণা বাজাচ্ছি (বাজছে), শূন্ততারূপ তন্ত্রীধনি বিলসিত হচ্ছে (ব্যাপ্ত
 হচ্ছে) করুণায় । আলি-কালিকে দুই সারি (বা দুই স্তর) মনে করা হল, (চিত্র)
 গজবর-সমবসক সন্ধি (তারের বা তাঁতের বীণায়ন্ত্রে যে-ক্ষুদ্র অংশটি বৃহৎ অংশকে
 জোড়া দেয়) গণ্য করা হল । যখন হাতের পাশ করতলে চাপা হয় (হাত চেপে
 সুর তোলা হয়), তখন বত্রিশ তন্ত্রীর ধনিত্তে সমস্ত ব্যাপ্ত হয় । নাচেন (চিত্র)
 বজ্রধর, দেবী গান করেন, বুদ্ধনাটক এই রকম বি-সম হয় ॥*

॥ শব্দার্থ ও টীকা ॥

সূজ লাউ — সূর্য-রূপ লাউ ॥ তান্ত্রী = তন্ত্রী ॥ স্তনতান্ত্রিধনি = শূন্ততাতন্ত্রের ধনি ॥
 গজবর = গজবর (চিত্রের প্রতীক) ॥ করহা = করপার্শ্ব ॥ করহকলে = করতলে ॥
 বতিশভাস্তিধনি = বীণা পক্ষে বত্রিশ বহু বোঝাতে, আর দেহের রূপকে বত্রিশ
 নাড়ী ॥ বুদ্ধনাটক — নির্বাণ নাটক ॥ বিসমা = সবসত্তার নির্বাণ লাভ, বা বিশেষরূপে
 সমতা লাভ ॥

॥ চর্যা ১৮ ॥

॥ কাহ্নুপাদ ॥

॥ রাগ গউরা ॥

তিনি ভূঅণ মই বাহিঅ হেলোঁ ।

হাঁউ স্তেলি মহাসূহ-লীড়ে^১ ॥

কইসগি হালো ডোম্বী তোহোরি ভাভরীআলী ।

অস্তে কুলিগজ্জন মাঝে কাবালী ॥

* রূপকার্ধের জন্ম পৃষ্ঠা ৬২ ত্রষ্টব্য ॥

উই লো ডোষী সঅল বিটালিউ ।
 কাজ ৭^২ কারণ সসহর টালিউ ॥
 কেহো^৩ কেহো তোহোরে বিরুআ বোলই ।
 বিহুজ্জন-লোঅ তোরে^৪ কঠ^৫ ন মেলঈ ॥
 কাহে গাইউ^৬ কামচণালী ।
 ডোষিত আগলি^৭ নাহি ছিণালী ॥

॥ পাঠান্তর ॥

১. লীলৈ। ২. কাজণ। ৩ কেহে। ৪ কঠে। ৫. গাইতু। ৬. 'ডোষী ত আগলি' ॥

॥ আধুনিক বাংলায় রূপান্তর ॥

তিনভুবন আমার দ্বারা অবহেলায় বাহিত হল। মহাস্থলীলায় আমি প্রহুস্ত
 রয়েছি। ওগো ডোষি, কী রকম তোমার চতুরালি, (তোমার) অস্ত্রে কুলীনজন,
 মাঝখানে কাপালিক। ওগো ডোষি, তোমার দ্বারা সব কিছু বিচলিত হল।
 কাজ নেই, কারণ নেই, (তবু) চন্দ্রকে টলিয়ে দিলে! কেউ কেউ তোমাকে
 বিরূপ (বা মন্দ) বলে, (কিন্তু) জ্ঞানীরা তোমাকে গলা থেকে ছাড়ে না।
 কাহুপাদ গাইলেন, (তুমি) চণালী কামচতুরা; ডোষীর চেয়ে বেশি ছিনালী
 (ছলনাময়ী) নেই ॥

॥ রূপকার্থ ॥

কাহুপাদ তিনভুবন অর্থাৎ কায়-বাক-চিত্তরূপ ভববিকল্প অবহেলায় অতিক্রম
 করে সহজ্ঞানন্দ মহাস্থলীলায় প্রহুস্ত। দুষ্টা জ্বীলোকের মতোই নৈরাশ্বাদেবীর
 চতুরালি। একদিকে অবিজ্ঞামোহিত (কু-তে লীন) সাধকরা, অজ্ঞাদিকে সর্বভাব-
 সমতাযুক্ত মহাস্থলীন কাপালিকরা তাঁকে পাবার চেষ্টা করছেন। দুষ্টা জ্বীলোক
 যেমন নিজের ঘরকে এবং বাইরের লোককে—দুইজনকেই অশুচি করে, বিচলিত
 করে, তেমনি নৈরাশ্বা বন্ধ এবং মুক্ত দুইরকম সাধকদের নিয়েই ক্রীড়া করেন।
 কিন্তু কার্যকারণ বোধ যার নেই, তেমন সাধকরা (যেহেতু তাঁরা অবিদ্যার প্রভাবে
 জাগতিক ব্যাপারে লিপ্ত) নৈরাশ্বাকে পান না, তাঁরা নিজেরাই বার্থ হয়ে যান।
 তখন তাঁরাই এবং অজ্ঞ কেউ কেউ নৈরাশ্বাকে অলীক বলেন, কটুক্তি প্রয়োগ
 করেন; কিন্তু পরমতত্ত্ব যিনি জেনেছেন এমন তত্ত্বজ্ঞ তাঁকে না পেলেও ত্যাগ
 করেন না, তাঁরাই সাধনা করে যান। ছলনাময়ী রমণীর ছলনায় প্রেমিক হত্যাশ

হয়ে তাকে ভ্যাগ করে, কিন্তু তা সত্ত্বেও যে তাকে আঁকড়ে থাকে, একদিন না একদিন সে সেই প্রেমিককে ধরা দেবেই। তেমনি নৈরাশ্বাদেবীর সাধনার যে নিষ্ঠার সঙ্গে লেগে থাকবে—সে ছলনাময়ী নৈরাশ্বাকেও নিশ্চয় পেতে পারবে ॥

॥ শব্দার্থ ও টীকা ॥

তিনি ভূষণ = 'ত্রিভুবনং কায় বাক চিত্তম্'। কায়-বাক-চিত্তরূপ তিন ভুবন ॥
 হাঁউ = অহম্ > অহকম্ > হকম্ > হাঁউ ॥ স্ততেলি = সং. স্থপু + ইল > স্ততেল >
 স্ততেলি (উত্তম পুরুষের একবচনে) ॥ ডোম্বী = নৈরাশ্বাদেবীর প্রতীক ॥ কুলিন =
 কু-তে লীন, বস্ত্রজগতে বা রূপাদিবিষয়সমূহে যারা লীন। বিটালিউ = √টল্ থেকে
 Progressive form টাল্; বি পূর্বক টাল্ > বিটাল, বিচলিত করা, এখানে
 বিটালিউ কর্মবাচ্যের মধ্যমপুরুষের একবচনে ব্যবহৃত ॥ কাজ গ কারণ = কার্য-কারণ
 না, অর্থাৎ কার্যকারণ বোধ যার নেই ॥ তোহোরে = ত্বম্ > তো + ষষ্ঠীর "র" >
 তোহোর বা তোহর + ৭মীর 'এ' = তোহোরে ॥ ডোম্বিত = ডোম্বি থেকে, অপাদানে
 ৭মী। তুলনীয়ঃ 'মাস বাপত গুরুজন নাই'। (শ্রীকৃষ্ণকীর্তন) ॥

॥ চর্চা ১৯ ॥

॥ কাহ্নু পাদ ॥

॥ রাগ ভৈরব ॥

ভবনির্বাণে পড়হ-মাদলা ।
 মন পবণ বেগি' করগুকশালা ॥
 জঅ জঅ ছন্দুহি-সাদ উছলিঅঁ ।
 কাহ্নু ডোম্বী-বিবাহে চলিঅা ॥
 ডোম্বী বিবাহিঅা অহারিউ জাম ।
 জউতুকে কিঅ আণুতু ধাম ॥
 অহণিসিঃ সুরঅ পসঙ্গে জাঅ ।
 জোইগিজালে রএণি পোহাঅ ॥
 ডোম্বীএর সঙ্গে জো জোই রন্তো ।
 খণহ ন ছাড়অ সহজ-উঅন্তো ॥

॥ পাঠান্তর ॥

১. ঘেণি । ২. অহিণিসি ॥

॥ আধুনিক বাংলার রূপান্তর ॥

ভব ও নির্বাণ পটহ ও মাদল ; মন পবন দুইটি করণ (ঢোল ?) ও কাঁসি । হুন্ডুভিশকে জয় জয় ধ্বনি উছলিয়ে উঠল ; কাফুপাদ ডোষীকে বিবাহ করতে চললেন । ডোষীকে বিয়ে করে পুনর্জন্ম হল (কিংবা জন্ম সফল হল), যৌতুক করা হল অহুত্তর ধাম । দিবারাত্রি স্বরতপ্রসঙ্গে যায়, যোগিনীজালে (যোগিনীদের সঙ্গে) রাত পোহায় । ডোষীর সঙ্গে যে যোগী অহুরক্ত (হয়), ক্ষণমাত্রও সে সহজ-উন্নত (সেই ডোষীকে) ছাড়ে না ॥

॥ রূপকার্থ ॥

বিবাহযাত্রা ও বিবাহের রূপকে এখানে কাফুপাদের নৈরাশ্বাদেবীর সঙ্গে মিলিত হওয়ার বা পরমতত্ত্ব অবগত হওয়ার কথা বলা হয়েছে । ঢাক ঢোল বাজিয়ে বর বিয়ে করতে যায়, কাফুপাদও তেমনি নৈরাশ্বাদেবীর সঙ্গে মিলিত হওয়ার পূর্বে ভব ও নির্বাণকে বিকল্পমাত্রে পরিণত এবং মন ও চিত্তকে সংহত করেছেন । এইভাবে তিনি অবিদ্যার প্রভাব থেকে মুক্ত এবং সেইজন্ম নৈরাশ্বা-সাধনায় অগ্রসর হওয়ার অধিকারী । অবিদ্যার প্রভাবে নির্বাণ লাভ হলে আর পুনর্জন্ম হয় না, সেজন্মে কাফুপাদ বলছেন, ডোষীকে বিবাহ করে জন্ম সফল হল, কারণ নৈরাশ্বার সঙ্গে মিলিত হওয়ায় তাঁর আর পুনর্জন্ম হবে না । বিবাহের যৌতুক অহুত্তরধাম বা নির্বাণ । নববধুর সঙ্গে সদ্যবিবাহিত বর স্বরতানন্দে দিবারাত্রি কাল কাটায়, তেমনি নৈরাশ্বার সঙ্গে মিলিত হয়ে কাফুপাদও দিবারাত্রি মহাস্বখে কাল কাটাচ্ছেন, জ্ঞানের প্রভায় অজ্ঞান-অন্ধকার রাত্রি এইভাবেই অতিবাহিত হয় । এই নৈরাশ্বার সঙ্গ যে-সমস্ত যোগী পেয়েছেন, তাঁরা সহজানন্দের ছলভ আনন্দ পেয়ে ক্ষণমাত্রও সেই সহজানন্দকে ছাড়তে চান না ॥

॥ শব্দার্থ ও টীকা ॥

ভব নির্বাণে=ভব ও নির্বাণ পৃথক নয়, ভবের স্বরূপ অবগত হলেই নির্বাণে আরোপিত হওয়া যায়—এই রকম সিদ্ধান্তার্থরা মনে করতেন ॥ করণ=বাদ্য বিশেষ (ঢোল ?) ॥ পড়হ মাদলা=পটহ ও মাদল ॥ হুন্ডুহি-সাদ=হুন্ডুভি-শব্দ ॥ উছলিআ=উৎ + √ছল্ > উচ্ছল + ক্লাচ্, প্রত্যয় বোঝাতে ইআ > উছলিআ ॥ অহারিউ=বিনষ্টিকৃত । √হর্-এর Progressive হার, অ + হার + মধ্যমপুরুষের কর্ম-বাচ্যের একবচনে > অহারিউ (তুলনীয়, বিটালিউ) ॥ জাম=জন্ম । ধাম=ধর্ম ॥

॥ কুকুরীপাদ ॥

॥ রাগ পটমঞ্জরী ॥

হাঁউ নিরাসী খমণ সাদ্গ^১ ।
মোহোর বিগোআ কহণ ন জাই ॥
ফিটলেসু^২ গো মাএ অন্তউড়ি চাহি ।
না এথু চাহমি^৩ সো এথু নাহি ॥
পহিল^৪ বিআণ মোর বাসনয়ুড়া ।
নাড়ি বিআরন্তে সেব বায়ুড়া^৫ ॥
জা ৭^৬ জৌবন মোর ভইলেসি^৭ ।
মূল নখলি বাপ সংঘারা ॥
ভগথি কুকুরীপা এ ভব থিরা ।
জো এথু বুঝএ^৮ সো এথু বীরা ॥

॥ পাঠান্তর ॥

১. খমণ সাদ্গ, খমণভতারে, সমনভংতারে। ২. কেটলিউ। ৩. বাহাম।
৪. পহিলে। ৫. বাপুড়া। ৬. জাণ, নব। ৭. ভোর হইলেসি। ৮. বুঝএ ॥

॥ আধুনিক বাংলায় রূপান্তর ॥

আমি নিরাশ, স্বামী ভ্রমণ (বা শূন্যরূপ মন) ; আমার বিশেষ জ্ঞান বলা যায় না। গর্ভ মোচন করলাম গো মা, আমি আঁতুড় ঘরের দিকে তাকিয়ে ; যে জিনিস আমি এখানে চাই, তা এখানে নেই। আমার প্রথম প্রসব (বিআণ) বাসনাপুট (অর্থাৎ কামপূর্ণ দেহ যা বাসনার পুঁটলি) ; নাড়ী বিচার করতে গিয়ে দেখি সেও লুপ্ত। যা নব-যৌবন (বা জ্ঞান যৌবন) তা আমার পরিপূর্ণ হল, আসল খন্তায় (নখলীতে) সংহার করা হল। কুকুরীপাদ বলছেন, এই সংসার স্থির ; যে এখানে তা বোঝে সে-ই এখানে বীর ॥

॥ রূপকার্থ ॥

কুকুরীপাদ বলছেন, আমি নিরাশ, আসক্তহীন ; সর্বশূন্যতায় পরিপূর্ণ তাঁর মন তাঁর স্বামী। এই মনের সঙ্গে বা সর্বশূন্যতায় যুক্ত হয়ে তিনি যে-আনন্দ পেয়েছেন বা বিশেষজ্ঞান লাভ করেছেন—তা ভাষায় প্রকাশ করা যায় না। পৃথিবীতে আঁতুড়ঘর দেখে বা মাতৃঘের জন্মলাভ করতে এবং পরে সারাজীবন তাকে হুঃখ

মূল ও অহুবাদ

পেতে দেখে তিনি বিষয়ের প্রতি মোহ ছেড়েছেন। তিনি বুঝেছেন, বা তিনি চাইছেন অর্থাৎ নির্বাণ তা এই সংসারস্থলের মধ্যে বিষয়ভোগ করে পাওয়া যাবে না। প্রথম যখন তাঁর জ্ঞান লাভ হয়েছিল তখন তিনি ভেবেছিলেন, এই দেহে (বা সংসারেই) সব কিছু আনন্দ, কিন্তু পরে দেখলেন, তা মিথ্যা ; এখন বিষয়কে সংহার করেই তিনি মুক্তি পাবার পথ দেখতে পেলেন। কুকুরীপাদ বলেছেন—এই সংসার স্থির, এখানে কিছু আসেও না, যায়ও না ; এই তত্ত্ব যিনি বুঝেছেন তিনি জন্ম মৃত্যুতে বিচলিত হন না, তাই তিনিই প্রকৃত বীর ॥

॥ শব্দার্থ ও টীকা ॥

নিরাসী = নিরাশ, স্ত্রীলিঙ্গে নিরাসী ॥ বিগোআ = বিশেষ জ্ঞান, ‘বিশিষ্ট সংযোগ করস্থখাত্তভব’ ॥ বাসনমুড়া = বাসনার সমষ্টি এই দেহ- ॥ পহিল = প্রথম > পঠম > পহম > পহল > পহিল ॥ সেব = সা + এব = সেব ; তা-ই, সেও ॥ নখলি = খন্ডা ॥ সংঘারা = সংহার > সংঘার ॥

॥ চর্বা ২১ ॥

॥ ভুস্কুপাদ ॥

॥ রাগ বরাড়ী ॥

নিসি^১ অক্ষারী^২ মুসার^৩ চার।

অমিঅ ভখঅ মুসা করঅ আহারা ॥

মার রে^৪ জোইআ মুসা পবণা ॥

জোঁগ^৫ তুটঅ অবণা-গবণা ॥

ভব বিন্দারঅ^৬ মুসা^৭ ঋণঅ^৮ গাতী^৯ ॥

চঞ্চল মুসা কলিঅ^{১০} নাশক খাতী ॥

কাল^{১১} মুসা উহ^{১২} বাণ ॥

গঅণে উঠি করঅ^{১৩} অমণ ধাণ ॥

তব সে^{১৪} মুসা উঞ্চল^{১৫}-পাঞ্চল ॥

সদগুরু-বোহে করিহ সো নিচ্চল ॥

জবেঁ মুসাএর চার^{১৬} তুটঅ ॥

ভুস্কু ভণঅ তবেঁ বান্ধন ফিটঅ ॥

॥ পাঠান্তর ॥

১. নিসিঅ । ২. আক্ষারী. অচারী । ৩. হুসার । ৪. মারবে । ৫. ‘বিন্দার

জ'। ৬. মুসার। ৭. বলআ। ৮. গতি। ৯. কলা। ১০. উহণ। ১১. চরঅ।
১২. 'তবসে', 'তাব সে'। ১৩. হুঞ্চল। ১৪. চা, অচার।

॥ আধুনিক বাংলার রূপান্তর ॥

রাত্রি অন্ধকার, মৃষিক বিচরণশীল; অমৃতভক্ষ মৃষিক আহার করে। পবনের মতো চঞ্চল মৃষিককে, হে যোগি, তুমি মার, যেন তার আনাগোনা টুটে যায় (বন্ধ হয়ে যায়)। পৃথিবী-বিদ্ধকারী মৃষিক গর্ত খনন করে, মৃষিক চঞ্চল—এটা জেনে (তাকে) নাশ করার জন্ত স্থিত হও (স্থির কর)। মৃষিক কুম্ভবর্ণ, তার উদ্দেশ্য ও গায়ের রঙ (দেখা যায় না) ; গগনে উঠে সে অমনক ধ্যান করে (কিংবা, বৃষ্টি অহুসারে 'অমৃত পান করে')। সেই মৃষিকের ততক্ষণ চঞ্চলতা, যতক্ষণ না সে সদৃশুর উপদেশে (বোধে) নিশ্চল হয়। ভূহুহু বলছেন, যখন মৃষিকের বিচরণ টুটে যায় (বন্ধ হয়) তখন তার বন্ধন খোলে ॥*

॥ শব্দার্থ ও টীকা ॥

নিসি অন্ধারী = রাত্রি অন্ধকারময়ী। নিশি জীলিঙ্গ বলে অন্ধার-ও জীলিঙ্গে অন্ধারী ॥ ভখঅ = সং. ভক্ষ্য ॥ মুসার চারা = মৃষিকের বিচরণ ॥ বিন্দারঅ = বিদ্ধকারী বিদ্ধকারক থেকে ? ॥ খণঅ = খনন করে ॥ উঞ্চল-পাঞ্চল = হাঁচোর-পাঁচোর কথাটি কি এর থেকে এসেছে? মৃষাএর = মৃষিকের। মৃষকন্ত > মৃষঅর > মৃষাএর, সম্বন্ধে ৬ষ্ঠী ॥

॥ চর্যা ২২ ॥

॥ সরহুপাদ ॥

॥ রাগ গুঞ্জরী ॥

অপণে রচি রচি ভবনির্বাণা ।
মিছে' লোঅ বন্ধাবএ অপনা ॥
অস্তে^১ ন জানহু^২ অচিস্ত জোই ।
জাম মরণ ভব কইসণ হোই ॥
জইসো জাম মরণ বি তইসো ।
জীবস্তে মঅলে^৩ গাহি বিশেসো ॥
জা এথু^৪ জাম মরণে বি সঙ্কা^৫ ।
জো করউ রস রসানেরে কংখা ॥

রূপকার্যের জন্ত পৃষ্ঠা ৩২ দ্রষ্টব্য ॥

জে^৩ সচরাচর ভিঅস ভমস্তি ।
 তে অজরামর কিম্পি ন হোস্তি ॥
 জামে কাম কি কামে জাম ।
 সরহ ভগতি অচিস্ত সো ধাম ॥

॥ পাঠান্তর ॥

১. অন্বে । ২. জাণহু^১ । ৩. সঅলৈ^২ । ৪. জাএথু^৩ । ৫. বিশকা^৪ । ৬. যে যে ॥

॥ আধুনিক বাংলার রূপান্তর ॥

নিজের মনে ভবনির্বাণ রচনা করে মিথ্যাই লোক নিজেকে বাঁধে। যা অচিস্ত্য তাকে আমরা জানি না, (আরও জানি না) জন্ম মরণ ভব কীভাবে হয়। যেমন জন্ম, মরণও সেই রকম, জীবিত ও মৃতের মধ্যে পার্থক্য নেই। যার এখানে জন্ম এবং মৃত্যুতে আশঙ্কা, সে রসরসায়নের আকাজ্জা করুক। যারা সচরাচর ত্রিদশে ভ্রমণ করে (অর্থাৎ চরাচর সমেত দেবলোকে, কিংবা চরাচর, লোক এবং দেবতায় ভ্রমণ করে) তারা কোনো ভাবেই অজরামর হয় না (হতে পারে না)। জন্ম থেকে কর্ম কি কর্ম হতে জন্ম (এই সমস্যায়) সরহ বলছেন, সেই ধর্ম অচিস্ত্য ॥

॥ রূপকার্থ ॥

যারা অবিজ্ঞায় আছেন, এই রকম লোকেরা মনে করে, ভব আর নির্বাণ, অর্থাৎ স্থিতি ও লয়—এই দুটি বুঝি পৃথক ; কিন্তু আসলে এই ধারণা ভুল, কারণ স্থিতির সম্বন্ধে ধারণা হলেই নির্বাণলাভ সহজ হয়। তবে বিচারে দেখা যাচ্ছে, ভবের কোনো অস্তিত্ব নেই, কারণ তা কেনোদিনই উৎপন্ন হয় নি—আমরা তাই যা দেখি, সবই অবিজ্ঞা মোহিত চিত্তের মিথ্যামুভূতি মাত্র। যোগীরা তাই বুঝতে পেরেছেন, ভবেরই যখন অস্তিত্ব নেই তখন জন্ম মৃত্যুর ধারণাও অলীক, জন্ম মৃত্যু দৃষ্টির বিভ্রম, দুটোই ভ্রান্তিমূলক, তাই দুটোই এক পর্যায়ভুক্ত। জীবন ও মৃত্যুতে কোনো প্রভেদ নেই। জীবনে যা প্রাণের অভিব্যক্তি, মৃত্যুতে তা মহাপ্রাণে মিশে সমগ্র বিশ্বে পরিব্যাপ্ত। যারা পৃথিবীতে মরতে ভয় পায়, তারাই নানারকম রস রসায়ন খোঁজে, মরতে চায় না। কিন্তু পরমার্থতত্ত্ব ধারা বুঝেছেন তাঁদের তো এই রসায়নের প্রয়োজন নেই— কারণ তাঁরা তো জানেন, জন্ম মরণ আসলে কী। যারা যাগযজ্ঞ মন্ত্রতন্ত্রের সাহায্যে চরাচর সমেত দেবলোকে (বা চরাচর লোক এবং দেবতায়) যেতে চায়, তারা কোনোভাবেই অজরামর হতে পারে না। জন্ম থেকে কর্ম, কি কর্ম থেকে জন্ম, এই বিকল্পাত্মক বিচারের প্রয়োজন কোথায়? সরহ বলছেন, এই নিগূঢ় ধর্মে এই চিন্তার কোনো স্থান নেই ॥

॥ শব্দার্থ ও টীকা ॥

অপণে = নিজের মনে ॥ অস্ত্রে = সং. অস্ত্রে > অম্‌হে > অস্ত্রে ॥ জ্ঞানহুঁ = √জ্ঞ থেকে জ্ঞান + অহম জাত হুঁ > জ্ঞাণহুঁ ॥ জাম < জন্ম ॥ যইসো তইসো = যাদৃশ, তাদৃশ ॥ জীবন্তে = জীবৎ + শত = জীবন্ত, ৭মীতে জীবন্তে, জীবিতাবস্থায়। তেমনি মঅলৈ = মৃত + ইল > মঅল (মইল) + ৭মী = মঅলৈ, মৃতাবস্থায় ॥ এথু = অত্র > এথ > এণু ॥ তিঅস = ত্রিদশ (চরাচর, লোক এবং দেবতা), কিংবা চরাচর সমেত দেবলোক ॥ ধাম = ধর্ম > ধম্ম > ধাম ॥

॥ চর্চা ২৩ ॥

॥ ভূমুকুপাদ ॥

॥ রাগ বড়ারী ॥

জই তুম্‌হে ভূমুকু অহেরি^১ জাইবেঁ মারিহসি পঞ্চজনা ।

নলনীবন পইসন্তে হোহিসি একুমণা ॥

জীবন্তে ভেলা বিহণি মএল গঅলি ।

হণ বিণু মাসে ভূমুকু পদ্ববণ পইসহিলি^৩ ॥

মাআজাল পসরিউ রে^৪ বাধেলি মাআহরিণী ।

সদগুরু বোহেঁ বুঝিরে কাসু কহাণী^৫ ॥

[এর পর থেকে মূল পুথির চারখানা পাতা লুপ্ত। এই চর্চাটির শেষ চার পঙ্‌ক্তি ও টীকা, ২৪ নং চর্চার সমস্ত অংশ ও টীকা এবং তার পরের অর্থাৎ ২৫ নং চর্চার মূল ও টীকার প্রথম অংশ বিনষ্ট। তবে এই চর্চাগুলির তিব্বতী অম্ববাদ পাওয়া গিয়েছে। ডক্টর প্রবোধচন্দ্র বাগচী সেই অম্ববাদ প্রকাশ করেন ১৯৪২ সালে। সেই অম্ববাদ অবলম্বনে এই চর্চাগুলির মূল কী ছিল তা অম্বমান করে একটি পাঠ-পরিকল্পনা দিয়েছেন ডক্টর স্কুমার সেন তাঁর ‘চর্চাগীতি পদাবলী’ গ্রন্থের ৭৬ থেকে ৭৯ পৃষ্ঠায়। সেজ্ঞ এই বইয়ে পরিকল্পিত মূল পাঠ কী ছিল তা না দিয়ে আমি বিনষ্ট চর্চাগুলির তিব্বতী অম্ববাদ অম্বসরণ করে বাংলা রূপান্তর দিচ্ছি।]

॥ পাঠান্তর ॥

১. অহেই। ২. গঅণি। ৩. পইসহিনি। ৪. পসরি উরে। ৫. কলিনি ॥

॥ আধুনিক বাংলার রূপান্তর ॥

ভূমুকু, যদি তুমি শিকারে যাবে, তবে মেরো পাঁচজনাকে; পদ্ববনে প্রবেশ করতে, তুমি-একমনা হও। জীবিতাবস্থায় থাকা ব্যতীত মৃত্যু নিয়ে এলে, ঐ রকম

মাংসবিহীন হয়ে, তুম্বকু, পদ্মবনে প্রবেশ করলে। মায়াজাল বিস্তার করে ওরে তুমি
মায়াহরিণীকে বাঁধলে, সঙ্গুরুবোধে (উপদেশে) বোঝা যায় কার কী কাহিনী ॥

॥ **ভিকবতী অনুবাদ অনুসারে পরবর্তী চার পঙ্ক্তির বাংলা রূপান্তর ॥**

দেহতে নিজের বিনাশ নেই, মালাও যোগাড় করে কাল এবং অকাল এই
দুটিকে নিয়ে। জালও নেই শিকল নেই, হরিণ একটাকে কামনা করে। (হরিণ)
চঞ্চল গতিতে ছুটে শৃঙ্গের মধ্যে মিলে যায় (লীন হয়) ॥

॥ **শকার্ধ ও টীকা ॥**

অহেরি জাইর্বে=শিকারে যাবে ॥ মারিহসি=মারবে ॥ হোহিসি=ভবিষ্যসি,
হও ॥ হণ=তাদৃশন>তর্কহণ (মাগধী প্রাকৃত)। হণ, ঐ রকম ॥ মায়া-হরিণী
=অবিচাররূপ হরিণী ॥ কাহ্ন কহানী=কার কাহিনী, কিং বৃত্তান্তম্। জগতের
অনিত্যতা সম্বন্ধে জ্ঞান বা ধারণা কার কী, সেই সম্বন্ধে বোঝা যায় সঙ্গুরুর
উপদেশে ॥

॥ **চর্চা ২৪ ॥**

॥ **কাহ্নুপাদ ॥**

॥ **রাগ ইন্দ্রতাল ॥**

॥ **ভিকবতী অনুবাদ অনুসারে আধুনিক বাংলার রূপান্তর ॥**

যেমন চাঁদ (আকাশে) উদ্ভিত হয়, সেই রকম চিত্তরাজ (শৃঙ্খতা গগনে)
শোভা পায়। (চাঁদ উঠলে যেমন অন্ধকার দূরে যায়, তেমনি চিত্তরাজ
শৃঙ্খতা গগনে শোভা পেলে) মোহের অন্ধকার গুরুর উপদেশে বিদূরিত
হয়, সমস্ত ইন্দ্রিয় গগনে লীন হয়। গগন-বীজ গগনেই যায়, নিজের গাছ
থেকে তিনলোকে (চরাচর, লোক এবং দেবতায়) ছায়া ছড়িয়ে দেয়। সূর্য
উঠলে যেমন রজনী সমাপ্ত হয়, (তেমনি জ্ঞানসূর্যের উদয়ে) পৃথিবীর সমস্ত
মোহ (-রূপ রাত্রি) অপসৃত হয়। হংসরাজ বা রাজহংস যেমন নীর
গ্রহণ করে (অর্থাৎ নীর মিশ্রিত ক্ষীরের সার-অংশ গ্রহণ করে), তেমনি
কাহ্নুপাদ বলছেন, পৃথিবীর (সার) সংগৃহীত হল ॥

॥ **চর্চা ২৫ ॥**

॥ **ভাস্তিশাদ ॥**

॥ **রাগ লেখা নেই ॥**

॥ **ভিকবতী অনুবাদ অনুসারে আধুনিক বাংলার রূপান্তর ॥**

ধর্মের উদ্ভব এবং প্রতিষ্ঠা কীভাবে হয় তা বঙ্গহানের দ্বারাই বলা

হয়। পাঁচটি কাল, তন্ততে শুদ্ধ বা পবিত্র বস্ত্র বোনা হয়। আমি সেই তন্তবায়, স্ততো আমার নিজের, (আমি আমার) স্ততোর লক্ষণ নিজেই জানি না। সাড়ে তিন হাত মাহুর (নিজের দেহ ?) তিনভুবনে প্রসারিত, এই বস্ত্রের বয়নে (শূন্যতা) গগন পরিপূর্ণ ॥

এর পর থেকে মূল চর্যা :—

অনহা^১ বেম্‌কট বয়ন^২..... ।

বেগবি^৩ তোড়ি^৪..... ॥

বইঠা ম নিতি^৫..... ।

তন্ত্রী^৬..... ॥

॥ পাঠান্তর ॥

১. অগহা । ২. বেম্‌কটরেণতি । ৩. বেগবি, বৃত্তি অন্তসারে । ৪. তোড়মিত্তা । ৫. বইঠামনীতি । ৬. তন্ত্রীতি, বৃত্তি অন্তসারে ॥

॥ আধুনিক বাংলায় রূপান্তর ॥

অনহত তাঁতে মাহুর বোনা (স্থির), ছই জায়গা ভেঙে ফেলে (দৃঢ়ভাবে জোড়া হয়েছে)। উপবিষ্ট আমি (নিত্য স্তনেতে পাই), তন্ত (-বায় বৃত্তি ছেড়ে আমি বস্ত্রধর হয়েছি) ॥

॥ চর্যা ২৬ ॥

॥ শাস্তিপাদ ॥

॥ রাগ শবরী ॥

তুলা ধুনি ধুনি আন্স রে^১ আন্স ।
 আন্স ধুনি ধুনি নিরবর সেসু ॥
 তউ সে^২ হেরুঅ গ পাবিঅই ।
 শাস্তি ভগই কিণ স ভাবিঅই ॥
 তুলা^৩ ধুনি ধুনি স্তনে অহারিউ ।
 শূণ^৪ লই-আ অপ্ণা চটারিউ ॥
 বহল বাট^৫ ছই-আর^৬ ন দিশঅ ।
 শাস্তি ভগই বালাগ ন পইসঅ ॥

কাজ ন কারণ জ এছ^১ জুঅতি^২ ।

সএ^৩-সম্মেঅণ^৪ বোলথি সাস্তি ॥

॥ পাঠান্তর ॥

১. ঝাহরে । ২. তউষে । ৩. তুল । ৪. পুণ । ৫. বট । ৬. দুই মার ।
৭. জএছ । ৮. জঅতি । ৯. সঁঅ সঁবেঅণ ॥

॥ আধুনিক বাংলায় রূপান্তর ॥

তুলা ধুনে ধুনে আঁশে আঁশে লীন করা হল, আঁশকেও ধুনে ধুনে নিরবয়ব করা হল,—তবু সে হেতু (হেরুক বীণা) পাওয়া যায় না ; শাস্তি বলছেন (যতই) তাকে ভাবা (হোক না কেন) । তুলা ধুনে ধুনে শূণ্যতায় জড়ো করা হল শূণ্যে নিয়ে গিয়ে নিজেকে লীন করলাম (নিঃশেষ করলাম) । কর্দমাক্ত রাস্তা, দুই পথ আর দেখা যায় না ; শাস্তি বলছেন, কেশাগ্রও ঢুকতে পারে না (মুর্খের হৃদয়ে) । কাজ না কারণ না—এই যুক্তি শাস্তি বলছেন নিজের সংবেদন ॥

॥ রূপকার্থ ॥

শাস্তিপাদ বলছেন, তিনি নিজের চিত্তকে ধুনে ধুনে অর্থাৎ তার সমস্ত বিকার নষ্ট করে নিরবয়ব করেছেন, শূণ্যে বিলীন করে দিয়েছেন । চিত্তের এইভাবে অস্তিত্ব লোপ পাওয়াতে তার পুনরুৎপত্তির হেতু খুঁজে পাওয়া যায় না । তখন সংসারের সমস্ত মলিনতা আর দ্বৈতভাবের জ্ঞান তিরোহিত । এই অমৃত্তর জ্ঞানের কণামাত্রও মুর্খের হৃদয়ে প্রবেশ করতে পারে না, যিনি কাষ-করণ হেতুজাত সংসারের অলীকতা উপলব্ধি করেছেন, তিনিই এই অমৃত্তি নিজের মনে অমৃত্তব করতে পারেন ॥

॥ শব্দার্থ ও টীকা ॥

তউসে=তবু সে ॥ হেরুক=হেতু (হেরুক বীণা ?) ॥ ভাবিমই>ভাব্যতে =ভাবা হয় ॥ চটারিউ=লীন করলাম, নিঃশেষ করলাম, √চট্ থেকে ॥ বহল বাট=কর্দমাক্ত রাস্তা ॥ দুই-আর=দুই মার্গ ॥ এছ জুঅতি<এষা যুক্তি=এই যুক্তি ॥ বোলথি=√ক্র—লট্ তি>বদতি>বলতি>বোলথি ॥

॥ চর্চা ২৭ ॥

॥ ভূমুকুপাদ ॥

॥ রাগ কামোদ ॥

অধরাতি ভর কমল বিকসিউ ।

বতিস জোইনী তনু অজ উহ্লসিউ^১ ॥

চালিউৎ সসহর^৩ মাগে অবধুই ।
 রঅগছ মহজে কহেই (সোই)^৪ ॥
 চালিঅ সসহর^৫ গউ গিবাণে^৬ ।
 কমলিনি কমল বহই পণালো^৭ ॥
 বিরমানন্দ বিলক্ষণ সূধ ।
 জো এথু বুঝই সো এথু বুধ ॥
 ভুসুকু ভণই মই বুঝিঅ মেলো^৮ ।
 সহজ্ঞানন্দ মহাসুহ লোলো^৯ ॥

১ পাঠান্তর ॥

১. উরুসিউ । ২. চালিউঅ । ৩. যমহর । ৪. ছন্দের খাতিরে 'সোই' ।
 ৫. যমহর । ৬. লীলো ॥

২ আধুনিক বাংলায় রূপান্তর ॥

অর্ধেক রাত্রি ধরে কমল বিকশিত হল, বত্রিশ যোগিনী, তাদের অঙ্গ (হল) উল্লসিত। অবধুতীমার্গে শশধর চালিত হল, রত্নের প্রভাবে (সে) কথিত হয় সহজ্ঞানন্দের দ্বারা। শশধর চালিত হয়ে গেল নির্বাণে, কমলিনী পন্ন বহন করছে মৃগালে। বিরমানন্দ বিলক্ষণ শুদ্ধ, যে (এই কথা) বোঝে এখানে, সে (এখানে) বুদ্ধ। ভুসুকু বলেন, আমি মিলনে বুঝেছি, সহজ্ঞানন্দ মহাসুখ লীলায় (মজ্জেছি) ॥

৩ রূপকার্থ ॥

প্রজ্ঞাজ্ঞানের অভিষেক যে-সময়ে করা হচ্ছে সেটাই অর্ধেক রাত্রি। তখন সাধকের সত্যজ্ঞান লাভ হল অর্থাৎ সহস্রার পন্ন বিকশিত হল। দেহের বত্রিশটি নাড়ী (সহজ মতে) তখন উল্লসিত, পরিশুদ্ধ চিত্ত তখন মহাসুখানন্দে বিভোর, রত্ন হেতু বা গুরুর উপদেশে এই মহাসুখ পাওয়া গিয়েছে। চিত্ত-শশধর এইভাবে নির্বাণে আরোপিত, দেহকে অবলম্বন করেই সেই বোধিচিত্ত-কমল স্থির। এই যে আনন্দ, তা লক্ষণহীন আর তা যে অল্পভব করেছে সেই প্রকৃষ্ট বুদ্ধ। ভুসুকুপান গুরুপ্রসাদে পুরুষ-প্রকৃতির মিলনজাত এই মহাসুখ অল্পভব করেছেন—এই কথাই বলতে চান ॥

৪ শকার্থ ও টীকা ॥

অধরাতি = "অর্ধরাত্রী চতুর্থী সন্ধ্যায়াং প্রজ্ঞাজ্ঞানাবিষেকদান-সময়ে"—টীকা ॥
 বতিস = বত্রিশ, এখানে বত্রিশ যোগিনী অর্থে সহজ্ঞমতের বত্রিশটি নাড়ী ॥ রঅগছ =

বন্ধের হেতু, গুরু উপদেশের সাহায্যে ॥ চালিত =সং. চালিত> চালিত ॥ মই
বুঝি =আমি বুঝিলাম, বা আমার দ্বারা বোঝা হল। তুলনীয়, “মর্দং জাণিঅ
মিঅ-লোঅণি” ইত্যাদি “বিক্রমোবশী”, কালিদাস। মহারাষ্ট্রী প্রাকৃতের প্রভাবে ॥

॥ চর্চা ২৮ ॥

॥ শব্দপাদ ॥

॥ রাগ বলাড়ি (বলাড়ি বা বরাড়ি) ॥

উচা উচা^১ পাবত তহি^২ বসই সবরী বালী ।

মোরঙ্গ পীচ্ছ পরহিণ সবরী গীবত গুঞ্জরী মালী ॥

উমত সবরো পাগল সবরো মা কর গুলী গুহাডা তোহোর^৩ ।

ণিঅ ঘরিনী নামে সহজ সুন্দরী^৪ ॥

গাণা তরুবর মৌলিল রে গঅণত লাগেলী ডালী ।

একেলী সবরী এ বণ হিগুই কর্ণকুণ্ডল বজ্রধারী ॥

তিআ-ধাউ খাট পড়িলা সবরো মহাসুথে সেজি ছাইলি ।

সবরো ভুজঙ্গ^৫ গইরামণি দারী পেন্দ রাতি পোহাইলী ॥

হিঅ^৬ তাঁবোলা মহাসুহে কাপুর খাই ।

সুন নিরামণি কঠে লইআ মহাসুহে রাতি পোহাই ॥

গুরুবাক পুঞ্জআ বিদ্ধ গিঅ মণে বাণে ।

একে শরসন্ধাণে^৭ বিদ্ধহ বিদ্ধহ^৮ পরম নিবাণে^৯ ॥

উমত সবরো গরুআ রোষে ।

গিরিবর-সিহর সন্ধি পইসন্তে সবরো লোড়িব কইসে ॥

॥ পাঠান্তর ॥

১. উঞ্চা উঞ্চা । ২. তোহোরি । ৩. সুন্দারী । ৪. ভুজঙ্গ । ৫. হিএ ।

৬. বিদ্ধহ, বিদ্ধউ ॥

॥ আধুনিক বাংলার রূপান্তর ॥

উঁচু উঁচু পাহাড় (পর্বত), সেখানে শবরী বালিকা বাস করে, শবরী ময়ূরপুচ্ছ
পরিহিত, গলায় গুঞ্জাফুলের মালা। উন্নত শবর, পাগল শবর, তোমার দোহাই,
গোল কোর না, (তোমার) নিজের গৃহিণী (ঐ শবরী), নামে সহজসুন্দরী। নানা (পুষ্প)
তরুবর মুকুলিত রে, আকাশে ঠেকে গিয়েছে (সেই তরুবরের) শাখা, একলা শবরী

এই বনে বিহার করে, (সেই শবরী) কর্ণকুণ্ডল বস্ত্রধারী । তিনঘাতুর ষাট পাতা
 হল, শবর মহাস্থখে শয্যা বিছাল ; শবর ভূজঙ্গ (নাগর ?) নৈরামণি রমণী (নাগরী ?)
 প্রেমে রাত কাটাল (প্রেম সন্তোগে রাত্রি অতিবাহিত করল) । হৃদয়-তাম্বুল (তার
 সন্ধে) মহাস্থখে কপূর খেল, শূন্য নৈরামণিকে কঠে ধারণ করে (বৃকে নিয়ে) মহা-
 স্থখে রাত পোহাল । গুরুবাক্যকে ধনু করে নিজের মনকে বাণে বিদ্ধ কর ; এক
 শর সন্ধান করে (নিজের মনকে) বিদ্ধ কর, বিদ্ধ কর পরম নির্বাণে ॥ গুরুতর রোষে
 শবর উন্নত, গিরিশিখরের সন্ধিতে প্রবিষ্ট শবরকে খোঁজা যাবে কিসে !

। রূপকার্থ ।

দেহরূপ পর্বতের উচ্চ শিখরে মহাস্থখচক্র, সেখানে বাস করেন শবরীরূপিণী
 নৈরাশ্বাদেবী । তিনি নানারকম ভাববিকল্পের অলংকারে ভূষিতা । [এখানে একটা
 মানে হতে পারে, পরমমুক্তিকে নানাঙ্গনে নানা সংজ্ঞায় বর্ণনা করেছেন, তাই তিনি
 নানা অলংকারে ভূষিতা] । কিন্তু তিনি যেন সহজপথের সাধককে বলছেন—উন্নত
 সাধক, আর সবাই যেভাবেই আমার ব্যাখ্যা করুক না কেন, ভেনো, আমি তোমারই
 প্রার্থিত সহজানন্দ । নানাফুলে তরুণ মুকুলিত, গগনে সেই বৃক্ষের শাখা
 বিস্তারিত—অর্থাৎ নানা অবিছায় দেহ সজ্জিত, পঞ্চ ইন্দ্রিয়ের শাখা-প্রশাখার ছটিল
 জালে নির্বাণের আকাশ অবরুদ্ধ—তবু আমি দেহের মধ্যেই একাকী ; অবিছায়
 কলুষ থেকে নিছক ইন্দ্রিয় সন্তোগের উন্নততা থেকে যে-সাধক মুক্ত তিনিই আমাকে
 সহজানন্দরূপে পাবেন । সেই সহজানন্দকে পেতে গেলে সাধককে কঠোর সাধনা
 করতে হবে । নরনারীর মিলনের আয়োজন উপকরণ শয্যা, তাম্বুল ইত্যাদি—
 কিন্তু এগুলি উপকরণমাত্র, আসল হচ্ছে মিলন । তেমনি সহজানন্দকে পেতে গেলে
 চিত্তের বিভিন্ন বিকারকে অবহেলা করতে হবে, নৈরাশ্বাকেই প্রধান লক্ষ্য বলে
 একমন হতে হবে । চিত্তের বিকার নাশ করার অস্ত্র গুরুর উপদেশ । এই উপদেশ
 যিনি অক্ষরে অক্ষরে পালন করে সহজস্থখের আশ্বাদ পেয়েছেন, তিনি গিরিশিখরের
 সন্ধিতে অর্থাৎ মহাস্থখে বিলীন—তাকে আর খুঁজে পাওয়া যাবে না ॥

। শব্দার্থ ও টীকা ।

শবরী = নৈরাশ্বাদেবীর প্রতীক, যেমন ডোষী, চণ্ডালী ইত্যাদি । নগর বাহিরে
 অস্পৃশ্যতা হেতু এঁরা নিঃসঙ্গ বাস করতেন । তেমনি দেহের অহুভূতির বাইরে
 নৈরাশ্বার অধিষ্ঠান বলে, তিনি ডোষী, চণ্ডালী, শবরী ॥ মোরদি পীছ—ময়ূর-
 পুছ । ময়ূরপুছ বিচিত্র, তেমনি আমাদের ভাব-বিকল্পগুলিও নানা ধরনের ।

কিন্নাতদের সাজসজ্জায় ময়ূরপুচ্ছ অপরিহার্য। চর্চাপদের কবির বাস্তবতাবোধের উদাহরণ। শবরীকে যতটা সম্ভব ইঙ্গিতে ভঙ্গীতে তাঁদের নিজেদের বিশেষত্ব সমেত জীবন্তভাবে এখানে উপস্থিত করা হয়েছে ॥ গুহাড়া=গোহার থেকে, অর্থ অনুরোধ করা, আবেদন করা ॥ তিঅ-ধাউ—তিন ধাতুর সমাহার, কায় বাক্ চিন্তের রূপক ॥ লোড়িব—খুঁজব, খোঁজা হবে।

॥ চর্চা ২৯ ॥

॥ লুইপাদ ॥

॥ রাগ পটমঞ্জরী ॥

ভাব ন হোই অভাব গ জাই ।
 আইস সংবোহেঁ কোপতিআই ॥
 লুই ভগই বট^১ ছলক্খ বিণাণা ।
 তিঅ-ধাএ বিলসই উহ ন জানা^২ ॥
 জাহের বানচিহ্ন রুব গ জাণী ।
 সো^৩ কইসে আগম বেএ^৪ বখাণী ॥
 কাহেরে কিষ ভণি^৫ মই দিবি পিরিচ্ছা ।
 উদক-চান্দ জিম সাচ ন মিচ্ছা ॥
 লুই ভগই ভাইব কীষ^৬ ।
 জা লই^৭ অচ্ছম তাহের^৮ উহ গ দীস^৮ ॥

॥ পাঠান্তর ॥

১. বচ । ২. লাগে গা । ৩. তো । ৪. কিষভণি । ৫. কীষ, খেষ ।
 ৬. জালই । ৭. অচ্ছমতাহের । ৮. দীস্ ॥

॥ আধুনিক বাংলায় রূপান্তর ॥

ভাব না হয়, অভাব না যায় ; এমন সংবোধে কে বিশ্বাস (প্রত্যয়) করে ! লুইপাদ বলছেন, বাপু (মূর্খ—শিষ্টকে সম্বোধন), বিজ্ঞান দুর্লভ্য, তিন ধাতুতে বিলাস করে তাকে (তার উদ্দেশ) জানা যায় না । যার বর্ণ রূপ কিছুই জানা যায় না, তা (আমি) কেমন করে আগমবেদের দ্বারা ব্যাখ্যা করব ! কাকে (আমি) কী বলে প্রব্লেম উত্তর দেব, (কারণ) জলে প্রতিভাত চন্দ্র না সত্য, না মিথ্যা । লুইপাদ বলছেন, আমি কী ভাবব, বা নিয়ে আছি তার না জানি উদ্দেশ, না জানি দিক ॥

চর্চাপদ

১৫৬

। রূপকার্থ ।

কেউ কেউ মনে করেন, জগতের কোনোই অস্তিত্ব নেই এবং এই সম্যক বোধের দ্বারা তাঁরা বিশ্বাস করেন, জগতের অভাবেও কিছু লোপ পায় না। কিন্তু এই বোধের দ্বারা কি সহজানন্দের প্রত্যক্ষ উপলব্ধি জন্মাতে পারে! সহজানন্দের বিজ্ঞান আলাদা, তা ইঞ্জিয়াতীত; তাই কায় বাক চিত্তের সাহায্যে ধারা এই অতীন্দ্রিয় অল্পভূতির ব্যাখ্যা করেন তাঁরা ঠিক জানেন না। যুক্তিবাদীরা হৃদয়ের অল্পভূতির ধার দিয়েও যান না, স্মতরাং যুক্তি দিয়ে ধারা পৃথিবীকে মিথ্যা বলেন, যুক্তির মাধ্যমেই ধারা সহজানন্দকে পেতে চান—তাঁরা আনন্দের রহস্যময় অল্পভূতি থেকে বঞ্চিত। ধার স্বরূপ সম্বন্ধে কিছুই জানা যায় না, যার বর্ণ, চিহ্ন, রূপ—সবই বর্ণনার অতীত এবং আমাদের অজ্ঞাত—তাঁকে কি বেদ আগম শাস্ত্র দিয়ে ব্যাখ্যা করতে পারা যায়! জলে প্রতিবিম্বিত চাঁদ যেমন সত্যও নয় মিথ্যাও নয়—যোগীর হৃদয়ে জগৎ সম্বন্ধে ধারণাও তেমনি না সত্য, না মিথ্যা। আসলে যতক্ষণ যুক্তির প্রাধান্য ততক্ষণ সংশয়ের প্রাধান্য :—চিত্তকে যদি অচিত্ততায় লীন করা যায়, যুক্তির চেয়ে অল্পভূতিকে বড় করা হয়—তবেই যোগী অতীন্দ্রিয় সহজানন্দে লীন হতে পারেন। লুইপাদ সেই অবস্থায় উপনীত হতে পেরেছেন বলেই তিনি দিশাহারা ॥

॥ শব্দার্থ ও টীকা ॥

সংবোধে = সম্বোধনে, সম্যক বোধের সাহায্যে ॥ পতিআই = প্রত্যয় করে ॥
বিগাণা = বিজ্ঞান। তিঅ-ধাএ = তিন ধাতুর (কায়, বাক্, চিত্তের) দ্বারা ॥ বানচিত্ত-
রূব = বর্ণ, চিহ্ন, রূপ ॥ পিরিচ্ছা = প্রশ্ন, জিজ্ঞাসা ॥ উহ ৭ দীস = না উদ্দেশ্য, না দিক ॥

॥ চর্যা ৩০ ॥

॥ ভূমুকুপাদ ॥

॥ রাগ মল্লারী ॥

করুণা-মেহ নিরন্তর ফরিআ ।

ভাবাভাব দ্বন্দ্বল^১ দলিয়া ॥

উইএ^২ গঅণ-মাঝে^৩ অদভূআ ।

পেথরে ভূমুকু সহজ সরুআ^৪ ॥

জানু গুণন্তে^৫ তুটুই ইন্দিয়াল ।

নিহএ^৬ নি-অমন দে^৭ উলাস^৮ ॥

বিসঅ-বিশুদ্ধি^৯ মহি বুজ্ঝিঅ আনন্দে ।

গঅণহ জিম উজ্জোলি চান্দে ॥

এ তৈলোএ^৮ এতবি বারা ।

জোই ভুস্কু ফেড়ই^৯ অঙ্কারা ॥

॥ পাঠান্তর ॥

১. ছংছল । ২. উইত্তা । ৩ সক্রঅ । ৪. শুনস্তে । ৫. নিছরে ।
৬. ৭ দে । ৭. ছন্দ অহুরোধে 'উলাল' । ৮. এ তিলোএ । ৯ হেব্ভই ।

॥ আধুনিক বাংলায় রূপান্তর ॥

করণা-মেঘ নিরন্তর প্রস্ফুরিত, ভাব-অভাবের দ্বন্দ্ব দলিত । গগনে উদ্দিত
অদ্ভুত ; ভুস্কু, তুমি সহজ স্বরূপ দেখ । যাকে গণনা করলে (শুনলে) ইন্দ্রিয়পাশ
টুটে যায়, নিভূতে নিজের মন উল্লাস দেয় । বিষয়সমূহের বিশুদ্ধি হেতু আমি
আনন্দকে বুঝলাম ; গগন যেমন চন্দ্রোদয়ে উজ্জ্বল । এই ত্রিলোকে এই (আনন্দই)
সার বস্তু ; যোগী ভুস্কু অঙ্কার বিদীর্ণ করে ফেলেন ॥

॥ রূপকার্থ ॥

ভাব অভাবের দ্বন্দ্ব যখন মিটে গেছে, গ্রাহ-গ্রাহক ভাব সাধকের মন থেকে
অবলুপ্ত, তখনই করুণা-মেঘ বা নির্বাণের আনন্দ চিত্তের আকাশে প্রস্ফুরিত । চিত্ত-
গগনে তখন সহজানন্দের বিকাশ, বিষয়সমূহের বোধ বিনষ্ট, সমস্ত ইন্দ্রিয়ের বন্ধন
ছিন্ন—এই অবস্থায় মন তো উল্লসিত হবেই । আকাশে চাঁদ উঠলে যেমন নিবিড়
অঙ্কার কোথায় মিলিয়ে যায়, তেমনি ভুস্কুপাদের মনে জ্ঞানোদয়ের উজ্জ্বল
আলোকে অজ্ঞানের অঙ্কার বিদূরিত । তিনলোকে এই আনন্দই সার বস্তু—
মায়াময় পৃথিবীর মোহাঙ্কার বিদীর্ণ করে ভুস্কুপাদ এই সহজানন্দের আনন্দ
পেয়েছেন ॥

॥ শব্দার্থ ও টীকা ॥

ফরিআ = সং. স্ফুরিত্বা ॥ দলিআ = দলিত্বা ॥ উইএ = উদ্দিত ॥ সহজ
সক্রঅ = সহজ স্বরূপ ॥ দে উলাস = উল্লাস দেয়, হিল্লোলিত করে ॥ ফেড়ই =
শ্বেটয়তি, ফেড়ে ফেলে ॥

॥ চর্যা ৩১ ॥

। আজদেব ॥

॥ রাগ পটমঞ্জরী ॥

জহি মন ইন্দ্রিয়রণ^১ হো গঠা^২ ॥

৭ জানমি অপা কঁহি গই পইঠা ॥

অকট করুণা-ডমরুজি^১ বাজঅ ।
 আজদেব নিরালে^২ রাজই ॥
 চান্দেরি^৩ চান্দকাস্তি জিম পতিভাসই ।
 চিঅ-বিকরণে তহি টলি^৪ পইসই ॥
 ছাড়িঅ^৫ ভয় ঘিণ লোআচার ।
 চাহস্তুে চাহস্তুে স্মণ বিআর ॥
 আজদেবে^৬ সমল বিহরিউ^৭ ।
 ভয় ঘিণ দূর নিবারিউ ॥

¶ পাঠান্তর

১. ইন্দ্রিয় পবন। ২. গঠা। ৩. ডমরুকা। ৪. গিরামে। ৫. চান্দেরে।
 ৬. টেলি। ৭. ছাড়িল। ৮. বিহরিউ ॥

॥ আধুনিক বাংলায় রূপান্তর ॥

যেখানে নষ্ট হয় মন ও ইন্দ্রিয়পবন, জানি না, (আমার) আত্মা কোথায় প্রবেশ
 করল। করুণা-ডমরু (কীরকম) অদ্ভুত বাজে, আজদেব (আর্ঘদেব) নিরালম্বে
 বিরাজ করেন। চন্দ্রে চন্দ্রকাস্তি যেমন প্রতিভাসিত হয় (তেমনি চিত্র যখন
 অচিত্ততায় লীন হয়—বা বিকরণ হয়), তখন চিত্র (অর্থাৎ চিত্তের বিকল্পগুলি)
 সেখানে টলে প্রবেশ করে। আমি (আর্ঘদেব) ভয় ঘৃণা লোকাচার—সব ছেড়েছি,
 তাকিয়ে তাকিয়ে দেখছি শূন্য বিকার। আর্ঘদেব সব কিছু বিফল করেছে, ভয়
 ঘৃণা দূরে নিবারিত ॥

॥ রূপার্থ ॥

অজ্ঞানের অন্ধকার দূর হয়ে যখন তত্ত্বজ্ঞানের উদয় হয়, তখন পবনের মতো চঞ্চল
 প্রধান ইন্দ্রিয়, মনের কাজ লোপ পায়, চিত্র তখন কোথায় গিয়ে লীন হয় তার উদ্দেশ্য
 পাওয়া যায় না। ঐরকম অবস্থায় উপনীত হলে করুণা-ডমরুর অনাহত ধ্বনি উদ্ভূত
 হয়, অর্থাৎ কার্যকারণবোধ লুপ্ত হয়। এই অবস্থায় এসেছেন আর্ঘদেব, তাই তিনি
 নিরালম্বে বিরাজ করছেন। চন্দ্র অন্ত গেলে জ্যোৎস্নাও মিলিয়ে যায়, তেমনি চিত্র
 অচিত্ততায় বিলীন হলে চিত্তের বিকল্পগুলিও নষ্ট হয়ে যায়। আর্ঘদেবের চিত্তের
 ভাব-বিকল্পগুলি বিনষ্ট, তাই তিনি ভয় ঘৃণা লোকাচারকে ত্যাগ করতে পেরেছেন,
 গুরুনির্দেশিত সাধনার পথে তাকিয়ে তাকিয়ে দেখতে পাচ্ছেন, সমস্ত ভাবগুলি

অভিযানী । সংসারের সমস্ত দোষকে তিনি বিফল করতে পেরেছেন, ভয় ঘৃণাকেও তিনি নিবৃত্ত করতে পেরেছেন ॥

॥ শব্দার্থ ও টীকা ॥

গঠা = নষ্ট থেকে । প্রাচীন বাংলায় নঠো । তুলনীয় “যত ছোট তত নঠো” ॥ ইন্দ্রিঅপবণ = ইন্দ্রিয় পবন । চঞ্চল ইন্দ্রিয় ও পবনের সাধারণ ধর্ম এক ॥ অপা = আত্মা ॥ করুণা-ডমরুলি = করুণা রূপ ডমরু । ডমরুকে টীকায় বলা হয়েছে অনাহত ॥

॥ চর্চা ৩২ ॥

॥ সরহপাদ ॥

॥ রাগ দেশাধ ॥

নাদ ন বিন্দু ন রবি ন শশিমণ্ডল ।
চিঅরাজ সহাবে মুকল ॥
উজুরে উজু^১ ছাড়ি মা লেছ রে বঙ্ক^২ ।
নিঅড়ি^৩ বোহি মা জাহ রে^৪ লাক ॥
হাথে রে^৫ কাঙ্কণ মা লোউ দাপণ ।
অপণে অপা বুরতু^৬ নিঅমণ ॥
পার উআরে^৭ সেই গজিই^৮ ।
হুজ্জন সাজে অবসরি জাই^৯ ॥
বাম দাহিণ জো খাল বিখলা ।
সরহ^{১০} ভণই বপা উজুবাট ভাইলা ॥

॥ পাঠান্তর ॥

১. হুংহুরে উজু । ২. বাক । ৩. নিঅহি । ৪. জাহরে । ৫. হাথের ।
৬. বুরতু । ৭. পারউআরে, পারোআরে । ৮. জোই । ৯. অবরি
জাই, অবসি মজিই ॥

॥ আধুনিক বাংলার রূপান্তর ॥

না নাদ, না বিন্দু, না রবি, (না) শশিমণ্ডল, চিত্তরাজ স্বভাবে মুকল ।
ঋজুপথ (সোজাপথ) ছেড়ে বাঁকা (পথ) নিও না, বোধি নিকটেই, (বোধির জন্তে)
লঙ্কায় (অর্থাৎ দূরে) যেও না । হাতের কঙ্কণ (দেখবার জন্তে) দর্পণ নিও না,
আপনা-আপনিই তুমি নিজের মন বোঝ । পার-উত্তরণে সেই যায়, হুর্জন সঙ্গে সে
অধোগতি পায় । বামদিক ডানদিকে খাল ডোবা, সরহ বলছেন, বাপু, সোজাপথ
দেখতে পাওয়া গেল ॥

॥ রূপকার্থ ॥

চিত্তের সমস্ত বিকল্প ত্যাগ করেই সাধক মুক্ত হতে পারেন। এই সোজাপথে অর্থাৎ সহজিয়া সাধনার দ্বারাই সাধক বোধিজ্ঞান লাভ করতে পারেন, তার জ্ঞান তাঁর অল্পপথ অবলম্বন করার প্রয়োজন নেই। বোধি নিকটেই (দেহের মধ্যে), তাই তাকে পাওয়ার জ্ঞান জপতপ ধ্যান-ধারণার প্রয়োজন নেই। হাতে কঙ্কণ আছে কি-না দেখবার জন্তে যেমন কেউ দর্পণ ব্যবহার করে না, তেমনি আত্মতত্ত্ব বোঝবার জন্তে অপরের উপদেশের দরকার নেই, নিজে নিজেই তুমি আত্মস্বরূপ উপলব্ধি কর। যে এভাবে পরমার্থতত্ত্বের অহুগামী হয়, সে মোহমুক্ত হয়ে পরপারে যেতে পারে, কিন্তু যে মোহ-দুর্জনের সঙ্গে পতিত হয়, সে অধোগতি পায়। সহজ-সাধনার পথ সোজা ঋজু; সে-পথে বিচলিত হলে চলবে না। তাই সরহপাদ বলছেন, ঋজুপথই, সহজিয়া সাধনার পথই সবচেয়ে ভালো ॥

॥ শব্দার্থ ও টীকা ॥

চিঅরাজ = চিত্তরাজ ॥ মুকল = মুক্ত > মুক্ত > মুক + স্বার্থে ল ॥ লেছ = লভস্ব > লভস্ব > লভ > লেছ ॥ নিঅড়ি = নিকট > নিঅড়, অধিকরণে নিঅড়ি ॥ উআরে = উত্তরণে ॥ ভাইলা = ভব > ভল্ল > ভাইল > ভাইলা ॥

॥ চর্চা ৩৩ ॥

॥ চেন্চণপাদ ॥

॥ রাগ পটমঙ্গরী ॥

টালত মোর ঘর নাহি পড়বেষী ।
হাড়ীত^১ ভাত নাহি নিতি আবেসী ॥
বেগ^২ সংসার^৩ বড়্‌হিল জাঅ ।
ছহিল ছধু কি বেণ্টে^৪ ষামায় ॥
বলদ^৫ বিআএল গাবিআ^৬ বাঁঝে ।
পিটা ছহিএ এ তিনা সাঁঝে ॥
জো সো বৃধী সোই নিবৃধী^৭ ।
জো সো চৌর সোই সাধী^৮ ॥
নিতে নিতে^৯ ষিআলা ষিহেঁ^{১০} ষম জুব্বঅ ।
চেন্চণপাএর গীত বিরলে^{১১} বুঝই ॥

॥ পাঠান্তর ॥

১. হুণ্ডী। ২. বেগে, বেঙ্গ। ৩. সংসয়। ৪. বেণ্ট, বেণ্ডে।
৫. বলদ। ৬. গাবিআ, গাবী। ৭. সোধ নি বুধী। ৮. সউ হুধাবী,
হুধাধী। ৯. নিত্যে নিত্যে, নিতি নিতি। ১০. ধিহে। ১১ বিচিরলে ॥

॥ আধুনিক বাংলায় রূপান্তর ॥

টিলার উপরে আমার ঘর, সেখানে প্রতিবেশী নেই, আমার হাঁড়িতে ভাত নেই,
(অথচ) নিত্য প্রেমিক (অতিথি) ভীড় করে। বেগে বয়ে যাচ্ছে সংসার [অন্ত
অর্থ (১) ব্যাঙের সংসার ক্রমাগত বেড়ে যাচ্ছে (২) ব্যাঙের দ্বারা সংসার তাড়িত
(৩) ব্যাঙের দ্বারা সাপ তাড়িত হয়], দোয়ানো দুধ কি ঝাটেই ফিরে যাচ্ছে। বলদ
প্রসব করল, গরু বন্ধ্যা, তিন সন্ধ্যায় পিটা ভরে তাকে (সেই দুধকে) দোয়ানো
হল। যে বুদ্ধিমান, সেই ধন্য বুদ্ধি, যে সেই চোর সেই আবার দারোগা (সেই
সাপ)। নিত্য নিত্য শিয়াল সিংহের সঙ্গে যুদ্ধ করে, চোষণপাদের গান খুব কম
লোকেই বুঝতে পারে ॥*

॥ শব্দার্থ ও টীকা ॥

টালত = টিলাতে, অধিকরণে 'ত' প্রত্যয়। এখানে 'টিলা' অর্থ, দেহরূপ স্তম্ভের
শিখর ॥ হাড়ীত = হাড়ির মধ্যে, অধিকরণে 'ত'; এখানে হাড়ি বলতে টিকায়
বোঝানো হয়েছে—হুণ্ডীতি স্বকায়াদারম্, নিজ দেহ ॥ ভাত = সংবৃত্তিবোধিচিত্ত-
বিজ্ঞানাদিরূপম্, জাগতিক জ্ঞানে বিভোর চিত্তই সংবৃত্তি-বোধিচিত্ত। হুহিল =
দোয়ানো হয়েছে যা, হুহ্ + অতীত জ্ঞাপক ইল > হুহিল। বিশেষণ ॥ গাবিয়া
বান্ধে = টিকায় বলা হয়েছে, 'গাবীতি যোগীন্দ্রস্ত গৃহিণী বন্ধ্যা নৈরাশ্বা'। বন্ধ্যাগাভী
অর্থ নৈরাশ্বা ॥ ষিআলা = শৃগাল। ষিহেই = সিংহের সঙ্গে ॥ যম জুব্বঅ = সমানে
যুদ্ধ করে ॥

॥ চর্চা ৩৪ ॥

॥ দারিকপাদ ॥

॥ রাগ বরাড়ী ॥

সুনকরণরি^১ অভিন-চারে^২ কাঅবাকচিঅ।

বিলসই দারিক গঅগত পারিম কুলে^৩ ॥

অলখ^৪ লখচিত্তা^৫ মহানুহে।

বিলসই দারিক গঅগত পারিম কুলে^৬ ॥

* রূপকার্যের অন্ত পৃষ্ঠা ৩০ ত্রুটব্য।

কিন্তো মস্তে^১ কিন্তো তস্তে^২ কিন্তো রে ঝাণ বখাণে^৩ ;
 অপইঠান মহানুহলীণে^৪ ছলখ পরমনিবাণে^৫ ॥
 ছুখে সুখে একু করিআ ভুঞ্জই^৬ ইন্দী জানী ।
 স্বপরাপর ন চেবই দারিক সঅলানুস্তর মানী ॥
 রাজা রাজা রাজা রে অবর রাজ মোহেরা বাধা ।
 লুইপাঅপএ^{১০} দারিক ছাদস ভুঅণে^৭ লধা ॥

॥ পাঠান্তর ॥

১. স্ননকরণার । ২. বারেঁ । ৩. অলক্ষ । ৪. চিত্তেঁ । ৫. কমস্তে । ৬. তস্তে ।
 ৭. ঝাণবখাণেঁ । ৮. লীলেঁ । ৯. ভুঞ্জই, ভুঞ্জ । ১০. লুইী ॥

॥ আধুনিক বাংলায় রূপান্তর ॥

শৃগু ও করুণার অভিন্ন-আচারে কায়বাকচিন্ত নিয়ে দারিক বিলাস করে গগনের পরপারে । অলক্ষ্য (বস্তুতে) লক্ষ্যচিন্ত হয়ে মহাসুখে দারিক বিলাস করে গগনের পরপারে । কী-ই বা হবে তোর মস্তে, তোর তস্তে, তোর ধ্যান-ব্যাখ্যানে ; অপ্রতিষ্ঠ মহাসুখলীলায় লীন হলে পরমনিবাণেরও ছলক্ষ্য । দুঃখ ও সুখে এক করে ইন্দ্রিয়ভোগ করে জানী (বা গুরুর কাছে জেনে) । স্ব-পর, অপর অতুভব করে না, সকল অতুস্তর মানে যে, (এমন সিদ্ধাচার্য) দারিক । রাজা, রাজা রাজা, অপর রাজা রে—সবাই মোহেতে আবদ্ধ । সিদ্ধাচার্য লুইপাদের প্রসাদে দারিক ছাদস-ভুবনলক্ষ ॥

॥ রূপকার্থ ॥

শৃগু ও করুণা মিলিত হয়ে একীভূত, যোগীর কায়বাকচিন্ত পরিভুক্ত—এই অবস্থায় যোগী দারিকপাদ মহাসুখে প্রবিষ্ট । মস্তে তস্তে ধ্যানব্যাখ্যানে এই মহাসুখ লাভ করা যায় না, অশুদ্ধিকে ঐরকম মহাসুখে প্রতিষ্ঠিত না হতে পারলে পরমনিবাণও লাভ করা যায় না । সুখ দুঃখে সমান জ্ঞান করে যোগীর নিষ্কামভাবে বিষয়, ইন্দ্রিয় ইত্যাদি ভোগ করা উচিত । এই চরমসিদ্ধি লাভ করেছেন সিদ্ধাচার্য দারিক, তাই এখন তিনি আত্মপরভেদরহিত । ঐশ্বর্যশালীরা সকলেই নিজেকে রাজা বলে মনে করেন, কারণ তাঁরা বিষয়সুখে প্রমত্ত, সুস্তরাং সংসারেই আবদ্ধ । কিন্তু সিদ্ধাচার্য দারিকপাদ তাঁর গুরু লুইপাদের দয়ায় বা নির্দেশিত পথে সাধনা করে বুদ্ধি লাভ করে সমগ্র জগতের উপর আধিপত্য বিস্তার করেছেন ॥

॥ শব্দার্থ ও টীকা ॥

হৃগকরণি = শূন্ত ও করণার ॥ অভিনচারে = অভেদোপচারেণ, অভিন্নাচারে ॥ অপইঠান = অপপ্রতিষ্ঠান ॥ ইন্দিজানী = ইন্দি = ইন্দ্রিয়, জানী < জ্ঞানী, বা যে-জ্ঞানে এমন লোক ॥ রাআ = সং. রাজা। পালির প্রভাবে 'জ' ধ্বনি 'অ'তে পরিবর্তিত ॥

॥ চর্চা ৩৫ ॥

॥ ভাদেপাদ ॥

॥ রাগ মল্লারী ॥

এতকাল হাঁউ অচ্ছিলে^১ স্ন মোহে^২ ।
এবেঁ মই বুঝিল সদগুরুবোহেঁ ॥
এবেঁ চিঅরাঅ মকুঁ^৩ গঠা ।
গঅণ সমুদে^৪ টলিআ পইঠা ॥
পেখমি দহদিহ সর্বই শূন ।
চিঅ বিছলে পাপ ন পুন্ন ॥
বাজুলে^৫ দিল মোহকথু^৬ ভগিআ ।
মই অহারিল গঅণত পণিআ ॥
ভাদে^৭ ভণই অভাগে লইআ ।
চিঅরাঅ মই অহার কএলা ॥

॥ পাঠান্তর ॥

১. অচ্ছিলে স্বমোহে, অচ্ছিলে স্বমোহে । ২. মকু । ৩. সমুদ্রে । ৪. বাবুলে, রাজুলে । ৫. মোহলখু । ৬. ভাবে, কাদে (বৃত্তি অহুসারে), হরপ্রসাদ শাস্ত্রী অহুসারে ভাদে ॥

॥ আধুনিক বাংলায় রূপান্তর ॥

এতকাল আমি ছিলাম মোহের বশে, এখন আমি সদগুরু উপদেশে বুঝলাম (নিজেকে বা নিজের চিত্তকে) । আমার চিত্তরাজ এখন নষ্ট, গগনসমুদ্রে (সে) টলে প্রবিষ্ট (হয়েছে) । দশদিক আমি সমস্তই শূন্ত দেখি, চিত্তের অভাবে (বিহনে) পাপ পুণ্য আর কিছু নেই । বাজুল আমাকে মোহকথু (বা লক্ষ্য) বলে দিলেন, আমি গগনসমুদ্রে জলপান করলাম । ভাদেপাদ বলছেন, আমি অভাগ্য নিয়ে চিত্তরাজকে আহার করলাম ॥

॥ रूपकार्थ ॥

कवि बलछेन, तिनि विषयसङ्गहेतु एतकाल मोहाविष्ट छिलेन, एखन सङ्कल्प उपदेशे चित्तेश्वर स्वरूप तिनि बुवेछेन । तिनि बुवेते पेरेछेन, चित्तेश्वर जगत्तु ई एई जगत्-सङ्कीय बोध जन्माय एवः चित्तु विनष्ट हले बाह्यविषयेश्वर धारणाओ नष्ट हय । कवि एई सत्य बुवेछेन, ताई एखन तौर चित्तु अचित्तताय लीन । जगतेर अस्तित्व सङ्कीय धारणा तौर लुप्त ; पाप पुणेश्वर संस्कारओ तौर मन थेके अस्तुर्हित, प्रकृत मोक्षेश्वर सङ्कान पेये तिनि गगनसमुद्रे वा सर्वशून्यताय प्रविष्ट । भादपेपाद शेषे बलछेन, जगत्-ये आदौ उतपन्न हय नि एवः चित्तुई-ये जगत् सङ्कीय धारणा सृष्टि करे—एई तत्त्व बुवेते पेरे आमि चित्तुके ग्रास करेछि वा चित्तुके अचित्तताय लीन करेछि ॥

॥ शकार्थ ओ टीका ॥

हैंउ—आमि । अहम् > अहकम् > हकम् > हँउ > हैंउ ॥ अछिलेंसू = छिलाम,
✓ अम् थेके ✓ अछ, अतीतकाल उतमपुरुषे अछिलेंसू ॥ चिअराअ = चित्तुराज ॥
मकुँ = आमार ॥ अहारिल = आहार करल ॥

॥ चर्चा ७७ ॥

॥ काहिला (काहू पाद) ॥

॥ राग पटमङ्गरी ॥

सून बाह^१ तथता पहारी ।

मोहभुओर लह^२ सअला अहारी ॥

घुमई ७ चेवई सपरविभागा ।

सहज निदालू काहिला लाला ॥

चेअण ७ वेअन भर निद गेला ।

सअल सुफल^३ करि सुहे सुतेला ॥

सुपणे मई देखिल तिछवण सुण ।

घानिअ^४ अवणागमन विछन^५ ॥

शाधि^६ करिव जालकरिपाए ।

पाधि^७ ७ राहअ^८ मोरि पाण्तिआचाए^९ ॥

॥ पाठान्तर ॥

१. सुश बाह, सून बाह(र)—सुकुमार सेन । २. लुई । ३. मुकल ।
४. घोरिअ । ५. विहल । ६. शाधि । ७. पारि, पाशि । ८. चाहई ।
९. पाण्तिआचाड़े, पाण्तिआचादे ॥

॥ আধুনিক বাংলার রূপান্তর ॥

শুভ আমার বাসস্থান (বা বাসনাগার) তথতা খড়্গের প্রহায়ে, মোহের ভাণ্ডার সব নিয়ে আহাৰ করা হল (নষ্ট করা হল)। আত্মপৰ বিভেদ ভুলে ঘুমায়, সহজেই নিদ্রিত হয় কারুপাদেৰ নগ্ন (মন)। চেতনা নেই, বেদনা নেই, স্বগভীর নিদ্রিত, সমস্ত স্তম্ভ করে (সব কিছু পরিষ্কার করে, নিঃশেষে পরিশোধ করে) স্তম্ভ স্তম্ভেছে। স্বপ্নে দেখলাম, ত্রিভুবন শুভ,—যেন যাওয়া আসা নেই এমন ঘানি। জালঙ্ঘরিপাদকে সাক্ষী করব, (মোহ) পাশ মুক্ত আমাকে পণ্ডিতাচার্য দেখতে পায় না ॥

॥ রূপকার্থ ॥

কবির যাবতীয় বাসনা তথতা বা নির্বাণরূপ খড়্গের আঘাতে নিমূল, তাঁর মোহের ভাণ্ডার নিঃশেষিত, আত্মপৰভেদ তাঁর মন থেকে লুপ্ত ; নগ্ন বা সমস্ত বন্ধন থেকে মুক্ত কবি যোগনিদ্রায় অচেতন। তাঁর চেতনা বেদনা লুপ্ত, জাগতিক সমস্ত ব্যাপার নিঃশেষ করে তিনি সহজানন্দে প্রবিষ্ট। এই অবস্থায় ত্রিভুবন তাঁর কাছে শুভ, স্বপ্নের মতো অলীক। গমনাগমন বা জন্মমৃত্যুর ঘুরপাকে আর তাঁকে পড়তে হবে না—গুরু জালঙ্ঘরিপাদেৰ নির্দেশে তিনি এই মুক্ত অবস্থায় উপনীত। তাঁর এই বন্ধনমুক্ত অবস্থা শাস্ত্রসম্বল তথাকথিত পণ্ডিতরা বুঝতে পারবেন না ॥

॥ শব্দার্থ ও টীকা ॥

বাহ=বাসস্থান বা বাসনাগার ॥ ডঃ স্কুমার সেন বলেছেন বাসর। এখানে বাসনাগার চিন্তের প্রতীক ॥ তথতা=নির্বাণ ॥ ৭ চেবই=ন চেতয়তি। চেতনা নেই ॥ সপৰবিভাগা=স্ব এবং পর, নিজের এবং পরের ভেদ নেই এমন অবস্থা ॥ স্ততেলা=স্তম্ভ>স্তত। স্তত+ইল=স্ততিল>স্ততেল+আ>স্ততেলা ॥ পাণ্ডি-আচাএ—পণ্ডিতাচার্যেন ॥

॥ চৰ্চা ৩৭ ॥

॥ ভাড়কপাদ ॥

॥ রাগ কামোদ ॥

অপণে নাহি মো' কাহেরি শঙ্কা ।

ত্যা মহমুদেৰী টুটি গেলি কংখাং ॥

অহুঁভব সহজ মা ভোল রে জোঈ ।

চৌকট্টি° বিয়ুকা জোইসো তোইসো হোই ॥

জইসনঃ অছিলেসঃ তইসনঃ অচ্ছঃ ।
 সহজ পথকঃ জোই ভাস্তি মাহো বাস ॥
 বাও কুরুওঃ সস্তারে জাগী ।
 বাকপথাভীত কাঁহি বখাগী ॥
 ভণই তাড়ক এথু নাহিঃ অবকাশ ।
 জো বুঝই তা গলেঃ গলপাস ॥

॥ পাঠান্তর ॥

১. সো। ২. কথা। ৩. চৌকোহি। ৪. জইসনি। ৫. অছিলে স,
 ইছিলেস। ৬. তইছন। ৭. আছ। ৮. পিথক। ৯. বাওকুক,
 বওকুরুও ॥

॥ আধুনিক বাংলায় রূপান্তর ॥

আমি নিজেই নেই, আমার কাকে (বা কিসে) শঙ্কা ; তাই আমার মহামুদ্রা-
 লাহের দাক্ষিণ্য টুটে গেল। রে যোগি, ভুলো না, সহজ অল্পভব (অর্থাৎ
 সহজানন্দকে যে অল্পভব করতে হয়, তা ভুলো না) ; চতুষ্কোটি বিনুক্ত যেমন তেমন
 হতে হয়। যেমন ছিলে তেমনই থাক। যোগি, সহজ পথকে ভুল কোর না
 (কিংবা সহজ পথকে ভুল করে পৃথক ভেবো না)। পুরুষাঙ্গ—অণুকোষ সস্তরগে
 জানা যায়, কিন্তু বাকপথের অতীত বস্তুকে কিসে ব্যাখ্যা করা যায় ! তাড়কপাদ
 বলছেন, এখানে অবকাশ নেই, যে বোঝে তার গলায় পাশ ॥

॥ রূপকার্থ ॥

সব কিছুই যখন অনিত্য, যখন আমার অস্তিত্বই নেই—তখন আমার আর
 কাকে ভয় ! সংসারের অনিত্যতা আমি বুঝেছি, তাই মহামুদ্রার জ্ঞান আমার
 আর আকাঙ্ক্ষা নেই, কারণ যেই আমি বুঝতে পেরেছি সংসার অনিত্য, তখনই
 আমার চিত্ত নির্বাণে আরোপিত হয়েছে ।

সহজানন্দ বাক্যে প্রকাশযোগ্য নয়, তা অল্পভূতিভ্য। আমি সেই অল্পভূতির
 দ্বারাই বুঝেছি—চার রকম বিকল্প, (সৎ, অসৎ, সদসৎ, ন সৎ ন অসৎ) থেকে
 মুক্ত আমি পূর্বে যা ছিলাম এখনও তাই আছি। জন্মের সময় যে-আনন্দ নিয়ে
 আমি এসেছিলাম, পরে পৃথিবীতে নানা মোহে আবদ্ধ থাকার জন্তে আমার সেই
 আনন্দ চলে গিয়েছিল, অনেক দুঃখও আমি ভোগ করেছি। এখন সমস্ত সদ্ধ
 থেকে বর্জিত হওয়ায় আমার আগের সেই আনন্দ আবার ফিরে এসেছে। তাই
 আমি পূর্বে যেমন ছিলাম এখনও আমি তাই আছি। নদী পার হবার সময় পাটনী

যাত্রীর কাপড় বটুমা খুঁজে দেখে, খেরাপারের মাসুল সে দিতে পারবে কি-না। কিন্তু সহজপন্থীদের ভবপারাবার পার হবার সামর্থ্য আছে কি-না তা ঐভাবে বাহুল্যরূপের দ্বারা বোঝা যায় না, তা বাক্যপথাতিত।

যারা সহজানন্দ সাধনার সাধক নন, তাঁদের এই ধর্মে প্রবেশ করার অবকাশ নেই। আবার যারা এই আনন্দ বোঝেন, তাঁদেরও গলায় দড়ি—অর্থাৎ তাঁরাও ভাষায় এর ব্যাখ্যা করতে পারেন না ॥

॥ শব্দার্থ ও টীকা ॥

মহামুদেয়ী = মহামুদ্রার। নির্বাণের অস্ত্র নাম মহামুদ্রা। এখানে বক্তব্য, সংসারের অনিত্যতা যখন বুঝেছি, তখনই আমার চিন্তা নির্বাণে আরোপিত, নির্বাণ সাধনার জন্ত তখন আলাদা করে আমার আর কোনো আকাঙ্ক্ষা নেই ॥ অল্পভব সহজ = সহজানন্দ অল্পভূতিগম্য, কথায় তাকে প্রকাশ করা যায় না ॥ বাণ্ড কুরুণ্ড = বটুমা ও কেঁড়ে। অস্ত্র অর্থ, পুরুষাঙ্গ অণ্ডকোষ ॥

॥ চর্চা ৩৮ ॥

॥ সরহপাদ ॥

॥ রাগ ভৈরব ॥

কাজ গাবড়ি-খাণ্ডি^১ মণ কেড়ু আল।

সদগুরু বজ্জনে ধর পতবাল ॥

চীঅ খির করি ধরছরে নাই^২।

অন উপায়ে পার গ জাই ॥

নৌবাহী^৩ নৌকা টাণ্ডঅ^৪ গুণে।

মেলি মেল সহজে^৫ জাইউ গ আণে^৬ ॥

বার্টত ভঅ^৭ খাণ্ট^৮ বি বলআ।

ভব উলোলো^৯ সব^{১০} বি বোলিআ ॥

কুল লই^{১১} ধরসোস্তে^{১২} উজাঅ।

সরহ ভণই গঅণে^{১৩} পমাএ^{১৪} ॥

॥ পাঠান্তর ॥

১. খাণ্ডি, বাণ্ডি। ২. নাজি। ৩. নোবাহ। ৪. টাণঅ। ৫. বার্টঅভঅ। ৬. খণ্ট। ৭. বস। ৮. লঅ। ৯. ধরে সোস্তে। ১০. সমাএ ॥

॥ আধুনিক বাংলায় রূপান্তর ॥

কায়রূপ নৌকা, মন বৈঠা; সদগুরুবচনেতে ধর পতবাল (হাল)। চিন্তা স্থির

করে তুমি নৌকা ধর, (বা হালের চাকা বা নৌকাগর্ভ ধর), অল্প কোনে উপায়ে নদী পার হওয়া যায় না। নৌবাহী নৌকা গুণে টানে, সহজে মিলিত হও, অল্প পথে যেয়ো না। পথে ভয়, দম্ব্য বলবান ; ভবসমুদ্রের উল্লোলে. (উচ্ছ্বাসে) সবই বিনষ্ট। কূল অল্পসরণ করে খরস্রোতে উজ্জান বেয়ে গেলে, সরহ বলছেন, গগনে (সেই নৌকা) প্রবেশ করে ॥

॥ রূপকার্থ ॥

দেহকে নৌকা এবং মনকে বৈঠা করে সদগুরুর উপদেশকে হাল হিসাবে গ্রহণ করে সাধককে ভবসমুদ্র উত্তীর্ণ হবার নির্দেশ দিচ্ছেন কবি। এছাড়া অল্প পথ নেই। নৌবাহী নৌকা গুণে টানে, কিন্তু দেহনৌকা ঐভাবে বাহিত হয় না— তার জন্তে প্রধান অবলম্বন সদগুরুর উপদেশ। সহজপথ ছাড়া অল্প কোনো সাধন-পথ নেই। কিন্তু এ পথেও ভয় আছে। কিসের ভয়? বিষয়াসক্তির ভয়। এই বিষয়াসক্তি জলদস্যুর মতো ভয়ংকর, তার দ্বারা ভবসমুদ্র উচ্ছ্বসিত হয় (disturbed হয়) এবং বিষয়ভরস্কে নৈরাশ্র নষ্ট হয়ে যায়। ঠিক রাস্তা ধরে সহজানন্দের পথে যদি যেতে পারা যায়, তবে নৌকা বা এই দেহ গগনসমুদ্রে বা নির্বাণে লীন হতে পারে ॥

॥ শব্দার্থ ও টীকা ॥

নাবড়ি-খাণ্ডি = ক্ষুদ্র নৌকাখানি। নাবটি থেকে ক্ষুদ্রার্থে নাবড়ি। খণ্ড থেকে খাণ্ডি (খানি) ॥ কেডুয়াল = বৈঠা ॥ পতবাল = হাল ॥ নাহী = হালের চাকী বা নৌকাগর্ভ। তিব্বতী অল্পবাদ অল্পসারে নৌকা ॥ নৌবাহী = নৌবাহক, মাঝি ॥ খাণ্ট = দম্ব্য। খড়্গ > খণ্ড > খণ্ট > খাণ্ট। প্রাচীন বাংলায় খণ্ডাইত অর্থ খড়্গধারী ডাকাত। খণ্ডা অর্থে খড়্গ। খাণ্ট অর্থ খড়্গধারী, যোগরুঢ়ার্থে খড়্গধারী ডাকাত, পরে শুধু ডাকাত ॥ সমাশ্র < সং সমায়তি, প্রবেশ করে ॥

॥ চর্চা ৩৯ ॥

॥ সরহপাদ ॥

॥ রাগ মালশী ॥

সুইণে^১ হ অবিদারঅ রে নিঅমন তোহোরৈ^২ দোসে।

গুরু বঅণ-বিহারে^৩ রে থাকিব তই ঘুণ্ড^৪ কইসে ॥

অক্ট হু^৫-ভব গঅণা^৬।

বঙ্গে জায়া নিলেসি পরে^৭ ভাজেল^৮ তোহার বিণাণা ॥

অদ্ভুত^{১০} ভব-মোহা রে^১ দিসই পর অগ্না^৮ ।

এ জগ জলবিদ্বাকারে সহজে^৯ স্নগ অপনা ॥

অমিয়া^২ আচ্ছন্তে^৩ বিস গিলেসি রে চিত্র-পর^{১০}-বস-অপা ।

ঘরে পরে^{১১} কা বুঝিলে ম রে^{১২} খাইব মই ছুট-কুণ্ডা^{১৩} ॥

সরহ ভগই^{১৪} বর স্নগ গোহালী কিমো ছুট^{১৫} বলন্দে^{১৬} ।

একেলে^{১৭} জগ নাশিঅরে বিহরহু^{১৮} স্বচ্ছন্দে^{১৯} ॥

॥ পাঠান্তর ॥

১. সুইনা, সুইনে। ২. ঘুট। ৩. ভবই অগা। ৪. পারে। ৫. ভাগেল।
৬. অদঅভুঅ। ৭. মোহারো। ৮. অপ্যাগা। ৯. অমিঅ। ১০. পসর।
১১. ঘারে পারে। ১২. মো রে। ১৩. ভগন্তি। ১৪. ছুট্য। ১৫. বলন্দে।
১৬. একেলে। ১৭. বিরহু^{১৮} স্বচ্ছন্দে ॥

॥ আধুনিক বাংলার রূপান্তর ॥

ওরে মন, স্বপ্নেও তুমি অবিচারত তোমার নিজের দোষে ; গুরুবচন-বিহারে তুমি পর্যটক থাকবে কী করে ! আশ্চর্য বা অদ্ভুত হংকারোদ্ভূত এই গগন, বন্ধে জায়া হরণ করলে পরে তোর বিজ্ঞান ভেঙে গেল। ওরে, অদ্ভুত এই ভবের মোহ, আপন এবং পর দেখা যায়। এই জগৎ জলবিদ্বাকার, সহজে শূণ্য হয় আত্মা। অমিয় আছে, তবু ওরে বিষ পান করিস, চিত্র আত্মা পরলশ। ঘরে পরে কি আছে তা বুঝলে, আমি ছুট আত্মীয়স্বজন ভক্ষণ করব। সরহ বলছেন, বরং ছুট বলদের চেয়ে শূণ্য গোয়ালঘর ভালো, একলা জগৎ নাশ করে আমি স্বচ্ছন্দে বিহার করি ॥

॥ রূপকার্থ ॥

কবি বলছেন, তাঁর মন অবিচার প্রভাব থেকে মুক্ত হতে পারছে না বলে তাঁর মোহস্বপ্নও দূর হচ্ছে না, বিষয়-বাসনায় তাঁর মন মত্ত।—এখন সেই মনকে সংযত হতে হবে, পর্যটকের মতো বিবাগী হলে চলবে না—মনকে বিহার যদি করতেই হয়, তবে সে যেন সদগুরুর বচনে বিহার করে—এই তাঁর বক্তব্য। সদগুরুর বচনই অমূল্য এবং সত্যিকার দিক্‌দর্শক, কারণ সেই উপদেশেই তিনি বুঝতে পেরেছেন অবিজ্ঞানদোষের আসল রূপটি কী। তিনি সেই অবিজ্ঞানদোষ ছেড়ে অদ্বয়তত্ত্বে মন নিবিষ্ট করাতেই তাঁর বিষয়-সম্পর্কিত বিশেষ জ্ঞান বিনষ্ট হয়েছে। পৃথিবীর মোহ বিচিত্র, এই মোহই আত্মপরের ভেদ সৃষ্টি করে, কিন্তু সহজানন্দে চিত্ত প্রবিষ্ট হলে জলে প্রতিবিম্বিত চন্দ্রের মতো জগৎকে অসার বলে বোধ হয়। সহজানন্দ অমৃত আনন্দান করলে বিষয়-বিষকে নাশ করা যাবে, নিজের দেহেই নৈরাশ্রা আছে

এই কথা বুঝলে দুই আত্মীয়-স্বজন অর্থাৎ দেহজ রাগ যের দ্বারা ইত্যাদিকে ধ্বংস করা যাবে। দুই গোক্ষর চেয়ে শূন্য গোয়াল ভালো, কারণ একটি দুই গোক্ষরই সব নষ্ট করে দিতে পারে; তেমনি দুই বিষয়বলের একটাই জগৎ নষ্ট করে দেবার ক্ষমতা রাখে। এই বিষয়বলকে জয় করতে পারলে স্বচ্ছন্দে সহজানন্দে বিহার করা যাবে ॥

॥ শব্দার্থ ও টীকা ॥

স্বইনে হ = স্বপ্নে-অপি ॥ অবিদারম্ম = অবিচারত। তিব্বতী অমুবাদ অমুসারে “শূন্য শাখা বিলীর্ণ” ॥ নিঅমন = নিজমন ॥ ঘুণ্ড = পর্যটক। অকট = আশ্চর্য ॥ হুঁ-ভব = হংকার-বীজোদ্ভব ॥ বঙ্গ = অদ্বয় বঙ্গালেন। বঙ্গ অঞ্চলে সেই সময়ে বোধ হয় লুটেরা দস্যুর ভয় ছিল, সম্ভবত লুটেরা দস্যু বোঝাতে বঙ্গ শব্দের ব্যবহার। অমুক্তও দেখি, “অদম্ম বঙ্গালে ক্লেশ লুড়িউ” (চর্যা ৪২) ॥ কুণ্ডবা = কুটুম্ব। গুজরাটী কুণবা শব্দটিরও একই অর্থ ॥ দুঠ বলন্দে = দুষ্ট বলন্দে। দুষ্ট বিষয়ঃ বলঃ দদাতি ইতি দুষ্ট বলদ—দুষ্ট বিষয়ে বল দান করে বলে চিত্তকে বলদ বলা হয়েছে ॥

॥ চর্যা ৪০ ॥

॥ কাঙ্ক্ষুপাদ ॥

॥ রাগ মালসী গবুড়া ॥

জো মণ-গোএর আলা জালা ।
 আগম পোখী^১ ঠাঠা^২-মালা ॥
 ভণ কইসে^৩ সহজ বোলবা^৪ জায় ।
 কাঅবাক্চিঅ জমু ৭ সময় ॥
 আলো^৫ গুরু উএসই সীস ।
 বাক্‌পথাতীত কাহিব কীস ॥
 জেতই^৬ বোলী তেতবি^৭ টাল ।
 গুরু বোব সে^৮ সীসা কাল ॥
 ভনই কাঙ্ক্ষু জিণ-রঅন বি কইসা^৯ ।
 কালে^{১০} বোব^{১১} সংবোহিঅ জইসা ॥

॥ পাঠান্তর ॥

১. পোখী, পোখা। ২. ইষ্টা। ৩. বোল বা। ৪. আলো। ৫. জে তই, তেজই। ৬. তেতবি। ৭. গুরু বোধসে। ৮. বিকসই সা। ৯. বোবে কাণ।

‡ আধুনিক বাংলার রূপান্তর ॥

যে মনগোচর তার জন্তেই বিকল্পজাল (বা ইন্দ্রজালের দ্বারা দৃষ্ট বাহুজগৎ) ; (তার জন্তেই) আগম-পুথি ইষ্টমালা (জপমালা) ইত্যাদি । বল, কেমন করে সহজ (সহজানন্দ) বলা যায় ; কায়-বাক্-চিত্ত যার মধ্যে প্রবেশ করে না ! বুখাই গুরু উপদেশ দেয় শিষ্যকে ; বাক্যের অতীত যা, তাকে কিসে ব্যাখ্যা করা যাবে ! যতই বলবে ততই ভুল হবে (কিংবা যে তবু বলে সে তবু ভুল করে)—গুরু বোবা, শিষ্য কালা ! কাহ্নুপাদ বলছেন, জিনরত্ন কেমন—(না,) যেমন কালা বোঝায় বোবাকে ॥

‡ রূপকার্থ ॥

যা কিছু মনগোচর বা মনের দ্বারা গ্রাহ্য সবই বিকল্পাত্মক, তাই যা কিছু আমরা মনের দ্বারা জানি, সবই ইন্দ্রজালের মতো মায়াময় । আগমপুথি শাস্ত্রজ্ঞান—সবই তো মনের দ্বারা আমরা লাভ করি, তা হলে সহজানন্দকেও কি আমরা মনের দ্বারা লব্ধ জ্ঞানের সাহায্যে বিশ্লেষণ করতে পারব ! কীভাবে সেই সহজানন্দকে ভাষায় প্রকাশ করবে, কারণ সহজানন্দকে তো মন দিয়ে পাওয়া যায় না, পাওয়া যায় অল্পভবের সাহায্যে এবং সেই জন্তেই ভাষায় তাকে প্রকাশ করা যায় না । বাক্য দিয়ে যত বলবে, ততই ভুল হবে । এই সহজানন্দকে বোঝানো যায় না বলেই গুরু বোবা— কারণ তিনি বোঝাবার ভাষা পান না, আর শিষ্য কালা, কারণ গুরুর কাছে ভাষায় এর ব্যাখ্যা পেয়ে কিছুই বুঝতে না পেরে সে কালার অবস্থা পায় ! কাহ্নুপাদের তাই সমস্ত কীভাবে এই বাক্যের অতীত জিনরত্নকে বোঝানো যাবে ? তার উত্তর, বোঝানো যাবে আভাসে ইঙ্গিতে, যেমন বোবা বোঝায় কালাকে—এবং সেই আভাসে ইঙ্গিতেই সহজানন্দকে বোঝা সম্ভব ॥

‡ শব্দার্থ ও টীকা ॥

আলাজালা = বিকল্পজাল । তিব্বতী অল্পবাদে ইন্দ্রজাল ॥ উএসই = সং. উপদেশং দদাতি । উএস = (উপদেশ) থেকে নামধাতু ॥ টাল = বিচলিত, $\sqrt{\text{টল}}$ থেকে ॥ জিগরঅণ = জিনরত্ন, অতীক্রিয় সহজানন্দ ॥ কইসা = কীদৃশম্, কেমন ॥

‡ চৰ্চা ৪১ ॥

‡ ভুল্লুকুপাদ ॥

‡ রাগ কহ্নু গুঞ্জরী ॥

আই অণুঅনা এ জগ রে ভাংতিএ^১ সো^২ পড়িহাই ।

রাজসাপ দেখি জো চমকিই যারে^২ কিং^৩ বোড়ো খাই ॥

অকট জোইআ রে^৪ মা কর হথা লোহা ।

আইস সভাবে জই জগ বুঝি তুট^৫ বাষণা তোরা ॥

মরুমরীচি-গন্ধনইরী দাপতি বিসু^৬ জইসা ।

বাতাবওঁ সো দিট^৭ ভইআ অপেঁ পাথর জইসা ॥

বান্ধি^৮ সূআ জিম কেলি করই খেলই বহুবিহ খেড়া ।

বালুআতেলে^৯ সমরসিংগে^{১০} আকাশ^{১০} ফুলিলা ॥

রাউতু ভণই কট ভুসুকু ভণই কট সঅলা আইস সহাব ।

জই তো মুটা আচ্ছই^{১১} ভাস্তী পুচ্ছতু সদগুরু-পাব ॥

। পাঠান্তর ।

১. ভাংতি এসো । ২. সাচে । ৩. কিং তং, কিং কং ; ৪. অকট বিচারে
রে, অকট জোই রে । ৫. তুটই । ৬. দাপতিবিসু, চাদ পতিবিসু, দাপণবিসু ।
৭. দিট । ৮. বান্ধি । ৯. সমরু-সিংগে । ১০. আকাশই । ১১. অচ্ছসি ॥

। আধুনিক বাংলায় রূপান্তর ।

আদৌ অমুৎপন্ন এই জগৎ, ভ্রান্তিতে সে প্রতিভাত । রাজসাপ দেখে যে
চমকায় (বা রজ্জুসর্প দেখে যে ভয় পায়), তাকে কি সত্যি সত্যিই বোড়ো সাপে
কামড়ায় ! আশ্চর্য (এই জগৎকে দেখে) হে যোগি, হাত লবণাক্ত কোর না, এই
জগৎকে যদি তার স্বভাবে চিনতে পার (তবেই) তোমার বাসনা টুটবে । মরু-
মরীচিকা গন্ধর্ভনগরী দর্পণের যেমন প্রতিবিম্ব, বাতাবওঁ সেই জল যেমন দৃঢ় হয়ে
পাথর হয়, বন্ধ্যার পুত্র যেমন খেলা করে—খেলা করে বহুবিধ খেলা, বালুতেলে
আর শশ শৃঙ্গে (সজ্জক শৃঙ্গে) আর আকাশ-ফুল নিয়ে, রাউত বলেন, ভুসুকু বলেন
সকলেই এই স্বভাব । যদি তুই ভ্রান্তিতে থাকিস মুট, তবে সদগুরু পদে জিজ্ঞাসা
কর ॥

॥ রূপকার্থ ॥

যারা সত্যিকারের তত্ত্বজ্ঞ তাঁরা জানেন, এই জগৎ আদৌ উৎপন্ন হয় নি, নিতান্তই
ভ্রান্তিবশত মানুষের মনে জগতের অস্তিত্ব সম্বন্ধীয় জ্ঞান হয় । দড়ি দেখে সাপ
বলে ভুল হাত পারে, কিন্তু সত্যি সত্যি সে সাপের মতো দংশন করে না, সেই রকম
জগতের অস্তিত্ব সম্বন্ধীয় মিথ্যা জ্ঞান হতে পারে, কিন্তু সেই সংসার অসার । তাই
যোগীকে সাবধান করে দিচ্ছন কবি, এই অসার সংসারে হাত লোনা কোর না,
অর্থাৎ নিজেকে বিরত কোর না—জগৎ যে মিথ্যা এই ধারণা যদি মনে গেঁথে নিতে
পারো, জগতের স্বভাব যদি তুমি জানতে পারো, তবে জাগতিক সব বাসনাই

তোমার মন থেকে চলে যাবে। আসলে এই সংসার মরীচিকা, গন্ধর্বনগরী এবং
 নর্পদৃষ্ট প্রতিবিম্বের মতো অলীক ; ঘূর্ণাবর্তে উখিত জলস্তম্ভকে যেমন পাবাণ বলে
 ভুল হয়, সংসারও তেমনি ভ্রান্তি মাত্র। বক্ষ্যাপ্ত্রে নানারকম জিনিস নিয়ে খেলা
 করছে—এ যেমন হাতকরভাবে মিথ্যা—বালির তেল, শশকের শূঙ্গ, আকাশ-কুম্ভ
 যেমন অলীক—সংসারও তেমনি মিথ্যা। ভুম্বুপাদ বলছেন, জগতের সব জিনিসই
 এই রকম মিথ্যা—যদি কেউ একথা বুঝতে না পারে, তার উচিত কোনো সঙ্গুরুকে
 প্রশ্ন করে জেনে নেওয়া ॥

॥ শব্দার্থ ও টীকা ॥

আই অণুঅনা এ জগ রে=আদৌ অমুৎপন্ন এই জগৎ ওরে ॥ ভাংতিএঁ =
 ভ্রান্তি > ভাংতি + তৃতীয়ার 'এন' জাত এঁ > ভাংতিএঁ ॥ পড়িহাই = প্রতিভাসতে ॥
 দ্বাপতি বিম্বু = দর্পণ-প্রতিবিম্ব ॥ বালুয়া তেলেন = বালির থেকে তেল পাওয়া যেমন
 অসম্ভব সেই রকম ॥ সসর সিংগে = শশকের শূঙ্গ নেই, কিন্তু অজ্ঞ লোক তার
 লম্বা কান দেখে সেগুলিকেই শূঙ্গ বলে ভুল করে ॥

৭ চর্চা ৪২ ।

॥ কাঙ্ক্ষুপাদ ॥

॥ রাগ কামোদ ॥

চিঅ সহজে শূণ^১ সংপুঞ্জা ।

কান্ধবিয়েএ মা হোহি বিসরা ॥

ভণ কইসে কাঙ্ক্ষু নাহি ।

ফরই^২ অমুদিনং তৈলোএ পমাই ॥

মূঢ়া দিঠ^৩ নাঠ দেখি কাঅর ।

ভাঙ্গ তরঙ্গ^৪ কি সোসঙ্গ সাঅর^৫ ॥

মূঢ়া অচ্ছন্তে লোঅ ন পেখই ।

ছুখ মাঝে লড় চ্ছন্তে ৭^৬ দেখই ॥

ভব জাই ৭ আবই এমু^৭ কোই ।

আইস ভাবে^৮ বিলসই কাঙ্ক্ষিল জোই ॥

৭ পাঠান্তর ॥

১. শূণ, শূনে। ২. ফরই। ৩. দিঠ। ৪. ভাগ তরঙ্গ। ৫. সারঅর।

৬. নচ্ছংটে, অচ্ছন্তে ৭। ৭. এখু। ৮. ভবে ॥

চর্চাপদ

॥ আধুনিক বাংলার রূপান্তর ॥

চিত্ত সহজাবস্থায়, শূন্য সম্পূর্ণ। স্বপ্নের বিয়োগে বিষন্ন হইয়া না। কিসে কাহ্নু
নেই বল, অল্পদিন সে জ্বৈলোক্যে প্রবেশ করে ক্ষুরিত। দৃষ্ট বস্তু নষ্ট দেখে মুঢ়েরা
কাতর, ভঙ্ক তরঙ্গ কি সমুদ্র শুধে ফেলে! মৃঢ় ব্যক্তির দেখে না যে লোকেরা আছে,
হৃৎকের মধ্যে স্নেহপদার্থ (সর) থাকলেও দেখতে পায় না। এই ভবে কেউ আসেও
না, যায়ও না; এমন ধারণা নিয়ে বিলাস করেন কাহ্নুপাদ ॥

॥ রূপকার্থ ॥

কাহ্নুপাদ সিদ্ধাবস্থায় প্রবিষ্ট, তাঁর চিত্ত সহজাবস্থায় বা অচিন্তিতায় লীন, শূন্য-
তার সাধনা সম্পূর্ণ। পঞ্চস্বপ্ন বিয়োগপ্রাপ্ত, অর্থাৎ রূপ বেদনাদি অবলুপ্ত—এই
অবস্থায় কাহ্নুপাদের জ্ঞান বিমল হওয়ার প্রয়োজন নেই, কারণ তিনি সমগ্র জ্বৈলোক্যে
প্রবিষ্ট। একবিন্দু জল যেমন মহাসমুদ্রে প্রবেশ করে অসীমতায় লীন হইয়া যায়,
তিনিও সহজাবস্থায় সেই দশা প্রাপ্ত। দৃষ্ট বস্তু নষ্ট হইলে দেখে মুর্খেরা কাতর হয়,
কিন্তু তাতে কাতর হবার কিছু নেই, কারণ সমুদ্রে তরঙ্গ উঠে সমুদ্রেই মিলিয়ে যায়,
সমুদ্রে তৎ গ্রাস করতে পারে না—সেই রকম রূপের অপচয়ে বিলোপের পরিকল্পনা
ভ্রম মাত্র। হৃৎকের মধ্যে যেমন স্নেহপদার্থ প্রচ্ছন্ন, তেমনি অভাবের মধ্যেই ভাব
লুকানো। পৃথিবীতে কিছু আসেও না, যায়ও না,—সবই আমাদের মোহ এবং
ভ্রান্তি। পৃথিবীর এই স্বরূপ রূক্ষচার্য বুঝেছেন বলে তিনি পৃথিবীতে স্থখে বিলাস
করছেন; তাঁর বাঁধা পড়ার ভয় নেই ॥

॥ শব্দার্থ ও টীকা ॥

কাহ্নুবিয়োগ = রূপবেদনাদি পঞ্চস্বপ্নের বিয়োগে। ফরই অল্পদিনং = অল্পদিনং
ক্ষুরিত ॥ তৈলোএ পমাই = জ্বৈলোক্যে প্রবেশ করে ॥ লড় = স্নেহপদার্থ, সর ॥

॥ চর্চা ৪৩ ॥

॥ ভূসুকুপাদ ॥

॥ রাগ বঙ্গাল ॥

সহজ মহাতরু ফড়িঅএ তৈলোএ^১ ।

খসমসভাবে রে বান্ধ-মুকা^২ কোএ ॥

জিম জলে পাণআ টলিআ ভেউ^৩ ন জাঅ ।

জিম মগরঅণা^৪ রে সমরসে গঅণ সমাঅ ॥

জানু নাহি^৫ অগ্না তানু পরেলা^৬ কাহি ।

আই অমুঅণারে জামমরণ ভব নাহি ॥

ভুঙ্কু ভগই কট রাউতু ভগই কট সঅলা এহ সহাব ।

এথু^১ জাই ৭ আবয়ি রে ৭ তংহি ভাবাভাব ॥

। পাঠান্তর ।

১. তেলোএ । ২. বাণত কা, বাণ মুকা । ৩. ডেড় । ৪. মরণ অঅনা ।
৫. যৎপুণাহি । ৬. অধ্যাতা স্বপরেলা, আঅ্যা তাসু পরেলা । ৭. ছন্দের
খাতিরে এথু ॥

। আধুনিক বাংলায় রূপান্তর ॥

সহজ মহাতরু স্মুরিত এ ত্রৈলোক্যে, খসমস্বভাবে (শূণ্ডতা স্বভাবে) কে বন্ধন
মুক্ত (কে বন্ধ কে মুক্ত, কিংবা কে না বন্ধনমুক্ত) । যেমন জলে জল মিশে গেলে
আলাদা করা যায় না, তেমনি ওরে মনরত্ন সমরসে গগনে প্রবেশ করে । যার আঅ্যা
নেই তার পর কোথায়, আদৌ অহুৎপন্ন যা তার জন্মমরণ নেই । ভুঙ্কু বলেন,
রাউত বলেন সকলই এই স্বভাব, গমনাগমনহীন পৃথিবীতে কিছু ভাবাভাব নেই ॥

। রূপকার্থ ॥

সহজানন্দরূপ মহাতরু স্মুরিত হয়ে ত্রৈলোক্যে বিস্তৃত । সেই সহজানন্দে যার
চিত্ত অচিন্ত্যায় লীন, তিনি ভববন্ধন থেকে মুক্ত, তখন মনোরত্ন সমরসতায় মিশে
যায়, যেমন জলে জল মিশে যায় । তখন সাধকের আঅ্যপর ভেদজ্ঞান লুপ্ত ।
পৃথিবী আদৌ উৎপন্ন হয় নি এই বোধ জন্মানোর ফলে জন্মমৃত্যুর কল্পনাও বিলুপ্ত ।
পৃথিবীতে কিছুই আসে না, যায়ও না—সবই ভ্রান্তি মাত্র, ভাই ভুঙ্কু বলছেন,
পৃথিবীতে ভাবাভাব কিছু নেই ॥

। শব্দার্থ ও টীকা ॥

খসমস্বভাবে = খসমোপম-স্বস্বভাবেন, মহাস্বখময় শূণ্ডতা-স্বভাবে ॥ গঅণ
সমাস = গগনে সমাহিত ॥

। চর্চা ৪৪ ॥

। কঙ্কণপাদ ॥

। রাগ মল্লারী ॥

সুন সুন মিলিআ জবঁ ।

সঅল-খাম উইআ তবঁ ॥

আচ্ছহ^১ চউখন সংবোহী ।

মাঝে নিরোহ^২ অণুঅর বোহী ॥

বিন্দুগাদ^৩ ৭ হিএ^৪ পইঠা ।
 অণ চাহস্বে আণ বিণঠা ॥
 জখা^৫ আইলেসি তথা জান ।
 মাঝে^৬ থাকী সঅল বিহাণ ॥
 ভণই কঙ্কণ কলএস-সাঁদে ।
 সর্ব বিচ্ছরিল^৭ তথতা^৮ নাদে ॥

॥ পাঠান্তর ॥

১. আছ, আছই । ২. নিরোহেই । ৩. বিত্ৰগাদ । ৪. নহি এঁ । ৫. ভটীং ।
 ৬. মাসং । ৭. চুরিল, শুনিল । ৮. তথতা ॥

॥ আধুনিক বাংলায় রূপান্তর ॥

শূন্তের সঙ্গে শূন্ত যখন মিলে গেল, তখন সকল ধর্ম উদ্ভিত হল । চতুঃকণ
 (আমি) রয়েছে সংবোধিতে, মধ্যের নিরোধে (আমার) অল্পতর বোধি হল ।
 বিন্দুগাদ আমার হৃদয়ে প্রবিষ্ট হল না ; এক দিক চাইতে অত্র দিক বিনষ্ট হল ।
 যেথান থেকে তুমি এলে তাকে জান ; মাঝে থেকে সমস্ত বিধান । কলকল শব্দে
 কঙ্কণপাদ বলছেন, তথতা-নাদে সমস্তই লিচুর্গ হল ॥

॥ রূপকার্থ ॥

শূন্তের সঙ্গে শূন্ত, অর্থাৎ সহজমতে স্বাধিষ্টানশূন্তের সঙ্গে যখন প্রভাস্বরশূন্ততা
 মিলিত হয়, তখন বস্তুজগতের অনিত্যতা সম্বন্ধে জ্ঞান হয়ে সকল ধর্মের সার মহাস্বথ
 লাভ হয় । কবি সেই অবস্থায় উপনীত হয়ে চরমতত্ত্বের সন্ধান পেয়েছেন, তখন
 গ্রাহ্যগ্রাহকভাব বিনষ্ট এবং দৃশ্যাদির উপলব্ধি না হওয়ায় চিত্তের অল্পভব শক্তিও
 বিলুপ্ত । পরমার্থ বোধিচিত্র থেকে সাধকের জন্ম তা তাঁকে অন্তর দিয়ে বুঝতে
 হবে, আর চিত্র থেকে বিষয়বিকল্প দূর করে মহাস্বথ ভোগ করতে হবে । এই
 তথতা বা অতীন্দ্রিয় ধর্মে অত্যাগ্ন সমস্ত মতবাদ চূর্ণ হয়ে যায়—এই কথাই কঙ্কণপাদ
 বলছেন ॥

॥ শব্দার্থ ও টীকা ॥

স্বনে স্বন = স্বাধিষ্টানশূন্তের সঙ্গে প্রভাস্বরশূন্ততার মিলনে ॥ সকল ধাম = সকল
 ধর্ম, যাবতীয় বস্তুজগৎ ॥ মাঝ নিরোহেই = সং. মধ্যমা নিরোধে, দৃশ্যাদির অস্তিত্বের
 জ্ঞান নিরোধ ॥

॥ কাহ্নু পাদ ॥

॥ রাগ মল্লারী ॥

মগ তরু পাঞ্চ ইন্দি তন্ম সাহা ।
আশা বহল^১ পাতহ বাহা^২ ॥
বরগুরুবঅণে কুঠারে^৩ ছিজঅ ।
কাহ্নু ভগই তরু পুণ ন উইজঅ^৪ ॥
বাটই^৫ সো তরু সুভাসুভ পানী ।
ছেবই বিছজন গুরু পরিমাণী ॥
জো-তরু-ছের ভেবউ ৭^৬ জাগই^৭ ॥
সড়ি পড়িআ^৮ রে মূঢ় তা ভব মাণই ॥
স্নন তরুবর^৯ গঅণ কুঠার ।
ছেবই সো তরু মূল ন ডাল ॥

। পাঠান্তর ।

১. বহন । ২. পাত ফলাহা, পাত ফলবাহা । ৩. উইজউ । ৪. বাটই ।
৫. ডেব নউ । ৬. জাইণ, জানই । ৭. পরিআ । ৮. স্ততরু, স্নন তরুবর ॥

। আধুনিক বাংলার রূপান্তর ॥

মন তরু, পাঁচটি ইন্দিয় তার ডাল, আশারূপ বহল পত্রবাহী (বা, আশারূপ বহল পত্রফলবাহী) । সদগুরু বচনরূপ কুঠারে তাকে ছেদ কর ; যাতে, কাহ্নুপাদ বলছেন, তরু আবার না জন্মাতে পারে । সেই তরু শুভ অশুভ জলে বুদ্ধি পায় ; গুরু উপদেশে (প্রমাণে) সেই তরুকে বিজ্ঞজন ছেদন করে । যে ব্যক্তি তরুচ্ছেদের রহস্য জানে না, ওরে মূঢ় সরে পড়ে (খিন্ন হয়ে) তারাই সংসারকে মেনে নেয় । শূন্য তরুবর, গগন কুঠার । কেটে ফেল সেই তরু যাতে তার মূল ডাল কিছুই না থাকে ॥

। রূপকার্থ ॥

মন হচ্ছে তরু, পঞ্চেন্দ্রিয় তার শাখা, বাসনাগুলি তার পাতা এবং ফল । সদগুরুর উপদেশ হচ্ছে কুঠার—সেই উপদেশের কুঠারে এমনভাবে মনতরুকে ছেদন করতে হবে যেন সে আবার উৎপন্ন হতে না পারে । অর্থাৎ সদগুরু উপদেশে মনের বিকারগুলিকে এমনভাবে ধ্বংস করতে হবে যাতে সেই বিকারগুলি আবার জেগে উঠতে না পারে । এই চিত্ততরু শুভ-অশুভ জলসেকে বা

পাপপুণ্যের জলসেকে মনের ভূমিতে উৎপন্ন হয়। গুরুর উপদেশে সাধক তাকে এমনভাবে ছেদন করবেন যাতে সেই মনতরু আর বাড়তে না পারে। যারা সেই তরুচ্ছেদের রহস্য জানে না, তারা মোক্ষমার্গ থেকে ভ্রষ্ট হয়ে সংসারের দুঃখে পতিত হয়। কাহ্নুপাদ তাই অবিজ্ঞার, মনোবিকারের তরুকে এমনভাবে প্রভাস্বর কুঠায়ের ষারা ছেদন করতে বলছেন যাতে চিত্ত আর ইঞ্জিয়াধীন না হতে পারে ॥

॥ শব্দার্থ ও টীকা ॥

মণ তরু = মন-রূপ তরু । অজ্ঞ (চর্চা ১) দেহকে বৃক্ষের সঙ্গে তুলনা করা হয়েছে ॥ আসা বহল—আশা বা বাসনা-বহল ॥ সুভাসুভ = পাপ-পুণ্য ॥ সরি পড়িআ = সরে পড়ে, অর্থাৎ মোক্ষমার্গ থেকে ভ্রষ্ট হয় ॥

॥ চর্চা ৪৬ ॥

॥ জয়নন্দী ॥

॥ রাগ শবরী ॥

পেথই^১ সুঅণে অদশ জইসা ।

অন্তরালে মোহ^২ তইসা ॥

মোহ^৩-বিমুক্তা জই মণা^৪ ।

তবেঁ তুটই অবণা গমণা ॥

নো^৫ দাটই^৬ নো তিমই ন ছিজুই ।

পেথ মাঅ^৭ মোহে বলি বলি বাবই ॥

ছাঅ মাআ কাঅ সমাণা ।

বিণি^৮ পাথেঁ সোই বিণাণা^৯ ॥

চিঅ তথতাস্বভাবে বোহিঅ ।

ভণই জঅনন্দি ফুড় অণ^{১০} ৭ হোই ॥

॥ পাঠান্তর ॥

১. পেথ। ২. মোহ, সোভব। ৩. মোদ। ৪. মান। ৫. নো। ৬. দাড়ই। ৭. মোঅ। ৮. বেণি। ৯. বিণা, বিণাণা, বিনানা। ১০. ফুড়অন, ফুড় অন ॥

॥ আধুনিক বাংলায় রূপান্তর ॥

স্বপ্নে যেমন অদৃষ্ট (বা দর্পণ) দেখ, অন্তরালে মোহ (বা সংসার) তেমনি । যদি মন মোহবিমুক্ত হয়, তবে গমনাগমন টুটে যায় । না পোড়ে, না ভেঙ্গে, না ভিন্ন হয় ; (তবু) দেখ বারবার মায়ামোহে সে বন্ধ । ছায়া মায়া কায়্য সমান ;

বিনা পক্ষে (বা দুই পক্ষে) সেই বিশেষ জ্ঞান । চিন্তকে তথতাস্বভাবে শোধন কর ।
জয়নন্দী বলছেন, স্পষ্ট করে, অস্ত্র কিছুতে নয় ॥

॥ রূপকার্থ ॥

দর্পণে প্রতিবিশ্ব যেমন অলীক, অস্তিত্ব সম্বন্ধীয় মিথ্যা জ্ঞানও তেমনি আমাদের
চিন্তের দর্পণে প্রতিফলিত হয়। মনের এই বিকার নষ্ট হলে তবেই সংসারে
আসা-যাওয়া বন্ধ হয়। এই চরম মোহমুক্ত মনকে ক্রোধের আগুন দগ্ধ করতে
পারে না, শোকের অশ্রুজল ভেজাতে পারে না, বেদনার অস্ত্র ছেদন করতে পারে
না! অথচ আশ্চর্য এই, তবুও লোকে মুক্তিনাভের চেষ্টা করে না। ঈশ্বর তা
পেরেছেন তাঁদের কাছে অবাস্তব ছায়া, মায়া এবং এই দেহ—সব সমান, সব
অস্তিত্বহীন। আত্মপরভেদ লুপ্ত হয়ে তখন তাঁরা সত্যিকার বিজ্ঞান বা বিশেষ জ্ঞান
লাভ করেন। তথতা স্বভাবে চিন্তা বিশুদ্ধ হলে তা আর বিচলিত হতে পারে না ॥

॥ শব্দার্থ ও টীকা ॥

অদশ = অদৃষ্ট বা অস্ত্র অর্থে আরশি ॥ বিগি পাথে = বিনা পক্ষে । টীকা
অহুযায়ী 'বেগি' ধরলে 'দুই পক্ষে' অর্থাৎ আত্ম ও পর ॥ ফুড় অণ গ হোই—চিন্ত
বাধা প্রাপ্ত হয় না ॥

॥ চর্চা ৪৭ ॥

॥ ধামপাদ ॥

॥ রাগ গুঞ্জরী ॥

কমল-কুলিশ মাঝে ভই ম মিসলী^১ ।

সমতা জোএ^২ জলিঅ চণালী ॥

ডাহ^৩ ডোহী-ঘরে লাগেলি আগি ।

সসহর^৪ লই সিঞ্চহু^৫ পাণী ॥

নউ খর^৬ জালা ধূম ন দিশই ।

মেরু শিখর লই গঅণ পইসই ॥

দাটই^৭ হরি-হর-বান্ধ ভড়ারা^৮ ।

দাটা^৯ হই গবগুণ শাসন পড়া ॥

ভণই^{১০} ধাম ফুড় লেছ^{১১} রে^{১২} জাগী ।

পঞ্চনালে উটি^{১৩} গেল পাণী ॥

॥ পাঠান্তর ॥

১. মাইঅ গিঅলী। ২. দাহ। ৩. সহ বলি, সমহরঁ। ৪. সিঞ্চহ। ৫. খড়। ৬. ফাটই। ৭. ভরা। ৮. ফীটা। ৯. লেকুরে। ১০. উঠে ॥

॥ আধুনিক বাংলায় রূপান্তর ॥

কমল কুলিশ মাঝে আমি মিলিত হলাম, সমতা-যোগে চণ্ডালী প্রজলিত।
ভোদ্বী ঘরে দাহ, আগুন লেগেছে, শশধর নিয়ে জ্বল সিঞ্চন কর। খরজালা, ধোঁয়া
দেখা যায় না। স্নেহের শিখর নিয়ে গগনে প্রবেশ করে। হরিহর ব্রহ্মা ঠাকুর সব
পুড়ছে, নয় ফলকবিশিষ্ট ভাষ্যশাসনপট (কিংবা উপবীত ও তামার শাসনপট) পুড়ে
গেল। ধামপাদ বলছেন, স্পষ্ট করে জেনে নিলাম, পঞ্চনালে জল উঠে গেল ॥

॥ রূপকার্থ ॥

প্রজ্ঞা ও উপায়রূপ কমল কুলিশের মিলনে কবি মহাস্থখে বা সহজানন্দে প্রবিষ্ট।
এই অবস্থায় চণ্ডালীরূপিণী কবির বিষয়ানুভূতি দক্ষ হয়ে গিয়েছে। পরিশুদ্ধ
চিত্তরূপ জ্বল সিঞ্চনে সেই বিষয়ানুভূতির আগুন নেভাতে হবে। সাধারণ আগুনে
খরজালা, ধূম-শিখা দৃষ্ট হয়, কিন্তু জ্ঞানবহির এসব বাহ্যিক লক্ষণ নেই। এই
জ্ঞানবহিতে সমস্ত দ্বৈতভাব এবং নবগুণ বা নয় প্রকার প্রাণবায়ু দক্ষ হয়ে যায়।
ধামপাদ বলছেন, তিনি এই মুক্তিতত্ত্ব স্পষ্টভাবে জেনেছেন, তাঁর পঞ্চনাল দিয়ে
নির্বাণজ্বল উর্ধ্বে উখিত হয়েছে ॥

॥ চর্চা ৪৮ ॥

এই চর্চাটির রচয়িতা কুকুরীপাদ এবং রাগ পটমঞ্জরী, এইটুকুই জানা গিয়েছে।
মূল চর্চাপদটি পাওয়া যায় নি। অবশ্য এই চর্চাগীতিটির বৃত্তিকৃত টীকা এবং তিব্বতী
অনুবাদ অনুসারে একটি পাঠও পরিকল্পনা করা হয়েছে। [দ্রষ্টব্য “চর্চাগীতি-
পাদাবলী”—ডঃ স্কুমার সেন, পৃষ্ঠা ১১০)। এখানে তিব্বতী অনুবাদ অবলম্বনে
চর্চাগীতিটির আধুনিক বাংলায় রূপান্তর দেওয়া হল ॥

॥ আধুনিক বাংলায় রূপান্তর ॥

বজ্রনিদ্রায় নিমগ্ন সমতায়োগে যুক্ত সেনামণ্ডলী। বিষয় ইন্দ্রিয়ের দুর্গুণলি
জেতা হল, শূন্যে মহাস্থখ রাজা হলেন। তুষ শঙ্খ ইত্যাদির ধ্বনি অনাহত গর্জন
করল, সংসার-মোহরূপ সৈন্য দূরে পালাল। স্থখ নগরীতে প্রধান স্থান (অগ্রবর্তী
স্থান) সব জয় করা হল। উর্ধ্বে আঙুল তুলে কুকুরীপাদ বলছেন, এই ত্রিলোকে
সব মহাস্থখের দ্বারা গৃহীত হল ; এই অর্থ (তত্ত্ব) কুকুরীপাদ নিনাদ করে বললেন ॥

॥ ভূমুকুপাদ ॥

॥ রাগ মল্লারী ॥

বাজ^১ গাব পাড়া^২ পঁউআ খালে^৩ বাহিউ ।

অদঅ দকালে^৪ ক্লেস^৫ লুড়িউ ॥

আজি ভূমুকু^৬ বঙ্গালী^৭ ভইলী ।

গিঅ ঘরিনী চণালে^৮ লেলী ॥

দহিঅ^৯ পঞ্চ পাটণ ইন্দি-বিসআ^{১০} গঠা ।

ন জানমি^{১১} চিঅ মোর কহি^{১২} গই গইঠা ॥

সোগ ক্ৰঅ^{১৩} মোর কিম্পি গ থাকিউ ।

নিঅ পরিবারে মহানুহে থাকিউ^{১৪} ॥

চউ-কোড়ি ভণ্ডার মোর লইআ সেস^{১৫} ।

জীবন্তে মইলে^{১৬} নাহি বিশেষ ॥

॥ পাঠান্তর ॥

১. রাজ। ২. পাড়ী। ৩. বকালে, দকাল। ৪. দেশ, দেশ। ৫. ভূমুকু।
৬. বঙ্গালি। ৭. চণালী, চণালে। ৮. ডহি জো, উডি জো। ৯. পঞ্চধাট গই
দিবি সংজ্ঞা, 'পঞ্চধাত শ ইন্দিবিসআ'। ১০. জাগসি। ১১. সোগত ক্ৰঅ।
১২. বুড়িউ। ১৩. লই অশেষ ॥

॥ আধুনিক বাংলায় রূপান্তর ॥

বঙ্গনৌকা পাড়ি দিয়ে পদ্মা-খালে বাওয়া হল, নির্দয় দহ্য ক্লেস লুঠ করে নিয়ে
গেল (বা দেশ লুঠ করে নিয়ে গেল)। ভূমুকু, আজ তুমি বাঙালী হলে, নিজ
গৃহিণী চণালে নিয়ে গেল (বা, চণালীকে নিজ ঘরগী করলাম)। দক্ষ হল
পঞ্চপাটন, ইঞ্জিয়ের বিষয় বিনষ্ট; জানি না, আমার চিত্ত কোথায় গিয়ে প্রবেশ
করল। সোনারূপা আমার কিছুই থাকল না, নিজের পরিবারে মহানুহে থাকলাম।
আমার চৌকোট (চার কোটি) ভাণ্ডার নিয়ে শেষ করল, জীবনে মরণে (ইতর)
বিশেষ নাই ॥

॥ রূপকার্থ ॥

প্রজ্ঞার পদ্মখালে, বঙ্গরূপ নৌকা বেয়ে গিয়ে চিত্ত শূন্যতার মিলনে মহানন্দে
প্রবেশ করল। অদয়জ্ঞানরূপ জলদহ্য সমস্ত ক্লেস লুঠ করে নিয়ে গেল; আজ
ভূমুকু সত্যিকারের ধ্যানপ্রতিষ্ঠিত হয়েছেন, নিজের অপরিপুষ্ট চিত্তকে প্রভাস্বর

প্রকৃতিতে পরিস্কৃত করে নিয়েছেন। রূপবেদনাদি পঞ্চকল্প এবং ইন্দ্রিয়ের কামনাবাসনা সব দৃষ্ট, এই নির্বিকল্পজ্ঞানের উদয়ে তাঁর চিত্ত কোথায় প্রবেশ করেছে তা তিনি বুঝতে পারছেন না। সোনা রূপা বা শূণ্ডতা ও রূপের জগতের ধারণা সব লুপ্ত হয়ে গিয়েছে—এখন তিনি সর্বশূণ্ডতায় লীন। এই অবস্থায় চার রকম বিচারবুদ্ধি অবলুপ্ত—তিনি বুঝতে পারছেন, অদ্বয়জ্ঞানে প্রতিষ্ঠিত হলে জীবনে মরণে কোনো ভেদজ্ঞান থাকে না।

॥ শব্দার্থ ও টীকা ॥

বাজ গাব = বজ্রনোকা ॥ পউর্জা খালে = প্রজ্ঞারূপপদ্ব বিকশিত হয়েছে এমন খালে ॥ অদঅদকালে = নির্দয় দহ্য (বোধেষ্টে, নিঃস্ব, ভবঘুরে)। তুলনীয় “দকালিয়া যোগী”—“ভারতবর্ষের উপাসক সম্প্রদায়”—অক্ষয়কুমার দত্ত ॥ গিঅ ঘরিনী = অপরিপুষ্ট নিজপ্রকৃতি ॥ চউ-কোড়ি = চতুষ্কোটি, সৎ, অসৎ, ন সৎ ন অসৎ, সদসৎ—এই চাররকম বিকল্প ॥

॥ চর্চা ৫০ ॥

॥ শবরপাদ ॥

॥ রাগ রামকী ॥

গঅগত গঅগত তইলা বাড়ী^১ হিএ^২ কুরাড়ী ।
 কঠে নৈরাম গি বালি জাগন্তে সুঘাড়ী^৩ ॥
 ছাড়^৪ ছাড় মাআ-মোহা বিষমে ছন্দোলী ।
 মহানুহে বিলসন্তি শবরো লইআ সূণ মেহেলী^৫ ॥
 হেরি যে মেরি তইলা বাড়ি খসমে^৬ সমতুলা ।
 যুকড়^৭ এব^৮ রে কপাসু^৯ ফুটিলা^{১০} ॥
 তইলা বাড়ির পারসে^{১১} জোহা^{১২} বাড়ী তাএলা ।
 ফিটেলি অঙ্কারি রে অকাশ ফুলিআ^{১৩} ॥
 কজুচিনা^{১৪} পাকেলা রে শবরাশবরি মাতেলা ।
 অমুদিন শবরো কিম্পি ন চেবই মহানুহে^{১৫} ভেলা^{১৬} ॥
 চারিবাসে গড়িল^{১৭} রে^{১৮} দিঅ^{১৯} চঞ্চালী ।
 ঠুঁহি তোলি শবরো ডাহ কএলা^{২০} কান্নই^{২১} সগুণ^{২২} শিআলী ॥
 মারিল^{২৩} ভবমত্তা রে দহ-দিহে দিখলী বলী^{২৪} ।
 হেরি সে^{২৫} সবরো^{২৬} নিবেরবণ ভইলা ফিটিলি শবরালী ॥

॥ পাঠান্তর ॥

১. বাড্‌জী, বাঢ়ী। ২. হেঞ্চে। ৩. উপাড়ী। ৪. ছাড়ু। ৫. স্খগমে হেলী।
৬. খঃসমে। ৭. যুকড়এ সেরে, যুকড় এসে রে। ৮. ইদানীং অর্থে এবে।
৯. কপাসঁ এবে রে যুকড় ফুটলা। ১০. ফুলিটলা। ১১. জোহু। ১২. ফুলিলা।
১৩ কহুরি না। ১৪. ভোলা। ১৫. ডাইলা। ১৬. রেঁ। ১৭. হকএলা।
১৮. কান্দশ। ১৯. সগুণা। ২০. মরিল। ২১. দিধ লিবলী। ২২. হে রসে,
হেরে যে। ২৩. শবরী ॥

॥ আধুনিক বাংলায় রূপান্তর ॥

গগনে গগনে তদলগ্ন (তৃতীয়) বাড়ি, হৃদয়ে কুঠার ; কণ্ঠে নৈরামনি বালিকা,
জাগে স্খগঠিত। ছাড় ছাড় মায়ামোহরূপ বিষম দ্বন্দ্ব, মহাস্খখে বিলাস করে শবর
শূন্ততা-মেয়েকে নিয়ে। সেই আমার তদলগ্ন (তৃতীয়) বাড়ি খসমের সমতুল,
চমৎকার (কী স্কন্দর) রে কার্পাস ফুল ফুটল। তদলগ্ন (তৃতীয়) বাড়ির চারপাশে
জ্যোৎস্না, তখন দূর হল অন্ধকার, আকাশকুসুমের (মতো)। কংনি দানা পাকলো
রে, শবরশবরী মাতলো ; দিনের পর দিন শবর মহাস্খখে ভোর খাকার জন্তু কিছুই
টের পায় না। চার বাঁশে (খাট) গড়ল রে চাঁচাড়ি দিয়ে, তাতে তুলে শবরকে
দাহ করা হল, কাঁদল শকুন শৃগালী। সংসার-মস্ত মরল ওরে, দশদিকে শ্রাদ্ধপিণ্ড
দেওয়া হল, এই শবর নির্বাণ পেল, শবরত্ব ঘুচে গেল ॥*

॥ শব্দার্থ ও টীকা ॥

তইলা = তৃতীয়া বা তদলগ্ন ॥ নৈরামনি = নৈরাশ্রা দেবী ॥ বিষম দুন্দোলী—
বিষম দ্বন্দ্ব বা গ্রন্থি ॥ মেহেলী = কণ্ঠ। মেহেরী থেকে হলে .অন্তঃপুর ॥ যুকড় =
স্ব + ক থেকে স্কর, স্কন্দর ॥ কপাস = কার্পাস ; 'প্রভাস্বর হেতু কার্পাসের মতো
শুভ্রবর্ণ বলে চতুর্থ শূন্তকে কার্পাসের সঙ্গে তুলনা করা হয়েছে'—৩মগীত্রমোহন বসু ॥
তাএলা = তদ্ বেলা, তখন ॥ চঞ্চালী = বাঁশের চাঁচাড়ি ॥ বলী = শ্রাদ্ধপিণ্ড ॥



রূপকার্বেয় জন্ত পৃষ্ঠা ৩৬ ত্রুটব্য ॥

॥ শব্দসূচী ॥

[শব্দগুলির পাশে যে-সংখ্যা দেওয়া আছে তার দ্বারা চর্যার সংখ্যা বোঝাচ্ছে। যেমন, ২৯ অর্থ ২৯নং চর্যায় ঐ শব্দটি আছে। আধুনিক বাংলা শব্দের সঙ্গে যেগুলির খুব মিল আছে সেগুলি দেওয়া হোল না।]

অইস ৪১। <ঈদৃশ। এমন ॥
 অইসন ২। অইসন এবং অইসনি
 একই অর্থ। এমন, এইরকম ॥
 অইসনি ১০। সং. আবিশসি > আই-
 সনি > অইসনি। আসে ॥
 অকট ৩১, ২২। আশর্ষ, বিশ্বয়কর ॥
 অকাশ ৫০। আকাশ ॥
 অকিলেসেঁ ২। সং. অক্লেশেন।
 অক্লেশে ॥
 অগে ১৫। অগ্রে ॥
 অন্ধবালী ৪। আলিঙ্কন ॥
 অচার ২১। চংক্রমণ, যোগাচার ॥
 অচারে ১১। আচারেণ > অচারেঁ ॥
 অচ্ছ ৩৭। সং. √ অস্ > প্রাকৃত অচ্ছ
 > বাংলা আছ্। অমুজ্জা বা
 বর্তমানে আছ ॥
 অচ্ছই ৪১। আছে, থাকে ॥
 অচ্ছন্তে ৪২। থাকতে ॥
 অচ্ছম ২। আছি। √ অস্ ॥
 অচ্ছসি ৪১। আছিস বা আছ ॥
 অচ্ছহ ৬। আছ বা আছিস ॥
 অচ্ছিলেস ৩৭। ছিলে। √ অস্,

অতীত কাল, মধ্যমপুরুষ ॥
 অচ্ছিলেঁ ৩৫। ছিলাম। √ অস্,
 অতীত কাল, উত্তমপুরুষ ॥
 অট ১৫। আট। সং. অষ্ট থেকে ॥
 অঠক মারী ১৩। আটকে মেরে ॥
 অঠ-কমারী ১৩। আট কমরা
 সংবলিত। কমরা বা আধুনিক
 বাংলায় কমরা এসেছে গ্রীক
 Komora থেকে ঈরানীয় ভাষার
 মাধ্যমে ॥
 অণ ৪৪, ৪৬। অণ্ড ॥
 অণহ ১৬, ১৭, ২৫। অনাহত, যোগ
 সাধনার অশ্রুতধ্বনি ॥
 অণুঅনা ৪১। অমুৎপন্ন ॥
 অমুঅর ৪৪। যার উপরে আর নেই।
 সং. অমুত্তর থেকে ॥
 অদঅ ৪২। দয়াহীন বা অদয় ॥
 অদঅভুঅ ৩২। অদুত ॥
 অদভুআ ৩০। ঐ ॥
 অদশ ৪৬। আরশি, অদৃষ্ট ॥
 অধরাতি ২৭। অধরাতি ॥
 অন ৩৮। অন্ত ॥

অনহা ১১, ২৫। দ্রষ্টব্য অণহ।
 অনাবাটা ১৫। যে আর ফিরে আসে
 না। সং. অনাবর্তক। উপ-
 নিষদেও আছে 'ন স পুনরা-
 বর্ততে'।
 অহুত্তরসামী ৫। সং. অহুত্তরস্বামী।
 যার চেয়ে শ্রেষ্ঠ সাঁই আর নেই।
 অস্তউড়ী আস্তউড়ী ২০। Placenta
 বা গর্ভের ফুল (ড: সেন)। সং.
 অস্ত:ফুটি। বাংলায় আঁতুড় ঘর।
 অঙ্কারী ৫০, ২১। অঙ্কার। ত্রী-
 লিঙ্গে অঙ্কারী। তুলনীয় বাংলা
 'আলো-আঁধারি'।
 অপতিষ্ঠান ৩১। অপ্ৰতিষ্ঠান। যার
 প্ৰতিষ্ঠান নেই। পাঠাস্তরে
 অপইষ্ঠান।
 অপনা ৬। নিজের (৬ষ্ঠী) ২৬ নং
 চর্যায় নিজেকে (কর্ম)। ৩২ নং
 চর্যায় নিজে, স্বয়ং (কর্তা)।
 অপণে ৩, ২২, ৩২, ৩৭। নিজের
 দ্বারা (করণ)।
 অপা ৩১, ৩২, ৩২। আত্মা। আত্মা
 >আত্‌পা>অপ্পা>অপা।
 অপ্পনা (অপাণা) ৩২। দ্রষ্টব্য
 আপনা।
 অপ্পা ৪৩। দ্রষ্টব্য অপা।
 অপ্পে ৩১। জল দিয়ে (করণ), জল
 থেকে (অপাদান), অপ+এন।
 অভাগে ৩৫। সং. অভাগোণ।
 অভাগোয় দ্বারা।
 অভাব ২২। অহুৎপত্তি।

চর্যাপদ

অভিন বায়ে (অভিন-চার্য) ৩৪।
 অভিন্নাচারেণ, অভিন্ন আচারের
 দ্বারা (করণ)।
 অমন ২১। মনহীন।
 অমিঅ (অমিঅ) ৩২। অমৃত।
 অমিয়া ৩২। ঐ।
 অমুভে ২২। অস্মাভি:। আমরা,
 আমি।
 অক ৪। রাগিণীর নাম।
 অলখ, অলক্ষ ৩৪। অলক্ষ।
 অলক্ষ ১৫। ঐ।
 অবকাশ ৩৭। স্থান।
 অবণাগমণ ৩৬। অবণাগমণা ২১,
 ৪৬, ৭, অবণাগবণ ৩৬। আনা-
 গোন।
 অবধূই ২৭, অবধূতী ১৭। শরীরের
 তিনটি প্রধান নাড়ীর অগ্রতম।
 "বামনাসাপুটে চন্দ্রপ্রজ্ঞা সভাবেন
 ললনা স্থিতা দক্ষিণ নাসাপুটে
 উপায় সূর্যস্বভাবেন রসনাস্থিতা।
 অবধূতী মধ্যদেশে তু গ্রাহগ্রাহক-
 বর্জিতা।" বাদিকে চন্দ্র বা প্রজ্ঞা
 বা ইড়া (অমৃতধারাবাহী); ডান
 দিকে বিষধারাবাহী সূর্য বা রসনা
 বা পিঙ্গলা; মধ্যদেশে শুক্রবাহী
 অবধূতী বা সরস্বতী বা মহাস্থা-
 ধার।
 অবর ১০, ৩৪। অপর।
 অবসরি ৩২। অপসৃত।
 অবিদ্যারঅ ৩২। অবিচারত।
 অবিদ্যাকরী ২। অবিদ্যারূপ হস্তী।

১৮৬

অহনিসি, অহিনিসি ১২। অহর্নিশি।
 অহারিল ৩৫। আহার করল, সংগ্রহ
 করল ॥
 অহারিউ ১২। ঙ্র। সং. আহারিত ॥
 অহেরি ৬। শিকার, শিকারী, সং.
 আখোটিক। প্রাচীন গুজরাটী
 আহেড়ী ॥
 আই-অমুঅণা ৪৩। আদিতেই
 অমুংপন্ন, আদি+অমুংপন্ন ॥
 আইএ ৪১। আদিতে ॥
 আইল ৩, আইলা ৭। এল ॥
 আইলেসি ৪৪। এসেছে ॥
 আইস ২২, ৪১, ৪২। এমন, ঙ্রদৃশ ॥
 আগমপোথী ৪১, আগমপোথা ৪১।
 আগমপুঁথি ॥
 আগম বেএঁ ২২। আগমবেদেন।
 আগম বেদের দ্বারা ॥
 আগলী ১৮। শ্রেষ্ঠ স্ত্রী ॥
 আগি ৪৭। অগ্নি>অগ্গি>আগি।
 আগে ১৫। অগ্রে>অগ্গশ্মি>
 অগ্গম্হি>অগ্গহি>
 অগ্গই>আগে ॥
 আছহঁ, আচ্ছহঁ ৪৪। আছি ॥
 আজদেব ৩১। আর্ষদেব; চর্যাকর্তার
 নাম। আজদেবৈ—আর্ষদেবেন ॥
 আণ ৪৪, ৪৬। অণ ॥
 আগুতু ১২। শ্রেষ্ঠ, অণ্তর ॥
 আদয় (আদঅ) ৫। অদয় দৃষ্টি ॥
 আলিকালি ১১, ১৭। পারিভাষিক
 অর্থ নিশ্বাস নেওয়া ও নিশ্বাস
 ত্যাগ। মৌলিক অর্থে অ-কারাদি

ও ক-কারাদি বর্ণমালা। গ্রাথ-
 গ্রাহকভাব ॥
 আলিএঁ কালিএঁ ৭। আলিকালির
 দ্বারা ॥
 আলাজালা ৪০। জঞ্জাল, তুচ্ছ বস্তু ॥
 আলে, আলেঁ ৪০। বৃথা ॥
 আবই, আবয়ি ৪২। আসে ॥
 আবোনী ৩৩। বেস্তার প্রণয়ী। সং.
 আবেশিক। প্রাচীন গুজরাটীতে
 আইসি ॥
 আসবমাতা ২। মদমস্ত ॥
 আস্থ ২৬। আশ, রোঁয়া। সংস্কৃত
 অংস্ত থেকে ॥
 ইন্দি ৪৫, ৩৫। ইন্দ্রিয় ॥ তেমনি
 ইন্দিঅবণ (৩১) ইন্দ্রিয় পবন ;
 ইন্দিআল (৩০) ইন্দ্রিয়জাল ;
 ইন্দিবিসআ (৪২) ইন্দ্রিয় বিষয় ॥
 ইন্দ্রতাল ২৪। রাগিণীর নাম ॥
 ইষ্টা ৪০। ইষ্ট ॥
 উআরি ১২। কাছারি, সদরমহল।
 উআস ৭। উদাস ॥
 উইআ, উইস্তা ৩০। উদিত ॥
 উইএ ৩০। উদিত হয় ॥
 উইজঅ ৪৫। (উইজই) উৎপন্ন হয়।
 সংস্কৃত উদ্বীজয়তি থেকে ॥
 উএথী ১৬। উপেক্ষিত ॥
 উএস ১২। উপদেশ ॥
 উএসই ৪০। উপদেশ দেয় ॥
 উছলিঅঁ ১২। উচ্ছলিত হল ॥
 উছারা ১৪। পড়ন্ত বেলা ॥
 উজাঅ ৩৮। উজানে যায় ॥

গবিষা ৩৩। গাতী।
 গবাহক ৩। গ্রাহক।
 গকুন্ডা ২৮। গুফ। অতিশয়।
 গলপাস ৩৭। গলার ফাস।
 গহণ ৫। গভীর।
 গাইউ ২, ১৮। গাওয়া হল।
 গাইড় ২। গাওয়া হল।
 গাইতু ১৮। ঐ।
 গাভই ১৮। গর্জন করে।
 গাতী ২১। দেওয়াল।
 গাস্তি ১৭। সং. গায়স্তি। গান করে।
 গিবত ২৮। গ্রীবায়, কর্ণে।
 গিলেসি ৩২। গিলেছ, গিলছে।
 গুঞ্জরী ২৮। গুঞ্জাফলের।
 গুণস্তে ৩০। অপেক্ষা করতে করতে।
 গুনিয়া লেছ ১২। গুণে নিই।
 গুণে ৩৮। (নৌকার) গুণের দ্বারা।
 গুমা ১৫। গুম্ব।
 গুরুবচন বিহারে ৩২। গুরু বচনরূপ
 মঠে বা বিহারে।
 গুলি ২৮। গোলমাল।
 গুহাড়া ২৮। সনির্বন্ধ অল্পরোধ।
 গেলী ৮, ৩৭। গেল।
 গোহালী ৩২। গোয়াল।
 গুড়িএ ৩। ঘড়ায়।
 ঘড়ুলী ৩। ছোট ঘড়া, গাড়ু।
 ঘণ ২৬। মেঘ।
 ঘণ্টা নেউর ১১। ঘণ্টা নুপুর।
 ঘরপণ ২। ঘর-সংসার।
 ঘরিণী ২৮, ৪২। গৃহিণী।
 ঘরে পয়ে ৩২। ঘরে পবে।

চর্বাপদ

ঘাট ১৫। ঘাট, শুক আদায়ের
 জায়গা।
 ঘাণ্টে ৪। ঘাঁটাঘাঁটিতে।
 ঘালিউ ১২। দূর করা হল।
 ঘিণ ৩১। ঘৃণা।
 ঘিনি ৬। নিয়ে।
 ঘেনি ১২। গৃহীত হল।
 ঘোলই ১৬। ঘোরায়।
 ঘোলিউ ১২। ঘুলিয়ে দেওয়া হল।
 চউকোড়ি ৪২, চোকটি ৩৭।
 চতুষ্কোটি।
 চউখণ ৪৪। চারকোণ।
 চকা ১৪। চক্র।
 চক্ৰতা ২১। চাকড়া।
 চঞ্চালী ৫০। বাশের চাঁচাড়ি।
 চণ্ডালে ৪২। চাঁড়ালের সাহায্যে।
 চটারিউ ২৬। নিঃশেষিত হল।
 চন্থিলে ৮। চড়লে।
 চমণ ১। রেচক বা শাসত্যাগ।
 চাকি ১৭। চাক্তি। সং. চক্রিকা।
 চান্দ ৪, ১৪। চাঁদ।
 চান্দকাস্তি ৩১। চন্দ্রকাস্তি।
 চাপিউ ১৭। চাপা হল।
 চাপী ৪, ৮। ঐ।
 চারা ২১। পশুপাখির খাত্ত অশ্বেষণ।
 চালিঅউ ২৭। চালিত হোক।
 চাহঅ ৮, ৩৬। দেখে।
 চাহস্তে ৩১, ৪৪। দেখতে দেখতে।
 চিঅ ১৩, ৩১, ৩২, ৩৫, ৩২, ৪২ ৪৬।
 চিঅরাঅ ৩২, ৩৫। চিত্তরাঅ।
 চিত্ত

চিখিল ৫। কর্দমান্ত, সং. চিখিল ॥
 চীঅন ৩। চিকণ ॥
 চীরা ৪। পাগড়ি বা পতাকা তৈরীর
 কাপড় ॥
 চেঅণ ৩৬। চেতনা ॥
 চেবই ৩৪, ৩৬, ৫০। চেতয়তি,
 বুঝতে পারে ॥
 ছডগই ২। ষট্গতি ॥
 ছস্তে, ছস্তে ৪২। থাকতে ॥
 ছাইলী ২৮। ছাওয়া হল ॥
 ছান্দক ১। ছন্দের বাসনার ॥
 ছিঙ্গই ৪৬। ছেদ করা হয় ॥
 ছিণালী, ছিণালী ১৮। ভট্টা,
 ছলনাময়ী ॥
 ছুই ৬। ছোঁষ বা লুকাই ॥
 ছেবই ৪৫। ছেদ করে ॥
 জই ৫, ২৩, ৪০, ৪১, ৪৬। যদি ॥
 জইসণি (জইসনে) ৩৭। যেমন করে ॥
 জইসা ৪০, ৪১। যেকপ ॥
 জউতুকে ১৮। যৌতুককপে ॥
 জউনা ১৪। যমুনা ॥
 জগ ৩২, ৪১। জগৎ ॥
 জখা ৪৪। যেখান থেকে ॥
 জসু ৪০, জাসু ৩০, ৪৩। যাব ॥
 জহি ৩১। যেখানে ॥
 জাই ২। যায় ॥
 জাগঅ ২। জাগে ॥
 জাগস্তে ৫০। জেগে থাকতে ॥
 জাণমি ৪২। জানি ॥
 জাম ২২, ৪৩। জন্ম ॥
 যাও ॥

জাহের ২২। যার ॥
 জিণউর ৭, জিনউরা ১৪। জিনপূর ॥
 জিণ-রঅন ৪০। জিনরত্ন ॥
 জিতেল ১২। জয় করা হল ॥
 জিম ২, ১৩, ২২, ৩০, ৩১, ৪১, ৪৩।
 যেমন ॥
 জেতই ৪০। যতই ॥
 জোই ২২। যে কেউ। সৎ. যোহপি ॥
 জোই ১০, ১৪, ১২, ২২, ৩০, ৩৭,
 ৪২। যোগী ॥
 জোইনী ২৭। যোগিনী ॥
 জোডিঅ ৫। জোড়া হল ॥
 জোহ্লা ৫০। জ্যোৎস্না ॥
 জাণ-বথানে ৩০। ধ্যানব্যাত্থানের
 সাহায্যে ॥
 জানে ১। ধ্যানের সাহায্যে ॥
 টলিআ ৩৫। টলে পড়ল ॥
 টানই ১৮। টানে ॥
 টাল ৪০। ভুল, ভুল করে ॥
 টালত ৩৩। টিলাষ ॥
 ঠাঠা ৪০। ঠাট, আডম্বর ॥
 ঠাকুর ১২। রাজা, কতা ॥
 ঠাবি ৮। স্থান, ঠাই ॥
 ডমকলি ৩১। ছোট ডমক ॥
 ডানী ২৮। ডালের জ্বালিঙ্গ ॥
 ডাহ ১৭, ৫০। অগ্নিকাণ্ড, দাহ ॥
 গঅণি ২৩। নিয়ে এল (?) ॥
 গইরামণি ২৮। নৈরাআ যোগিনী ॥
 গঠা ৩১, ৩৫, ৪২। নষ্ট ॥
 গবগুণ ৪৭। নবগুণ ॥
 গাবী ১৩। নৌকা ॥

নিম্নমণে ২৮। নিম্ন মনে।
 নিম্নড় ১২। নিকট।
 নিবানে ২৭। নির্বাণের দ্বারা।
 নিবারিউ ৩১। নিবারিত।
 ভই ৩২। তুমি।
 তইছন ৩৭। তেমন।
 তইসা ৪৬। ঐ।
 তই ৪, ১৮। তোমার দ্বারা।
 তউ ২৬। তবু।
 তথতা ২, ৩৬, ৪৪, ৪৬। তথতা,
 প্রজ্ঞাপারমিত অবস্থা।
 তস্তে ৩৪। তস্তের সাহায্যে।
 তরঙ্গতে ৬। লাক দিয়ে ক্রতগতির
 ফলে।
 তরুঅ ৪২। তরু।
 তাএলা ৫০। তখন। সং. তদ্বেলা।
 তাস্তিধনি ১৭। তস্ত্রীধনি।
 তাল ৪। তালা।
 তাহের ২২। তার।
 তাঁবোলা ২৮। তাবুল।
 তিঅড়া (তিঅড্ ডা) ৪। জঘন।
 তিঅধাউ ২৮। তিনধাতু। রূপকার্থে
 কায়, বাক, চিন্ত।
 তিনি ১৮ (তিনি)। তিনি।
 তিম ২, ৪৩। তেমন।
 তিশরণ ১৩। বুদ্ধ, ধর্ম, সংঘ।
 তুটই ৪৬। টুটে যায়।
 তেতরি ৪০। ততই।
 তৈলোএ ৩০, ৪২, ৪৩। জিলোকে।
 তোড়িঅ ২। ভাড়া হল।
 ণাতী ২১। স্থিতি।

চর্চাপদ

থাহা ১৫, থাহী ৫। গভীরতার শেষ,
 থই।
 থির ৩, ৩৮। স্থির।
 দক্ষালে ৪২। দক্ষ্য, বোধেষ্টে, ভব-
 ঘুরে, নিঃস্ব।
 দমকু ২। দমনের জন্ত।
 দশবলরঅণ ২। বুদ্ধরত্ন।
 দহদিহ ৩৫। দশদিক।
 দাটই ৩৬। দঙ্ক হয়।
 দাণ্ডী ১৭। ডাঁটি।
 দাপণ ৩২। দর্পণ।
 দারী ২৮। গণিকা।
 দায় ১২। দান।
 দাছিণ ৫, ১৪, ১৫, ৩২। ডানদিক।
 দিট ১, ৩, ১১, ৪১। দূট।
 দিচ ১, ৩, ১১, ৪১। দূচ। জ্বীলিঙ্গে
 দিড়ি (৫)।
 দিশই ৪৭। দেখা যায়।
 দুঅ ১২। দাবার দুইয়ের চাল।
 দুঅস্তে ৫। দুই দিকে।
 দুআরত ৩। দুয়ারে।
 দুখোল ১৪। স্কেউতি।
 দুজ্জণ ৩২। দুর্জন।
 দুঠঠ ৩২। দুষ্ট।
 দুন্দোলী ৫০। যা খোলা যায় না
 এমন গ্রন্থি।
 দুলকথ ৩৪। দুর্লভ্য।
 হুলি ২। কচ্ছপ।
 হুহিল ৩৩। দোওয়ানো। (৫২ ৪৬।
 দেউ ৩। প্রদত্ত। চিন্ত।
 দেবক্রী ৪। রাগিণীর নাম।

দেশাথ ১০, ৩২ । রাগিণীর নাম ॥
 দেহ নক্ষত্রী ১১ । দেহনগরী ॥
 দ্বাদশ ভূঅর্ণে ৩৪ । দ্বাদশভুবনে ॥
 ধনি ৩৩ । ধন্য । ১৭ ধনি ॥
 ধমণ ১ । স্বাসগ্রহণ, পূর্বক ॥
 ধাম ২২, ১৯ । ধর্ম । আবাস ॥
 ধামার্থে ৫ । ধর্মের জন্তে ॥
 ন্যবল ১২ । নয়বল, দাবাখেলা ॥
 নদ্র ১৪ । নদী ॥
 নড়এড়া ১০ । নটের সজ্জা ॥
 নগন্দ ১১ । ননদ ॥
 নাঅর ১৪ । নাগর ॥
 নাডিআ ১০ । নেড়া বামুন ॥
 নাল ৩ । নল ॥
 নাবী ৮ । নৌকা ॥
 নাবড়ী ৩৮ । ছোট নৌকা ॥
 নিঅড়ি ৩২ । নিকট ॥
 নিষিণ ১০ । নিষুর্ণ ॥
 নিচিত ১ । নিশ্চিত ॥
 নিবিতা ২ । পরম স্থায়ী ॥
 নিবুধী ৩৩ । নির্বোধ ॥
 নিভর ৫ । নিভর ॥
 নিবালে ৩১ । নিরলসে ॥
 নিরাসী ২০ । হতাশাস ॥
 নিলঅ ৬ । উদ্দেশ । নিলয় ॥
 নিসারা ৩ । নিঃসার ॥
 নিসি ২১, ৫০ । রাত্রি ॥

জাগমি ৪২ । নুপুর ॥
 জাম ৮ । নেব ॥
 ৮ । মাঝি ॥
 ১৬ (পইঠা) । প্রবিষ্ট ॥

পইসই ৬, ৭, ১৪, ৩১, ৪৭ । প্রবেশ
 করে ॥

পইসি ২ । প্রবিষ্ট ॥
 পথা ৪ । পাথা ॥
 পঞ্চজনা ২৩ । পাঁচজনা । রূপকার্থে
 পকেজিয় ॥

পটি ৫ । পাটি ॥
 পড়হ : ৬ । পটহ ॥
 পড়িবেষী ৩৩ । পড়লী ॥
 পড়িহাই ৪১ । প্রতিভাত হয় ॥
 পণালে ২৭ । মুণালের দ্বারা ॥
 পতবাল ৩৫ । নৌকার পাল ॥
 পতিআই ২২ । প্রত্যয় করে ॥
 পতিভাসই ৩৫ । দেখা যায় ॥
 পরহিণ ২৮ । পরিহিত ॥
 পরিচ্ছিন্না ৭ । পরিচ্ছন্ন ॥
 পরিমাণ ১ । প্রমাণ ॥
 পসরিউ ২৩ । প্রসারিত হল ॥
 পহিল ২০ । প্রথম ॥ তেমনি পহিলে
 = প্রথমে ॥

পঁউআ-খালা ৪২ । পদ্মখালে ॥
 পাঅ-পএ ১৪, ৩৪ । পাদপদ্মে ॥
 পাকেলা ৫০ । পাকলো ॥
 পাখি ১ । পল ॥
 পাখুড়ী ১০ । পাপড়ি ॥
 পাখে ৪৬ । পক্ষে ॥
 পাণ্ডী ১, পিড়ি ১২, পিহাড়ী ১২ ।
 কাঠের আসন, পিঁড়ি ॥
 পাণ্ডিআচাএ ৩৬ । পণ্ডিতাচার্ধেন ॥
 পাণ্ডর ১৫ । প্রান্তর ॥
 পাবত ২৮ । পর্বত ॥

শব্দসূচী

পার-উআরে ৩২। পারে উস্তীর্ণ
 হওয়া। অধিকরণে 'এ'।
 পারগামি ৫। পারার্থী।
 পারিম-কুলে ৩৪। অস্ত্র তীরে।
 পাবিঅই ২৬। পাওয়া যায়। <
 প্রাপ্যতে>পাঈঅই>পাবিঅই।
 পাখি ৩৬। পাশে।
 পিটত ১৪। পীঠে।
 পিটা ২, ৩৩। দুধ দুইবার কেঁড়ে।
 পিবই ৬। পান করে। <পিবতি।
 পিবিচ্ছা ২২। প্রস্নের উত্তর।
 পীচ্ছ ২৮। পুচ্ছ, পালক।
 পীবমি ৪। পান করি। <পিবামি।
 পুচ্ছ ৫, ৪১। জিজ্ঞাসা কর
 (আদেশ)।
 পুছমি ১০। জিজ্ঞাসা করি।
 পুচ্ছসি ১৫। জিজ্ঞাসা কর। সাধারণ
 বর্তমান।
 পুচ্ছিঅ ১। জিজ্ঞাসা করে।
 অসমাপিকা ক্রিয়া।
 পুঞ্চআ ২৮। বাজপাখি (ডঃ স্. সেন)।
 পুঞ্জ ৩৫। পুণ্য।
 পুলিন্দা ১৪। সংস্কৃত পোলিন্দ, অর্থ
 মাস্তুল। সাংকেতিক অর্থ নপুংসক।
 পেথ ৩০, ৪৬। দেখ, আদেশ
 বোঝাতে। সংস্কৃত প্রেক্ষস্ব।
 পেথমি ৬৮। আমি দেখি।
 পেন্দ, পেন্ম ২৮। প্রেম।
 পোহাঅ ১২, পোহাই ৪৮, ৪৬। রাত
 পোহালো।
 পোথী ৪০। পৃথি। পুস্তিকা।
 চর্ষাপদ

পোহাইলী ২৮। পোহালো।
 ফরই ৪২, ফড়িঅ ৪৩। ফুরিত হয়।
 ফুরতি > ফরই।
 ফাড়িঅ ৫। ফাড়া হল। সং. ফাটিত।
 ফিটঅ ২। খুলে যায়।
 ফিটলেসু ২০। গর্ভমোচন করলাম।
 ফিটিলি ৫০। দূর হল।
 ফীটউ ১২। মুক্ত হোক।
 ফুলিলা ৪১, ৫০। পুষ্টিত হল।
 ফুল থেকে নামধাতু (?)।
 ফেড়ই ৩০। দূর করে।
 ষঅণ ৩২। বচন।
 বঅণে ৪৫। বচনে।
 বইঠা ১। উপবিষ্ট।
 বথানী ২২, ৩৭। ব্যাখ্যাত।
 বক্র ৩২। বক্র > বক্র। বাকা (পথ)।
 বক্রালী ৪২। বাঙালী, নিঃস্ব, দুর্গত।
 সাংকেতিক অর্থ—অদ্বয়জ্ঞান
 আছে যার।
 বট ২৬। বাট।
 বট্টই ৭। থাকে। সং. বর্ততে।
 বড়িআ ১২। দাবার বোড়ে।
 বড্‌হিল ৩৩। বেড়ে গেল। সং.
 বর্ধিত > বড্‌হিঅ + ইল >
 বড্‌হিল।
 বরগুরু-বঅনে ৪৫। বজ্রগুরু
 উপদেশে।
 বরিসঅ ২। বর্ষণ করে। < বর্ষতি।
 বতিস ১৭, ৩৭। বক্রিণ
 বলআ ৩৮। বলবান।
 বলন্দে ৩২। বলদের দ্বারা

বলী ৫০। আকপিণ্ড।
 বসই ২৮। বাস করে। <বসতি ॥
 বহই ১৪, ২৭। বহে। <বহতি ॥
 বহল ২৫, ২৬। বহল, প্রচুর ॥
 বহিবা ১৪। বইতে, বহন করতে ॥
 বহুড়ই ৮। প্রত্যাবৃত্ত হয়।

<ব্যঘৃষ্টি ॥

বহুবিহ ৪১। বহুবিধ ॥
 বহুড়ী ২। বধু ॥
 বাকপথাভীত ৩৭, ৪০। বাকপথের
 অতীত ॥

বাকলঅ ৬। বাকলের দ্বারা ॥
 বাখোড় ২। হাতি বাঁধার থাম ॥
 বাক্‌অ ১৭। বাজে ॥
 বাট ৭, ১৫। পথ। <বঅ ॥
 বাণ ২১। বর্ণ ॥
 বাণ-মুকা ৪৩। বর্ণমুক্ত ॥
 বাণ্ড ৩৭। পুরুষাঙ্গ ॥
 বাতাবস্তে ৪১। বাত্যাবর্তের দ্বারা ॥
 বাঙ্কিহুআ ৪১। বঙ্ক্যাপুত্র ॥
 বাপুড়ী ১০। কাপালিক ॥
 বায়ুড়া ২০। লুপ্ত ॥
 বাকুণী ৩। মদ ॥
 বালি ৫০। বালিকা ॥
 বাসনয়ুড়া ২০। বাসনাপুট ॥
 বাসসি ১৫। অহুভব করো ॥
 বাসে ৫০। বাঁশ দিয়ে ॥
 বাহবকে ৮। বাইতে ॥
 বাহা ১৫। বহনকারী ॥
 বাহুড়ই ৮। ফিরে আসে ॥
 বাঙ্ক ১০। বাঙ্কণ ॥

বাক্‌ ১০। বঙ্ক্যা। বাংলা বাঁকা ॥
 বিআঅল ৩৩। প্রসব করলো ॥
 বিআণ ২০। প্রসব ॥
 বিআভী ২। বিবাহিতা স্ত্রী, অবধূতী ॥
 বিআপক ৯। ব্যাপক ॥
 বিআর ৩০। বিচার ॥
 বিআলী ৪। বিকাল। সাংকেতিক
 অর্থ কালরহিত ॥
 বিকণঅ ১০। বিক্রয় করে। সংস্কৃত
 বিক্রীণাতি ॥
 বিকসিউ ২৭। বিকশিত হল ॥
 বিগোআ ২০। বিজ্ঞান ॥
 বিচ্ছরিল ৪৪। বিচূর্ণ হল ॥
 বিটলিউ ১৮। অন্তর্চিক্রিত ॥
 বিণঠা ৪৪। বিনষ্ট ॥
 বিহুজ্ঞ ১৮। বিদ্বান লোক ॥
 বিন্দারঅ ২১। যে বিঁধে দেয় ॥
 বিন্দুনাদ ৪৪। বিন্দু ও নাদ ॥
 বিযুক্তা ৩৭। বিযুক্ত ॥
 বিবাহিআ ১২। বিয়ে করে ॥
 বিষ্কারে ৩২। বুদবুদ আকারে ॥
 বিরমানন্দে ২৭। মহাহুথ তরঙ্গে ॥
 বিশেষ ৪২। পার্থক্য ॥
 বিলসই ১৭, ২৯, ৩৪, ৪২। বিলাস
 করে ॥
 বিহরএ ১১। বিহার করে ॥
 বিহাণ ৪৪। বিধান ॥
 বিহুণে ১৩। বিনা ॥
 বুঝঅ ৩০। বোঝ ॥
 বুড়স্তু ১৬। ডুবতে ডুবতে ॥
 বুলই ১৪। ঘুরে বেড়ায় ॥

বেগে ৫। বেগের দ্বারা ॥
 বেঙ্গ ৩৩। ব্যাঙ। সাংকেতিক অর্থ
 বিগত অক্ষ যার ॥
 বেটিল ৬। বেষ্টিত ॥
 বেধি ১, ৪, ১৬, ১৭, ১২। দুই ॥
 বেটে ৩৩। বাঁটে ॥
 বোলধি ১৫। বলেন ॥
 ভাইল ১৪। হোল ॥
 ভণধি ২০। বলেন ॥
 ভতারি ২০। ভর্তা, ভাতার ॥
 ভব-উলোলে ৩৮। সংসার-ভরঙ্গে ॥
 ভব-নিবাণা ২২। সংসার বন্ধন ও
 মুক্তি ॥
 ভমস্টি ২২। ভ্রমণ করে ॥
 ভরিতী (ভরিলী) ৮। ভরা, পূর্ণ ॥
 ভাক্ত তরক্ত ৪২। তরক্তভক্ত ॥
 ভাগেলা ৩২। পলায়িত হল বা ভাঙল ॥
 ভাক্তীঅ ১০। ভেঙে, ছিঁড়ে ॥
 ভাভরিআলী ১৪। ছেনালি ॥
 ভূঅক্ষ ১৮। প্রেমিক, নাগর ॥
 ভূঞ্জই ৩৪। ভোগ করে ॥
 মঅগল ২। মদকল ॥
 মইলে ৪২। মরলে ॥
 মউলিল ২৮। মুকুলিত হোল ॥
 মকুঁ ৩৫। আমার ॥
 মণ গোঁএর ৪০। মনগোঁচর ॥
 মণরঅণ ৪৩। মন-রতন ॥
 মস্তে ৩৪। মস্তের দ্বারা ॥
 মরিঅই ১। মারা পড়ে ॥
 মহামুদেবী ৩৭। মহামুজার ॥
 মহাসিদ্ধি ১৫। অষ্ট মহাসিদ্ধি ॥

চর্যাপদ

মাআ ১১। মা, মায়াজাল ॥
 মাদিত ৮। নোঁকার গলুইয়ে ॥
 মাঝে ১৪। মাঝখানে ॥
 মাতেল ৫০। মদমস্ত ॥
 মাদেসি ১২। (দাবার) মাত কর ॥
 মারিহাসি ২৩। মেয়ো ॥
 মুকল ৩২। মুক্ত ॥
 মুচ্ ১৪। মুক্ত করো ॥
 মুসা ২১। ইদুর ॥
 মুট-হিঅহি ৬। মুটের হৃদয়ে ॥
 মেহ ৩০। মেঘ ॥
 মেহেরী ১৩। মহিলা-মহল ॥
 মোড়িঅ (মোড়িউ) ১৬। ভাঙা হলো ॥
 মোলাণ ১০। মুণাল > মুণাল > মোলাণ ॥
 মোহিঅহি ৭। আমার হৃদয়ে ॥
 শোইআ ১৪। যোগী ॥
 রঅণ ২। রত্ন ॥
 রক্ত ১২। অম্বরক্ত ॥
 রসরসাগেবে ২২। রসরসায়নের জগ ॥
 রাজা ৩৪। রাজা > রাচা > রাজা ॥
 রাউতু ৪১, ৪৩। রাজপুত্র, অথারোহী
 যোদ্ধা ॥
 রাজই ৩১। বিরাজ করে ॥
 রিসঅ ২। প্রেম করে ॥
 রুঅ ৪২। রূপা ॥
 রুথের ২। গাছের। রুক > রুক্থ >
 রুথ ॥
 রুদ্ধেলা ৭। রোধ করা হল ॥
 লক্খণ ১৫। লক্ষণ ॥
 লড় ৪২। দুধের সর ॥
 লাক ১০। নগ্ন ॥

লেপ ৪। লেপন ॥
 লেই ১২। নিই। নাও ॥
 লোঅ ৫। লোক ॥
 শশধর ২৭। ঠাট। <শশধর ॥
 শাস্ত্র ১১। শাস্ত্রী। শাস ॥
 শাসন ৪৭। ভূমিদান পট্ট ॥
 শুভিনী ৩। শুঁড়ির স্ত্রী ॥
 শূণ-মেহেরী ১৩। শূণ্তারূপ মহিলা-
 মহল ॥
 শবরালী ৫০। শবরগিরি ॥
 বায়ান্ন ৩৩। প্রবেশ করে ॥
 <সমায়ান্তি ॥
 বিআলা ৩৩। শেফাল ॥
 বোহই ৪৩। শোভা পায় ॥
 সঙ্গ-সম্বন্ধ ১৫। স্ব-সংবেদন ॥
 সঙ্কেলিউ ১৫। সংকেতের সাহায্যে ॥
 সংঘারা ২০। সংহার ॥
 সনাইড় ২। প্রবিষ্ট ॥
 সন্তারে ৩৭। নদী পারাপার কার্ঘ্যে ॥
 সমতাজোত্র ৪৭। সমতায়োগে ॥
 সমতুলা ৫০। সমতুল্য ॥
 সমুদ্রে ৩৫, সমুদ্র ১৫। সমুদ্রে ॥
 সংবোধে ২২। সংবোধে। সংবোধেন ॥
 সক্রম বিচারে ১৫। স্বরূপবিচারে ॥
 সসক ৪১। খরগোশ ॥
 সস্রা ২। স্বস্তর ॥
 সাঅর ৪২। সাগর ॥
 সাক্ষম, সাক্ষমত ৫। সাক্ষো ॥
 সাক্ষ ১০। সাঙা ॥
 সাচ ২২। সত্য > সাচ্ > সাচ ॥
 সানে ১। ইশারায় ॥

সাদ ১২। শব্দ ॥
 সাদ্ধে ৩। মদ খেতে ঢোকে ॥
 সিঞ্চ ১৪। সোঁচে ফেল ॥
 সিষ্টি-সংহার পুণ্ডিকা ১৩। পাল
 খাটানোর ও গুটানোর মাস্তুল ॥
 সিহ ৩৩। সিংহ ॥
 সীস ৪০। শিগ ॥
 স্বঅণে ৪৬। স্বপ্নে ॥
 স্বঘাড়ি ৫০। স্বঘটিত ॥
 স্বচ্ছড়ে ১৪। অনায়াসে ॥
 স্বজ ৪। স্বর্ঘ ॥
 স্বতেনা ৩৭। স্তল ॥
 স্বন ৪৪। শূণ ॥
 স্বনা পাস্তর ১৫। শূন্য প্রাস্তর ॥
 স্বহুপাথ ১। শূন্যপক্ষ ॥
 স্বরঅ ১২। স্বরত ॥
 স্বহে ৩৬। স্বথে ॥
 সোণ ৪২। স্ববর্ণ ॥
 সোস্তে ৩৮। স্রোতে ॥
 স্বমোহে ৩৫। আপনমোহে ॥
 হরিআ ৬। হরিণ (সম্বোধনে) ॥
 হসই ৫৬। হাসে ॥
 হাক ৬। হাঁকডাক ॥
 হাঁউ ৩৫। আমি ॥
 হিঅহি ৬। হৃদয়ে ॥
 হঞ্চল পাঞ্চল ২১। হাঁচড়-পাঁচড় ॥
 হিঙই ২৮। ঘুরে বেড়ায় ॥
 হেঞ্চে ৫০। হিয়ায় ॥
 হোস্তি ২২। হয় ॥
 হোহ ৬, হোহি ৪২। হও ॥
 হোহিসি ২৩। হয়ো। <ভবিষ্যসি ॥

॥ ग्रहणणी ॥

हरप्रसाद शास्त्री—हाजार বছरेर पुराण बाङ्गलाभावाय बौद्ध गान ओ मोहा । द्वितीय संस्करण । बङ्गीय साहित्य परिषद्, कलिकाता ॥

डः सुनीतिकुमार चट्टोपाध्याय—Origin and Development of the Bengali Language । कलिकाता विश्वविद्यालय ॥

डः मुहम्मद शहीदुल्लाह्—Buddhist Mystic Songs । ढाका विश्वविद्यालय ॥

डः प्रबोधचन्द्र वागची—१ । Materials for a Critical Edition of the old Bengali Caryapada (A Comparative Study of the text and the Tibetan translation) Part I, Journal of the Department of Letters. Vol XXX, Calcutta University ॥

२ । Dohakosa, Journal of the Department of Letters, Vol. XXVIII, Calcutta University ॥

डः नीहाररञ्जन राय—बाङ्गालीर इतिहास । आदि पर्व ॥

डः अरविन्द पोद्दार—मानवधर्म ओ बाङ्गलाकाव्ये मध्यायुग ॥

डः सुकुमार सेन— १ । चर्यागीतिपदावली ॥

२ । Index Verborum of the old Bengali Caryapada Songs and fragments, Indian Linguistics, Vol. IX, Calcutta ॥

३ । Old Bengali Texts or Caryagitikosa, Indian Linguistics. Vol. X. Calcutta ॥

४ । प्राचीन बाङ्गला ओ बाङ्गाली । विश्वविद्यासंग्रह ग्रन्थमाला । विश्वभारती ॥

मणीन्द्रमोहन बसु—चर्यापद । कलिकाता विश्वविद्यालय ॥

डः रमेशचन्द्र मजुमदार—History of Bengal (Edited volume), Dacca University ॥

किन्तिमोहन सेन—भारतेर साधना ॥

—चिन्मय बङ्ग ॥

रबीन्द्रनाथ ठाकुर—मातृदेवेर धर्म ॥

डः शशिभूषण दाशगुप्त—Obscure Religious Cults ॥

अतीन्द्र मजुमदार—मध्या भारतीय-आर्य भाषा ओ साहित्य । भाषातन्त्र ॥

“नबाङ्ग” । त्रैमासिक साहित्यपत्रिका—चतुर्थ वर्ष । प्रथम संख्या, १७७१ ॥

॥ অতীন্দ্র মজুমদার ॥

॥ মধ্য ভারতীয়-আৰ্য ভাষা ও সাহিত্য ॥

। পরিমার্জিত ও পরিবর্ধিত ৪র্থ সংস্করণ ।

১১'০০

আনন্দবাজার
পত্রিকা

এটি একটি তথ্যবহুল স্থলিখিত গ্রন্থ । এগ্রন্থ বিশ্ববিদ্যালয়ের ছাত্র-ছাত্রীদের যথেষ্ট উপকারে লাগবে এ-কথা অনস্বীকার্য । লেখক পালি, প্রাকৃত ও অপভ্রংশ ভাষার বিভিন্ন বিষয় নিয়ে বিস্তৃত আলোচনা করেছেন ; আলোচনাগুলি নির্ভরযোগ্য ।.....

সংস্কৃত থেকে পালি ও প্রাকৃতের এবং প্রাকৃত থেকে আধুনিক ভারতীয় ভাষাগুলির উৎপত্তি হয়েছে, এটা মোটামুটি জানা কথা । কিন্তু এই ভাষা বিকাশের ধারাটি সহজ করে সিস্ত্রাস্ত্র পড়ুয়াদের সামনে মেলে ধরার মতো কোনো সংক্ষিপ্ত বই এতদিন হাতের কাছে ছিল না । অতীন্দ্র মজুমদারের এই বই সেই অভাব সার্থকভাবে দূর করেছে । এই বই পড়ে ভালো লাগল এই কারণে যে, বিষয়বস্তুর সঙ্গে সঙ্গে বইএর পরিবেষণাও হৃদয় হয়েছে । লেখক কবি, তাঁর ভাষা ও প্রকাশভঙ্গি তাই এমন সরস শুদ্ধ ও সাহিত্যগুণান্বিত হয়েছে ।.....

যুগান্তর

দেশ

মধ্যযুগীয় আৰ্যভাষা ও সাহিত্যের অন্তর্ভুক্ত পালি প্রাকৃত ও অপভ্রংশের উৎপত্তি, ক্রমবিকাশ এবং তাদের বৈশিষ্ট্যগুলি লেখক আলোচ্য গ্রন্থে বিশ্লেষণ করে একদিকে যেমন ভাষা ও সাহিত্যের ঐতিহাসিক ক্রমটি ব্যাখ্যা করেছেন, অপর দিকে তেমনি তির্যক অথচ বলিষ্ঠ মনোভঙ্গির দ্বারা নিষ্ঠাবান গবেষকের মতো ভাষা ও সাহিত্যের পরিণতিকে স্থনিপুণ ভাবে ফুটিয়ে তুলেছেন ।

। ছন্দ ও অলঙ্কার । ২'৫০ ॥

।.....অতীন্দ্রবাবুর হস্ত কবিভাষা বইখানায় পঠনস্বাদিষ্ঠতা এনে দিয়েছে ।

—পরিচয় ॥

নয়া প্রকাশের প্রবন্ধ ও গবেষণা পুস্তক :

ভাষাতত্ত্ব—অতীন্দ্র মজুমদার

[ছরুহ বিষয়ের সহজ ও সরল আলোচনা]

নয়া বাঁধাই ৮'০০। লাইব্রেরী বাঁধাই ১০'০০

সাহিত্যতত্ত্ব—বিনয় সেনগুপ্ত

॥ প্রাচীন ভারতীয়—রবীন্দ্রনাথ—এরিস্টটল ॥

[সাধারণ পাঠক, বাংলা অনার্স ও এম. এ.

ছাত্রছাত্রীদের অপরিহার্য—বিষয়ের বিস্তৃতিকে

সংহত, সরস ও সহজ ভাবে লেখার নিদর্শন]

নয়া বাঁধাই ৪'০০। লাইব্রেরী বাঁধাই ৫'০০

অতীন্দ্র মজুমদারের অন্যান্য বই :

মধ্য ভারতীয়-আর্য ভাষা ও সাহিত্য ১১'০০

ছন্দ ও অলঙ্কার ২'৫০

অবন্তী সান্যালের :

বাংলা সাহিত্যের বৃত্তান্ত ২'০০

বাংলা সাহিত্যের গল্প ২'০০

ডঃ সতী ঘোষ ও ডঃ প্রভা রায় :

বাংলা সাহিত্যের ইতিবৃত্ত ৬'৫০

অধ্যাপক প্রিয়দর্শন সেনশর্মা :

প্রাথমিক যুদ্ধবিজ্ঞা ৪'০০

[লাইব্রেরী বাঁধাই] ৪'৮০

॥ নিত্য বিচিত্র
এছ প্রকাশ কেন্দ্র ॥



নয়া প্রকাশ
২০৬ বিধান সরণী ॥ কলিকাতা-৬য়

যুক্তি ও সংবেগ
বিচার ও বিস্তার
মনন ও হৃদয়ের
হৃৎস্পর্শ সম্বন্ধে

অতীন্দ্র মজুমদারের

শ্রবক গ্রন্থগুলি
তথ্য ও তত্ত্ব যেমন গভীর
সবস ও মধুর রচনাভঙ্গীতে
তেমনি প্রাঞ্জল ॥
বিজ্ঞানীক বুদ্ধি ও কবির হৃদয়
দিয়ে বচনা

চর্চাগদ

শ্রয়োজনে ও রসসম্ভোগে
অদ্বিতীয় ॥
প্রতিষ্ঠিত আধুনিক কবির হাতে
প্রাচীনতম বাংলাকাব্যের
আলোচনা
এই প্রথম ॥.